

خالد حسین
ਬਲਿਦ ਹੁਸੈਨ

بلدی برف دا سیک

ਬਲਦੀ ਬਰਫ਼ ਦਾ ਸੇਕ



بلدی برف داسیک

(چوٹیاں پنجابی کہانیاں)

ਬਲਦੀ ਬਰਫ਼ ਦਾ ਸੇਕ
(ਚੋਟਵੀਆਂ ਪੰਜਾਬੀ ਕਹਾਣੀਆਂ)

خالد حسین

- ☆ سبھے حق را کھویں (c)
- ☆ کتاب: بلدی برف داسیک (کہانیاں)
- ☆ کہانی کار: خالد حسین
- ☆ کمپیوٹر کمپوزنگ:
- ☆ دلیپ کمار شرما، بھاکا گرافکس، یوٹانگر، پلوڑا جموں توئی (جے اینڈ کے) انڈیا
- ☆ سرورق:
- ☆ بیبا بلونت - گورداسپور (پنجاب)
- ☆ تعداد: اک ہزار
- ☆ چھاپن ورہا: 2005
- ☆ چھپائی:
- ☆ پرنٹ ویل، 146/147 - انڈسٹریل فوکل پوائنٹ - امرتسر (پنجاب) انڈیا
- ☆ فون: 0183-2587036
- ☆ ملھ: Rs. 150/-
- ☆ ناشر:
- ☆ ذاکر پبلی کیشنز - 246 - محلہ اُستاد، جموں توئی (جے اینڈ کے) انڈیا
- ☆ کتاب ملن دا پتہ:
- ☆ ذاکر پبلی کیشنز - 246 - محلہ اُستاد، جموں توئی (جے اینڈ کے) انڈیا
- ☆ فون: 0191-2543031 - موبائل: 09419183485
- ☆ امروز کتب - عصمت منزل - موتی بازار، مالیر کوٹلہ (پنجاب) انڈیا
- ☆ فون: 01675-263663

دونواں پنجاباں دے

ادیباں، شاعراں تے فنکاراں

دے ناں

جیہڑے سیاسی رسیاں نُوں توڑ کے

آپوچ گلوکڑیاں پاؤناں

چاھندے نیں

ایدوں ودھ کے ہو رکیہ دُکھ ہوسی تیری اکھ اتھے میری اکھ " او تھے

ٹُٹے دِلاں دا رکیہ شُمار کرے کئی لکھ اتھے کئی لکھ او تھے

کیہو جیہا اُجاڑیا آہلناں نی کوئی لکھ اتھے کوئی لکھ او تھے

(احمد راہتی)

اپنے نگھے مِتر
تے اوکھے ویلے دے یار
تاج محی الدین
دی نذر

سیانیاں دا کہنا۔ سرمتھے

صفحہ

7	☆ خالد حسین، پنجابی کہانی دا اسلوب گر۔ فخر زماں
9	☆ خالد حسین دیاں کہانیاں۔ ڈاکٹر ستندر سنگھ نور
14	☆ خالد حسین جیون، سہت تے ’بلدی برف داسک‘۔ پرتپال سنگھ بیتاب
22	☆ پنجابی دا جیونت کہانی کار۔ خالد حسین۔ ڈاکٹر وریام سنگھ سندھو
24	☆ خالد حسین کا مطلب۔ ڈاکٹر اگنی شکھر
26	☆ قلم قتلے۔ ادبیاں تے سوجھواناں دی رائے
32	☆ ’’کہے حسین فقیر سائیں دا‘‘۔ خالد حسین ولوں

<u>صفحہ</u>	<u>کہانیاں:</u>	<u>صفحہ</u>	<u>کہانیاں:</u>
48	2۔ اشتہاراں والی حویلی	39	1۔ کوار گندل
67	4۔ ڈونگھے پانیاں دا دھکھ	55	3۔ حلالا
85	6۔ بیڈے دی لٹکا	74	5۔ کھونجے زلدا بچ
101	8۔ گھاہ تے چلنا منع ہے	94	7۔ بابا بیکلی
115	10۔ کندھاں ’چ لگی واسنا	107	9۔ میری چادر میرے پیر
127	12۔ اپنی جھولی اپنی اگ	121	11۔ کونہ بھئی نہ راکھ
137	14۔ ٹھنڈی کانگری	133	13۔ اڈاروسپ دا ڈنگ
147	16۔ مائے نی میں کینوں آکھاں	141	15۔ مہری
156	18۔ سکے پانیاں ’چ ڈبی جندڑی	151	17۔ بھٹکھی مجھے
173	20۔ گیت سورج دا	163	19۔ ہاتھی ڈھائی لکھ دا

صفحہ	کہانیاں:	صفحہ	کہانیاں:
187	22- پانی دیاں لیرکاں	179	21- اڈیک داقیدی
203	24- ویری	197	23- دل دیاں لگیاں
209	26- سولاں بھرے پینڈے	206	25- ابابیل دا خواب
220	28- من تن درد او لے	214	27- درد و چھوڑے دا حال
227	30- معاوضا	224	29- ضمیر دی موت
230	32- قیامت	228	31- دشمنی
234	34- پشن گوئی	231	33- بھید بھلکے
244	36- سیاست	238	35- علی بابا چالی چور
252	38- ارتھ بے ارتھ	250	37- جوار بھانا
258	40- کلاوڈ برسٹ	255	39- راج سنگھاسن ڈانواں ڈول
267	42- تیریاں بے پرواہیاں داتا	261	41- گوری فضل دے سوداگر

خالد حسین - پنجابی کہانی دا اسلوب گر

پنجابی ادب دے حوالے نال خالد حسین اک وڈا ناں اے۔ میں اوہناں دیاں لکھناں گچھ رسالیاں اندر پڑھیاں سن تے بہت متاثر ہو یا ساں۔ ہُن اوہناں دیاں سُکھنیاں کہانیاں دا مجموعہ پڑھ کے میں اوہناں دے کرافٹس مین شپ دا قائل ہو گیا ہاں۔

خالد ہو ری کہانی بڑے سلیقے نال لکھدے نیں۔ دل کچھویں ڈکشن، جیہڑی لفظ لفظ ویسب، رہتل تے کلچر وچ گہری رنگی ہوئی اے۔ اوہناں دے اُلکے ہوئے کردار، آپسی کشش، پاتراں دی نفسیات تے کہانی دے پلاٹ، اوہناں دی لکھت نوں منفرد بناندے نیں۔ اوہناں دی چھاپ اپنی گہری اے کہ تہانوں پتہ چل جاندا اے کہ ایہد لیکھک خالد حسین اے۔

اُنج تے ”بلدی برف داسیک“ وچ بہت خوبصورت تے اُچے معیار دیاں کہانیاں نیں، پر ”حلالہ“، ”کوار گندل“، ”ڈونگھے پانیاں دا دکھ“ تے ”اڈیک دا قیدی“ بہت عمدہ کہانیاں نیں تے اوہناں دا مقابلہ کسے وی وڈی زبان دی کہانی نال کیتا جاسکدا اے۔

کتاب دا عنوان ”بلدی برف داسیک“ اپنے اندر ہزار معنی لکائی ہوئے اے۔ برف دا بلناتے سیک..... اوس چیز دا جیہڑی ماحول نوں فریز کرن

دی علامت اے۔ اوہداتپش دا وسیلہ بننا اک ایسی علامت جس دے پچھے اتہاس، سماجیات تے سیاسیات دا اک پورا منظر نامہ اے۔ کتاب وچ جگہ جگہ ایسیاں سینماں ملدیاں نیں، جیہڑی اک پوری بیک گراؤنڈ دیاں حامل نیں۔ ایہہ سب کجھ خالد حسین دے وسیع مطالعے، تجربے تے مشاہدے دی دلیل اے۔

میں خالد حسین نوں ملیا تے مینوں اوہ اک بہت مخلص، محبت نال بکوبک سگوں دندو دند بھرے تے درویش صفت شخصیت لگے۔ جد میں کتاب دے شروع وچ اوہناں دا نوٹ پڑھیا تے میرے تجربے دی تصدیق ہو گئی..... خالد حسین اک سچا ادیب ہے..... کمٹ منٹ تے انٹیکٹیو تے لگن دا استعارہ اے۔ مینوں یقین اے، اوہناں دیاں لکھتاں پنجابی کہانی وچ نویاں وشاواں تے سمتاں دا تعین کرن کیں۔ پنجابی کہانی کاری دے فن نوں خالد حسین دی شکل وچ اک اُچ پائے دا ادیب ملیا اے، جس دیاں تحریراں نے پنجابی ادب دی چنگیر بھرے، واشنانال بھرے تے کئے ہی موسماں تے سمیاں تک نشیو واں دین والیاں پھلاں نال بھرتی اے۔

فخرزماں

لاہور، پاکستان

ناول نگار تے شاعر

سابقہ وزیر تے سابقہ چیرمین، پاکستان اکادمی آف لیٹرز

سابقہ چیرمین، نیشنل کمیشن آن ہسٹری اینڈ کلچر

چیرمین ورلڈ پنجابی کانگریس

خالد حسین دیاں کہانیاں

خالد دے کہانی سگرہ ’’بلدی برف داسیک‘‘ وچ اوس دیاں 40 دے قریب چھ نویاں کہانیاں ہن۔ جموں کشمیر دی کہانی دا انداز ساہڈی باقی کہانیاں توں وکھرا ہے تے ایس ایس دی پہچان خالد حسین دیاں کہانیاں توں بھلی بھانت ہو جاندی ہے۔ جموں کشمیر دی پرکرتی دی سندرتا (قدرتی رفقری خوبصورتی) اوس دیاں کہانیاں وچ کتے بیان دے روپ وچ اُگڑ دی ہے، کتے اوہدے پمب آوندے ہن تے کتے پرتیک (علامت)۔ اہ بیان اوس دی کہانی توں سندرتا وی دیندا ہے تے ڈوگھائی وی۔ اوس نے جدوں پاتراں دامنو وگیان (نفسیات) پیش کرنا ہوندا اے تاں اوڈوں وی ڈوگھئی طرحاں پرکرتی نال جویا ہوندا ہے۔ جدوں اوس نے اپنیاں ناکا نواں (زنانہ کرداراں) دی سندرتا، اوہناں دی ستھتی (حالت) جاں کام دیگ (دانشا) توں بیان کرنا ہوندا ہے تاں اوڈوں وی اہ پرکرتی نال اک مک ہوندا ہے۔ ایوں اہ انہاں کہانیاں وچ ایہوجیہا کہانی کار ہے جس دیاں کہانیاں وچ پرکرتی تے بھیتا چار جاں سانج توں دکھ نہیں کیتا جاسکدا۔

اوس دیاں کہانیاں دی کلا بارے اوس دی کہانی ”کھونجے رُلدا سچ“
 دا اہ کتھن سبھ توں پہلاں لیناں چاھندا ہاں :

”میں کہانی ٹوٹیاں وچ لکھناں پسند کرنا واں۔ کیوں جو میں ٹوٹے جوڑن وچ
 ماہر ہاں۔ اہ کہانی وی میں ٹوٹیاں وچ بیان کر رہیہا ہاں۔ تئیں یقین کر لو کہ اہ
 ٹوٹے خوبصورتی نال جوجان گے تے کہانی بن جائے گی۔“

خالد حسین ایس کہانی ٹوٹیاں شروع کر دا ہے۔ اوس نے ایس کہانی
 دی ودھی (تکنیک) بارے جو گل آکھی ہے اہ مینوں کیول (صرف) اوس دی
 کہانی بارے نہیں جا پدی سگوں اوس نے اہ گل آکھ کے ساہنوں اپنی کہانی دی
 ودھی دا بھیت دیا ہے تے اسیں جدوں اوس دیاں دوجیاں کہانیاں وی
 پڑھدے ہاں تاں بہتیاں اسے ودھی وچ ہی چل دیاں ہن۔ اہ ٹوٹیاں وچ مکھ
 (خاص) کہانی نال جویاں چھوٹیاں کئی گھٹناواں لیندا ہے تے اوہناں ٹوٹ
 بڑے کلامی (فنکارانہ) ڈھنگ نال جوڑ دا ہے۔ ایس وچوں اوس دی کہانی دا
 آرٹ بن دا ہے۔ اہ ٹوٹے جوڑن لکیاں اہ وادھو و ستھار (تفصیل) توں بچ
 جاندا ہے۔ اسے لئی اوس دی کہانی بیان دے باوجود سنجم (ضابطے) وچ بھجی
 ہوندی ہے۔ کہانی دے ایس آرٹ وچ اہ کہانی دلچسپ ہووے، ایس دا اہ
 بہت خیال رکھدا ہے۔ اوس نے ٹوٹیاں ٹوٹ خوبصورتی نال جوڑن دی جو گل کیتی
 ہے اوس توں اوس دی کہانی دی اک ہو رگل دا پتہ لگدا ہے۔ ٹوٹے مول طور
 تے کویتا (نظم) وچ جوڑ دے ہن تے جدوں اہ ایس ودھی ٹوٹ کہانی وچ لیندا ہے
 تاں اوس دی کہانی کاوک (نظمیا) انداز دے بہت نیڑے ہو جاندی ہے۔
 اوس دا انداز پرکیتگ (گیت ورگا) جان سرودی (موسیقی ورگا) ہو جاندی ہے۔
 ایس مطابق ہی اوس دی کہانی دی بولی ہوندی ہے۔ اہ اپنی کہانی وچ ودھیرے

گنجل دار، بودھک (عالمانہ) جاں بھارے شہداں دی ورتوں نہیں کردا۔
 اسے لئی اوس دی زبان وچ اک کھج پیدا ہو جاندا ہے۔ اُہ اپنے ولوں وی جو
 بھاشا ورتدا ہے، اوس دا انداز بول چال والا ہوندا ہے۔ جیویں اوپر دتیاں
 سٹراں توں وی سپٹ ہے۔ جیویں اوپر لیاں سٹراں وچ اُہ پاٹھک (پڑھیار)
 ولوں سُجیت ہے، اوہدے بیان وچ سنبو دھن (مخاطب) دی سُر ہے، ایویں ہی
 بوہتیاں کہانیاں وچ اُہ پاٹھک ولوں سُجیت رہندا ہے۔ اُہ کہانی اوس توں دُور
 جا کے نہیں سر جدا۔

اوس دیاں کہانیاں وچ پر کرتی تے سھیا چار دے جُوے ہون دی جو
 میں گل آکھی ہے، اوس دی اُدھارن (مثال) تاں اوس دیاں بوہت ساریاں
 کہانیاں لئی آکھی جاسکدی ہے، پر میں اوس دی کہانی ”کوار گندل“ دیاں
 مڈھلیاں ہی سٹراں نال تہاڈی سانجھ پاؤنا چاہندا ہاں۔

”کل رات جہڑی بھنیری جھٹکی، جہڑا جھکڑ چلیا.....“

جہڑی بجلی ڈگی..... اوس وچ تہانوں پتا اے پئی کس

کس دا گھر اُجڑ گیا۔ نہیں پتا؟..... بھلا..... تہانوں

کج پتا ہووے گا اتھے کون کسے دی سار رکھدا اے۔

اتھے تاں سارے اپنے اپنے رنگ خلپیں مست رہندے

نیں۔“

سپٹ ہے کہ کہانی پر کرتی کے بیان توں شروع ہوندی ہے۔ اوس دی
 اک ویشیتھتی (خاص حالت) توں بیان کردی ہے تے ہولی ہولی اک سماجک
 سنکٹ (سماجی مسئلہ) ول آجاندی ہے۔ اُہ پھر پاٹھک توں سنبو دھن (مخاطب)
 کرن لگدا ہے تے نال ہی سماج اُتے کٹاکھش (طنز) قائم کرن لگدا ہے۔ اہ ہلکی

جہی کٹاکش (طنز) اوس دیاں بہت ساریاں کہانیاں وچ پئی ہوندی ہے۔ اہ کٹاکش جاں ونگ کئی وار سماجک ستھی تے ہوندا ہے تے کئی واریاست تے۔ ”راج سنگھاسن ڈانواں ڈول“ تے ”سیاست“ ورگیاں کہانیاں نوں ایس روپ وچ خاص طور تے دیکھیا جاسکدا ہے۔

اوس دیاں کہانیاں وچ پرتیکاں (علامتاں) دا خاص مہتو (اہمیت) ہوندا ہے تے ایس نال اوس دی کہانی بڑیاں اندر لیاں پرتاں نوں بنا وندی ہے۔ کہانی ”اشتہاراں والی حویلی“، ”کندھاں چ لگی واشنا“، ”اُدارو سپ دا ڈنگ“، ”ٹھنڈی کانگری“، ”بابیل دا خواب“، ”جوار بھانٹا“، ”گوری فصل دے سوداگر“، دی اُدھارن ایس درستی توں خاص لئی جاسکدی ہے۔ کئی وار اہ پرتیک کہانی وچ اپنے وستھار (تفصیل) نال پھیلدے ہن کہ سمجھا چار تے سماج بارے اک ڈونگھی سوچ پیدا کر دے ہن۔ ”گوری فصل دے سوداگر“ وچ بوڑھ دا پرتیک خاص کر کے ایس گل ول دھیان دواندا ہے۔

بھانویں پرتیک اپنے آپ دے وچ ایہو جہی گل ہے جس نال کہانی دا انداز کاوک (شاعرانہ) بندا ہے، پر کئی کہانیاں تاں اپنے نانواں وچ ہی پورے کاوک انداز نال جویاں ہوئیاں ہن۔ جیویں ”کونلہ بھئی نہ راکھ“، ”مائے نی میں کیو آکھاں“، آد۔ کئی وار اوس دی کہانی کسے لوک کہانی جاں مٹھ دے انداز وچ پراگٹ ہوندی ہے۔ اوس دے اوہلے اہ اک نویں کہانی بیان کردا ہے۔ ”علی بابا چالی چور“ اوس دی ایہو جہی کہانی ہی ہے۔

خالد حسین جس سماج نوں اپنیاں کہانیاں وچ بیان کردا ہے، اوس وچ سمکالی (عصری) سماج دے پاتراں دیاں منو و گیا نک اتے سماجک کہانیاں ہن پر اوس دیاں کہانیاں پڑھدیاں اک گل ول خاص دھیان جاندا ہے..... جموں کشمیر دا

سماج، جس دیاں جڑاں کئی قسم دے ڈونگھے سماجی ورودھاں وچ ہن۔ جس دیاں جڑاں وچ fuedal قیمتاں جاں نواب کیوں عورت نال و ہار کردے سن تے اہ سبھ کجھ پر میرا وچ کیوں پیا ہے، ایس نوں اہ جان دا ہے، اتے اے تک وی اوس پچھو کڑ چوں کیہڑیاں قدر اں قیمتاں بنیاں ہن، اوس نوں اہ بوہت داری اپنیاں کہانیاں وچ پیش کردا ہے۔ کہانی ”حلالہ“ وچ اہ راجاں دی ستھٹی نوں نواب اتے اوس دے مایاں دے سندر بھ (تعلق) وچ جیویں بیان کردا ہے، اہ گل اوس سماج دیاں جڑاں دے گیان چوں ہی آوندی ہے تے ایوں اہ اوس سماج دے ستھارتھ (سچائی) دا ڈونگھا گیان رکھدا ہے۔

ایوں خالد حسین دیاں اہ کہانیاں جموں کشمیر دے ساہت دیاں پرتی بندھ (نمائندہ) کہانیاں ہن تے جے ویکھیا جاوے تاں اوہناں دا انداز کیول باقی پنجابی کہانی وچ ہی وکھرا نہیں بن دا سگوں سچی بھارتی تے پاکستانی کہانی وچ وی وکھرا بن دا ہے۔ اوس دی ایس ولکھنتا (وکھرا انداز) بارے کہانی وچ ویتھار نال چرچا کرن دی لوڑ ہے۔

ستند رستھ نورا (ڈاکٹر)

دلی یونیورسٹی۔ دلی۔

خالد حسین۔ جیون، ساہت اتے ”بلدی برف داسیک“

ریاست جموں و کشمیر دے صوبہ جموں وِچ ڈوگری، گوجری، پہاڑی
(پوٹھوہاری دا علاقائی روپ) دے علاوہ پنجابی زبان وی عام طور تے بولی
جانندی اے۔

ڈوگری تے گوجری بولن والے لوکی مخصوص علاقائی اتے نسلی گروہاں
نال تعلق رکھدے ہن۔ پہاڑی بولن والے لوکاں وِچ پوٹھ، راجوری، اُوڑی
تے کرناہ توں علاوہ جموں وِچ رہ رہے مظفر آباد، میرپور، پوٹھ و غیرہ توں
1947ء وِچ آئے ہوئے ہندو سکھ شرنارتھی و غیرہ شامل نیں۔

ریاست وِچ پہاڑی بولن والے ہندو تے مسلمان ایس اُپ بھاشائوں
..... بھاشا اتے ایس دے بولن والیاں ئوں اک مخصوص علاقائی گروہ منوانا
چاہندے ہن۔ جد کہ ایس اُپ بولی ئوں بولن والے زیادہ تر سکھ (راقم
الحروف سمیت) اپنی مادری زبان پنجابی ہی مندے ہن۔

خالد حسین بنیادی طور تے صوبہ جموں دے ضلع اُدھمپور دے علاقے
نال سمبندھ رکھدے ہن۔ ایس علاقے وِچ ہندو مسلمان لوک وسدے ہن اتے

خُندھ ڈوگری بولدے ہن - 1947ء دے فساداں وِچ خالد دے والد، دادا جی، دو چاچے تے دو بھرا قتل کر دتے گئے تے باقی دا پر یوار بچدے بچاندے جموں آگیا اتے ایتھے اُستاد محلے وِچ اوہناں نے مستقل قیام کر لیا۔

جموں شہر دے محلّہ اُستاد، پیر مٹھا، محلّہ دلپتیاں، تالاب کھٹیرکاں، آد وِچ مسلمان لوکی کافی گنتی وِچ 1947ء توں پہلاں توں وسدے آرہے ہن۔ اہ لوکی جموں دے آس پاس توں اتے کجھ کُو پنجاب چوں آکے ایتھے وس گئے ہن۔ جموں شہر دے مسلماناں دی خاصیت اہ رہی ہے کہ اہ بھانویں ڈوگری بولن والے تے بھانویں گوجری، پہاڑی بولن والے علاقیاں چوں آکے جموں وِچ وسے ہون، ایتھے وسن مگروں ایہناں لوکاں دی بھاشا پنجابی ہی ہو جاندی رہی اے۔ اہ لوک بڑی سوہنی مٹھی اتے خُندھ پنجابی بولدے ہن۔ کجھ سیالکوٹ، لاہور، امرتسر وغیرہ علاقیاں نال میل جول عام ہون کر کے وی اہ لوکی پنجابی بولن اتے اپنے آپ نوں پنجابی سداون وِچ فخر محسوس کر دے رہے ہن۔

خالد حسین بے شک اُدھمپور دے ڈوگری علاقے چوں جموں آئے پر ایتھے محلّہ اُستاد دے پنجابی سھیا چارک (ثقافتی) ماحول وِچ آپ دی پرورش ہوئی۔ اتے ایس طرحاں اہ پنجابی بولدے، سُن دے، پڑھ دے، لکھ دے ہوئے وڈے ہوئے۔

جموں کشمیر وِچ جدید پنجابی کہانی دا اتہاس لگ بھگ اوناں ہی پُرانا ہے جتاں اہ پُوربی پنجاب وِچلی نویں پنجابی کہانی دا ہے۔ 1947ء دے ایڑگیڑ توں ہی پروفیسر پریم سنگھ تے پروفیسر سیوا سنگھ آدنے نیکی کہانی پنجابی وِچ لکھنی شروع کر دتی سی۔ بعد وِچ دُوجی پود دے رُوپ وِچ کنول کشمیری، گورچرن سنگھ گلشن، خالد حسین، ہربھجن سنگھ ساگر، سرن سنگھ اتے بھوپندر سنگھ سُون آدسے

کڈھ کہانی کار ہو کے ابھر دے ہن۔ ایہناں وچوں خالد حسین اتے ہر بھجن سنگھ ساگر نے خاص طور تے اپنے مخصوص کلاکوشل (فنکارانہ اسلوب) دی وجہ نال خاصی شہرت حاصل کیتی۔ اہ دونویں کہانی کار جموں کشمیر توں باہر دے پرچیاں وچ وی چھپدے آرہے ہن۔ دونویں پنجابی توں علاوہ اُردو وچ وی کہانی لکھدے رہے ہن اتے اُردو پرچیاں وچ وی چھپدے رہے ہن۔ بنیادی طور تے دونویں پنجابی دے کہانی کار ہی ہن اتے اسے وجہ نال انہاں نوں پرسدھی (شہرت) دی پراپت ہوئی اے۔

خالد حسین دیاں ہُن تک پنجابی وچ تن کتاباں چھپ چکیاں ہن۔ جنہاں وچ پہلی ”تے جہلم وگدار ہیا“ شاہ منکھی یعنی فارسی لہجی وچ ہے اتے ایس وچ 26 کہانیاں ہن۔ ”گوری فصل دے سوداگر“ اتے ”ڈونگھے پانیاں دا دُکھ“ گور منکھی لہجی وچ ہن اتے انہاں وچ ترتیب وار 17 تے 26 کہانیاں ہن۔ ایس دے علاوہ ”ٹھنڈی کاکڑی کا دُھواں“ تے ”اشتہاروں والی حویلی“ آپ دے اُردو کہانیاں دے سگرہ ہن۔

خالد حسین نے بچپن توں جوانی تک دا سفر بڑے اوکھے مرحلیاں وچوں ہندیاں ہو یاں طے کیتا ہے۔ ایس دوران آپ دے حساس من نے اپنے آلے دوالے گھٹن والیاں سماجی، سیاسی اتے معاشی گھٹناواں نوں بڑی باریک بینی نال محسوسیا ہے۔ 1947ء دے گھلو گھارے وچ اپنے پر یوار تے آئیاں اوکڑاں توں لے کے زندگی دیاں اوکھیاں گھانیاں نوں طے کرن دے سفر دوران آپ نے پل پل جھن جھن نوں بڑی گہرائی تے گیرائی نال جویا ہے۔ زندگی دیاں کوڑیاں سچائیاں نوں آپ نے بڑے نیڑیوں دیکھیا ہے اتے اپنے اندروں انہاں نال ٹپن دے طریقے وی پیدا کیتے ہن۔ یعنی سنگلاخ زمیناں تے

اپنے سفر نوں خالد نے اس کامیابی نال طے کیتا ہے کہ نتیجتاً جت نوں دیکھ کے یقین کرنا مشکل ہو جاندا اے کہ اہ سبھ خالد نے اپنی کامیابی نال کر لیا ہوئے گا۔ اتھے مینوں اپنا اک شعر خالد دے تعلق نال یاد آ رہیا ہے۔

حیران خود بھی ہوں کہ یہ میرا کمال ہے

رکن آندھیوں میں جلتا رہا ہے دیا میرا

ظاہر ہے کہ اپنے حساس دل دامالک منگھ جدوں کہانی کار بنے گا تاں یقیناً اوس دیاں کہانیاں زندگی دیاں کھٹیاں مٹھیاں، کوڑیاں حقیقتاں دیاں حامل ہوں گیاں۔ لہذا خالد حسین دیاں کہانیاں وچ آ لے دوالے اتے دُور دریڈے واپرن والیاں اوہناں تمام گھٹناواں دیاں پرچھائیاں نظر آوندیاں ہن جیہڑیاں کہ اک حساس من نوں جھنجھوڑ سکے دیاں اہل ہون۔ اپنیاں کہانیاں دوارا خالد نے اہ سبھ کجھ اپنے سماج نوں فکا رانہ اتے پُچھے ڈھنگ نال واپس پرتایا ہے جو کجھ سماج نے اُس نوں تجربیاں، حادثیاں اتے امتحاناں رائیں دتا سی۔ اتھے مرحوم ساحر لدھیانوی دا اہ شعر یاد آ رہیا اے۔

دُنیا نے تجربات وحوادث کی شکل میں

جو کچھ مجھے دیا ہے وہ لوٹا رہا ہوں میں

خالد دے نجی اتے کہانی دے جیون سفر نوں دیکھیا جائے تاں غالب دا

نمن لکھت (پٹھہ درج) شعر جیونت ہندا جا پدا ہے۔

بہ وادی کہ در آں خضر را عصا نختست

بہ سینہ می سپرم راہ گر چہ پا نختست

’جتھے‘ ’بیڈے دی لنکا‘ ورگیاں کہانیاں وچ خالد حسین نے 1947ء

دے گھلو گھارے وچ آہت (مناثر) ہوئے لوکاں دے، اتے 1947ء دے

بعد دی زندگی دے احساساں نوں زندہ جاوید کیتا ہے او تھے ہی 1947ء دے بعد پیدا ہون والیاں نویاں نسلاں دے بدلے ہوئے نوں روئیاں پر تہی نما ہما رُوہ بھریا طنز وی کیتا ہے۔ سماج وچ وقت نال بدلے رشتیاں اتے وقت نال بدلے ہوئے سماج دے منظر نامیاں دا اِس طرحاں دیاں کہانیاں وچ بہت سندر چترن ملدا اے۔

’کو ارگندل‘، اتے ’’حلالہ‘‘ ورگیاں کہانیاں وچ گھریلو رشتیاں وچ اندر خانے پیندیاں تریڑاں اتے اندر اندر تریڑاں تے پوچے مارن دے عمل دے سماجک رشتیاں تے پیندے سدھے پٹھے ڈینگے ٹیڈھے اثر نوں درسایا گیا ہے۔ ایسیاں کہانیاں وچ سدھے طور تے سماجک ضابطیاں اتے اخلاقی فریضیاں نال وابستگی دا درس وی ملدا ہے۔ بہر حال اہ کہانیاں زندگی دیاں ہو بہو آئینہ دار ہن۔

خالد حسین نے سماج ولوں ملے زخماں اتے ہمدیاں بے انصافیاں دے کارن سماج وچ بغاوت دا کوئی جھنڈا نہیں بلند کیتا سگوں اپنے رُوہ نوں بڑے ضابطے ٹھرے اتے بچتا نال اپنیاں ادبی تخلیقاں یعنی کہانیاں راہیں پرگٹ کیتا ہے۔ بہت ساریاں کہانیاں وچ دا پر تہی کرم (رو عمل) بڑے سوہنے کلا تمک ڈھنگ نال نظر آوند ا ہے..... ’’کھونجے زلدا سچ‘‘، ’’مہری‘‘، ’’گوری فصل دے سوداگر‘‘ اِس سندر بھ وچ خاص طور تے پڑھن یوگ کہانیاں ہن۔

خالد حسین کول با محاورا، سوہنی، بچی سنوری، پھلاں بھری چنگیر ورگی پنجابی بھاشا ہے۔ جیہڑی اُس نے جموں دے مُسلم معاشرے دی روزمرہ دی زندگی چوں سکھی ہے۔ حالانکہ خالد پنجابی بھاشت دے ودیارتھی کدی نہیں رہے پر اپنے کلا کوشل، اپنی محنت، اپنی باریک بینی، اپنے سکھیارتھی (سکھن والا) من

اتے ربّ ولوں ملے ادبی جوہر صدقا آپ داناں نہ کیوں پنجابی دے
 ساتھکاراں وچ اک نویکلا سٹھان رکھدا ہے۔ سگوں بھاشا دے خُدا اُچارن
 اتے لیکھن صدقہ الوچنا تمک (تنقیدی) اتے پرکھ پڑچول کرن والیاں حلقیاں
 'وچ وی آپ دا اک نویکلا سٹھان ہے۔

خالد حسین جس باریکی نال سماجک گھٹاواں نوں دیکھدے تے محسوس
 کر دے ہن، اُس وستھار نال اہ کہانی وی کہندے ہن۔ اس طرحاں خالد دی
 کہانی پُرانے داستانی رنگ دی اک بڑی سُندر مثال بن جاندی ہے۔ تھیں
 (امور و معاملات) نوں احساس دی شدت نال گرہن کرن تے فیئر express
 کرن دی اک بہت ہی سُندر مثال کہانی 'اُستھاراں والی حویلی' وچ ملدی
 ہے۔ اس کہانی رائیں سفید پوش لوکاں دی اصلیت اتے سماج وچ اپنے آپ
 نوں بنائی رکھن لئی جاری چنگے ماڑھے سنگھرش دا بیان بہت اچھے طریقے نال کیتا
 گیا ہے۔ نویں سماج، نویں تہذیب دی اک خاصیت اہ دی ہے کہ اتھے کسے نوں
 کسے توں شرم محسوس کرن دی فرصت ہی نہیں۔ مصروفیتاں ہی ایسیاں ہن کہ آدمی
 پچھلے قدم نوں بھُل بھلا کے چھیتی توں چھیتی اگلا قدم پُٹنا چاہندا ہے۔ اپنے انداز
 دی اہ اک بہت ہی کامیاب کہانی ہے۔

کہانی 'ڈونگھے پانیاں دا دُکھ' اشارے کنائے اتے علامت دوارا
 گل کرن دی اک بڑی سونہی مثال ہے۔ اس کہانی وچ کتے کتے گیتا گیان اتے
 کتے کتے اوشو درشن دے پرچھانویں ملدے ہن۔ بھارتی فلسفے وچ گوڑھی دلچسپی
 درساوندی اہ کہانی رادھا کرشن دے یگاں یگاں توں وچارا دھین رہے سماجی
 اتے روحانی رشتے دی اک نویں سریوں پڑچول کردی ہے۔ اہ کہانی وی خالد
 دیاں بہترین کہانیاں وچ شامل ہے۔

”تیریاں بے پرواہیاں داتا“، ”ابابیل دا خواب“، اڈاروسپ
 دا ڈنگ“، ”گھاہ تے چلنا منع ہے“، ”کندھاں وچ لگی واشنا“، ”گیت
 سورج دا“، ”درد وچھوڑے دا حال“ اتے ”من تن درد او لے“ ورگیاں
 کہانیاں بے شک الگ الگ قسم دے سائیک اندولناں ویاں کسے نہ کسے طرحاں
 سوچک (دس پان والا، اطلاع دین والا) ہن پر اصلیت تاں اہ ہے کہ خالد
 حسین کسے تحریک، کسے واد (تحریک) کسے وواد (مخالف تحریک) دے قیدی
 نہیں بنے۔ اتے کہانی جس طرحاں اوہناں دے رستے وچ آئی اوہناں نے
 اُسے طرحاں کہہ دی۔ پر تھک واد (حقیقت پسندی) خالد حسین دی کہانی دا وڈا
 گن ہے۔ پر خالد پر تھک واد دے وی پیر وکار بن کے نہیں رہ گئے۔ میرا خیال ہے
 کہ اہ ساحر لدھیانوی دے پیٹھ دتے شعر دے مول ت (بنیادی عنصر) توں بھلی
 پرکار جائوں ہن۔

وہ فلسفے جو ہر اک آستاں کے دشمن تھے
 عمل میں آئے تو خود وقف آستاں نکلتے

خالد حسین پنجابی سائیک دا اک پرتی شیت (نمائندہ تے نیا پر نیا) کہانی
 کار ہے۔ اک پرمانت تے سٹھاپت ناں ہے۔ بھارت وچ وی اتے پاکستان
 سگوں پر واسی پنجابیاں وچ وی آپ دی کھیاتی (شہرت) و دمان (جگ ظاہر)
 ہے۔ اس توں علاوہ اُردو وچ شمس الرحمان فاروقی صاحب دے پرچے ”شب
 خون“، سردار جعفری مرحوم دے پرچے ”گفتگو“ دے علاوہ شاعر (بہمنی)،
 اوراق، سطور، آجکل (دہلی)، الفاظ (علی گڑھ) تے ہور کئی اُچ پد دے
 اُردو رسالیاں وچ آپ ویاں کہانیاں چھپ چکیاں ہن۔ میں نہیں سمجھدا کہ
 آزادی گروں دے پنجابی سائیک دا اتھاس کہانی کار خالد حسین دے ذکر پنا

پورا تے مکمل ہو سکدا ہے۔ خالد اے کہانی لکھ رہے ہن۔ سفر جاری ہے اتے
 اے خالد نال ہو روی بہت ساریاں اُمیداں ساہنگ حلقیاں نے وابستہ کر
 رکھیاں ہن۔ اُمید ہی نہیں بلکہ یقین ہے کہ اہ اگوں وی اپنے پاٹھکاں نوں مایوس
 نہیں کرن گے۔ ”بلدی برف داسیک“ داساہت سنسار وچ سواگت ہے۔
 خالد حسین دی کہانی یا ترا دے تعلق نال اپنا اک شعر درج کر کے
 اجازت چاھاں گا۔

دریا تو ہے اک مرحلہ شوق و گرنہ
 مقصود سفر ہے کہیں اُس پار سے آگے

پر تپال سنگھ بیتاب (آئی. اے. ایس)
 اُردو شاعر تے پنجابی کھوج کار
 ’’نشین‘‘، چھنی ہمت۔ بٹو

پنجابی دا جیونت کہانی کار۔ خالد حسین

خالد حسین پنجابی دا اچھا پرتیہاوان (ذہن، قابل) تے وَلکھن
 (وکرے ڈھنگ دا) کہانی کار ہے جو ریاست جموں کشمیر وچ وسدا ہون
 کر کے ”نظروں دُور تے دِلوں دُور“ دے کتھن مطابق تاں بھانویں پنجابی
 الوچکاں ولوں گھٹ گولیا گیا ہووے پر پنجابی کہانی دے سوہر د (سنجیدہ، دلنواز)
 پاٹھکاں نے ہمیشاں اوہدی دین نُوں دِل نال لایا ہے تے اوس دی بھرپور
 سراہنا کیتی ہے۔ ہر اک نویں ملن والے بندے نُوں اپنے ملا پڑے تے محبتی
 سُہنا نال پلاں وچ ہی اپنے قریب کھچ لین والا مقناطیس۔ خالد یاراں دا ات
 پیارا ہسڈ ڈاٹے کھلنڈر ایا روی ہے تے شاہی دِل والا مہمان نواز وی..... پر
 اپنی کہانی دی نویکلی وستو تے پیش کاری دے نیارے انداز پکھوں وی اُہ پنجابی
 زبان دا انوکھا تے اِکلا کہانی کار ہے۔

اوس نے اپنیاں کہانیاں وچ زندگی، موت، محبت، رشتگی، کام، بھکھ،
 دُکھ، سُکھ، آشا، نراشا جے سدھیوی (ہر ویلے دے) ملیاں، مدعیاں تے
 جذبیاں دی گل بات پاوندیاں ہمیشاں ڈونگھی منو گیا تک (نفسیاتی) سوجھ تے

کلاسیک کلا کو شلتا (فنکارانہ اسلوب) دا پرمان (ثبوت) دتا ہے۔ پر اجیہا کردیاں ہو یاں اوس نے ریاست جموں کشمیر دے سٹھانک (مقامی) سمالی (عصری) تے سہیا چارک (ثقافتی) پر سنگھاں (حوالیاں) توں کدے وی اکھوں اوہلے نہیں کیتا سگوں ’’سچ منائے سچ کی بیلا‘‘ مطابق اہ ہمیشاں بے خوف ہو کے سسے دے سچ توں مخاطب ہو یا ہے۔ ورتمان (حال) دی گزشتہ چوں کشید ہو یاں خالد دیاں اہ کہانیاں سچی پنجابی کہانی دی ایس کر کے مولک (فطری، حقیقی) پراپتی (حصول یا بی) ہن کیوں کہ انہاں رانیں پنجابی کہانی لئی اصلوں ہی اُچھوٹے تے انجانے ایس جغرافیائی تے سہیا چارک خطے دا جیون پہلی واری بڑے بھر پور مولک تے جیونت انداز وچ پیش ہو یا ہے۔

پچھلے کئی سالاں توں وادی دے لوک دودھری دہشت تے ظلم دا شکار ہندے آرہے ہن۔ اپنے لوکاں توں لگے سیک نال پکھلے اوہدے حساس آپے دیاں پرمانک گواہ ہن۔ اپنی دھرتی دے لوکاں نال دُونگھی مانوس سانجھ پا کے رکھن والا خالد حسین رچنا تمک (تخلیق عمل) چھناں وچ، نہ کسے مذہب دا ہندا ہے تے نہ کسے ملک دا۔ خداں سر خداں وی اوس لئی کوئی ارتھ نہیں رکھدیاں۔ انہاں دے اُرار پار سارے دُکھی تے ستائے لوک اوس دے اپنے بھین بھرا ہن تے اوہناں توں دُکھ دین والے قابلِ نفرت۔ ایس ساڑھویں تے سنتا پے ماحول بارے اصلوں ہی وکھریاں کلا تمک تے چر جیوی کہانیاں لکھ سکناں، خالد دی چٹکاری پرتیہا (ذہانت) دا کمال ہے تے پنجابی کہانی دی مان یوگ پراپتی وی۔

وریام سنگھ سندھو (ڈاکٹر)

پنجابی کہانی کار۔ جالندھر

خالد حسین کا مطلب

پنجابی کے مقبول کہانی کار ہونے کے باوجود خالد حسین کو کسی خاص جغرافیائی حدود میں قید کرنا مناسب نہیں ہوگا۔

حالانکہ بات وہ جموں و کشمیر کے سماجی حالات و واقعات کی کرتے ہیں لیکن اُن کا ”سنگھرش“ اُن کے سماج کی ذیادتیوں، سختیوں اور المناکیوں کے خلاف کھڑا نظر آتا ہے۔

جو لوگ خالد حسین کو جانتے اور سراہتے ہیں اُن کو اچھی طرح اس بات کا تجربہ ہے کہ وہ فقط پنجابی کے ادیب ہی نہیں بلکہ اُس سے کچھ بڑھ کر بھی ہیں۔ وہ ہمارے شہر میں رہتے ہوئے بھی ہمارے علاقے کے ہی نہیں بلکہ پورے پنجاب، بھارت اور پاکستان کے پنجابی بولنے اور سمجھنے والوں کا اثاثہ ہیں۔ یہ بات ہمارے عہد کی ایک اہم بات ہے۔

خالد حسین کی کہانیوں میں ایک خاص طرح کی سادگی کے ساتھ کارفرما نظر آنے والی ”شہد شستی“ اور انسان اور انسانیت کے تئیں اُن کی ”ادبی ذمہ داری کا جذبہ“ مذہبی، سیاسی اور سماجی مسائل کے پیچھے سرگرم انسانیت مخالف

قوتوں، کو نہایت پُر امن ڈھنگ سے شکست دینے کی ایک بے لوث کاوش کے طور پر محسوس کی جاسکتی ہے۔ ان کی تحریر کا اہم مدعا، انسانی قدروں کی ترقی یافتہ نہج کو باقی رکھنے کا ایک خوبصورت حوالہ ہے۔

اس طرح کہانی کا ر خالد حسین مکمل طور پر خود سے منسوب اور مانوس طبقے کے ساتھ وابستگی رکھتے ہوئے اپنے وقت اور سماج کے نمائندہ بن کر سامنے آتے ہیں۔

ایسے کٹھن نامساعد اور سفاک حالات میں جب کہ فرقہ پرستی بنیاد پرستی اور دہشت گردی، مار کاٹ اور نام نہاد گلوبلائزیشن کی آڑ میں ایک لہجہ اٹھانے والے سامراج واد کی صورت میں کئی اطراف سے ہمیں گھیر رہی ہے، خالد حسین کی کہانیاں اپنی صاف گوئی، سادگی اور خوبصورتی کے ساتھ ہمارا حوصلہ بڑھاتی ہیں۔

اُن کی کہانیوں میں ہمیں کوئی بناوٹی چمک دمک دکھائی نہیں دیتی اور نہ وہ کسی خاص طبقے یا فرد کو متاثر کرنے کے لیے لکھتے ہیں۔ ایسا کرنا اُن کا مقصد بھی نہیں ہے۔

کمٹ میٹ اور بے لوث پیش کاری کی پوری شکتی سے اور تفکر اور لاشعور کے درد مند احساس سے وہ اپنے زمانے سے نبرد آزما ہونے کی ہر ممکن کوشش کرتے ہیں۔

اگنی شیکھر (ڈاکٹر)

ہندی شاعر اور کہانی کار۔ جموں

قلم قتلے - ادبیاں تے سُجھواناں دی رائے

خالد حسین کسے ہور پنجابی لیکھک دی نقل نہیں۔ اوس دا اپنا اک نویکلا تے دکھرا افسانوی اسلوب ہے۔ اُہ اپنیاں کئی کہانیاں وچ بھارتی کشمیر وچ وسدے لوکاں دی زندگی دی گھٹن، اوہناں دے اندر تے باہر دے تضاد، اوہناں دیاں محرومیاں تے مایوسیاں نوں انسانی چوکھٹے وچ پڑ کے پیش کردا اے۔ خالد حسین نے بڑے دردناں اپنے ہم وطنان دے احساساں دی نقاشی کیتی اے۔ اوہنیں ہند پاک دی سانجھ دی گل کیتی اے۔ دونواں پنجاباں دی سانجھی پیڑنوں اُجاگر کیتا اے۔

ڈاکٹر عطر سنگھ (مرحوم)

سابقہ ہیڈ، پنجابی و بھاگ

پنجاب یونیورسٹی، چندی گڑھ

خالد حسین اپنے موضوعات کا شعوری انتخاب ضرور کرتے ہیں۔ وہ گرد و پیش کی معاشرتی، سیاسی اور تہذیبی زندگی کے تضادات اور کھر درے پن کو شدت سے محسوس کرتے ہیں اور اسی سے افسانہ لکھنے کی تحریک پاتے ہیں۔

ڈاکٹر حامد کشمیری (اُردو نقاد، شاعر اور افسانہ نگار)

سابقہ وائس چانسلر، کشمیر یونیورسٹی

خالد حسین پنجابی کہانی دا پر مکھ (سرکڈھ) پر بدھ (روشن خیال، عالم) اتے کہانی دی تکنیک کچھوں اک پر کچھ (پکا، پختہ) کہانی کار ہے۔ اوہدیاں کہانیاں دی خصوصیت بھاشاتے شیلی ہے۔ اوس دی شیلی توں ہی اوہدی سر جٹا پچھانی جاندی ہے جو کہ بہت ہی ڈھکویں اتے کتھا دی لوڑ مطابق ہندی ہے۔ اوس نے زندگی تے سماج دے ہر اوس پہلو تے اپنی رچنا کیتی ہے جیہڑی نہ صرف منکھی من ٹوں پر بھوت کردی ہے سگوں اوہدیاں گنھجلاں، اُلجھناں تے تریڑاں ٹوں پکڑن تے سمجھن دا اُپرا لا کردی ہے۔ خالد نے اپنیاں کہانیاں راہیں سماجک رشتیاں دی ٹٹ بھج وچوں اُتے دُکھانت ٹوں خوبصورتی نال پیش کیتا ہے۔

ڈاکٹر جوگندر سنگھ کیروں۔ امرتسر
ناولسٹ تے کہانی کار
سابقہ ڈائریکٹر سکول ٹٹ بک پنجاب

خالد حسین دی شاعرانہ شیلی، لفظاں دی خصوصی پون تے محاورے دار زبان اتے ان چھوئے پلاٹ اوہدیاں کہانیاں ٹوں دلچسپ بناندے ہن تے انہاں کہانیاں کارن ہی سچی پنجابی کہانی وچ خالد حسین دی اپنی نویکلی پہچان اے تے اوہدا اک ویش سٹھان اے۔

ڈاکٹر دیویندر سنگھ
ہیڈ، پنجابی و بھاگ
جموں یونیورسٹی، جموں

خالد حسین دیاں کہانیاں پڑھن 'وچ دو ہر امزہ دیندیاں نیں۔ اک تے
 اہ کہانیاں ساہڈے ارد گرد دی اک حقیقی تے ہو بہو تصویر پیش کر دیاں نیں اتے
 دوجا بھاشا دا اہ کمال دیکھین توں ملدا اے جو اپنی مثال آپ ہے۔ اہ کہانیاں
 پُرانے تے نویں معاشرے وچ جی رہے لوکاں دے ذہناں وچ دھراندر تک
 باریکی نال اتر جان دیاں نیں۔ خالد دیاں بیشتر کہانیاں بے شک دلاں دیاں
 دوریاں مٹاون دی طاقت رکھ دیاں نیں۔

پروفیسر لٹ گلو ترا

ڈوگری کہانی کار

سابقہ ہیڈ فزیکس ڈیپارٹمنٹ تے ڈین فیکلٹی آف سائنسز

خالد حسین اوہناں پلاں، چھناں توں پھڑن دی صلاحیت رکھدا ہے
 جیہڑے کہانی بن دے ہن۔ اوہ دیاں کہانیاں دوہاں پنجاباں دے سبھیاچار وچ
 پل بن سکدیاں ہن۔ اوہنیں سرحد دے آر پار نال جویاں کئی کہانیاں لکھیاں پر
 سرحد دے سانجھے درد توں بیان کر دیاں اہ کدے بھاوک نہیں ہويا۔ اہ ہی
 انہاں کہانیاں دی خصوصیت اے۔ خالد نکڑے انہو (پرکھ، تجربہ) دا مالک
 اے۔ اوہ دیاں کہانیاں وچ depth ہے، maturity ہے۔

مختار گل، پریت نگر امرتسر

پنجابی کہانی کار

خالد حسین کی بیشتر کہانیوں میں صنفِ نازک پوری توانائی اور رعنائی

کے ساتھ جلوہ گر ہے۔ عورت کی معاشرتی مشکلات اور نفسیاتی اُلجھنوں کے بیان میں وہ منٹو سے بھی دو ہاتھ آگے دکھائی دیتا ہے۔ نسوانی کرداروں کی پیش کاری اور کردار نگاری سے خالد حسین نے اپنے فن کی زیبائش و آرائش کا کام لیا ہے۔ نسوانی مسائل کو جتنی اچھی طرح وہ سمجھتا ہے وہ ہر ایک کے بس کا روگ نہیں ہے۔ خالد کفایت، مالیر کوئلہ

اُردو اور پنجابی شاعر و ادیب

خالد کی کہانیوں میں افسانویت ان کے اسلوب کی رہین منت ہے۔ رمر نگاری کا پیرایہ بیان انھیں بہت مرغوب ہے اور وہ استعاراتی طرزِ بیان اختیار کر کے قارئین اور ناقدین سے اپنی علاحدہ حیثیت منوالیتے ہیں۔ اُن کی بعض کہانیوں کا لطف، سادگی، بیان و پُرکاری اور طنز کے اچھوتے پن میں مضمر ہے۔ فقر وں کے چٹخارے اور معنویت کی لذت قاری کو منٹو کی یاد دلاتے ہیں۔

ڈاکٹر زینت اللہ جاوید

پروفیسر، نواب شیر محمد خان انسٹی ٹیوٹ آف اورینٹل اسٹڈیز

پنجابی یونیورسٹی پیالہ (مالیر کوئلہ)

خالد اپنی قلم نوس سماج دے ناسوراں اُچیرن لئی نشتر وانگ ورتدا ہے۔ اہ نکلی کہانی دا استاد ہے۔ اوہدیاں کہانیاں دے پاتر سماج دے ہر طبقے وچوں ہن۔ خالد حسین کلاتے بولی کپھوں مشرقی تے مغربی پنجاب دا دو میل ہے۔

سُر جیت گل، فرید کوٹ

پنجابی کتھا جگت وِچ نویکلی پچھان بناؤن والے کہانی کاراں وِچ خالد حسین اک وڈاناں ہے۔ اوس نے دکھ دکھ موضوعاں تُوں لے کے کہانیاں لکھیاں ہن۔ جویں مرد عورت دے تعلقات، عصری واقعات، انسانی رشتیاں دی ٹٹ بھج جاں ہند پاک وِچ کار کھی گئی مصنوعی لکیر جو لوکاں دی سانجھی بھاشا تے ثقافت تُوں نہیں ونڈسکی آد۔ اتے ہر کہانی وِچ خالد اپنی فنکاری دا ثبوت دیندا ہے۔ اُہ کہانی دا خاکہ بُن لکیاں بڑی سوجھ تے تہہ برنال کم لیندا ہے۔ اک منجھے ہوئے کرافٹس مین وانگ خالد کہانی وِچ بھاشا تُوں اک خاص ہتھیار دے طور تے ورتن دا ہنر جاندا ہے۔ اتے لفظاں تُوں بے لوڑ کم نہیں لیندا ہے۔ اوہدی کہانی وادھو ویریاں تُوں پاک ہندی ہے تے کردار سماج دے آلے دوالے وِچ وِچر رہے جانے پچھانے چہریاں ورگے ہندے ہن۔ اوس نے کہانیاں بھانویں عصری واقعات جاں ورتاریاں تُوں لے کے لکھیاں ہن پر اوہناں وِچ سمائے ہوئے تاثرات ہر زمانے لئی ڈھکویں پر تیت ہندے ہن۔

ہر بھجن سنگھ ساگر۔ سرینگر

پنجابی کہانی کار

خالد حسین تُوں جدوں ملدا ہاں تاں اوہدی اپنت تے اوہدیاں دلچسپ گلاں اک ایہو جیہا عالم طاری کر دیندیاں ہن کہ اپنی دُنیا تے اپنا آپا چنگا چنگا لگن لگدا اے۔ خالد حسین تُوں جدوں پڑھدا ہاں تاں اوسدی محاوریاں تے اکھاؤناں بھری کراری بولی، اوہدی کہانی دا کہانی پن، اوہدے کردار اں دی جان تے اوہدا بیان تہانوں اپنے جادو نال موہ لیندا ہے۔ اُہ وڈا افسر ہے

پر مینوں اُہ لہندے تے چڑھدے پنجاب وچکار بیٹھے کسے درویش جیہا لگدا ہے جو
پنجاں دریائوں ویاں چھلاں دا پنجابی وچ ترجمہ کر رہا ہووے۔

سُر جیت پاتر (ڈاکٹر)

شاعر۔ لڑھیانہ

کہے حسین فقیر سائیں دا

میں پہلی اپریل 1945 نوں جنوں توں کوئی 66 کلومیٹر دُور اُدھم پور
'بچ جنم لیا۔ ماں دے دُدھ دیاں بچی دھاراں وی پُوریاں نہیں سن پیتیاں کہ
سیاست دانان دیاں کراماتاں رگ لیا نیاں۔ دلش دی ونڈ ہوئی۔ اک طوفان
اُٹھیا۔ انسان دالہو پانی بن گیا۔ انسانیت مر گئی۔ سیاست دانان نے ذاتی
سوارتھاں لئی مذہبی جُنوں نوں رچ کے اُبھاریا۔ ہر پاسے اگ تے لہو دی ہولی
کھڈی گئی۔ اُدھم پور دے اک انسان ماسٹر شیخ غلام حسین دا گھروں ہورناں
وانگر سواہ ڈھیری ہو گیا۔ سبھ کچھ ختم ہو گیا۔ پر حیات دے اوکھے راہ تے بھٹکن لئی
زندہ رہ گیا خالد حسین۔

1947ء دے رولیاں مگروں ست سال رفیوجی کیمپاں وِچ رُلدے
رہے۔ ماں نے بڑیاں مُصیبتاں نال پالیا..... پڑھایا، لکھایا تے روزگار دے
قابل بنایا۔ پر بچپن وِچ تیتی دی جیہڑی مار میں سہی، اوس نے مینوں بے حد
جذباتی بنا دتا۔ تھوڑے محرومی دے احساس 'بچ پلایا خالد حسین اپنے لاشعور وِچ
زندگی دی گڈتیاں نوں پالدا رہیا۔ سماج دے ناسور چنڈا رہیا۔ آل دوالے
دا پریاں گھٹنا نواں نوں ویکھدا رہیا۔ اوہناں گھٹنا نواں چوں جو کچھ وی پنڈر گیا۔

اُہ کہانیاں رائیں تہاڈے سامنے لیان دی کوشش کردار ہیا۔

میری بیوی نسیم فردوس اک سنگھو گھر یلو عورت اے۔ شکل دی تے دل دی خوبصورت اے پر اک ادیب دے ناطے میں اُوہ دے دماغ دی خوبصورتی دی تعریف نہیں کر سکا۔ اہ جملہ اوہوں ناگوار لگے تاں مینوں معاف کر دیوے پر میں سچ کہن تے مجبور آں پئی میری بیوی دا میرے ادیب بنن وچ کوئی ہتھ نہیں۔ کسے ہو عورت دا ہو دے تاں کیہہ نہیں سکا۔ ثبوت وجوں میں تہانوں دس سکناں پئی اوہنیں اج تیکر کدے میرے کولوں کوئی کہانی نہیں سنی۔ کدے کوئی ادبی بحث نہیں کیتی۔ اوہدا کہنا اے کہ اہ سبھ فضول بکواس اے۔ اُہ مینوں سمجھاندی رہندی اے کہ فضول لکھناں پڑھناں تے بحث کرناں چھڈ دیو۔ دماغ پاگل ہو جائے گا۔ فیر ساہڈا کیہ بنے گا۔ اک واری میں رات نوں بہہ کے کہانی لکھ رہیا ساں۔ رات دے کوئی دو بجے ہون گے۔ میں لکھدے لکھدے زک گیا۔ اک لفظ ”لنگری“ میرے ذہن پچوں اُتر گیا سی۔ میں دماغ تے بڑا زور پایا پر لفظ نہیں سی مل رہیا۔ تھک ہار کے میں اپنی بیوی نوں جگایا۔ اُہ ہڑبڑا کے اٹھی تے پچھن لگی..... ”کیہ گل اے؟ کون آیا؟ تئساں مینوں کیوں جگایا؟“..... میں اوہنوں پچھیا کہ تون مرچ کٹن والی کنڈی نوں پوٹھو ہاری وچ بھلا کیہ کہندے نیں..... اوہنیں کھندک نال پچھیا..... ”کیوں؟“..... میں جواب دتا، ”پئی کہانی لکھ رہیاں۔ لفظ گواچ گیا اے، سوچیا توں لہہ کے دیویں گی۔“..... اوہنیں بڑی بے رخی نال سر دی منڈی نوں جھٹکا دتا تے پاسا پر تے کے سوں گئی۔ سویرے اٹھدیاں سار ہی اوہنیں الٹی میٹم دے دتا کہ رات والی حرکت جے کدے دوبارہ کیتی تاں بوہت بُرا ہو یے گا۔ جیدا بھیا تک نتیجہ وی نکل سکا اے۔ میں اج تیکر اوہدی دھمکی بو جے وچ سنبھال کے رکھی ہوئی اے۔ تئیں

مینوں داد دیو کہ اتنی وڈی چٹان نال سر مار مار کے وی میری صحت تے کوئی اثر
نہیں پیتے میں اک ادیب بن گیا۔ رب جانے چنگاں جاں مندا۔

ساہڈے چار بچے نیں۔ دو دھیاں تے دو پتر۔ وڈی دھی سمیہ تبسم
ایم۔ اے، ایل ایل بی تے پی ایچ ڈی اے۔ گولڈ میڈلسٹ اے۔ اوہدا وہیاہ
عزیزی محمد ایوب والی نال ہو یا اے جو پیشے توں انجینیر اے۔ اوہناں دے دو
بیٹے نیں۔ دوجی بیٹی ہما تبسم اک ڈاکٹر اے تے اوہدا خاوند عشرت چوہدری وی
پیشے توں ڈاکٹر اے۔ اوہناں دے وی دو بیٹے نیں۔ میرے وڈے پتر داناں
ذاکر حسین اے۔ چوکھے چرتک ایہ بیٹا میرے گھ دا گھڑتے ہتھ دا چھالا بنیا
رہیا۔ ایس نے میری سوچ تے سنھ ماری۔ مینوں تیزاب وِچ نوا یا۔ اوہنوں
آزادی تے بربادی دے ٹھیکے داراں نے ورغلا یا سی۔ پر رب دا شکر اے کہ
چھیتی ہی اوہنوں ساری حقیقت دا پتہ چل گیا..... تے انج سویر دا بھلیا شام نوں
گھر آ گیا۔ اج اہ شادی شدہ اے تے اوہدیاں دو بچیاں نیں تے اہ اپنے
کاروبار دے نال نال اپنی گھر ہستی وی چلا رہیا اے۔ دوجے پتر داناں یاسر
عمران اے۔ ایس بچے نے وی ایم۔ اے تک تعلیم حاصل کیتی اے۔ اپنے گھر
نوں خوشحال بنان تے بچیاں دے چنگے مستقبل لئی میں بڑی محنت کیتی اے۔ میں
کلرک بھرتی ہو یا۔ نوکری دے نال نال پڑھدا رہیا..... اتے کلکتر تے ضلع
مجسٹریٹ دے عہدے تیکر بچیا۔ اخیر محکمہ خوراک دے سپیشل سیکرٹری دے منصب
توں ریٹائر ہو یا۔ اجکل ریاستی سرکار نے مینوں جموں و کشمیر سٹیٹ کنزیومر
پروٹیکشن کمیشن دامبر بنایا ہو یا اے۔ تحصیل مہور تے گول نوں چھڈ کے پورا ضلع
اُدھم پور ڈوگری بولن والا علاقہ اے۔ میرے ماپے وی ڈوگرے سن۔
پر 1947ء دی شورش وجوں اسیں ہجرت کر کے جتوں آ گئے۔ مگروں اُستاد محلے

وچ آباد ہو گئے۔ اُستاد محلے دے وسنیک پنجابی بولدے نیں۔ اِسلئی میں وی پنجابی بولناں واں۔ میں پنجابی زبان کسے سکول، کالج جاں یونیورسٹی چوں نہیں سیکھی، سگوں اپنی ماں کولوں، اُستاد محلے دے بزرگاں کولوں اتے لہور ریڈیو دے مشہور پنجابی پروگرام ”راوی دیاں چھلاں“ دے کردار ”نظام دین“ کولوں سیکھی۔ تے فیر پنجابی زبان تُوں ہی اپنے اظہار دا وسیلہ بنایا۔

میں کہانی کار بہن توں پہلاں شاعری دے کاگ تُوں پوری کھوان دی بڑی کوشش کیتی۔ پر جد اُہ میرے ذہن تے دل دے کا بک وچ کسے طرحان وی رہن تُوں تیار نہیں ہو یا تاں فیر میں کہانی دی رانی اُتے ڈورے پانے شروع کیتے۔ رانی تے اِج تیکر وی وس ’وچ نہیں آئی پر ڈورے پان دا سلسلہ جاری اے۔ مینوں پڑھن تے سُنن والیو! میرے کہانی کار بہن دی کہانی سُنو۔ میں جد ادبی اکھاڑے وچ نواں نواں اُتریا..... تاں ایس اکھاڑے دے مشہور پہلوان مینوں اپنا پٹھا بنان لئی اپنے اپنے دا وچ سِکھان لگے..... شولو خوف نے کول بھال کے کئی کلا جنگی دا سمجھائے۔ اُہ کہن لگا..... ”پُتر! جے تُوں عام لوکاں دے اکھاڑے وچ کشتی لڑیں گا۔ اوہناں جیہا لنگوٹ پانویں گا۔ اوہناں دا نگر جیون گذاریں گا۔ اوہناں دیاں خوشیاں تے دُھکھاں وچ شامل ہو ویں گا تاں تُوں ادبی اکھاڑے دا اک چنگا پہلوان بن سکیں گاتے تیری تخلیق پڑھن والیاں دے دلاں تُوں چھوے گی۔ تے لوکی تینوں خالد حسین پٹھا شولو خوف کہن گے۔“ جیمز لن نے کیا پئی کہانی..... کسے اک واقعے، کسے اک کردار جاں کسے اک جذبے تُوں پیش کرن دانناں اے..... لارنس نے دیا پئی اِجیہاں کہانیاں لکھو جس نال انسان دے چنسی جذبے تُوں سکون ملے۔ فرانڈ بھراہ نے کیا کہ افسانے ’وچ چنس، انسانی وجود اتے نفسیات دی گل کرو۔ مارکس نے اقتصاد

ضرورتاں تے قابو پان دے نُسے دے۔ موپاں، سارتر، چیخوف، سومرسٹ
 مام، کپرن، ہٹکن، پریم چند، ٹیگور، شرٹ چندر، کرشن چندر، منٹو تے ہور کئے ہی
 زسٹم کہانی کاراں، دانشوراں، فلاسفاں، شاعراں تے نقاداں نے میرا دماغ
 چٹیا۔ پر کہندے ہن ناپی بڑھے طوطے کدے نہیں پڑھدے۔ اسلئی اوہناں
 دانشوراں دیاں گلاں سر متھے تے پر میرا پر نالہ او تھے ہی رہیا۔ کیوں جے
 جمدیاں ہی مینوں میرے مُرشد بابا بلکھے شاہ نے پڑھایا سی۔

علموں بس کریں او یار

اکو الف تیرے درکار

اوہناں مینوں مت دتی پئی ایس ”الف“ دا علم دلوں پھٹدا اے۔
 اہ ”الف“ جد تخلیق دا روپ دھار لیندا اے تاں رُوح دی خوراک بن جاندا
 اے۔ ایس ”الف“ دے سرور وچ لکھی کہانی سماج دا انگ سنگ بن جاندی
 اے..... وقت تے ماحول دے مزاج نال جو جاندی اے۔ بابا بلکھے شاہ سائیں
 نے فرمایا پئی جس ادیب تے شاعر اندر اہ ”الف“، نہیں وسدا، اہ سچا فنکار ہو ہی
 نہیں سکدا..... بس فیر میں ”الف“ توں اگے کجھ نہیں پڑھیا۔ تئیں کیہہ لو کہ من
 حرامی تے جُتھاں ہزار۔ پر میرا یقین اے پئی ادیب تے شاعر جاں فنکار بن لئی
 انسان دے اندر ایس ”الف“ دا ہونا بوہت ضروری اے۔ میرے اندر دے
 ”الف“، نوں خلیل جبران دی اہ گل وی سوہنی چنگی لگی اے پئی سچا ادیب تے
 شاعر اک پیغمبر ہندا اے۔ اوہ دامن اک آزاد پنچھی وانگر ہندا اے۔ اتے دُنیا
 دی کوئی طاقت ایس پنچھی نوں قید نہیں کر سکدی۔

دوستو! کہانی دی عمر بڑی لمی اے۔ ایس دھرتی تے پہلی حقیقی کہانی آدم
 تے خوادی کہانی اے۔ باقی جیناں وی کہانیاں اتھے تخلیق کیتیاں گیاں جاں

اگے لکھیاں جان گئیں۔ اُہ سبھ دھرتی اُتے لکھی گئی پہلی کہانی دیاں ہی شاخاں
 نیں..... میرا ’الف‘ کہانی لکھدیاں مینوں مجبور کر دیا اے پئی میں اکھوں دیکھی
 تے آپ ورتی کہانی لکھاں۔ کیوں جے میری تخلیق دا خمیر سماج دے آٹے نال
 ہی گچھا ہندا اے۔ ایس الف دی نماری ’بچ دُوب کے میں جیہڑی پہلی پنجابی کہانی
 ’ٹھنڈی کاغڑی‘، لکھی اُہ امرتا پریتم نے ’ناگ منی‘، ’بچ چھاپ کے مینوں
 پنجابی دُنیا نال متعارف کرایا۔ میں امرتا پریتم جی دا شکر گزار ہاں پئی اوہناں
 میریاں کئی ہو رہیاں تے انٹرویو ’ناگ منی‘، ’بچ چھاپ کے مینوں شہرت
 بخشی۔ میں ادب برائے زندگی دا قائل ہاں۔ گلوبل سماج ’بچ واپر رہیاں
 گھٹناواں توں متاثر ہو کے لکھناں واں..... میرے اندر جد ’الف‘ جاگدا
 اے تاں میری سوچ دے گھوڑے چار چوہیرے دوڑن لگدے نیں۔ پر جد
 ’الف‘ ستا ہووے تاں کجھ نہیں جے لکھوندا۔ اک جھوڈا جاندا اے۔ دن،
 مہینے، سال گزر جاندا نیں، قلم نمائی پلکل نہیں چلدی..... ادب اپنے زمانے
 دے سیاسی، سماجی تے سائنسی اثرات دا جائزہ لین داناں اے۔ میں وی اپنیاں
 کہانیاں رائیں اجو کے ویلے دی گل کرن دی کوشش کیتی اے۔ اپنے ماحول
 دے اندر جھانکن دا جتن کیتا اے۔ افسانے بارے راجندر سنگھ بیدی نے کہا سی
 پئی افسانہ شاعری دے بوہت نیڑے اے اتے یکی کہانی لمی بحر دی اک
 خوبصورت نظم ہندی اے۔ میں وی اپنیاں نکلیاں کہانیاں نوں لمی بحر دیاں نظماں
 بنان دی کوشش کیتی اے تے میں اہ افسانوی نظماں اپنے پڑھیاں دی نذر کر
 رہیاں۔

خالد حسین

کوار گندل

کل رات جہڑی بھنیری چھٹی، جہڑا جھکڑ چلیا جہڑی بجلی ڈگی
 اوس وچ تہانوں پتا اے پئی کس کس دا گھرا جڑ گیا۔ نہیں پتا؟ بھلا
 تہانوں کنج پتا ہووے گا ایتھے کون کسے دی سار رکھدا اے۔ ایتھے تاں سارے
 اپنے اپنے رنگ مچلیں مست رہندے نیں۔ خیر! آؤ میں تہانوں دساں کہ کل
 رات دے طوفان وچ جو لاہیاں دی بھنٹی دے کس کس گھرا تے بجلی ڈگی۔
 کس کس کھلی دیاں کندھاں کنھیاں۔ کہڑے کہڑے مکاناں دیاں دیواراں
 ڈھٹھیاں، بلے پٹھ کون کون دَب کے مر گیا سائیں منگلا! آہو، جہڑا تعویذ
 دھاگا دین دادھندا کرداسی تے اللہ ہو دیاں پھوکاں مار داسی۔ اوہ اتلیا سڑھ
 گیا تے اوہ چند دے سُوٹے وچ ای ہمیشاں لئی اللہ ہو ہو گیا۔ آشاں نین دا
 کوٹھا، شیدے ٹھٹھیا ردی ٹھکی، ملکھی رام دی دُکان، غلام پانڈی دا کھوکھا سبھ
 سواہ ڈھیری ہو گیا اتے بجلی جامی ترکھان دے مکان تے وی ڈگی۔
 جسدے اک کمرے وچ گُلاں سستی پئی سی۔ گُلاں جامی ترکھان دی بجلی

نُونہ۔ نصیرے دی ووہٹی۔ جاجی دی بھر جائی۔ پر بجلی ڈگن نال جامی تر کھان دا مکان سڑھیا نہیں، ڈھٹھا وی نہیں..... صرف او ہو کرہ کنھیا، جس وچ وچھی اک منجی تے گُلاں مست نیندرے سستی پئی سی۔ کیوں جے بجلی سیدھی گُلاں اُتے ای ڈگی سی۔ گُلاں تے پین والی بجلی نال منجی دیاں چولاں ہلیاں۔ ویہڑے لگا ڈھلن داؤٹا چکیا پر ہر پاسے بھنیری تے جھکڑ نال دُھند کھلری ہوئی سی، اوہ دیاں شاں شاں کر دیاں چیکاں کسے نہیں سُنیاں۔ گولی جوگی بجلی اپنا کم کر گئی۔ گُلاں دا سارا سریر پھلس گیا۔

گُلاں اک یتیم کڑی سی۔ اوس دے ماپے، بھین بھرا سبھ فر قور دُلیاں وچ مرکپ گئے سن۔ کسے دُور دے مامے دے گھر پئی گُلاں..... لُون، مرج، اچار دے نال بہیاں، سُنکیاں روٹیاں کھان اتے جھوٹاں تے پھٹکاں راں دی لسی پین دے باوجودی جنگلی پھل وانگوں خوب کھڑی تے رَج کے نکھری۔ جد اوہدا جو بن میلے کپڑیاں وچ وی پھٹ پھٹ کے باہر نکلن لگاتے اوہدی جوانی دھرتی تے چانن کھلیرن لگی تاں اوہدے مامے نے جامی تر کھان دے بچے گدرے نصیرے نال دیسی چا تے عربی کھجوراں اُتے گُلاں داساک جوڑ دتا۔..... گُلاں ووہٹی بن کے جولاہیاں دی کھنٹی وچ آگئی۔ اوہ نویں گھرتے نویں ماحول وچ آکے خوش سی۔ اوہنے سس سوہرے نوں ہی ماپے من لیا تے اوہناں دی سیوا کرن لگی۔ نصیرے دے ماں پوئے وی گُلاں نوں دھیاں وانگر رکھیا۔ گُلاں پیار دے بگھ وچ جین لگی۔ پر ایس پیار دے کوئے کوئے سیک نوں کدے کدے نصیرا شرابی ہو کے ٹھنڈیاں کر دیندا۔ جولاہیاں دی کھنٹی وچ دیسی شراب دی سرکاری دُکان توں وکھ آند گوانڈ وچ ناجائز شراب دیاں کئی بھٹھیاں ہون کارن اُنچ تاں سارا پنڈ ہی شراب دا شوکی سی پر نصیرا جتاں کھل کے رندا پھیردا

اُونی ہی کھل کے شراب وی پیندا سی تے نالے گُلاں دے ٹوکن تے اوس نال
لڑن لگدا۔ اَتے نیشلے غتے وِچ گالھاں دے چھج دے چھج خالی کر چھڈا تے
گھر دے نگھے ماحول اِچ پھک پادیندا۔ فیر سہاگ داسوہا جوڑا پھن دے نال
نال اُہ اِٹ دا جواب پتھر نال دین لگی۔ اِنج گالھاں دے بیر لڑ دے رہندے۔
کدے کدے دونواں دے ہتھ پیر وی اک دُوجے تے چلن لگدے۔ لتاں،
چنڈاں تے گھسَن کھا کے گُلاں رون لگدی، چیکن لگدی تے نصیرے نوں جھولی
اڈاڈ کے بد دُعاواں کڈھدی۔ بے بے نصیرے نوں پھڑدی، کدے اوہنوں
گالھاں کڈھدی تے کدے اپنی کُکھ نوں بُرا بھلا کہندی۔ آئڈ گوانڈ والے
بنیریاں تے چڑھ کے تماشا دیکھدے۔ آخر گُلاں دا جیٹھ جاجی نصیرے دی مَت
ٹھکانے لگاندا تے گھر دی اشانتی نوں شانٹ کر دیندا۔ فیر گُلاں دی خورے کبڑی
بدعا نصیرے تے سدھی پئی کہ اوہ صرافاں دے گھر دیاں الماریاں بنان لئی
آرے تے لکڑی چیرن کہیہ گیا کہ چلدی مشین دا پٹاٹیا تے اوہ دیاں وی لراں کر
گیا۔ نصیرے دی لاش نوں ویکھ کے گُلاں نے جیہڑی چیک ماری سی۔ اوس نال
ساری کھٹھی دا دل دہل گیا سی۔ اوہ چھاتی تے دو ہتھ مار مار کے وین کرن لگی۔
اوہنے اپنے سارے وال پُٹ چھڈے۔ اوہ اپنے تیناں سالاں دے گلزارے
اتے اک سال دے یوسفے ٹوں گھٹ کے چھیاں پاوندی تے اوہناں دی تیتی
دا مرثیا پڑھدی جاندی۔

لاش نوں غُسل دین، کفن پوان تے جنازا کھرن تک اُہ کئی واری
بے ہوش ہوئی تے کئی واری اوہنوں دند کڑ پئی۔ سوانیاں اوہنوں دم دِلا سا
دیندیاں تے آپ وی روندیاں جاندیاں۔ نصیرا مسال اٹھایاں ورہیاں دا ہی
ہو یا سی کہ حضرت عزرائیل نے اوہدی رُوح قبض کر لئی سی۔ نصیرے دی بے وقت

موت کارن اوہدے جنازے وِچ ساری کھٹھی شامل ہوئی۔ کلمہ شہادت دیاں آوازاں نال جنازا نکلیا۔ اتے دعائے مغفرت نال نصیرے نوں قبر وِچ دفنا کے لوکی گھر آ پڑے۔

نصیرے دے قل کرن دے پنجویں دن اوہدی بے بے وچاری وی اللہ نوں پیاری ہو گئی تے اینج گھر دی حکومت پوری طرحاں جاجی دے ہتھ آ گئی..... گُلاں کُجھ چرائی جیویں جم جہی گئی۔ گھر دیاں چیزاں، مکان دے کمرے، کمریاں دیاں دیواراں، ویہڑے لگا ڈھلن دا رُکھ..... سبھ اوہنوں اپنے وانگوں ای اُداس دسدے۔ کئی واری اوہ دیاں اکھاں ساہمنے نصیرے دا مہاندرا بچن لگدا۔ جیہڑا اوس نال گُلاں کردا، اوہنوں گالھاں کڈھدا۔ اوہنوں اپنے نصیرے دا شرابی پن، گالھاں، چنڈاں، گھسن..... سارے رُوپ چنگے لگن لگدے۔ اُہ چاہندی کہ نصیرا اوہدے سریر نوں جھروٹے، پر اک اکھ دا پلکارا اوہنوں اوہدی اصل حالت وِچ لے آوندا۔ ایس حیاتی دے رُو لے رپے وِچ اُہ باہروں تاں ثابت دسدی سی پر اندروں کرچی کرچی ہوئی پئی سی۔ اُہ بچیاں نوں رکیہ کھوائے۔ اوہناں نوں رکتھے لے کے جائے۔ جوانی دے رنڈپے نوں کج کئے۔ ایہہ سوچ سوچ کے اوہدے چہرے دیاں لکیراں وِچ گنجھل پے گئے۔ گُلاں فکر اں دے جنگل وِچ گواچ گئی۔ اوہدی آتما پریشان ہو گئی۔ اجہی حالت وِچ جاجی نے اوس نال تسلی دین والا راگ الاپیا۔

”..... گُلاں! توں فکر نہ کر، نصیرے دے بچے میرے بچے نیں۔ ایہہ گھر تہاڈوی اونا ای اے جتا کہ میرا۔ میں کماواں گا۔ پہلاں تئیں کھاؤ گے، مگروں اسیں کھاواں گے۔“

جاجی دے ایس ہمدردی والے راگ وِچ کئی سُر ملے ہوئے سن پر

گُلاں گھر چھڈ کے جاندی وی کتھے؟ اوہ کھجیل خوار نہیں سی ہونا چاہندی۔ ایس دنیا دی بھیڑ وِچ اوس دا کوئی اگا سی نہ چکھا، جس دا اوہنوں کوئی سہارا ہندا۔ ایس لئی اوہ صبر شکر کر کے بہہ گئی..... پر اوہنوں چھیتی ای احساس ہو گیا کہ ایس گھر وِچ اوہدی حیثیت آٹے دے چھان بورے توں ودھ نہیں.....

جارجی دی جو رُحمیداں ادھرنگ دی ماری چوکے چرتوں منجی تے پئی سی پر اوس دی جیہ نوں تاں ادھرنگ نہیں سی ہویا۔ اوہ منجی اُتے لیٹی ہوئی وی اگ پھوکدی رہندی۔ سچ پچھو تاں اوہدی جیہ تالو نال گدی ہی نہیں سی۔ جارجی دی دھی نیفاں وی کدے کدے چاچی نال پتلا پٹا لاہندی۔ انج مٹی دے بھانڈے ٹنڈے بھجے رہندے۔ پر جد ڈھلن دے رُکھ پٹھ چھاں نہیں رہی تے ڈھلے کھان وِچ اُکا ای سواد نہیں رہیا تاں گُلاں نے اپنا چلھا دکھرا کر لیا۔..... اوہ سین پر وں داکم جاندی سی۔ ایس توں چھٹ گجھ وڈے گھراں وِچ اوہ کپڑے لیوے دھون داکم کر کے گلزارے تے یوسے نوں پالن دے نال نال اپنے ڈھڈ دا دوزخ وی بھرن لگی۔

حمیداں دے ادھرنگ نے جارجی دی ساری شرافت بھنگ کیتی ہوئی سی۔ اوہ ویلے کویلے مانسک لوڑ مطابق تیر ٹکے دی کھیڈ وی کھیڈ لیندا سی۔ پر جد دا نصیرانیک حوراں دے ہتھوں پاک شراب پین تے ہو رعیاشی لٹن بہشتاں وِچ چلا گیا سی تد توں جارجی دا اتھرا من گُلاں سنگ تونبا و جان لئی اڑیاں کردار ہندا سی۔ اوہ گُلاں دے چرخے تے اپنا سوت کتنا چاہندا سی۔ شرع جاں قانون والیاں دے اعتراض کرن تے اوہ گُلاں نال نکاح کران نوں وی تیار سی۔

جارجی کئی واری اکھاں وِچ خماری رنگ بھر کے تے سکے بکلاں تے تھندی جیہ پھیر کے گُلاں نوں اپنی گل سمجھان دی کوشش کردا۔ گُلاں اکھاں تے

بُکھاں دی بھاشا پڑھ کے چُپ رہندی۔ پر جَد اک دن جاجی نے شراب دے
 نشے وِچ گُلاں دا ہتھ پھڑ لیا تے اپنے دل دی گل صاف صاف کہہ دتی، تاں گُلاں
 نے گھر وِچ بھُچال لے آوندا۔ گوانڈھی اک واری فیر اپنیاں اپنیاں کوٹھیاں تے
 چڑھ کے تماشا دیکھن لگ پئے سن۔ اوہ محلے والیاں نوں سنا رہی سی..... ’’جیٹھ پوہ
 بجائے ہند اے۔ میں ایس دی دھی وانگ آں۔ اپنے ایہہ گل کہن دی ہمت کج
 کیتی۔ ایس نوں اجھی گل کر دیاں شرم وی نہیں آئی۔ جے بھتا چاہ چڑھیا ہو یا سُو
 تاں اپنی بیٹیاں نال نکاح کر لوے۔ نکلے بھرا دی بیوی اُتے بُری نظر رکھدا اے۔
 یار بابا! اینوں وی کیسے آرے وِچ چیر۔ گڈی بیٹھ لیا۔‘..... گُلاں نوں ہنگاما
 کر دیاں دیکھ کے جاجی اڈول ہی گھروں کھسک گیا سی۔ مگروں ساریاں دے
 سمجھان بُجھان تے گُلاں کہتے پُچ ہوئی سی۔ انج گھر دا ماحول تے شانت ہو گیا سی
 پر ساری تھنٹی نوں ایس گل دا پتا چل گیا کہ جاجی گُلاں نال نکاح کرنا چاہندا
 اے۔ محلے دیاں کئی سوانیاں نے گُلاں نوں سمجھایا کہ اُہ جاجی دی گل من جائے
 تاں جو گھر دی عزت گھر وِچ ہی رہوے پر گُلاں اپنے سریر نوں مُد دھندے
 تندور وِچ سٹن لئی تیار نہیں سی۔ اوہ صرف یو سنے تے گلزارے لئی جی رہی سی۔
 نہیں تاں اوہ دیاں آساں تے رتجھاں دا وسدا شہر کد دا کھولا ہو گیا سی۔ اوہ دے
 دل وِچ سدھراں دے گھنگھرؤ وجے کد دے بند ہو چکے سن۔ دُنیا دی ہر شے
 اوہ دے لئی بیکار ہو چکی سی۔ جاجی نوں ایہہ یقین ہون تے کہ اوس دیاں
 خواہشاں دے بدل چتا مرضی مینہ ورساں، گُلاں دے ٹھنڈے پنڈے وِچ واشنا
 دے پھل نہیں اُگ سکدے۔ اوہ ہنکرے باز وانگوں اپنے نیچے تیز کرن لگا۔
 ایس لئی کہ موقع ملدیاں ہی اُہ ڈھلن دے رُکھ تے بیٹھی کبوتری دا شکار کر
 سکے..... اتے کل شاہ کالی رات نوں تیز نہیری تے جھکڑ وِچ جھڑی بجلی ڈگی سی.....

اوہ انسانی بجلی جاجی دے رُوپ وِچ سدھی گُھاں اُتے ہی ڈگی سی جس نال گُھاں
 داسار اُسریہ تھلس گیا..... گُھاں..... جہڑی میاں مٹھو وانگ اپنے آپ
 نوں ایس گھر دے پنجرے وِچ محفوظ سمجھدی سی۔ اوہنوں پنجرے وِچ ہی پلا پے
 گیا۔ چوکیدار ای مکان نوں سنھ لا گیا۔ کئی وناں تک گُھاں چلپے دی لکڑی وانگ
 دُھندلی رہی۔ سڑھدی رہی۔ بلدی رہی تے اخیر اوہنے جاجی نال بدلالین دا
 فیصلہ کر لیا۔ اوہدے کترے کھنھ مڑاگ پئے تے اوہ پنجرے دیاں سیناں
 وچوں باہر نکل آئی..... اتے اپنے مَن وِچ اُگی کوار گندل جاجی نوں کھوان لئی
 تیار ہو گئی۔

جاجی دی گڑی نیفاں شرع محمدی مطابق جوان ہو چکی سی۔ اوہدے
 سریر تے اوہ سارے تیز ہتھیار سج چکے سن۔ جس نال کڑی وی منھ پھٹو ہوسکدا
 اے۔ ایس لئی جاجی نے شیدے ٹھٹھیا ر دے مُنڈے چیرے درزی نال اوہدا
 ویاہ کرا دتا۔ اتے اپنے دلوں سر دا بھار ہلکا کر چھڈیا۔ گُھاں اتے نیفاں وِچ بس
 او نا ای فرق سی۔ جتا اک کلی اتے پھل وِچ ہندا اے تے جیرا..... جینیاں
 ورہیاں دا جواں گہرؤ۔ اک اُبلدا دریا..... کلی کولوں سامھیا نہیں گیا۔
 نیفاں دا کوئی وی ہتھیار چیرے نوں پھٹو نہیں کرسکیا۔ ویاہ دے بعد جیرا
 سوہریاں دے گھر آن جان لگا۔

..... گُھاں چیرے نوں دیکھ کے بہت خوش ہندی۔ اوہ ہولی ہولی
 نیفاں دی گڑی کٹن لئی اپنی ڈور نوں مانجھا چڑھان لگی..... تے اک دن جد
 اوہدی قمیض وچوں جھانکدی نائیلن دی انگی نے نیفاں دی گڑی نوں گاٹی ماری
 تاں گڑی لوٹ پوٹ ہو کے سدھی گُھاں دے قد ماں اُتے آڈگی۔ لونگ دے
 لشکارے تے اکھاں دے چکارے نے جیرے دے سارے سریر وِچ لاٹو جگا

دیتے۔ بس فیر اوہ چندرے لائو گلاں نے نبھن نہیں دتے۔ تے اِنج اُبلدا دریا..... سارے داسار اُگلاں نے ہضم کر لیا۔ نیفاں و چاری نوں گلاں نے دریا پُوں اک بک پانی وی نہیں پین دتا..... کہندے نیں کہ سوانی لئی دن لوہے دا چھلا ہندا اے تے رات سونے تے چاندی وی جھومر۔ پر نیفاں دے آکھنے تے قبھا کرن مگروں گلاں لئی دن وی سونے دی جھانجری تے رات وی..... جیرا اوہدے لئی چتر دی چاننی بن گیا تے اوہ چاننی وچ رج کے غسل کرن لگی۔ اوہ دونوں گلو دے واڑے تے شیتلا مندر جاندے تے کھٹ مٹھیاں انبیاں تے بیر کھاندے۔ تو ی تے چھاں دے ٹھنڈے پانی وچ نہاندے، باغ باہو، مرالیاں تے ناگ بنی دیاں ہواواں وچ لہراندے اتے کدے کدے دل اُتے جی گناہ دی گردا احساس جاگن تے اوہ ستواری دے پیر بابے دی درگاہ تے جا کے دیوالدے۔ جھاڑ و پھیر دے تاں جو گرد صاف ہو جاوے۔

..... نیفاں دی بے بے حمیداں چیرے نوں گلاں دے پھلاں نال کھیڈ دیاں ویکھ کے بڑا ترنی۔ اہ ادھرنگ دی ماری نیفاں نوں گلاں دی منی پٹھہ رُل دیاں ویکھ کے اپنے منجے توں اجہی ڈگی کہ اوہدی جیہہ ہمیشاں لئی تائو نال جا لگی۔ جاجی نے چیرے نوں گلاں دے جُٹے چوں باہر کڈھن لئی چوکھا جتن کیتا۔ اوہنوں پیار نال سمجھایا..... ڈرایا دھمکایا..... ماریا کُٹیا..... پر جیرا..... اک ضدی بالک، پھل ہتھوں چھڈن لئی تیار نہیں ہویا۔ تھک ہار کے جاجی نے جیرے توں نیفاں دی طلاق منگی۔ جیرا تیار سی پر گلاں نے جیرے نوں طلاق دین نہیں دتی۔ جاجی لئی ساری کائنات بے جان ہو گئی۔ اوہ نیفاں دیاں اکھاں وچ سوچاں دی زردی ویکھ کے اتے اوہنوں پُپ دی بگل وچ جھور دیاں تک کے

جگراتیاں دی سولی چڑھدا رہیا۔ اوہ نیفاں نوں درد اوڑے جردیاں تے
 بھٹکھیاں تریہایاں مردیاں نہیں سی ویکھ سکدا۔ اوہنے فیصلا کر لیا کہ اوہ نیفاں دے
 ماروں تھل وچ ہریالی لیائے گا۔ اوہ کلی مدھولن والیاں نوں برباد کر دے
 گا..... اوس نے اپنے اندر ڈکے ہوئے لاوے دا ڈھکن پٹاتے اکھاں وچ
 انگیار لیکے گلاں دے ساہنے جا کھڑا ہو گیا تاں جے زہر وچ لہڑی ہوئی کالی چپھ
 اپنا ڈنگ مار سکے۔ پر گلاں ساہنے بلدی آگ دا کوئی وس نہیں چلیا۔ اوہدی تیکھی
 مسکان جاجی داسارا سریر ٹھنڈا ٹھار کر گئی۔ اکھاں دے انگیار بچھ گئے تے دل دا
 درد اتھرواں راہیں ڈلھ پیا۔ اوہدا روم روم نیفاں دے سکھ دی بھکھ منکن
 لگا۔

”میرے جرم دی سزا نیفاں نوں نہ دے، اوس تے رحم کر۔ اوہ تیری
 وی دھی اے، تے دھیاں دے گھر مانواں اُجاڑ دیاں نہیں۔ مینوں معاف
 کر دے۔ بخش دے۔ چیرے نوں آزاد کر دے۔“..... جاجی نوں کوار گندل
 کھاندیاں ویکھ کے گلاں بہت خوش ہوئی تے کھل کے گڑا کے مارن لگی۔ اوہدے
 گڑاکیاں نال جاجی تر کھان دامکان، مکان دے ویہڑے لگا ڈھلن دا رکھ تے
 رکھ اُتے بیٹھے پکھی کنبھ گئے..... جولاہیاں دی تھنٹی وچ بجلی اک دار فیڑی لگی۔ پر
 ایٹکی کوئی مکان نہیں ڈھٹھا۔ کوئی گئی بجلی دی زد وچ نہیں آئی۔ صرف کڑکدی بجلی
 دی چمک وچ جاجی دے وچو دچوں دھواں نکلدیاں سبنھاں نے ویکھیا۔

اشتہاراں والی حویلی

ایس حویلی داناں اکرام منزل سی۔ ایس محلے دیاں تن چار وڈیاں
 حویلیاں وچوں اک حویلی..... اکرام منزل..... مستری اکرام کھوکھردی حویلی۔
 محنت، مزدوری، عقل، سوجھ تے دُوراندیشی دے گارے نال بنی اہ حویلی، اج
 وی مستری اکرام کھوکھردی یاد دلاندی اے۔ اللہ جنت نصیب کرے مستری
 اکرام کھوکھرنوں، اپنے ویلے دی اک مشہور شخصیت سی۔ اُچا لما قد، گھلا سریر،
 گورا مہاندرہ..... موبلائں تے گریس نال بھری کالی سیاہ ڈانگری وچ وی سَورج
 وانگر لٹکدا رہندا۔ چوڑے ہتھاں وچ بیمار گنیر بکس، گراریاں، نٹ بولٹ،
 پمپ سلنڈر صحت یاب ہو کے کھیڈن لگدے تے روندانجن ہسن لگدا۔ دِن رات
 دی محنت نے گڈیاں دے مستری اکرام کھوکھرنوں دلاور بس سروس دا حصّے دار
 بنا دتا سی۔ بڑا پیسا، ملن سار، سماجی قدراں دا پیارا۔ غیرت تے عزت دا
 راکھا۔ ہر اک داماں جایا۔ دنیا داری نوں سمجھن والا۔ چنگی تے مندی اکھ نوں

پچھانن والا۔ تن دھیاں ہویاں۔ پر جوانی دی مہاٹ اُتے قدم رکھن سار ہی اکرام کھوکر نے اونہاں نوں وہیاہ دتا۔ تاں جو اوہدی عزت دی چادر کتے داغی نہ ہو جائے۔ اکرام منزل وچ دوپتر وی نازل ہوئے۔ اسلام کھوکر تے انعام کھوکر۔ پڑھن لکھن دیاں ساریاں سہولتاں، پیسے دھیلے دی کوئی کمی نہیں۔ ہر طرحاں دیاں ناز برداریاں۔ پر دونویں پنجو عیبی سلکھنے نکلے۔ کھوکر خاندان تے اکرام منزل نوں چن چاڑھن والے۔

اسلام کھوکر..... گجھا شرابی، کچا ڈرائیور، حلیمہ دا خاوند۔ تن بچیاں دا پیو تے تنخواہ صرف پنجی سو۔ ہر رات دی کالکھ شراب دی بوتل وچ گھل جاندی۔ بوتل اسلام کھوکر دے سریر وچ نچن لگدی۔ نچد اسریر بھکیاں مارن لگدا۔ نچدا سریر گاؤن لگدا تے ہوا وچ اڈاریاں مارن لگدا۔ فیر اڈاریاں اسلام کھوکر نوں اسمان تے لے جاندیاں۔ اسمان گونجن لگدا..... تے خورے کدوں گونج دے اسمان توں اسلام کھوکر اکرام منزل وچ ڈگدا تے بیہوش ہو جاند ا۔ شراب دی ایس بوتل وچ ہولی ہولی حلیمہ وی گھلدی گئی۔ گھر دا خرچ، بچیاں دا پالن تے حلیمہ دا جیون، سہاگن ہندیاں ہویاں وی بیوہ لگن لگا۔ اسلام کھوکر اوہدے لئی جیوندیاں ہی مر گیا تے آخر اک دن حلیمہ نمائی نے مرے ہوئے آدم دا جٹا اُتار کے پراسٹ دتا تے اپنی بھکھ دا بوریا بستر اچک کے ہمیشاں لئی قاسم دے گھر جا بیٹھی۔ اکرام منزل دی چٹی دیوار تے ایہہ پہلا اشتہار لگا سی۔

اکرام منزل دا دوجا چن انعام کھوکر، چھیتی ہی ایس چھوٹے شہر دا وڈا چن بن گیا۔ ”حرام زادیئے، بد معاشے، کٹیے..... میں تیریاں ہڈیاں توڑ دیاں گا۔ پسلیاں بھن دیاں گا۔ دفا ہو جاؤ سارے ایتھوں۔ تہاڑی ماں دی..... تہاڑی بھین دی.....“ آہو! ایہہ گاہلاں ہی نیں۔ رب دے بخشے ہوئے مونہہ

چوں نکلن والیاں گاہلاں - انعام کھوکھر دیاں گاہلاں - بڑیاں بھیانک، انسانی
 ضمیر نوں قتل کرن والیاں گاہلاں - اہ گاہلاں ہر راتیں اکرام منزل دیاں
 کندھاں چیر کے میرا چکھا کر دیاں نیں - میرے کن پاڑ دیاں نیں - ایہہ گاہلاں
 ساری ساری رات مینوں سون نہیں دیندیاں - مینوں ڈاھڈا بے چین کر دیاں
 نیں - کیوں جے اکرام منزل دیاں کندھاں میرے کچے کوٹھے نال ملدیاں
 نیں - تے میں اپنی کوٹھری اندر بیٹھا سبھ کچھ سندا رہناں - بہت کچھ ویکھدا رہناں
 واں - میں اکرام منزل دیاں بہاراں دیکھیاں نیں - میں ایس اندر دولت،
 عزت، شرافت، لیاقت تے غیرت دار راج دیکھیا اے - اتے میں پچھلے وینہیاں
 ورہیاں توں اکرام منزل وچ شراب، بے حیائی، بے غیرتی تے گاہلاں داراج
 دیکھ رہیاں - انعام کھوکھر..... کچا شرابی، نکما مستری، ٹرانسپورٹ ورکشاپ وچ
 تیل گریسا - اوپروں ورکشاپ دے کم دارب ای راکھا - حاضری کلرک نوں
 مہینے دے دس دیہہ روپے دے دیوتاں بھانویں پورا مہینہ ہی ورکشاپ چوں غیر
 حاضر رہو - ملازماں دی حاضری لگدی رہندی اے - سرکاری ادارہ جے ہویا -
 انعام کھوکھر نے وی حاضری کلرک نال مہینہ لایا ہویا سی - اُہ وی کئی کئی دن
 ورکشاپ چوں غائب رہندا - کوئی فالتو کمائی کرن لئی نہیں - صرف شراب دے
 ٹھیکے دا طواف کرن لئی - ٹھہرے دی بوتل پین لئی - نالیاں وچ ڈگن لئی تے ہر
 رات گاہلاں کڈھن لئی - اوس لئی چنگی زندگی واسطے جھوجھنا بیکار سی - پہلاں اوہ
 شراب نوں پیندا سی - پر آہستہ آہستہ شراب اوہ نوں پین لگی - نہ گھر دا خیال، نہ
 بچیاں دی فکر، نہ بیوی دا غم - اپنیاں دی دید نہ بیگنیاں دا ڈر - محلے داراں،
 ساک سمبندھیاں تے ہمسایاں توں بے غم..... انعام کھوکھر، اکرام منزل، وچ
 چنگھاڑ دا، رہندا - ہر راتیں ڈاھڈیاں بے شرم گاہلاں دے روپ وچ - انسانی

ضمیر نوں قتل کرن والیاں گاہلاں۔ اتے اکرام منزل دی دوجی نوہہ، زُہرا.....
 انعام کھوکھر دے گھر دی کڈوی، اپنیاں پوچیاں نوں فاقیاں توں بچان لئی تے
 اونہاں تُوں دانے کھوان لئی کدے کدے پرائے گھراں وچ وی جان لگی۔
 پراونہیں اپنے آدم دا بٹا گلوں نہیں لاہیا۔ اوہیں ایس جٹے تُوں ہی اپنی تقدیر من
 لیا۔ اپنے آدم دے جٹے پٹھ لگ کے رنگ برنگے لیرے پان والی زُہرا دیاں
 گلاں ہون لکیاں۔ گلاں مونہاں چوں نکل نکل کے محلے وچ پھیلن لکیاں۔
 گلاں دا اک اشتہار بن گیا تے اشتہار اکرام منزل دی دیوار تے چپکا دتا گیا۔
 اہ اکرام منزل دی میلی دیوار تے لکيا ہویا دوجا اشتہار سی۔ پر ایس اشتہار دی
 عبارت توں بے خبر انعام کھوکھر اپنے رنگ وچ مست سی۔ ایس اشتہار دی کالی
 سیاہی توں بے فکر، زُہرا۔ گھر دیاں لوڑاں پوریاں کرن وچ رُجھی ہوئی سی۔
 ویلا بڑا تیز دوڑ رہیا سی۔ پر انعام کھوکھر لئی تاں ویلا، اوس دن توں رُکيا ہویا
 سی۔ جدوں اوہ دے مونہہ نے شراب دا سواد چکھیا سی۔ فیر شراب دے سواد نے
 باقی سبھ کجھ ہضم کر لیا پر ویلا کسے کولوں ہضم نہیں ہو سکيا۔ وقت دوڑ دا رہیا تے
 دوڑ دے وقت دے نال نال ایانے پوچے سیانے ہون لگے۔ سیانے ہون
 والے پوچیاں وچوں سبھ توں وڈے داناں سی حُنا کھوکھر، انعام کھوکھر دی
 پلیٹھی دی دھی..... حُنا کھوکھر، شام دا اٹکا تے سویر دی دؤنی۔ دِلش سُنری، پیار
 دا گلقتند، کھریا موتیا، ہسد اگلاب۔ حُنا کھوکھر! گھگی وانگر بولدی تے کونل وانگر
 کُوددی۔ شادی وہیاہ دیاں محفلاں اوہنوں گھٹ گھٹ چھپی پاندیاں۔ گیت،
 ٹپے، بولیاں سبھ نوں مست بناندیاں۔ رُوپ دے موتی چکن والے پنچھی،
 اوہدیاں نیلیاں اکھاں وچ چوگ چکن دی سبیل ڈھونڈ دے۔ حُنا کھوکھر، اک
 بل کھاندی سپنی، جتوں آوارہ سپیرے اپنی اپنی پٹاری وچ بند کرن دی فکر کرن

لگے۔ اکرام منزل دے آل دوالے آوارہ دُھند پھیلن لگی۔

مایاں دیاں بخشیاں ہو یاں گلاں پچیاں دی تباہی دا کارن بندیاں
 نیں۔ حُنا کھوکھر وی ماں پیو دے زنگار لگے ہو یے شیشے دا پر چھانواں سی۔
 اونہاں دے کارنامیاں دا کھٹ مٹھا سکم۔ اوہ وی اپنے لئی تباہی دا سامان پیدا
 کرن لگی۔ جو بن اوہدے سریر تے پھوڑیاں وانگر پھٹ پیاسی۔ اتے پھوڑے
 ہولی ہولی بھکھے عاشقاں دی جھولی وچ پھسن لگے۔ اوہ کھلے عام اپنے پنڈے
 تے جوکاں لوان لگی۔ جوکاں جیہڑیاں اوس دا گندہ لہو پُوس لیندیاں۔
 سپولینے اوہنوں چھج وچ پا کے چھٹن لگے تے چھانی وچ پا کے رولن لگے۔ حُنا
 کھوکھر شہرت دیاں حداں پھیلن لکیاں۔ اکرام منزل وچ کئی گُلناراں سہلیاں
 دے روپ وچ آن جان لکیاں۔ سُر و قد میاراں، پھڑکدیاں رگاں، نچدیاں
 اکھاں، ست رنگی چوڑیاں دے ہاسے گڑا کے۔ حُنا کھوکھر روٹی کمان دا
 ٹھیکرا بن گئی۔ اوہدی نظر دِنو دِن بالغ ہندی گئی۔ اوہ وڈے وڈے ہوٹلاں وچ
 جان لگی تے دل کھول کے پیسے لٹان لگی۔ ہُن اوہ سگریٹ، شراب تے کباب دی
 عادی ہو گئی سی۔ اوہدی سوچ اڈاری ہُن بوہت اُچی سی۔ اوہ دو جسمیں دے
 ملاپ نول لذت حاصل کرن دا فطری تقاضا سمجھدی سی۔ اوس لئی ہُن سماج تے
 سماجی رشتیاں دی کوئی اہمیت نہیں سی رہی۔ اوہ اکثر کہندی پئی جے دو جوان
 سریر اپنی مرضی نال اپنے سانجھے جذبے دی پورتی لئی آپوچ ملن تاں ایہہ کوئی
 اجیہا مسئلہ نہیں جس تے سماج والے شور مچان یا قانون تے شرع دا آسرا
 ڈھونڈن۔ اوہنیں اپنے سریرنوں نوں تہذیب دے سارے گناں نال سجالیا
 سی۔ حُنا کھوکھر ایس شہر دا چمکدا ستارہ، اکرام منزل دی کالی دیوار اُتے لگا تجیہ پر
 سبھ توں وڈا اشتہار سی۔ جس دی عبارت پڑھن لئی قلندری اکھاں بے تاب

رہندیاں۔ اکرام منزل دے اک کونے وِچ اک گونگا کردار وی رہندا سی۔
 جیہڑا کدے اپنے خیالاں دے شیشے وِچ اکرام منزل دیاں بہاراں ویکھدا
 رہندا تے کدے اکھاں اگے نچدے پت جھڑنوں۔ اوس گونگے کردار داناں
 بے بے حابراں سی۔ مستری اکرام کھوکھر دی بیوہ۔ اسلام کھوکھر تے انعام
 کھوکھر دی ماں۔ بیتی زندگی دے چنگے دناں دی یاد آوندیاں ہی اوہدے
 سائیں دا چوکھیا دیوہ..... اوہدے سارے سریرنوں روشن کر دیندا۔ پر حویلی دی
 وگڑی حالت دیکھ کے گونگا کردار چپ چاپتے روندار ہندا۔ اکرام کھوکھر دی موت
 مگروں بے بے حابراں دے چہرے تے کئی دراڑاں پیاں۔ فیر دراڑاں
 اوہدا نصیب بن گیاں۔ اوس دیاں ساریاں آس، اُمیداں، ریتجھاں تے تا نگھاں
 مٹی وِچ مل گیاں سن۔ اسلام کھوکھر تے انعام کھوکھر بے بے حابراں دے گل
 دے گاہڑ..... اوہنوں بڑی تکلیف دیندے۔ اوہ دُکھاں دی بھٹھی وِچ سڑھ
 سڑھ کے کونلہ بن چکی سی۔ اوہیں خورے کئے سال، مہینے تے دن ہضم کر لے سن پر
 کونلہ فیر وی سواہ نہیں بن رہیا۔ بے بے حابراں بڑیاں دُعاواں منکدی،
 پر اسمان اوس تے مہربان نہیں سی ہندا۔ اکرام منزل تے لگے اشتہاراں نوں
 ویکھ کے اوہ بہت دُکھی ہندی۔ اوہ دن دے اُجالے وِچ لگن والے اشتہاراں
 نوں رات دے ہنھیرے وِچ پھاڑن دی کوشش کردی۔ اوہ اکرام منزل دیاں
 کالیاں کندھاں نوں دھوندی۔ اشتہاراں دی عبارت نوں مٹاندی۔ پر کالیاں
 کندھاں نوں اُہ چٹاں دھوندی جاندی، اشتہاراں دے لفظ اونے ہی گوڑے
 ہندے جاندے۔

فیر اک دن انج ہو یا کہ حُنا کھوکھر دے سریر نوں دس باراں جوکاں
 اکٹھیاں چمبڑ گیاں۔ اوہدے سریر دا گندہ لہو پُوسن لئی۔ پر اوہناں جوکاں نے

اپنی کھوکھری نال حُنا کھوکھر داسارا جسم چھل چھڈ یاسی۔ اوہ وچاری لہولہان ہو گئی تے اوہنوں اوہدے خیر خواہاں نے بے ہوشی دی حالت وِچ اکرام منزل لیا ندا۔ حُنا کھوکھر تُوں بیہوش دیکھ کے اکرام منزل وِچ زلزلہ آ گیا۔ کالیاں، چٹیاں کندھاں کنہیاں۔ اشتہاری دیواراں لرزیاں تے آخر ساری خستہ حویلی دھڑام کر کے ڈھ پئی۔ حویلی ڈگن دی بڑی بھیانک آواز آئی۔ اک کھرام مچیا۔ لوکی دوڑے۔ اکرام منزل دیاں ڈگدیاں ڈھٹھدیاں کندھاں ویکھن لئی۔ حویلی نوں مٹی وِچ مِلدیاں ساریاں ویکھیا۔ تماشہ ویکھن والے لوک ٹٹیاں بھجیاں دیواراں تے لگے کئی ہو رنکے رنکے اشتہاروی پڑھن لگے۔ فیر لوکاں ویکھیا کہ ڈگی ہوئی حویلی دی گرد وچوں اکرام منزل دے وسنیک اپنیاں کپڑیاں تُوں پھنڈ دے باہر آئے تے اپنے سراں تُوں مسیت دے بُرجاں توں وی اُچیاں کر کے چلن لگے۔ صرف اکرام منزل دا گونگا کردار غائب سی۔ نہ ہی اوہنوں کسے ڈھونڈیا۔ شاید اوہ حویلی دے بلے پیٹھ دبو گیا سی تے مٹی نال مٹی ہو گیا سی۔

حلالا

راجاں کوئی رُڑھدی شہتیری نہیں سی، جھنوں نواب دریاؤں پھڑ لیا یا
 ہووے۔ اوہ تاں بھرویں رُکھاں دی گھنی چھاں وِچ پئی، ہسدے وسدے گھر
 دی جائی سی تے مایاں نے گج وِج کے نواب نال ویا ہی سی۔ راجاں جد تیکر
 کواری رہی، اوہدے خاندان دی آبرو وِچ بادشاہی رہی۔ اوس دا پو جمال
 دین شہر دا سبھ توں وڈا ٹھھیا رسی تے اوس اُتے ایہ اکھاں پلگل نہیں سی ڈھکدا اپنی
 ٹھھیا راں دی گا کر چوندی رہندی اے، سگوں اوہدے کاروبار نال گھر دا
 شنگا رسی۔ جمال دین نے گوی ٹور دیاں کوئی بجلی نہیں سی کیتی۔ بھانڈا ٹینڈا، کپڑا
 لیڑا تے ٹوم ملا، سبھ کُجھ رِج کے وِتا۔ داج ویکھ کے نواب علی خان دے دیدے
 پھن لگے سن، اوہنوں داج رکھن لئی اپنی حویلی وی تنگ دس رہی سی۔

سہاگ رات نوں صندلی رنگ دی راجاں نواب دے دل وِچ صندل
 دی نگھی نشیو، انگڑا تر گئی سی۔ اوہدے رُخساراں اُتے بہاراں ہس رہیاں سن۔

عنابی بُھّاں اُتے مستی دی تھند یا ئی تر رہی سی۔ بمب کالیاں زلفاں جد شُکدے
سپاں وانگوں مَخل دے سرھانے اُتے کھلریاں تاں نواب کولوں رہن نہیں ہويا۔
اوہ اپنے اتھرے من ٹوں کو سے کو سے ساہاں دی نکور دین لگا، پردل وچ بھانبر
جد امنبر چھوٹ لگے تاں اوہ بلدی اگ ٹوں تے پانی نال بُجھان لئی راجاں دے
ریشی پنڈے سمیت مخلی کنبل وچ وڑ گیا۔ نواب نے تاں شاید اپنی اگ بُجھا لئی
ہو وے پرٹھنڈے بخ پانی نال نہان دے باوجود وی راجاں دے سریر دی اگ
بُجھی نہیں سی۔

سویرے جد راجاں نے نواب ٹوں چیر ویں اکھ نال ویکھیا تاں اوہدا
تن من بول پیاسی پئی ایس مٹی کے پہلوان دیاں لتاں ریت دیاں نیں۔ اوہنے
نواب نوں من ای من وچ طعنا ماریا..... ”بھری جوانی مانجھا ڈھلا۔“ پر نواب
وی کیہ کردا۔ اوہ بھرا بھیا اکو جھیا سی۔ راجاں اپنے مایاں دی آبرودا چولا
پاکے بسوے داراں دی حویلی وچ آئی سی۔ ایس لئی اوہ صبر شکر کر کے نواب نال
گڑر بسر کرن لگی اتے اپنے عرق وچ غرق ہو گئی۔ نواب اوہدے نال مٹھا بولدا
تے اوس اُتے موتی رولدا۔ اوہنوں ہر طرحاں نال نٹس رکھن دا جتن کردا۔ پر اُہ
ایہہ نہیں سی جاندا پئی رن پہلاں نر، فیر زرمکدی اے۔ راجاں ٹوں بھکھ ویلے
اُنچ تاں چھولے وی بادام لگدے پر بادام کھادیاں وی بھکھ تھوڑی مہدی
اے۔ اوہدے سریر دی مونہ بند ہانڈی جد عشق دے تاپ نال اُبلدی تاں بے
کرتوتے نواب کارن راجاں اپنے آپ ٹوں لوہندی رہندی تے اوہدی پیاس
ہور وی ننگی ہو جاندی۔ نواب سمجھدا سی پئی ”رناں گھر دیاں رانیاں تے مرد
ڈھونڈے بھار۔ پر اوہنوں کون دے سے پئی ”جہڑا رن پیتا وندا سوئیو اُترے
پار۔“ راجاں ایس حویلی وچ اپنے آپ ٹوں باندر دے گل وچ موتیاں داہار

سمجھدی۔ نواب اوس لئی بے شک باہروں چٹی چاننی سی پر اندروں ہنھیری رات سی۔ اوہ ہُن سوچدی پئی میاں تاں مر گیا آئی نال پر بیوی کیوں مرے رضائی نال۔ اوہنے فیصلہ کر لیا پئی اوہ اپنی پیاس ٹوں بن باس نہیں دے گی۔ چھیتی ای راجاں دی عقل دا دیو ابجھ گیا تے اوہنے اپنی آبرو دا چولا اُتار کے سماج دے مونہ تے ماریا، تے پردے وِچ لہراں بہراں ڈھونڈن لگی۔ اُہ حویلی دی ڈیوڈھی پٹنا نہیں سی چاہندی پر حویلی اندر ادھدی حالت انج سی پئی ’’کوٹھے دی دوڑ بنیرے توڑی‘‘ ایس لئی گھر دی پٹی گھر وِچ ای میاؤں کرن لگی۔ ایس میاؤں دی میسنی آواز نوں سبھ توں پہلاں جواد علی نے سمجھیا۔ جواد علی، نواب علی خان دا چچیرا بھراہ تے حویلی دا لاڈلا۔ راجاں جواد وِچ دلچسپی لین لگی تے اوہنوں لاڈ نال دیسی گھئیو دی پُوری بڑے چاہ نال کھوان لگی تے ادھامن پر چاؤن لگی۔

جواد نے اپنے کو اپنے دی پنڈھ ٹوں گھٹ گھٹ کے گنڈھ ماری ہوئی سی پر بھرے بھرائے گھر وِچ ای راجاں نے پنڈھ کھولھ چھڈی تے ساری دولت لٹ لئی۔

دیہاڑی نواب زمینداری دے کماں وِچ رُجھیا رہندایاں فیر یار بیلیاں نال شکار کھیڈن ٹر جاندیاں۔ پکھوں جواد گھر دی بُوہ وِچ ای صندوق تیری دا شکار کر لیندا۔ راجاں دا دل سمندروں دُونگھا سی۔ ایس لئی نواب سمندروں اُچھلدا یاں چھلاں دی کہانی نہیں سی جان سکیا۔ راجاں کٹکوی وانگ کھیہ اُڈان لگی تے نواب دے سر وِچ پاؤن لگی۔ موقع ملدیاں ای راجاں جواد اُتے پانی وانگر دُلھ پیندی تے اوہنوں رَج کے نھواندی۔ بھلا گھر ہو دے وسن نوں تے مرد ہو دے ہسن ٹوں، فیر سوانی ٹوں ہو رکیہ چاہیدا اے؟

دلِ دلاں دے میلے ہون لگے۔ اوہ ہُن بڑی بخش سی، ہُن اوہدا ہتھ
 کارول تے دل یارول رہندا۔ اوہ ہُن اپنے ساہاں دا صدقا اُتار دی تے رج
 کے مویاں ماردی۔ جواد جدوی کدے اوہنوں گناہ تے ثواب دا حساب دس
 لگدا، تاں راجاں اوہنوں بڑے پیار نال کہندی کہ ”اہ جگ مٹھاتے اگلا کس
 ڈٹھا۔“ ایج دو مٹاں وچ ککڑی حرام ہون لگی۔ راجاں روٹیاں نال بوٹیاں
 کھان لگی۔ اوٹس سی پئی دونویں اکو تو سے دیاں روٹیاں نیں، کیہ موٹیاں تے کیہ
 چھوٹیاں نیں۔ اوہدی ککھ نے اک بال تے دو بالڑیاں وی جھیاں پر راجاں
 دی پوشاک تے خوراک وچ کوئی فرق نہیں پایا۔ اوہ خصم دا کھاوندی تے یاردا
 گاوندی۔ نالے کہندی پئی اپنے گھر وچ کوئی چھج و جائے یاں چھاننی، کسے نوں
 کیہ۔

حویلی وچ کچھ بسکٹی گھگھیاں داوی رین بسیر اسی جیہڑیاں جویلی دے
 ویڑھے وچ ای چوگ چکدیاں رہندیاں تے حویلیوں اولھے راجاں تے جواد
 نوں موج مستی کردیاں وی دیکھدیاں رہندیاں۔ اوہ امانت وچ خیانت کرن
 لئی جواد نوں سٹھیاں دیندیاں تے راجاں نوں پند پیاں۔ ہولی ہولی نواب نوں
 اپنے سونے وچ کھوٹ دا پتا چل گیا۔ اُہ راجاں نوں چکھن لگا:

”میں اہ کیہ سُن رہیاں۔ تُوں جواد نال تینوں شرم آنی چاہیدی
 اے۔ اوہ تیرا دیوراے، تیرے پُڑاں جہیا۔“

”ایہ بکواس اے۔ تُوں میرے تے لؤنٹر لارہیا ایں۔ تینوں کوئی حق
 نہیں مینوں ایج ذلیل کرن دا۔ میں اپنے مایاں دی لُج نوں کجیاں ہو یاں
 تیرے جے ڈھلے ڈھگے نال گزارا کر رہی آں۔ فیروہی تُوں میرے تے شک کرنا
 ایں۔“ راجاں گرجی۔

”آہو! توں جے عربی گھوڑے تے سواری کر رہی ایں ناں۔ تاں ای ہن مینوں ڈھلا ڈھگا کہنی ایں۔ پر اک گل گنڈھی بھ لے۔ جس دن میں تینوں رنگے ہتھوں پھڑیا ناں، او سے دن میں تینوں طلاق دے دیاں گاتے گتوں پھڑ کے حویلیوں باہر کڈھ دیاں گا۔ فیر پئی ٹھٹھیا راں دے پُچارے دے کبوتر اڈاندی رہیں۔“ نواب غصے وچ اُبل رہیا سی۔

”ٹھیک اے ٹھیک اے“ کتے بھولکن تے چن نوں کیہ۔“

شک حویلی اندر وڑھ چکیا سی تے یقین ڈیوڈھیوں باہر نکل گیا سی۔ نواب داچت ہن کسے وی کم ول نہیں سی لگدا۔ بخیاں اوہدے ہتھوں ڈگ پیاں سن۔ اوہدی رُوح ویران ہوگئی سی۔ اوہ بے چین رہن لگا سی۔ اوہنے زمینداری داکم اپنے منشی دے حوالے کر دتا۔ اوہنے شکار کھیڈنا وی چھڈ دتا تے حویلی دی راکھی بہہ گیا۔ اوہنوں ایس گل دا بڑا دکھ سی پئی جواد نے اوہدی پت تے ہتھ پایا اے۔ پر اوہ سمجھدا سی پئی گدا کدے اک ہتھ نال نہیں پیندا۔ اہ جاند اسی کہ جد تیکر سُنیا راکھوٹا نہیں ہووے گا، سونا کھوٹا نہیں ہو سکدا۔ اوہنوں پتا سی پئی دوہاں دی سنگت نال ای رنگت ہوئی اے۔ ایس لئی اوہ راجاں تے جواد نوں جُگل بندی کر دیاں پھڑنا چاہندا سی۔

جواد دی وی اکھ ہن اکثر پھڑکدی رہندی۔ تاں ای ہن اوہ راجاں کولوں کئی کتران لگ پیا سی۔ پر راجاں دی ٹھٹھیا راں دی کبوتری سی سی کر دیاں تھوڑی اڈدی۔ اوہ یاراں باجھ اُجاڑاں کنج برداشت کردی۔ اوہنوں جد وی موقع ملدا، اوہ جھجج نوں چھانی وچ رولدی تے دلاں وچ امرت رس گھولدی۔

راجاں تے جواد نوں پیار دی بھنگ پی کے ترنگ وچ آوندیاں دیکھ

کے ہُن تاں حویلی دے کی کمین وی نواب دی پھکڑی مار دے۔

تے فیر اک دن جھج چھانے دی کھیڈ پھڑی گئی۔ جواد نُوں راجاں دی
بُکل وِچ دیکھ کے نواب دیاں اکھاں وِچ لہو اتر آیا۔ اوہدے وِچو دچوں اگ
دے انگیارے نکلن لگے تے اوہدی زبان شوکاں مارن لگی۔

”..... طلاق..... طلاق..... طلاق.....“

جواد بھج گیا۔ راجاں نے نواب دے پیر پھڑ لئے۔

”مینوں معاف کر دے۔ میرا کوئی قصور نہیں، میرے نال جواد نے
زبردستی کیتی اے۔“ اوہ رون لگی، چیکاں مارن لگی پر ایتھے اوہدا کوئی نہیں سی، نہ
ماں، نہ بھین، فیر کون سنداوین۔

”کشیئے! توں میری عزت دی لٹی ہوئی کمائی بن گئی ایں۔ تیری بے
حیائی نے حویلی دی غیرت نُوں سنھ لائی اے۔ ایس حویلی وِچ مکھن کھا دیاں
تیرے دند گھس گئے نیں۔ ایس لٹی توں دفع ہو جا ایتھوں۔ نہیں تاں میں تیرے
دند توڑ دیاں گا۔ میں تینوں تن واری طلاق دے بیٹھاں۔ ہُن توں میری منکوہ
نہیں ایں۔ توں ہُن آزاد ایں۔ ہُن پئی سوراں نُوں کھجوراں کھواندی رہو۔“

”میں کوئی قصور نہیں کیتا۔ مینوں معافی دے دے۔“ راجاں صفائیاں
دین لگی۔ پر اندروں اوہ جاندی سی پئی کھوہ وِچ پئی اٹ کدے سکی نہیں
نکلدی۔

”چل چل..... باہر دارستامل۔ توں تے کنجری ایں۔ مکھی تے کنجری
کدے اندر نہیں رہندی۔ تیرے جہی کپتی رن خصم لئی گالھ اے۔“ اوہ راجاں
نُوں دھکے مارن لگاتے باہوں پھڑ کے باہر کڈھن لگا۔

”بس نواب، بس۔ توں بڑا بکواس کر لیا۔ توں بڑیاں گالھاں کڈھ

لایاں۔ جد توں میرے نال سارے رشتے ای توڑ لیے نیں، فیرتیوں کوئی حق نہیں
میرے تے ہتھ چُکن دا۔ مینوں اوکھیاں بولن دا۔ میں جو کیتا، بھُل بھلیکھے.....
میرے کرم اللہ دیکھے۔ پر توں دس کھاں..... تیرے پلے کہدا اُگن اے۔ توں
پیاں عزتاں نوں روناں ایں۔ تیرے کول نہ تیرا اے نہ کمان۔ فیر توں کاہدا
پٹھان۔ روئی تاں میں اپنے نصیباں نوں آں۔ جو تیرے کچے دے لڑ لگی۔ عزت
تے شرافت تاں قائم رہندی اے جد پلے سخاوت ہووے پر تیرے پلے تے کوڈی
وی نہیں فیر توں کاہدا تھی۔‘

راجاں نے اٹ دا جواب پتھر نال دتا تے سِر اُچیاں کر کے حویلی چوں
باہر نکل آئی..... اتے ٹھٹھیا راں دی ٹھٹھی وِچ مڑ واپس آ گئی۔ راجاں نوں دیکھ
کے جمال دین دے چُبارے دیاں کندھاں ہل گئیاں۔ جمال دین بڑا دُکھی
سی۔ ذات برادری وِچ اوہدی بڑی نموشی ہوئی سی۔ اوہ طلاق نوں دوزخ دی
اگ کہندا جس وِچ سوانی سڑھدی رہندی اے۔ ایس لئی اوہ وڈ وڈیریاں نال
مِل کے راجاں تے نواب دے ملاپ دا جتن کرن لگا۔

راجاں نے کدے وی نہیں سی سوچیا کہ نواب اوہنوں طلاق دے
دیوے گا۔ اوہنوں تے گھر دی کچھڑی کھان وِچ ای مزا آ رہیا سی پر ہُن اوہ کیہ
کر سکی سی بھلا! شتابی کم خرابی کر دی اے۔ اتے عُصا حرام تے بند ابد نام
ہوندا اے۔ راجاں ایس سارے معاملے ول گوہ کر کے تھڑ دی رہندی۔ اِنج
تاں اوہ اک اجہی سیانی پٹی سی جھڑی ہر قسم دے چوہے پھڑن دا چِچ جاندی سی پر
ہُن اوہ عمر دے اوس حصے ول ودھ رہی سی جتھے سوانی ایہ نہیں کہ سکی دی پٹی جھدی
بُکل وِچ گھنا اوہنے بھٹکھیاں کیوں رہنا۔ اوہدے سریر دے گہنے ہُن پالش
کیتیاں وی پیلے ہوندے جا رہے سن۔ اوہ ہُن سمجھن لگی سی کہ چار دھیاڑے شوق

دے، مُردا ہو گئے بھونکدے۔ ہُن او ہدی عقل دا دیوا جگ پیا سی تے سیانپ دی
 لو وِج او ہنے دیکھ لیا سی کہ چڑھدے سورج ٹوں ای سارے پانی دیندے نیں۔
 پر ڈبڈبے سورج ٹوں کوئی پانی نہیں دیندا۔ اوہ جان گئی سی کہ ماپے، حسن، جوانی
 تے کالے کیس سدا نہیں رہندے۔ اُپروں ہُن او ہدے دل دے کسے کونے وِج
 سستی پئی ماں دی جاگ پئی سی جہڑی چاہندی پئی اوہ اپنے بالاں نوں گھٹ کے گل
 لائے تے اوہناں نوں اپنی متا دیاں لوریاں سنا دے۔ ایس لئی اوہنے اپنے پیو
 جمال دین دیاں کوششاں ٹوں نکا ریا نہیں۔

..... بسوے داراں دی حویلی اُنچ تاں کھڑی سی پر نواب دے دل دی
 گھٹی ڈھیہ چکی سی۔ او ہدی تاں دنیا ای اُجڑ چکی سی، اوہ بڑا نموجھان سی۔ اوہ
 اپنے بالاں ٹوں دیکھ کے جھردار ہند اتے کہند ا۔ ”بابا فرید، رتاں ڈاڈھیاں
 مردِ غریب“ اوہ اکلاپے دی سولی چڑھ کے سوچدار ہند اپنی..... ایہ کہیا آیتِ دا
 وارا کہ اُجڑ گیا تخت ہزارا۔ نواب دی ٹٹ بھج ٹوں دیکھ کے وڈیرے حویلی
 دے چکر لان لگے تے اوہنوں سمجھان لگے۔

”معاف کرنا وی اک نیکی اے پُتر، اتے اللہ تعالیٰ معاف کرن
 والیاں دی وڈیائی فرماندا اے۔ توں راجاں ٹوں معاف کر دے تے اوس نال
 مُرد نکاح کر لے۔ اوہنوں اپنی غلطی دا ڈاڈا پچھتاوا اے۔ اوہنے وی بدنامی دی
 بڑی اگ سیک لئی اے۔ اوہنوں بخش دے۔ اوہ ہُن تیری چادر ٹوں آدر
 دیوے گی۔“

”پر چاچے غفورے! راجاں دی حرام کاری کوٹھے چڑھ کے گوی
 اے۔ میں شریکاں وِج موہ دین جو گانہیں رہیا۔ تہا ٹوں تے پتا اے پئی شریک
 مٹی دا وی بھیڑا ہوندا اے۔ راجاں نے میری عزت مٹی وِج رول چھڈی اے۔

بھیڑی رن ٹوں تے رب وی ناپند کر دا اے، میں تے انساں آں۔ فیر میں کنج
مڑ کھواں کہ آبلائے مینوں مار۔ بزرگو! ان داتا تے ہر کوئی ہوسکدا اے پر رن
داتا کوئی نہیں ہوندا۔“

”تیری گل تاں لکھ دی اے پتر، پر وڈیاں سراں دیاں وڈیاں پگاں
ہوندیاں نیں۔ ایس لئی توں فراخ دلی دس تے وگڑے کم نوں سوار لے۔ تیرے
نال نال جمال دین دی وی بڑی نموشی ہوئی اے۔ اُہ وی برادری وچ مؤنہ
کڈھن جوگا نہیں رہیا۔ اوہدی وی عزت دی میلی چادرٹوں دھودے۔ اوہدا وی
مان رکھ۔ اسیں اوہدے ضامن آں۔ توں رب تے بھروسا رکھ، کیوں جے رب
ای سبب بنا ندا اے۔ رب ای توڑ داتے جوڑ دا اے۔ فیر توں بچیاں دا وی
خیال کر۔ اوہناں دی بھال لئی راجاں نال مڑ نکاح پڑھ لے۔ پتر! تھالی وچ
لُون نہیں بھنی دا۔ توں اپنا گھر سنبھال۔ لوکاں دا کیہ اے، جتے مؤنہ اُونیاں
گلاں۔ توں اپنا سکھ ویکھ۔ اکلی جندڑی کنڈیالی اے تے سوانی نال ہریالی
اے۔ نواب! کلی تاں لکڑی وی نہیں بلدی۔ ایس لئی ساڈی گل من لے۔ اَجے
وی دُلھے بیراں دا گچھ نہیں وگڑیا۔“

”دشیں میرے وڈے او۔ میرے بزرگ او۔ میری خیر چاہن والے
او۔ ایس لئی میں تہاڈی گل من لینا واں۔ جے تئیں پالے ٹوں سینا چاہندے او
تاں مینوں کوئی اعتراض نہیں۔ پر میری اک شرط اے۔“
”بول، نواب پتر بول۔ توں کیہ چاہنا ایں؟“

”چاچے غفورے! میں صرف ایہ چاہناں پئی راجاں پہلے عمر اکرے یا
جج۔ اتے اپنے گناہواں نوں بخشا وے۔ اپنے عیباں دا کفارا ادا کرے۔
اوہدے تن تے من دی پلیتی دھوتی جائے۔ فیر میں راجاں ٹوں مڑ اپنی منکوہا

بنالواں گا۔“

حاجی غفور خاں تے رحمت علی نے ایہ خشخبری جمال دین ٹوں سنائی۔
نواب دلوں لائی گئی شرط وی دی۔ جمال دین راجاں نوں عمر اکراں لئی تیار ہو
گیا تے انج ٹھٹھیاں دے چہارے دے سُرے، چپے، لٹے تے جو سرے
اسمان وچ کلیاں کرن لگے۔ کچھ چر مگروں جمال دین راجاں نوں عمر اکرا کے
لے آیا تے وڈو ڈیرے چُپ چپتے مولوی جی کول گئے اتے نواب تے راجاں دا
نکاح کران لئی کہن لگے۔ مولوی جی نے بزرگاں نوں شرع سمجھائی تے کہیا پئی
نواب نال مُز نکاح کران توں پہلاں راجاں دا حللا ہونا ضروری اے، یعنی
اوہ نکاح کسے ہو مرد نال کرانا پوے گا۔ مگروں اوہ دوں کولوں طلاق لے کے
نواب علی خان نال نکاح ہو سکدا اے۔

”مولوی جی! کوئی اجیہا رستا کڈھو پئی سدھا دوہاں دا نکاح پڑھا دتا
جائے۔ اجے حلالے دی لوڑ ای نہ پوے۔ نواب، راجاں دا کسے دوجے بندے
نال نکاح کرانا ہرگز برداشت نہیں کرے گا۔“

”غفور خاں صاحب! ایہ کنج ہو سکدا اے۔ ایہ شرع دے خلاف گل
اے۔ اتے شریعت تے چلنا ہر مسلمان مرد تے سوانی لئی فرض اے۔ ایس لئی تئیں
نواب ٹوں سمجھاؤ۔ اوہنوں شریعت قانون پڑھاؤ تے اوس اُتے عمل کرن دی
ہدایت کرو۔ اللہ رحم کرن والا اے۔ اوہ سبھ دیاں خطاواں معاف کر دیندا
اے۔“

حاجی غفور خاں تے رحمت علی، اسلامی شریعت دیاں کتاباں لے کے
نواب دی حویلی آئے تے اوہنوں شریعت دے حوالے نال مولوی جی دیاں
دلیلاں سمجھائیاں تے دسیا پئی اوہ دے نال نکاح پڑھان توں پہلاں راجاں دا

حلا کرانا ضروری اے۔ نواب نے آپ وی شرع دا اوہ حصا پڑھیا جس وچ مولوی جی دیاں دسیاں ہوئیاں گئیاں دا ذکر سی۔ اوہ حیران تے پریشان سی پئی ایہ کہڑی سزا اے کہ حلالے دے بہانے راجاں نوں دوجے مرد دے حوالے کر دتا جائے۔ بھادیس اک رات لئی ای سہی۔ پہلاں اے کم لگ لگا کے ہوندا سی پر ہن شریعت دی آڑ وچ سرعام راجاں دوجے مرد دی بیوی بن کے اوہدے نال رات گزارے گی۔ فیر بھلا ایس گل دا کیہ بھروسا کہ اوہ بندا دوجے دن راجاں نوں طلاق دے گا وی کہ نہیں؟ اوہ ڈاڈھا فکر مند ہو یا۔ اوہ پچھتا رہیا سی پئی جے ایہو حالات بننے سن تاں اوہنے راجاں نوں طلاق ای کیوں دتی سی۔ نواب نے چاچے غفورے کولوں سوچن دا سامٹلیا۔

نواب پوری رات ٹھنڈے دماغ نال سوچدا رہیا۔ پراہیہ حلالے دا کر لا بار بار اوہدے گل سچ اڑ جاندا۔ جے کر لے نوں ٹھکدا اے تاں شریعت دی خلاف ورزی ہوندی اے تے کفر دا فتوا لگ سکدا اے۔ اتے جے نگلدا اے تاں ضمیر دا پنچھی حلال ہوندا اے۔ جہڑا پہلوں ای پھٹو پیاسی۔ اوہنے سارے حالات تے غور کیا تے اخیر حلالے دا کوڑا گھٹ وی پین لئی تیار ہو گیا۔“

جمال دین تے چاچا غفور اک اجہیا بندا ڈھونڈن لئی نکل پئے جہڑا روٹیوں عاجز ہووے تے چھنوں گچھ رقم دے کے ایس شرط اتے راجاں نال نکاح کران لئی تیار کیا جائے کہ نکاح دے دوجے دن اوہ اوہنوں طلاق دے دیوے گا۔ چوکھی تلاش مگروں اوہناں ٹھوک و جا کے تے ٹھن ٹھکا کے برکت ناں دا اک لٹدی مسیت دا نمازی پھر لیا ندا تے اوہدے نال راجاں دا نکاح کرا دتا۔ راجاں جہدا تے دھ نال مؤنہ سڑھیا ہو یا سی، ہن لسی نوں وی پھوکاں

مارن لگی تے من ای من وچ کہن لگی ”بھیڈاں اُن ای بُہانی اے“ کوئی لاہ
لیوے“

دُوجے دن سمجھوتے مطابق برکت کولوں طلاق لے لیتی گئی۔ راجاں دی
عدت پوری ہون مگروں مولوی جی نے نواب دائنکاح اوس نال مڑ پڑھا دیتا تے
انج راجاں جھڑی لڑی داموتی سی، اوسے نال پرو دیتی گئی۔

تے فیر اک نواں جیون شروع کرن توں پہلاں اوہ دونویں حج کرن
لئی ٹر گئے تاں جے اللہ یاد تے گھر آباد رہے۔

ڈونگھے پانیاں دا دُکھ

میں جو کھے چرتوں ایس ڈونگھی جھیل وچ تر رہیاواں پر جھیل وچ کوئی
 ہلچل نہیں اے۔ لہراں شانت نیں۔ میں چاہنا واں پئی چھلاں اُچھلن، مچلن تے
 پھرن۔ ہڑھ آئے تے میں ڈب جاواں۔ پر جھیل شانت اے۔ چپ بے حرکت۔
 ایہہ جھیل صدیاں پہلوں مچلی سی۔ ایس وچ ہلچل پیدا ہوئی سی۔
 ایہدیاں چھلاں اُچھلیاں سن، پر اوس ویلے جھیل وچ کوئی ترن والا نہیں سی۔ تہ
 اوہ منکھ جہڑا ایس جھیل وچ اُتریا سی، اوہ تارو نہیں سی۔ تاں ای اوں دندے
 تے بہہ کے اپنے پیراں نال صاف سُتھرے پانی نوں میلا کردار ہند اسی۔ پر جھیل
 تاں بڑی ڈونگھی اے۔ ایہدی اوپر لی سطح دے ہلن نال اندر ٹھہرے
 کوارے جل تے کوئی فرق نہیں پیا۔ ہولی ہولی ایس ان چھوئے زل، کولہ جل
 اُتے کاہی جن لگی۔ کاہی نے جل نوں گھیر لیا۔ ایہدی سندر تا دیاں لاٹاں بکھن
 لکیاں۔ ایہہ مُر جمان لگی۔ لمے سے تک جھیل وچ پیر پئے رہن نال اوس منکھ دے

پیر سڑھ گئے۔ گل گئے۔ اتے فیر بے پیراں دامنکھ حادثے دا شکار ہو کے گئے
 بدلاں وچ گواچ گیا۔ گردتے غبار دے جھکھوچ فنا ہو گیا۔ اتے انج جھیل دی سطح
 دا بلنا وی بند ہو گیا۔ جھیل دے بے حرکت رہن نال پانی وچ کا ہی دی فصل پھیلن
 لگی۔ جھیل مَن کا ہی نال بھری ہوئی اے۔ اتے میں اک کستی تارو، اک ماہر
 غوطہ خور..... ڈونگھی شانت جھیل چوں کا ہی کڈھن دی کوشش وچ پانی دی تہہ تیکر
 غوطے مار رہیاں واں۔ میں جی ہوئی کائی کھرُچ رہیاں اتے دھرتی دے مونہہ
 اتے مار رہیاں۔ تاں جو دھرتی دا مونہہ بند رہے۔ اوہ مونہہ چوں گندے شبد نہ
 کڈھ سکے۔ پر لگدا اے کہ کائی کھرُچدے کھرُچدے کہتے میرے نہوں ہی نہ اُتر
 جان۔ اُنگلیاں توں لہو نہ رسن لگے کیوں جو جھیل دے پانی وچ جی ہوئی کا ہی
 دے اندر پتھر دی اک خوبصورت مورتی پئی ہوئی اے۔ میں کا ہی وچ پھسی ہوئی
 مورتی نوں پانی چوں باہر کڈھنا چاہناں واں۔ اوہدی کایاؤں کھر چنا چاہناں۔
 اوس وچ حرارت بھرنا چاہناں۔ اوہنوں پگھلانا چاہناں۔ پر اوہ مورتی.....
 اپنے جذبیوں مارنا چاہندی اے۔ اوسدیاں ریتجھاں دا پنچھی آکاش وچ
 اڈنا چاہندی اے۔ پر اوہ اوہدے کھنہ کٹ دینا چاہندی اے۔ اوہ جھیل توں
 باہر نکلتا نہیں چاہندی۔ پر میں وی فیصلہ کر لیا اے کہ میں انج نہیں ہون دیاں گا۔
 میں اوہنوں بے جسی دی چکی وچ پس نہیں دیاں گا۔ میں اوہنوں جی ہوئی اُداسی
 دے زہر نال حاملہ نہیں ہوون دیاں گا۔ یاداں دے ٹاپوچ بھٹکن نہیں دیاں گا۔
 میں اوہدی سُلکدی رُوح وچ حیاتی دے پیں بیجاں گاتے مالی بن کے رُوح دے
 باغ نوں پانی دیاں گا۔ تاں جو گلاب مہکن۔ اوہ مورتی را دھا دی ہم شکل اے
 تے میرا مہاندر اکرشن نال ملدا اے۔ ایس لئی اوہ میری را دھا اے تے میں
 اوہدا کرشن آں۔ میں اوہدے لئی پریم گیتار چنا چاہناں واں۔ جس وچ ارجن لئی

صرف ایہہ حکم لکھیا ہووے گا کہ اوہ پیار دی جوت جگائے تاں جو خدائے عشق دا دیدار بندار ہوے۔ اتے عبادت جاری رہوے۔ اوس سے تک، جد تک سرشتی دا بھرم نہ ٹھٹھے، پر اوہ سرشتی دے طلسم نوں ٹنڈیاں ویکھنا نہیں چاہندی۔ اوہ کہندی اے۔

”دنیا دا ایہہ سمندر بہت ڈونگھا اے۔ اتھے آس دے جزیرے ڈبڈے تردے رہندے نیں۔ اتھے دا اتہاس سپریر دے ننگے پن توں شروع ہو کے تہذیب دے لباس تیکر جاندا اے۔ تے ایہہ تہذیب اک جنگل اے۔ کلچر ڈاڈم خوراں دا جنگل۔ اتھے چٹے سفید کیڑے رکھاں نوں چٹ رہے نیں۔ رکھاں دیاں جڑاں کھوکھلیاں ہو رہیاں نیں۔ اوہ ننگے ہو رہے نیں۔ پراسیں سارے بے وس آں۔ کچھ نہیں کر سکہے۔ اسیں سارے زندگی دی پنڈھ جکی دھرتی اندر دھس رہے آں۔ اسیں سبھ سریر دی سولی اُتے ٹنگے ہوئے آں۔ فیروی توں پریم گیتا رچنا چاہنا ایں۔ پیار دے دیپ جگانا چاہنا ایں۔ خدائے عشق دا دیدار کرنا چاہنا ایں۔“

”وکیہ رادھا! اپنے احساساں دی بھٹھی وچ اپنا تیل نہ پاکہ تیرا وجود ہی سڑھ بل جائے۔ دنیا دی کوئی شے اپنی ذات وچ بُری نہیں اے۔ ساڈے بُرے کرماں نال اوہ بُری ہو جاندی اے۔ ایس لئی بُرائی دا وجود حقیقی نہیں اے۔ جد کہ زندگی اک حقیقت اے۔ ایس سچ نوں سمجھ۔ رادھا! حیاتی، کائنات وچ کھلے رنگاں داناں اے۔ زندگی محبت اے۔ عشق اے۔ پر تیری زندگی دی گلی تاں خالم خالی پئی اے۔ پلنگل ویران۔ کمرے اُجاڑ پئے نیں۔ میں تیرے دل دی کوری دیوار تے حیاتی دیاں تصویراں سجانا چاہناں۔ میں تینوں خوشیاں بھری زندگی دینا چاہناں۔ ایس لئی توں اپنے دل دا دروازہ میرے لئی

بند نہ کر۔“

”میں اوس راہ تے چلنا چھڈ چکی آں کرشن! جہڑا رشتیاں دے گئے جنگل
 نوں جاندا اے۔ میں خواب دیکھنے چھڈ دتے نیں۔ میں اپنے جُتے توں پیارناں
 دی گرد پھنڈ دتی اے۔ تُوں نہیں جاندا کرشن! بہت پہلاں بھلیکھیاں تے
 چھلا ویاں پچکھے چلداں ہویاں میں دل دریا دے دندے تے اک گھر بنایا سی۔
 اوس اندر پیار دا دیپ جگایا سی۔ فیر کسے نے چُپ چپتے میرے گھر دا گنڈا کھڑا کایا
 سی۔ میں اوہنوں اندر آن دی اجازت دے دتی سی۔ میں اوہنوں اپنے سریر
 دی چادر بنانا چاہندی ساں۔ توں تاں جاننا ایں پئی عورت اک ویل وانگر
 ہندی اے جہڑی بھادیں کنی ہی وڈی تے لمی کیوں نہ ہو جاوے۔ پر اوہنوں ہر
 ویلے اک مضبوط سہارے دی لوڑ ہندی اے۔ میں اوہنوں اپنا سہارا بنانا
 چاہندی ساں۔ پر اوہ ندی کنارے کھڑا اک اچھیا رُکھ سی جدھیاں جڑاں
 کھوکھلیاں سن۔ اسیں کافی چر تک اگ پانی دی کھیڈ کھیڈ دے رہے۔ میں اوس
 اندر ہریالی لیان دا جتن کردی رہی تے اوہ مینوں بانجھ بنا دتا رہیا۔ اوہ اک
 اجہا بدل سی جو کدے گر جیا تے نہ کدے ورہیا۔ اوہ منجھ جہڑا میری زندگی وچ
 اگ دے بھانپڑ وانگ داخل ہو یا سی، میری رُوح نوں ساڑھ پھونک کے
 میرے اندروں باہر نکل گیا۔ میں اوہنوں پھڑوی نہ سکی۔ اتے فیر میں جھیل وچ
 ڈُب گئی۔ کاہی نال بھروچی جھیل وچ۔ میں ٹھنڈی ٹھار ہو گئی۔ میں اتھرواں دی
 پونجی نوں بے دریغ لٹایا، پر کجھ نہیں پایا۔ ایس لئی توں مورتی نوں پگھلان دا جتن
 چھڈ دے۔“

”رادھا! اسیں سارے لوک محبت دی تانگھ وچ جیوندے آں۔ ایہہ
 ساڈی فطرت دی پہلی لوڑ اے۔ ساڈے دل دی پہلی ریتجھ۔ ایس لئی توں مینوں

تیاگ دی دعوت نہ دے۔ میں تیرے نال پیار کرناں۔ توں وی مینوں چاہنی ایں، پر کہنا نہیں چاہندی۔ ایہہ گل میں تیرے سریر تے لکھے اکھراں توں پڑھی اے۔ توں اپنے جذبیاں نوں وجود دی قبر وچ قید کیتا ہو یا اے۔ کیوں بے توں اوس پل توں ڈرنی ایں جد تیریاں خواہشاں دی گنڈھ کھل جائے گی تے توں تیتلا تیتلا ہو کے کھل جائیں گی۔ ایس لئی رادھا! سارے ڈکے توڑ دے تے اوس جال، چوں باہر نکل آجھو اتوں آپ اپنے گرد بنیا اے۔“

”ایہہ ٹھیک اے کرشن! پئی میں تینوں چاہنی آں۔ پر پیار تیرے لئی جساماں دے ساگم داناں اے۔ جد کہ میرے لئی ایہہ اک لافانی جذبا اے۔ اک خوشبو اے، روح ئوں آنند بخشن والی نشبو۔ پیار رُوحاں دے ملاپ داناں اے۔ کیوں جو اسیں رُوح دی حالت وچ اک ساں۔ اتے جساماں توں پاک۔ سورج وانگر چمکدے تے جھرنیاں دے پانی وانگ صاف۔ جد اسیں سریراں وچ قید ہو گئے تاں سانوں ہصیاں وچ ونڈ وٹا گیا تے ساڈی وحدت گواچ گئی۔ ایس لئی آ، اسیں سریراں دی صحبت ترک کر دیے۔ تا نگھاں دیاں بیڑیاں توڑ دیے۔ قید توں بچ جائے۔ تے اپنی اصل منزل اُتے جا پہنچے۔“

رُوحاں دو قسم دیاں ہندیاں نیں رادھا! اک فانی تے دُوجی غیر فانی۔ غیر فانی رُوح خواہشاں دی بھجڑ ئوں ختم کر دیندی اے، پر فانی رُوح پیار تے لذت منکدی اے۔ میں وی اک فانی روح آں۔ میں تینوں پیار دا سواد چکھانا چاہنا واں۔ جساماں دے ساگم نال سورگ وچ لے جانا چاہنا واں۔ کیوں جو جساماں دا ساگم ہی مُکتی دا وسیلا اے۔ حقیقی عشق دا پہل اے۔“

”کرشن! تیرے دل تے دماغ دی حالت صحیح نہیں اے۔ تیریاں گلاں وچ عقل دا دخل نہیں لبھدا۔ توں محبت نوں اپنے زاویے نال دیکھدا ایں۔“

”عشق دا رُتبا عقل کو لوں بہت اُچا اے رادھا! محبت زندگی اتے موت
 وچکار اک انمولا خزانہ اے۔ جدھا حساب کتاب نہیں رکھیا جاندا۔ ایہہ تاں
 جذبیاں دی دولت اے۔ حیاتی داسرماہیہ اے۔ پرچ تاں اہ اے کہ تُوں اپنے ہوا
 کسے ہو رنال کوئی رشتا رکھنا ای نہیں چاہندی۔ تُوں سُلگ سُلگ کے خاک ہونا چاہی
 ایس رادھا! تُوں نہیں جاندی کہ ایہہ دنیا حساس لوکاں لئی اک نرک اے۔ ایس لئی
 جیون دے اک اک پل نوں خوشیاں بٹورن لئی ورت۔ مینوں ٹوٹیاں وچ ونڈی
 ہوئی تیری ایہہ زندگی پسند نہیں۔ تُوں اپنا پورا وجود اکٹھا کرتے میرے نال چل۔
 میرا پیار دھپ وچ تیرا سایا بنے گا۔ تے ہنیرے وچ لوء بن جائے گا۔ تیرے
 سریر دی گھھا دی ہنیرے نال بھری ہوئی اے۔ لوء داکتے ناں نشان تک نہیں اے۔
 جے تیری مرضی ہووے تاں میں گھھا وچ اک بالاں تاں جو سریر روشن ہو جائے۔
 دیکھ رادھا! انسان دے اندر جذبے ٹٹ بھج تاں کر دے ہی رہندے نیں پر دل دا
 بھانڈا خالی نہیں رکھنا چاہیدا اے۔ اوہ بھریا ہووے، بھاویں اوس وچ آس دا
 رانگلا غبار ہی کیوں نہ ہووے۔ میں منداواں کہ اسمان میلا اے۔ دھرتی بنجر ہو رہی
 اے۔ سورج بدلاں دے دھوئیں بچ اٹکیا ہویا اے فیروی آ، اسیں نال نال چلیے۔
 جگنوواں تُوں پھڑیے تے حیاتی دے اک اک پل تُوں لوء بخشے۔“

”ایس زندگی دے رستے وچ ہُن مینوں کسے رُکھ دی لوڑ نہیں رہی کرشن!
 میں کدو دا اپنے سائے پٹھ جینا سکھ لیا اے۔ میں اک کالی رات آں جھڑی لوء
 نوں کدے جنم نہیں دے سکدی۔ ایس لئی مینوں ٹہینے پھڑن چ کوئی دلچسپی نہیں
 اے۔ میں اپنے دل دے بوہے تُوں اندروں جندرا مار دیتا اے۔ میری بہار کد دی
 برف وچ دبی جا چکی اے۔ تے برف پکھلن والی نہیں اے۔ تُوں مورتی نوں
 توڑن دی کوشش چھڈ دے۔ میں تاں ایس اڈیک وچ آں کرشن! پی کدوں میری

رُوح جسم دے کفن توں آزاد ہووے۔“

”رادھا! جسم رُوح دا کفن اے تے نہ قبر۔ جسم سُولی وی نہیں اے۔ ایہہ رُوح دا لباس اے۔ سریر دی پوڑی اُتے چڑھ کے ہی رُوح تک پہنچیا جاسکدا اے رادھا! سوانی نے مرد ذات نوں ایس لئی پیدا نہیں کیتا کہ اوہ اکلے رہوے۔ مرد اوہدا ساتھی اے۔ اوہدا پُورک۔ ایس لئی توں بچ نہیں۔ میں تینوں ہارن والا نہیں آں۔ ویکھ، ویلا برباد نہ کر۔ وقت تے لہراں کسے دی اڈیک نہیں کردیاں۔“

”پر میں آپ اپنے آپ نوں ہارنا چاہنی آں۔ ایس وِچ توں کیہ کر سکنان ایں۔“..... میریاں ساریاں کوششاں ناکام ہو گئیاں۔ میرا منزل تے جُتْنا دکھا ہو گیا۔ بھلا کیلے دے چھلکیاں تے چل کے منزل اُتے کیوں جُتْنا جاسکدا اے۔ میں اوس اندر زندگی دی حرارت پیدا کرن دی کوشش وِچ آپ برف دی سل بن لگا۔ اخیر اک دن اوہ پتھر دی سوہنی مورتی، جہوی پل چھن لئی جھیل چوں اُبھری سی، ہمیشاں لئی کا ہی نال بھروچی جھیل وِچ دُب گئی تے غائب ہو گئی۔ میں ڈونگھی جھیل وِچ تاری ماردا رہیا۔ اوہنوں تہہ وِچ ڈھونڈا رہیا۔ پر جھیل وِچ کوئی ہلچل نہیں ہوئی۔ اوہ بے حرکت تے شانت رہی۔ تھک ہار کے میں جھیل وِچوں باہر آ گیا تے کنارے تے بہہ گیا۔ پر میرے پیر جھیل وِچ ہی پئے رہے۔ اتے پانی نوں ہلاندا رہے۔ کا ہی نے میرے پیراں تے پھوڑے اُگا دتے۔ میرے پیر وی سڑھ گئے۔ پر اوہ سندر مورتی جھیل چوں فیر کدے نہیں اُبھری۔ ایس گل نوں صدیاں بیت چکیاں نیں۔ پر میں بغیر پیراں دا منٹھہ اج وی کنارے تے بیٹھا اوہدی تانگھ وِچ جھیل اندر جھانکدا رہنداں۔

کھونجے رُلدا سچ

میں کہانی ٹوٹیاں وچ لکھناں پسند کرناں واں۔ کیوں جے میں ٹوٹے جوڑن 'سچ ماہر آں۔ اہ کہانی وی میں ٹوٹیاں 'سچ ای بیان کر رہیاں۔ تئیں میرا یقین کر لو پئی اہ ٹوٹے خوبصورتی نال جو جان گے تے کہانی بن جائے گی۔ اک کہانی..... کئی ٹوٹے..... نکلے وڈے..... ضروری تے غیر ضروری..... تے اہ پہلا ٹوٹا.....

اک الھڑ مٹیاری،..... کھڑیا شریر،..... چھاتی اُتے دو کچیاں ناکھاں.....
 انگ انگ 'سچ گلاب دی مہک..... اپنے وجود دے جنگل ٹوں ہرا ہندیاں ویکھ رہی اہ مٹیاری..... اک دن ہسدے کھیتاں 'سچ..... سبز کھیرے توڑن گئی..... اتھے ذرا رک جاؤ..... کیوں جے ایس پہلے ٹکڑے دا دوجا حصہ اتھے نہیں جوڑا۔ ایس لئی مَن کہانی دا دوجا ٹوٹا پڑھو۔ اک گھرو..... جوانی دے نمار 'سچ بے مہارا.....
 چوہیاں دا شکاری..... اک شاہ مار..... گڑی نوں کھیت ول جان دیاں ویکھ کے اپنی کھڈ چوں باہر نکلیا..... تے گڑی دے سامنے گنڈ لی مار کے کھڑا ہو گیا۔ اہ گجھ

بڑا بڑا..... تے فیرا ونہیں گردن لئی کیتی تے کڑی نوں ہڑپن لئی مونہہ کھولیا۔ کڑی
 نے چوکی داد فریاد کیتی۔ شور مچایا۔ ڈا ہڈا مقابلہ کیتا..... پرسپ ڈنگ مار گیا۔
 چوڑی شکار ہو گئی۔ مُنڈا ہرے جنگل نوں تباہ کر کے اپنی وڈی حویلی ول چلا گیا.....
 تے کڑی..... پئی جیدے ساوے حُسن نوں اتی سُنر بناؤن والی نتھ نکوں لٹھ چکی
 سی..... اتے کچیاں ناکھاں تے چک مارن دے نشان سن۔ آہو! اہ کڑی.....
 پھٹو سریر نوں سامہدی ہوئی..... تے بھارے قدم پُٹ دی ہوئی..... روندی
 گر لاندی..... اپنی کھلی چ آپڑی۔ اوہنوں اُجڑیا ویکھ کے اک کھرام مچ گیا۔ کھلی
 'چ بھونچال آیا..... فیر بھونچال..... وستی 'چ پھیل گیا۔ وستی دڑدناں گر لان
 لگی۔ درد دے دریا 'چ ہڑھ آ گیا۔ وستی حویلی والے مُنڈے دے خلاف لام بند
 ہو گئی۔ اوہناں تھانے 'چ رپٹ درج کرائی۔ گل وڈیاں کُریاں تیکر پہونچی۔
 وستی 'چ پلس آئی۔ کڑی دے بیان لتے گئے۔ پلس نے اوہدی لیر و لیر قیض.....
 پھٹی انگلی..... لہو 'چ رنگی شلوار اپنے قبضے 'چ لے لئی تے کڑی دا جھڑ وٹڈیا ہو یا
 سریر..... ڈاکٹری معائنے لئی بھیج دتا۔ مُنڈے نوں گرفتار کر لیا گیا۔ گواہاں دے
 بیان لتے گئے۔ بیان مکمل ہندیاں سار ہی پلس نے تعزیرات ہند دی دفعہ
 376 دے تحت چالان سیشن کورٹ 'چ پیش کر دتا۔

اتے اہ کہانی دا تیجا تے اہم ٹوٹا..... فاروق، سیشن کورٹ دا جج،
 عدالت دی کُرسی اُتے بیٹھا..... تکڑی ہتھ 'چ پھڑکے..... انصاف تول رہیا اے۔
 اوہدا دعوا اے پئی اوہیں انصاف دی کُرسی تے بیٹھیاں کدے وی گھٹیاں
 ودھ تول کے اپنے ضمیر نوں شرم سار نہیں ہون دتا..... اپنے آپ نوں عادل سمجھن
 آلا..... اہ جج..... اپنے عدل انصاف لئی شہر 'چ چوکھا مشہور اے۔ پنج وقتا نمازی
 پرہیز گار..... سچا تے سُچا۔ جج فاروق..... چالان دی مُسل ہتھ 'چ لے کے

درتھے تھل رہیا اے..... فردِ مجرم لگائی جاندی اے۔ عدالت داکرہ لوکاں نال
 بھریا ہو یا اے۔ بھونچال نال ہلیاں کلّیاں دے وسنیک..... اُجڑی ہوئی
 کڑی..... مُنڈے دا پروار..... یار بیلی..... شہر دے پتو نئے..... وکیل.....
 اخباری رپورٹر..... فوٹو گرافر..... ٹیلی ویژن دے کیمرے..... تے سپاہیاں دی
 حراست 'ج..... کمرے اندر داخل ہون والا مُنڈا..... نیویاں نظراں.....
 پریشان حال..... پیلا چہرہ..... دھون لکی ہوئی۔

جج نے مقدمے دی کارروائی شروع کرن دا اعلان کیتا..... کمرے 'ج
 شور مچ گیا استغاثے دے وکیل نے بحث ارنجھ کیتی، اتے مجرم دی تفصیل پڑھ کے
 سنائی۔ ثبوت وجوں سرکاری وکیل نے عدالت نوں کڑی دا جھروٹا دیا ہو یا شریر،
 لہو نال بھری شلوار،..... پاٹی انگلی، پھٹی قمیض اتے ڈاکٹری معائنے دی رپورٹ
 پیش کیتی۔ گواہاں دے بیان کرائے تے فیر کرسی اتے جا کے بیٹھ گیا۔ جج نے ملزم
 ول ویکھ کے بڑے رعب نال کہیا۔

”ملزم اپنا ناں، ولدیت، عمر، پیشہ اتے رہائش بارے عدالت نوں
 جانکاری دیوے۔“..... حکم سنّیاں ہی ملزم بولیا۔

”جناب والا! میرا ناں آفتاب عالم ولد خان بہادر شاہ محمد خان
 اے۔ میری عمر 24 سال اے۔ اسیں محلّہ نواباں 'ج رہنے آں اتے وپار ساہڈا
 پیشہ اے۔“..... جج نے کجھ پل لئی مُسل دا معائنہ کیتا تے فیر ملزم ول ویکھ
 کے بولیا..... ”تیرے اتے الزام اے پئی تُوں دستی شیخاں 'ج رہن والی مریم بی بی
 دختر فقیر محمد عرف فقیر، عمر 16 سال نال جبر زنا کیتا اے۔ سرکاری وکیل ولوں
 پیش ہوئے گواہاں دے بیان، ڈاکٹری رپورٹ اتے واردات والی تھاں توں
 لے گئے باقی ثبوتیں توں پتہ چلدا اے پئی مریم بی بی دی پت تُوں لئی اے۔ اہ

جرم انڈین پینل کوڈ دی دفعہ 376 رائیں قابلِ سزا اے..... تے ایس 'چ تینوں
دس سال توڑی قید سخت دی سزا ہو سکدی اے۔ کیہ توں اپنا جرم قبول کرناں
ایں۔‘

’نہیں! میں کوئی جرم نہیں کیتا۔‘

عدالت دے کرے ’چ کھسّر بھسّر ہون لگدی اے۔ بج میز تے زور
نال ہتھ ماردا اے تے خموشی لئی کہندا اے۔ لوکی چپ ہو جاندا اے نیں۔ بج فیر
آکھدا اے۔

’کیہ توں اپنی صفائی ’چ کجھ کہناں چاہناں ایں۔‘

صفائی دا وکیل اپنی کرسی توں اٹھدا اے۔

’حضور! میرا موکل بے قصور اے۔ اوس تے غلط الزام لایا گیا
اے۔ اسیں اپنی صفائی پیش کرناں چاہنے آں اتے تہاڈے کولوں انصاف دی
منگ کر دے آں۔‘

عدالت دا ویلا منگ رہیا اے۔ مقدمے دی اگلی پیشی دو مہینے بعد رکھی گئی
اے۔ تے خان بہادر شاہ محمد خان نے اپنے جگر دے ٹوٹے دی ضمانت کرا لئی
اے۔ تے اہ مڑ حویلی ’چ آگیا اے۔

ایس دوران خان بہادر بستی دیاں بھوہ رنگیاں بھید بکریاں ’چوں
کالیاں بھید اس خریدن دی کوشش کر دے نیں۔ تاں جو اوہناں رائیں مریم بی
بی اتے اوہدے پیو فقیر ودے گلے ’چ دھن مالا پوا کے اوہناں دامو نہہ بند کر دتا
جائے۔ کیوں جے خان بہادر دی نظر ’چ مریم دی حیثیت کسے گشتی توں ودھ نہیں
سی۔ اہ اپنے پتر دے ہتھوں مریم کی نتھ اُترائی دی قیمت چالی پنجاہ ہزار تک دین
لئی تیار نیں۔ اہ سمجھدے نیں پئی اہ رقم کھی دا نقشہ بدل دیوے گی تے مریم لئی بیگم

بنا سوکھا ہو جاوے گا۔ پر مریم دے پیو نے دولت دی اُچی پوڑی اُتے لکے خان بہادر دے مُونہ تے حقارت نال تھکدے ہوئے کہہ وِتا پئی گُڑیاں دی پت دا سودا نہیں ہو یا کردا۔ خان بہادر دے سارے جتن ناکام ثابت ہوئے تے مقدمے دی تاریخ آئجی اے.....

آواز لگدی اے..... ”سرکار بنام آفتاب عالم خان حاضر ہوئے۔“ دونویں دھڑے عدالت ’جج حاضر نہیں۔ عدالت داکرہ بھریا ہو یا اے۔ سرکاری وکیل پہلاں مریم تے فیرو جے گواہاں نوں پیش کر دے۔ سارے، جج ساہنے اوہو بیان دیندے نیں، جیہڑے اُہ لکھتی رُوپ ’جج دے چُکے نیں۔ مریم اپنے نال بیٹی گھٹناں نوں مُربیان کر دیاں..... پہلاں تاں شرما وندی اے..... ججکدی اے..... فیرو پیندی اے..... اتھرو اتے جذبات اک مِک ہو جان دے نیں۔ اندر دا درد چہرے اُتے اُبھر آ وندا اے۔ کنبھدی آواز اُچی ہندی اے..... تے کمرے ’جج گونجن لگدی اے۔

”جج صاحب! اہ کس گل دا بدلہ لٹا ایس بد معاش نے میتھوں۔ استھہ کد تیکر سوانی دی پت لکدی رہوے گی“..... اک روڈ والی آواز ہو رہی بھردی اے۔ اہ مریم دا پیو فقیر دا اے، جیہڑا کہہ رہیا اے۔

”میری عزت دی چٹی چادر ایس کُتے نے داغدار کیتی اے۔ جج صاحب! ایس چادر نوں دھو دیو۔ میری عزت بحال کر دیو۔ ایس مجرم نوں سخت سزا دے کے ساہڈے نال انصاف کرو۔ رب تہا نوں سکھی رکھے۔“

کرم دین عُرِف کرمو تے ہریانے اپنے بیاناں ’جج کیہا اے پئی اوہناں چھوٹے خان صاحب نوں اپنیاں اکھاں نال کھیت ’چوں نکدیاں ویکھیا اے۔ ایدے وال کھلے ہوئے سن۔ ساہ پھلیا ہو یا سی۔ پتلون نوں لگی مٹی

لگی ہوئی سی تے اہ حویلی ول جارہی سی۔ مریم نے اوہناں نوں رورو کے سنایا سی پئی حویلی والیاں دے مُنڈے نے اوہنوں برباد کر دتا اے..... اوس نال زبردستی کیتی اے..... اوہدے کپڑے پائے سن تے چُچی لیر و لیر سی۔ باقی گواہاں نے وی پہلاں لکھوائے گئے بیاناں دی تصدیق کیتی..... صفائی دے وکیل نے مریم اتے اوہدے گواہاں نال جر ع کر دیاں ڈھیر سارے سوال کیتے۔

”مریم بی بی! کیہ توں یقین نال کہہ سکدی ایں پئی تیرے نال مونہہ کالا کرن والا ایہو نو جوان سی، جیہڑا ایس ویلے کٹھیرے ’چ کھلوتا اے اتے جس داناں آفتاب عالم خان اے۔ جاں کوئی ہو رسی۔“

”جی! ایہو کمینہ سی۔ ایس نے ہی میرے جسم نوں جھروٹا دیا اتے میرے نال زبردستی کیتی۔“

..... ”کیہ اوس ویلے اتھے کوئی ہو روی سی جاں تئیں دونویں اکلے ای

سو۔“

”میں اکلے کھیت ’چ گئی ساں کہ اہ شیطان میرے اُتے جھپٹ پیا۔ اوس ویلے اتھے کوئی دُوجا بندہ نہیں سی۔ میں بوہت کر لائی..... روئی..... چوٹی، پرکے نے میری آواز نہیں سنی۔“

”ایدا مطلب اہ ہو یا پئی موقع دی کوئی شہادت نہیں۔ فیر توں کج ثابت کر سکنی ایں کہ آفتاب عالم خان نے ہی تیرے نال جبر زنا کیتا اے۔“

سرکاری وکیل وچوں بول پیندا اے..... ”میرے فاضل دوست و چاری مریم نوں غیر ضروری سوال پچھ رہے نیں۔ جج صاحب! کوئی وی گوی بھانویں کواری ہوئے جاں بیا ہی، جان بُجھ کے بدنامی دا تیکہ اپنے متھے تے نہیں لگا سکدی..... کیہ مریم دازخی سری، ڈاکٹری رپورٹ اتے ملزم دا گناہ گار چہرہ

ثبوت لئی کافی نہیں؟“

صفائی دے وکیل نے گواہاں نوں وی کئی سِدھے پُٹھے سوال پکیتے پر سارے اپنے اپنے بیاناں اُتے ڈٹے رہے۔ مگروں صفائی دے وکیل نے وی اپنے گواہاں نوں عدالت وچ پیش کیتا جہاں دا کہنا سی کہ گھٹنا والے دن چھوٹے خان صاحب پورا دن فیکٹری وچ سن۔ پرسرکاری وکیل نے اپنی جرح وچ مُلزم دے گواہاں دی پول کھول کے رکھ چھڈی۔ اتے عدالت دا وقت ختم ہو گیا۔ گواہاں دے بیان مکمل ہو چکے سن۔ اس لئی فیصلے دی تاریخ چار دناں بعد مقرر کیتی گئی۔

مستیّاں، مندرّاں، درگاہاں تے گوردواریاں دے اُچے بُرجاں تے میناراں والا اہ شہر..... جس وچ بستی شیخاں دیاں کلّیاں وی نیں تے خان بہادرّاں دیاں حویلیاں وی..... تے اُچی پہاڑی تے بنیا جج فاروق دا بنگلہ وی اے۔ بنگلہ دے لان وچ اک کُرسی تے بیٹھا جج، مریم دے مقدمے بارے سوچ رہیا اے تے..... جج نوں یقین اے کہ آفتاب عالم مجرم اے۔ اوہیں فیصلہ کر لیا اے کہ اُہ ہمیشاں وانگ عدالت دا وقار قائم رکھے گا، اتے مُلزم نوں سخت سزا دیوے گا..... باہر گھنٹی وجدی اے۔ نوکر دروازہ کھولدا اے۔ اندر آؤن والے بیٹھک وچ بٹھائے جان دے نیں۔ نوکر جج فاروق نوں خبر کرا اے کہ تن بندے ملن آئے نیں۔ جج اُٹھدا اے تے بیٹھک وچ آجاندا اے۔ مُلزم دا پتو خان بہادر شاہ محمد خان۔ سٹی زن کونسل دے چیرمین تے اسمبلی دے ممبر رائے بہادر دولت رام اتے مشہور سوشل ورکر کامریڈ اجیت سنگھ اُٹھ کے جج نال ہتھ ملاوندے نیں۔ جج اونہاں دے آؤن دا سبب جاندا اے، فیر وی پُچھدا اے ”دسو! تھیں اتھے آؤن دی زحمت کیوں کیتی؟“۔ جواب وچ رائے

بہادر دولت رام اتے کامریڈ اجیت سنگھ خان بہادر دے مُنڈے دی سفارش کردے نیں اتے اوہنوں بڑی کرن لئی کہندے نیں۔ کیوں جے اہ خان بہادر دی عزت دا سوال اے، جس دے مٹی وچ ملن دا خطرہ پیدا ہو گیا اے۔

’ایس ’چ سفارش دی کوئی لوڑ نہیں۔ میں پورا انصاف کراں گا۔‘

رائے بہادر جج نوں خریدن دی کوشش کردا اے..... پر بے کار۔ کامریڈ جج نوں دھمکی دیندا اے پر مقصد نہیں نکلد ا۔ جج اوہناں نوں چلے جان لئی کہندا اے۔ گل وڈیاں کُریاں تیکر پہونچدی اے۔ جج تے دباؤ دودھدا جاندا اے۔ لپڈر، منتری، افسر،..... سفارش کردے نیں۔ غنڈے، بد معاش دھمکیاں دیندے نیں۔ ٹیلی فون دیاں گھنٹیاں دا شور و دھن لگدا اے۔ آوازاں ساگر دیاں لہراں وانگر اوہدے دل تے دماغ نال ٹکراوندیاں نیں۔ جج..... گنجبل چوں باہر نکلن لئی نماز دا سہارا لیندا اے۔ قرآن دی تلاوت کردا اے۔ پر بھار ہو لا نہیں ہندا..... رُوح تے چھائے ہوئے گھنے بدل چھٹن داناں نہیں لیندے۔ اتے من دی ندی ’چ ڈاھڈا شور اے۔

اج مقدمے دا فیصلہ اے..... وکیل استغاثہ نے سوہنے ڈھنگ نال کیس پیش کیتا اے۔ اوہدیاں دلیلاں مضبوط نیں..... فیر جج فاروق دے انصاف دی دھاک..... اوہنوں یقین اے پئی فیصلہ اوہناں دے ای حق ’چ ہوئے گا۔ تے ملزوم نوں سزا ہو جائے گی۔ سرکاری وکیل نے مریم، فقیر و، کرموتے وستی دے ہور وستیگاں نوں یقین دوا یا اے پئی آفتاب عالم نوں سخت سزا ملے گی۔ عدالت دے کمرے ’چ تیل دھرن دی جگہ نہیں اے۔ کمرے ’چ شور اے۔ پر جج دے اندر وڑھدیاں ہی سارے پُچ ہو جاندے نیں۔ جج مقدمے دا فیصلہ سنان لگدا اے۔ اوہدیاں اکھاں میز اتے پئے کاغذ تے جمیاں نیں۔

”ڈاکٹری رپورٹ دے مطابق اہ ثابت ہند اے پی مریم بی بی دختر
فقیرو نال زنا بلجبر ہو یا اے۔ مریم اتے باقی گواہاں دے بیاناں مطابق اہ کم
آفتاب عالم نے کیٹا اے۔ پر استغاثہ اہ ثابت کرن ’جج ناکام رہیا اے پی اہ
جُرم آفتاب عالم نے ہی کیٹا اے کیوں جے ایس گھٹناں دا کوئی چشم دید گواہ کوئی
نہیں اے۔ ایس لئی عدالت آفتاب عالم خان ولد شاہ محمد خان نوں باعزت بری
کردی اے۔“

فیصلہ سنان مگروں جج اپنیاں نیویاں نظراں کوٹ دے بوجے وچ پاکے
گُرسی توں اٹھن لگدا اے..... پر پڑھیار..... ذرا رُک جان..... کہانی اتھے ختم
نہیں ہندی، سگوں ایٹھوں کہانی دا اک ہور ٹوٹا شروع ہند اے جیہڑا ایس نوں
کلائمکس تے لے جاندا اے۔ اتے کہانی ’جج جان پے جاندی اے۔ اک آواز
کمرے اندر گونجی اے تے کھلر جاندی اے“ ٹھہرو جج صاحب! ٹھہرو.....
ٹھہرو۔“

ساری عدالت بے حرکت ہو جاندی اے۔ فیر مریم دے اُجڑے سریر
دی پُلی ’چوں اک نکا جیہا ہیولا..... نکدا اے..... تے دیکھدیاں ای
دیکھدیاں اک اُچی لمی عورت دا رُوپ دھار لیندا اے۔ اوہدیاں اکھاں جج
فاروق دے چہرے تے گڈیاں جاندیاں نیں۔ جیہہ تیز تے تیکھے دنداں ’جج
جکڑی جاندی اے پر بُکھ..... دُھندلی اک دا دُھواں چھڈ دے نیں..... اتے
دُھواں آواز بن جاندا اے۔

”ٹھہرو جج صاحب! تہاڈا ناں فاروق اے۔ اتے میرا..... مینوں
پچھانو..... جج صاحب۔ میں اک عورت آں۔ میرا ناں صرف مریم نہیں اے۔
سیتا تے دروپدے دی اے۔ ہر زمانے ’جج میری عزت تے حملے ہوئے نیں۔

مینوں بدنام کیتا گیا اے۔ پرادوں انصاف دی تکڑی گھٹ ودھد نہیں سی
 تولدی۔ اوس ویلے انصاف بکرماجیت سی، نوشیرواں سی..... تے عمر فاروق
 سی..... پر اج انصاف دی تکڑی نوں زنگ لگ چکا اے۔ اج اہ سارے
 مہاند رے جھلس چکے نیں..... تاریخ نے کئی روپ بدلے نیں تے نواں دور
 شروع ہو یا اے۔ پر مینوں اہ سوہنے تے مثالی چہرے حالیں تیکر یاد نیں۔
 اوہناں چوں صرف اک داکس میں تہانوں دس رہی آں۔ اہ پتے کل دی گل
 اے..... فاروق اعظم..... انصاف دی کُرسی تے بیٹھا اک بج تے میں.....
 اودوں میں مریم نہیں ساں..... سیتا وی نہیں..... دروپدی وی نہیں..... میں
 اودوں اک یہودی مٹیا رساں۔ اوہناں دناں وی میری پت لٹی گئی سی۔ میرے
 نال زبردستی ہوئی سی..... یاد ہے نا تہانوں..... میرے باغ دے پھلاں نوں
 مدھولیا گیا سی..... اتے مدھولن والا کوئی ہو نہیں سی..... فاروق اعظم دا اپنا خون
 سی..... اوہناں دا پتر..... ابو شحمہ۔ میرے کول اودوں وی کوئی ثبوت نہیں سی.....
 موقع واردات داکوئی چشم دید گواہ وی نہیں سی..... صرف میرا بیان سی..... اک
 عورت دا بیان، جیہڑی کدے اپنے آپ نوں بدنامی دے اٹھے کھوہ 'بچ غرق
 نہیں کر سکدی۔..... اتے فاروق اعظم نے میرے بیان دی تصدیق کر کے جیہڑا
 تاریخی فیصلہ سنایا سی، اہ لوکا لئی اک چائن مٹا رہنا چاہیدا سی..... پر افسوس اہ
 فیصلہ تاریخ دیاں کتاباں 'بچ دفن کر دتا گیا..... اوہناں اپنے پتر نوں.....
 نہیں..... نہیں..... اک مجرم نوں سو کوڑے مارن دی سزا سنائی سی۔ مجرم نے سٹھ
 کوڑے وی نہیں سن کھا دے کہ مر گیا..... حکم ہو یا پئی باقی کوڑے اوہدی قبر اُتے
 مارے جان۔“

دھندے دھویں دی آواز نال عدالت دے کمرے 'بچ اک ڈونگھا

سگھ پے گیا تے مریم دی پئی چوں نکلن والا ہیولا مریم توں نال لے کے
 اوس اندر سا گیا تے جج فاروق اک غریبڑا بد حال سبھ کجھ گوا
 کے کرسی توں اٹھیا اتے اُچے بُر جاں تے میناراں والے شہر چُگم ہو گیا ۔
 پڑھیا رچپ کیوں ہو گئے اُہ دس پئی ! نہاں ٹوٹیاں توں جوڑن نال
 کہانی بندی اے جاں نہیں ۔

بیڈے دی لنکا

بیڈے دی لنکا کھڑی اے۔ وڈے وڈے جھکھڑاں، طوفاناں،
 بھونچالاں تے حادثیاں دے باو جو دوی۔ ایہہ کوئی راون دی لنکا نہیں، جتھوں
 کوئی اجودھیا دارام آکے ڈھا جائے۔ اہ تاں بیڈے دی لنکا اے۔ دو کچے
 کمرے، اک پکّی بیٹھک تے کجھ سفید زمین..... ایس لنکا دی کل دولت اے۔
 بیڈے دی لنکا، چج آب و ہوا سخت گرم تے سخت سرد ہی رہندی اے۔ درمیانی
 کدے نہیں رہی۔ اہ لنکا اوس مہان بستی، چج کھڑی اے۔ جتوں کدے محلّہ اُستاد
 غوث محمد خان کہندے ہندے سن۔ پروقت دے بے رحم ہتھاں نے ایس محلے دی
 ساری شان و شوکت، غیرت تے عزت توں مٹا کے رکھ دتا تے ایس محلے دانان
 سکودا سکودا اُستاد محلّہ رہ گیا۔

ایس لنکا دے گوانڈ، چج جنوب مغرب ول گاگاں تے شاداں دھوبناں
 دا کچا کوٹھا اے جہاں دانان ہن خیر نال دُور دُور تک مشہور ہو چکیا اے۔ بیگاں

دنیں راتیں..... حال مست، چال مست..... کڑونج، منگ پتا، چھلا، فلاش، دانا،
کسمی دیاں ٹکڑیاں جدیاں رہندیاں۔ بھنگ تے شراب دے گلاس خالی
ہندے رہندے۔ گانجا، چرس، چنڈو دے سُوٹے، افیم دیاں گولیاں..... لٹکا
نوں مست بنائی رکھدیاں۔

”گامی یار! فقیرے دی گڑی تاں اگ اے اگ۔“

”نویں نویں اٹھی اے۔ آپوں کوئی ٹھنڈیاں کر دے گا۔“

”چودھری دی نونہہ اچکل شامے نال پھتسی اے۔“

”اوہد اکیہ اے یار! تُوں دانہ پادے..... تیرے نال پھس جائے

گی۔“

”چھانی! یوٹ پایا ای؟“

”رَب دی سونہہ، میں سبھ توں پہلاں یوٹ پایا اے۔“

”اک یوٹ گھٹ اے پئی۔ جتنے نہیں پایا، اوہ آپوں ای پادے۔ نہیں

تاں لگاں جے میں گاہل کڈھن۔“

”کیہڑا جمیا اوے سانوں گاہل کھڈھن والا۔ چیر کے نہ رکھ دیئے۔“

”بشیر جی! لگدی اے؟“

”نہیں بھراہ جی۔ تہاڈے نال نہیں لگدی۔“

”تہانوں کھیڈن دی جاچ وی ہوئے نا۔“

”بھراہ ظفر یا! پاکستان نے کہیا اے پئی اسیں افغانستان دیاں پسلیاں

بھن دیاں گے تے جے کسے ہو روج کدن دی کوشش کیتی تاں اسیں اوہدے
گوڈے توڑ دیاں گے۔ بھراہ جی! ہن پاکستان پہلے جیہا نہیں رہیا۔ ہُن کوئی ہتھ
لا کے تے دیکھے۔

”اویے رہن دے یار رہن دے۔ اُٹھ نہ سکاں تے پھٹے مونہہ
گوڈیاں دا۔“

”سُیا اے یار! امریکہ نے چن دی دھرتی اُتے اپنے قدم جما لیے
نیں۔“

”بالکل بکواس۔ بھلا خدا دی طاقت نال کون جیما لڑن والا۔“
”لعنت مارو یار..... انہاں فضول گلان‘ چ کی رکھیا ہو یا اے۔ تئیں
بھنگ گھوٹو۔“

..... بیڈے دی لنکا دے چن تارے باہروی دُنیا دیاں ساریاں فضول
گلاں دا گلقتد بنا کے کھا جاندے تے بھنگ گھوٹدے رہندے۔ انہاں ساریاں
چن تاریاں دا ہسٹری شیٹ بنیا ہو یا سی تے گلی ڈنڈا کھیڈن والی عورتوں ہی ایہہ
کدے پولیس نوں اپنے اگے اگے چلان دے پھر دے تے کدے کچھ کچھ.....
بیڈے دی لنکا‘ چ چنڈو، گانجے تے چرس دے بدلاں‘ چ کدے کدے.....
گاگاں، شاداں، کاکو، دیشو دے ننگے سائے وی نچدے لہدے..... آوازاں
اُبھر دیاں رہندیاں..... پتے چلدے رہندے..... دانے ڈگدے رہندے.....
ناہل نکلدی رہندی تے سڈھی گوک‘ چ جمع ہندی رہندی۔ تے جد گوک اپنا
مونہ کھولدی..... تھانیدارتوں لیکے ایس پی صاحب تے سٹی جج صاحب تک
سارے خیر پاوندے۔ خیرات بالکل اسلامی ڈھنگ نال دتی جاندی۔ کیوں جے
مولوی جی دے فرمان موجب، خیر اک ہتھ نال انج دیو پئی تہا ڈے دوجے ہتھ
نوں وی پتہ نہ چلے..... تے جد ایس نظام‘ چ بے ضابطگی ہو جاندی تاں..... لنکا‘
چ اک بھونچال آجاندا ساری رونق ختم ہو جاندی۔ کھیڈاں خراب ہو
جاندیاں۔ بھنگ، شراب، چرس، گانجا، افیم، بیڈا، ظفرا، اکا، بشیرا، گاما، ماجھا،

شرابی، کبابی، انبی، چرسی پولیس، چنڈاں، گھنسن، شور شرابا، جامہ
تلاشی گولک ہتھکڑیاں تھانہ عدالت جیل تے بھونچال ختم
جیلوں چٹھن گروں بیڈے دی حالت کئی کئی دناں تک سخت پتلی رہندی،
اونہوں کئی کئی فاقے لگدے۔ محلے دے کئی کوڑیئے ہمدردی جتان دے تے لکا
نوں کوڑیاں دے بھاہ خریدن لئی بیڈے نوں جال، چ پھساندے۔ پر بیڈا، بڑا
سخت جان سی۔ اوہ سبھ نوں اکوای جواب دیندا۔

”بیڈے دی لکا دک نہیں سکدی۔ بیڈے دی لکا کھڑی اے تے
کھڑی ای رہوے گی۔ بھانویں بھکھ ننگ بیڈے نوں کھا جائے۔“

..... پر بھکھ ننگ اونہوں نہیں کھاسکی۔ اوہ بھکھ ننگ نوں کھا جاندا۔
چو کھے چرتیکر انج ہی چلدار ہیا۔ پر آخر کیتھے تک جمہوری دور دیاں جمہوری
حکومتاں نویں نویں سفنے دسدیاں رہندیاں، جہاں دیاں پھکیاں
تعبیراں ضرباں دا نگر پھیلدیاں ہی جان دیاں تے میدے، چھیدے،
نورے، ظفرے تقسیمان دا نگر سنگھڑ دے ہی جان دے۔ بیڈا دی دودن
سنگھڑ دا ہی جار ہیا سی۔ اوہدی جوانی بڑھاپے اگے ہتھیا رست رہی سی۔
اوہدی حیاتی دی گڈی دے پُر زے ہُن ڈھلے ہون لگ پیئے سن تے پولس دی
مشین دے پُر زے سخت۔ ہُن پولس دیاں نظراں، چ کوئی دید لیا نہیں سی رہیا۔
اُہ کھاپی کے وی ویلیے کوئی لکا تے یلغار کردہندی۔ تقسیمان دا نگر سنگھڑ دے
لوک، اپنے فُغل پورے کرن کوئی ہو رکھار ڈھونڈن لگے لکا، چ آوازاں
دا بے سرائیگت ختم ہندا گیا۔ چنڈو، گانجے، چرس دے بدل پھٹن لگے۔ گاگاں،
شاداں، کاکو، دیٹو دے سائیے الوپ ہندے گئے تے بیڈا اپنے وجوہ دی
کال کوٹھری، چ قید ہندا گیا۔ اوہ کدے کدے باہر دی دُنیا وی پھیرا پا وندا

تے بڑا دکھی ہندا۔ اوہ دیکھدا!..... برساتی کیڑیاں وانگ کئی سچے جوٹھے.....
 بھراہ پتر، مامے، چاچے، پھوپھر، دھیاں بھیناں، ماسیاں پھوپھیاں..... مکاناں
 دے وارث جم پیسے سن تے سونے نوں مٹی دے بھاہ و تچ رہے سن۔ اوہ بے چین
 ہو جاندا۔ پر کجھ نہیں کہندا۔ بیڈے داوی کئی مکاناں نال دودھ تے لہو دار شتہ سی
 پر بیڈے نے اپنی لنکا دے بغیر کسے ہو ر چیز ول کدے اکھ پٹ کے نہیں دیکھیا۔

..... بیڈے دی اجڑی حالت دیکھ کے ہنومان دی فوج نے لنکا نوں
 چار دپا سے گھریا ہو یا سی۔ نورا، بشیرا، چھیدو، میدو..... ہولی ہولی گھر گھر ہستی
 دے بانٹے کھیڈن لگ پیسے سن۔ پر بیڈے نے اجہی کوئی کھیڈ نہیں کھیڈی۔ اوس
 دی لنکا..... اوہدی دُنیا سی، تے اوہ اپنی دُنیا دا بے تاج بادشاہ، جہڑا ہُن کئی کئی
 دن لنکا توں باہر پیر نہیں سی رکھدا۔ کئی روگاں نوں سینے نال لائی..... اکھاں، تچ
 اک نہ ملن آلی آس دادیو ابالی..... اک کمرے، تچ ٹٹی بھی منجی اُتے پیا..... رات
 تے دن نوں اک دُوجے پچھے دوڑیاں دیکھدا رہندا۔ اوہدی حالت دیکھ کے
 محلے دے چودھریاں..... لنکا، تچ آنا جانا شروع کر دتا۔ اوہ بیڈے دی خیر
 خیریت پچھدے۔ اوہنوں دوا دار ولئی پیسے دین لگدے۔ اوہدے لئی گھروں
 روٹی لیاندے۔ پر بیڈا پڑاں تے پانی نہیں سی پین دیندا۔ اوہ کہندا۔

’بیڈے نے رنج کے بد معاشی کیتی اے۔ رنج کے جو اکھیڈیا اے۔
 بیڈے نوں تاش دے بُجاں پتیاں دی چنگی طراں شناخت اے۔ ا جکل بیڈا حیاتی
 نال جو اکھیڈ رہیا اے۔ اتے جت ضرور بیڈے دی ہوے گی۔‘

..... شام نوں کدے کدے بیڈا اپنی لنکا دی چھت تے بیٹھ کے دُور.....
 ساہمنے سورج نوں دُبدیاں دیکھدا رہندا۔ اہدا چت کردا..... کاش سورج مُڑ
 اُدھروں ہی چڑھے تے دوڑدا دوڑدا اوہدی کوچھڑ تچ آ کے بہہ جائے۔ پر

سورج اوس پاسوں کدے نہیں چڑھیا۔ اوہ تاں ہمیشاں پُورب ولوں ہی چڑھدا اے۔ تے جد کدے پُورب تے پچھم..... اک دُوجے نال کھیڑن لگدے۔ تاں بیڈا سخت اُداس ہو جاندا۔ اوہدا چہرا بے رنگ ہو جاندا تے اکھاں بے نور۔ موت ورگی چُپ اوہنوں گھیر لیندی۔ اوہ جہڑا کدے میت نہیں سی گیا۔ روز مسیتی جاندا۔ نماز اوہنوں آوندی نہیں سی۔ پر اوہ چُپ چُپتا بیٹھا رہندا تے نمازیاں نوں سجدے کر دیاں ویکھ کے من ہی من، چِخ خورے کتے ہی سجدے کر چھڈ دا۔ فیر اوہ اپنے تھہرا سماں دل پھیلا دیندا۔ اسمان جیہڑا اگ برسا رہیا ہندا۔ اسمان جئے قیامت پچائی ہندی..... تے جد کدے پُورب تے پچھم آپو، چِخ بل بہن دا فیصلہ کردے۔ بیڈے دے بے رنگ چہرے تے فیر رنگ چڑھن لگدا۔ اکھاں، چ..... اک نہ ممکن آلی آس دانور فیر ممکن لگدا تے موت ورگی چُپ، حیاتی دے بول فیر بولن لگدی۔

..... ایک دِن باغ کول کا کے دی ریڑھی اگے کھڑوتا..... میں کباب تے نچکے کھا رہیا ساں کہ بیڈا شراب دے نشے، چِخ گھٹ، میرے سامنے آ کھڑوتا۔ میں وڈیاں سمجھ کے سلام کہیتی۔ اوہنے سلام دا کوئی جواب نہیں دتا۔ اوہ مینوں گھوردار ہیا۔ فیر میرے موڈھے تے تھہرکھ کے کہن لگا۔

”پُتر! توں بیڈے نوں نہیں جاندا۔ تیری نانی بیڈے نوں جاندی سی۔ اوہ بیڈے نال بڑا پیار کردی سی۔ کیوں نہ کردی۔ بیڈا اوہدا پُتر سی۔ تئیں پڑھ لکھ کے بابو بن گئے او نا۔ بیڈا بابو نہیں بنیا۔ بیڈا شرابی، کبابی، جواری، بد معاش بن گیا۔ بیڈے دا اتھہ کوئی نہیں۔ بیڈے دا..... کوئی اتھہ ہندا، اوہ وی بابو بن دا۔ بیڈے دی اتھہ کوئی بائہ نہیں۔ تاں ایں بیڈے نوں سارے تھلے لا گئے نیں۔“

”پر بھاء جی! گل کیہہ ہوئی اے۔ اِج تئیں اِنے دُکھی کیوں او؟“ میں

پچھیا۔

”پتر! بیڈا دکھی نہیں ہندا۔ بیڈا دکھاں نوں کھا جاندا اے تے ڈکار وی نہیں ماردا۔ پر انہاں محلے دے مومناں دیاں کرٹوتاں دیکھ۔ جنگ، بچ لوکاں دا نقصان ہو یا سرکار ولوں اوہناں نوں پیسے ملے۔ جہاں دا نہیں سی ہویا، انہاں عزت دار چودھریان، دندری لیکے اونہاں نوں وی رقم دلا چھڈی۔ بیڈے دی وی ادھی لٹکا..... ڈگ پئی سی۔ پر بیڈے دا کسے ناں تک نہیں لیا۔ کوئی گل نہیں۔ بیڈا اے زندہ اے۔ بیڈا مویا نہیں۔ بیڈے نوں کسے سہارے دی لوڑ نہیں۔ بیڈا آپ اپنی ڈگی لٹکا فیر کھڑی کرے گا۔“

”پر بھاء جی! تئیں اپنا مکان وچ کیوں نہیں چھڈ دے؟“

”ہرگز نہیں۔ بیڈے دی لٹکا وک نہیں سکدی۔ ایہہ لٹکا امانت اے۔ بیڈا امانت، بچ خیانت نہیں کر سکدا۔ بیڈے دے بھیاں بھراہ، اوہناں دے دھیان، پتر..... ایس لٹکا دے وارث..... جد واپس آون گے، تاں کیہہ کہن گے، ایہو ای ناپی بیڈا کنناں کمینہ نکلیا۔ ڈھڈ دی اک بھان لئی..... لٹکا وچ چھڈی۔ ایہہ کدی نہیں ہو سکدا۔ بیڈا لٹکا دار کھا اے۔ بیڈا لٹکا وچ نہیں سکدا۔“

”بھاء جی! تئیں کیہوی دنیا، بچ رہندے او۔ اوہ تاں ہن اتھے کدے نہیں آسکدے۔ اوہ تے.....“

”بکواس بند کر۔“ اوہ گر لایا تے اوہنے میرا گلماں پھڑ لیا۔ میں دیکھیا اوہدے سریر دا سارا لہو اوہدیاں اکھاں، بچ جمع ہو گیا۔ فیر اکھاں، بچ چڑھیا لہو..... ہوئی ہوئی اپنی رنگت بدلن لگا..... اوہنے مینوں چھڈ دتا تے..... چپ چاپ اپنی لٹکا ول چلا گیا۔ پر میری قمیض..... لیر ولیر ہو چکی سی۔

بابا ٹکی

فرنگی محلے دی ٹکی مسیت لاگے بوڑھ آ لے چوٹک کول بابے ٹکی دی
دُکان ہندی سی۔ دُکان چنگی وڈی پر اندر مال بوہت تھوڑا۔ بس بچیاں لئی
ٹکیاں، امبلی پاڑ، چھو لے، مونگ پھلی، دال سیویاں، بانٹے، گلفیاں..... جاں
فیر کر یانے دانکا مکا سامان۔ گرمیاں دے دناں چ..... برف، سوڈے دیاں
بوتلاں، گوند، کیترا، خنم بلنگاں دی شربت تے بابے ٹکی دی پتلی آواز..... ”پیو تے جیو۔“
ایہ دُکان بابے ٹکی دے وڈے بھراہ بابے حاکم نے کھولی سی۔ محکم دین
المعروف بابا ٹکی اونہاں دناں حاکم دین نال ہی رہندا سی۔ حاکم ہوری دکان
تے بہندے۔ سودا و بچدے تے سودا و بچن دے نال نال بوہت کجھ خرید لیندے
تے محکم دین بچارا اپنے وڈے بھرا لئی پانڈیاں داکم کردا۔ دُکان لئی سارا
سامان لیاندا۔ اونوں دُکان چ چچ نال سجاندا۔ چیزاں تول تول کے گاہکاں
ٹوں دیندا اتے دیلے کویلے اپنے وڈے بھرا کولوں موٹیاں تے پتلیاں، بہیاں
تے سجریاں گاہلاں کھاندا..... گاہلاں داناں کھا کھا کے محکم دین داضمیر رجن

لگا۔ اوہدیاں رنگاں اکٹون لکیاں۔ اوہنوں بدبھمی ہون لگی۔ اوہنوں حاکم دین دا گھر اک قبر و انگر دس لگا، جس بچ اوس دی حیاتی دفن ہندی جا رہی سی۔ اوہ اپنی حیاتی نوں انج دفن نہیں سی ہون دینا چاہندا۔ اوہ تاں سورج دی روشنی و انگر آزاد رہنا چاہندا سی۔ آخر اک دن اوہ وڈے بھراہ نوں اکلا چھڈ کے انمبر سر چلا گیا۔ اوہ تھے جا کے اوہ نہیں اپنے پُرکھاں دا پیشہ اختیار کیتا تے پانڈیاں دا کم کرن لگا۔ اوہ نہیں تن چار سال چ پنجی چھٹی ہزار روپے جمع کر لیے سن۔ اوہ خوش سی۔ پر کدے کدے اوہنوں ایس خوشی بچ کسے چیز دی گھاٹ محسوس ہندی۔ جوانی دی خمار سی اوہنوں کھٹ مٹھے سُننے دسدی۔ سُننے ویکھ کے اوہنوں ڈاہڈی ترہے لگدی پر اوہ جاندا سی کہ اک تراہیا ہو یا بندہ سُنیاں دے ناڑواں نال پیاس نہیں بُجھاسکدا..... تے فیر اک دن اوہنوں پیٹھیاں پیٹھیاں خیال آیا کہ اوہ نہیں ویاہ کرالینا چاہیدا اے تاں بے حیاتی دے گڈے نوں دُوجا پیا مل جائے۔

انمبر سراوہ پُٹلی گھر دے لاگے جولاہیاں دی بستی بچ رہندا سی۔ اوس بستی بچ رمضان ٹانگے آلے دی سوہنی تے الھڑٹیاں جیلہ اُتے محکم دین ہوراں دا دل دُھلھ پیا۔ اک دن اوہ نہیں اپنی مکان مالکن مائی بیگو نال جیلہ دا ذکر کیتا تے اوہنوں رمضان ٹانگے آلے دے گھر رشتہ منکن بھیجا۔ پہلاں تے رمضان اُتے اوہدے ساک سمہندی محکم دین دی ذات برادری بارے پچھن لگے۔ مایاں دا تھوہ ٹھکانا ڈھونڈن لگے پر جد و چولیاں دسیا کہ محکم دین اکلی شے اے تاں اوہ چھیتی ہی رشتے لئی تیار ہو گئے۔ محکم دین نے بٹنا ملیا، کھارے چڑھیا، موتیے دے پھلاں دا سہرا بھیا، گھوڑی چڑھیا، بینڈ باجے و جے، بھنگڑے پیے، دل دیاں ریتجھاں پوریاں کیتیاں، نکاح ہو یا تے محکم دین جیلہ نوں ویاہ کے لے آیا۔ جیلہ بچی بچی بڑی سوہنی سی۔ چھل چھل کردا شباب دُھلھ دُھلھ پے رہیا سی۔ جیلہ

ئوں ویکھ کے محکم دین گزرن لگا۔ اوہ دے من بچ خوشیاں دے فوارے پھٹ
 پئے۔ اوہ دیاں سدھراں پوریاں ہو یاں سن۔ ولے آلی رات ئوں محکم دین نے
 اوس نال ڈھیر ساریاں گلاں کیتیاں۔ آن والی زندگی بارے، اپنے اک پتے
 چہ گھر بارے، ہون آ لے بچیاں بارے۔ اوہ ساری رات جیلہ ئوں یقین
 دلاندا رہیا کہ اوہ عمر بھر اوس ئوں خوش رکھے گا..... جیلہ ئوں محکم دین دیاں
 فضول گلاں بچ کوئی دلچسپی نہیں سی۔ ایس لئی اوہ نہیں محکم دین ئوں دھوبی دمار کے
 ڈھالیا۔ پر کچھ پلاں بچ ہی اوہ محکم دین دے لنگوٹ دی حقیقت جان گئی تے بچ
 تاب کھا کے سو گئی..... دوجی راتیں جیلہ ئوں اوہ لنگوٹ پہلی رات کولوں
 وی ڈھلا دیا۔ اوہ اپنے اہے رمضان دے گھوڑے دیاں کئی بیماریاں دا علاج
 آپ کردی سی۔ اوہ نہیں محکم دین دا وی اک ماہر ڈاکٹر وانگر معائنہ کیتا۔ پر
 اوہدی سمجھ وچ کچھ نہیں آیا۔ محکم دین رب دی بخشی ہوئی کوئی تیجی شے وی نہیں
 سی۔ فیراوہ حیران سی پئی گھوڑا اپنے پیراں اُتے کیوں نہیں کھلوندے۔ جیلہ نے محکم
 دین ئوں چھولیاں دی کچی دال ددھ بچ گھول کے پلائی۔ ددھ بچ ہی گری
 چھوہارے تے بادام گڑ کا کے پلائے۔ سلاجیت کھوائی۔ چو یاں اتے کبوتر اں دا
 گوشت دیسی گھنچو وچ بھن بھن کے کھلایا۔ پوچیاں دا شور با پلایا۔ کپورے تل
 تل کے دتے۔ مالش کیتی۔ گشتے کھوائے۔ انجکشن کرائے، غرض وید، حکیمان تے
 ڈاکٹر اں دے سارے نئے آزمائے پر محکم دین دی صحت بچ کوئی فرق نہیں
 پیا۔ پیندا وی کیویں، اوہنوں تاں آب نرول اتے ستمن دی بیماری سی۔ اہ دوا
 دارو دی بسا کھیاں نال کچھ پل تاں اپنے پیراں تے کھڑو جاندا۔ پر دو قدم
 چلے یاں ہی ڈگ پیندا۔ جیلہ نے محکم دین نال چنے وی دن کئے، اوہ بیچاری
 اڈیاں ہی کھر چدی رہ گئی پر اوہنوں پیچیاں نہیں ملیاں۔ اوہنوں یقین ہو گیا کہ

محکم دین نال چل کے اوہ کدے وی منزل تے نہیں پہنچ سکدی۔ آخر اوہ محکم دین
 نوں رستے چ ہی چھڈ گئی۔ اوہ ساگر دیاں جوشیلی لہراں نوں شانت کرن لئی
 اُبلدیاں پانیاں تے دوڑن لگی۔ ہواؤاں چ اُڈن لگی تے آخر کو تو اوی دے
 سپاہی گل زمان دے گھر ٹھنڈی ہو کے بہہ گئی۔ محکم دین فیر اکلا رہ گیا۔
 اُداس..... نموجھان۔ اوہ حاجی کرا کہ اوہ رچ کے رویے۔ پر اوہ جاندا سی پئی
 نئے دل اتھرواں دی گوند نال نہیں جودے۔ اجہی حالت چ اوہنوں اپنا بھراہ
 چیتے آیتے اوہ مڑ حاکم دین کول آ گیا۔ گاہلاں داناشتہ کھان۔ پر گاہلاں.....
 مَن حاکم دین دے اندر ہی جذب ہندیاں جارہیاں سن۔ اوہ داسارا و جو دکھلر
 رہیا سی تے آخر اوہنوں گلے دا کینسر کھا گیا۔ حاکم دین دے مرن مگروں محکم
 دین اوہدی ساری منقولہ تے غیر منقولہ جائیداد مالک بن گیا۔ کیوں جے حاکم
 دین دی کھیری زمین چوں کوئی رستہ نہیں سی اُ گیا۔ حاکم نے زمین نوں پیداوار
 دے قابل بنان لئی ودھیرے جتن کیتے سن۔ پر قدرت دے کتھاں چ کسے دا دخل
 نہیں۔ حاکم دین دی منقولہ جائیداد چوں محکم دین نوں اک عدد بھرجائی وی ملی
 سی۔ جیدا مَن محکم دین دے بغیر ایس دُنیا چ ہو رکوئی نہیں سی۔ اُنچ تاں محکم دین
 دی بھرجائی جوانی چ بڑی رائگی طبعیت دی مالک سی پر چودھری حاکم دین دی
 زندگی چ اوہ کدے لکھشمن ریکھا پار نہیں کر سکی۔ حاکم دین دے مرن مگروں اوہ
 چھیتی ہی محکم دین دی بکل دا چور بن گئی..... محکم دین اپنے وڈے بھراہ دا جھوٹا
 بھانڈا چن لگا۔ اوہدی بھرجائی نوں وی بکل چ وڑھدیاں ہی جیلہ وانگرا حساس
 ہو گیا سی کہ ایس ہل دے جندر وڈھلے نیں۔ بھانڈے نوں چنن آلی انگل بڑی
 کمزور اے۔ پر اوہ رچی پہتی سوانی محکم دین دی وڈھلی چدر پٹھانے اپنے نیگے نوں کجیا
 ہو یا سمجھدی سی۔ ایس کر کے پُپ سی..... فیر اک دن جھوٹا بھانڈا بھج گیا۔ کھیری

زمین پاتال اندر دھس گئی۔ محکم دین کھل کے رویا۔ اوہنوں بڑا صدمہ ہویا سی۔ پر بھر جائی دا چالیا کر دیاں کر دیاں اوہدی اُداسی ٹوں شوخی دے کھنھ لگ چکے سن۔ اہ جان دیاں ہویاں وی کہ بھنیرے چ ساریاں پتیاں اکورنگ دیاں بُندییاں نیں اتے صرف چوہے کھان چ ہی دلچسپی رکھدیاں نیں، اوہ مزنویں ویہ دے چکراں چ پین لگا۔ اوپروں اوہ ہُن عمر دے اوس جھٹے چ داخل ہو چکیا سی جد ویہ دانان لیندیاں ہی محول اُڑایا جاندا اے۔ پر اوہنوں کسے گل دی پرواہ نہیں سی۔ اوہ تاں اپنے من دی ترہے بھگانا چاھندا سی۔ جیہڑی اوہدی جاچے کدے نہیں سی بھجی۔ عورت ولوں اک تھڑ دا احساس اوس اندر ہمیشاں زندہ رہیا سی۔ سوانی دے ملاپ نال جیہڑا سوادِ مِلدا اے، کالجے چ جیہڑی ٹھنڈ پیندی اے.....، اوہ ٹھنڈ پیندی اوہنیں کدے محسوس نہیں سی کیتی۔ ایہو کارن سی کہ کسے وی تیویں ٹوں ویکھ کے اوہ دیاں اکھاں چ اوس ٹوں حاصل کرن دی تانگھ جاگ پیندی۔ اوہ دے من دا مور کسے وی سوہنی مورنی ٹوں ویکھ کے پیہلاں پان لگدا۔ پیہلاں پاندے مور دی نظر جد اپنے پیراں ول جان دی اے تاں اوہ شرمندگی نال پیہل پاو نی بند کر دیندا اے، پر محکم دین دے من دا مور اپنے پیراں ول ویکھ کے وی شرمندہ نہیں سی ہندا۔ اوہ تاں اپنے پیراں ٹوں سوہنا اتے مضبوط سمجھدا سی۔ اوہنوں جیلہ تے بھر جائی دے دن رات دے طعنے بھلھ چکے سن۔ اوہنوں اپنی بیماری دا کوئی دھیان نہیں سی۔ جیہڑی دنوں دن ودھدی جارہی سی۔

جیون جیوں محکم دین دی عمر دے آلڑنے چ ویلا اک اک تیلاد دھاندا جاندا، اوہ دے من دی بے قراری وی ودھدی جان دی۔ رُکھ بھانویں کنناں وی بڈھا ہو جائے، حیاتی دیاں کنیاں ہی بہاراں کیوں نہ ویکھ لیوے، فیر وی نویں

بہار دیکھن دی آس نہیں چھڈ دا۔ پر جتنے اپنی مرضی نال بہار نوں کدے وی نہیں
 ہنڈایا ہوئے، اوہدی آس دی شدت دا اندازہ نہیں آپ کر سکہے او..... محکم
 دین دیاں جوان سدھراں اوہدے چہرے تے جھریاں لے آیاں سن۔ اوہدے
 سر چ چاندی لشکن لگی سی۔ پرتاں وی اوہ ویاہ کران لئی تیار رہندا۔ ہولی ہولی
 فرنگی محلے دے گامیاں مائجیاں نوں محکم دین دیاں ساریاں صفتاں دا پتہ چل
 گیا۔ اوہ اوہنوں چھیڑن لگے۔ اوس نال ٹچکریاں کرن لگے۔ اوہدے ناں
 کٹاں پان لگے۔ پر پا پڑ، امبلی تے رنگ برنگی ٹیکیاں وچن وچوں اوہداناں بابا
 ٹکی مشہور ہو گیا۔ شروع شروع چ محکم دین اپنا نواں ناں سُن دیاں ہی اگ
 پھوکن لگدا۔ بابا ٹکی کہن آلیاں دے مگر لگدا۔ گاہلاں کڈھدا۔ پتھر ماردا۔ پر
 آہستہ آہستہ اوہ ایس نویں ناں دا عادی ہو گیا۔ اوہنوں فیر ایس ناں چ اپنا پن
 لہن لگا۔ جد کوئی نکا بچہ پنجنی دسی خرچن لئی محکم دین دی دکان تے آندا اتے
 اوہنوں اپنی توہلی زبان ”بابا ٹکی“ بلاندا تاں اوہنوں بڑا چنگا لگدا۔ اوس اندر
 پیار جاگ پیندا۔ اوہ اوس بچے نوں گھٹ کے گلے نال لالیندا۔ اوہنوں پیار
 کرداتے فیر دُور تک اوہنوں جاندیاں دیکھدا رہندا۔ مگروں ٹھنڈا ساہ بھر کے
 چوکھے چرتک سوچاں دے کھوہ چ دُبار ہندا۔ کھوہ وچوں باہر نکلیاں ہی اوہ
 طوفانی لہراں وچ غوطے کھان لگدا تے زور زور نال بولن لگدا..... ”میں ویاہ
 کراں گا۔ میرا ویاہ کراؤ۔ میرا ویاہ کراؤ۔“

عمر دی پنڈھ بھاری ہون دے باوجود وی اوہدے شوق چ کوئی فرق
 نہیں سی پیا۔ لُنڈ لُنڈ اوس نال یاری لاندے رہندے۔ اوہنوں سبز باغ
 دیکھاندے اتے اوہدا مال ہضم کر کے اوہدا محول اُڈاندے رہندے۔ بابا ٹکی
 لوکاں لئی تاں ہسن کھیڈن دا کھڈونا بن گیا سی۔ پر ہاسے گڑا کے اوہدے دل چ

تیر بن کے چُہدے..... لوکاں دا وتیرا دیکھ کے اوہدے دل دا کھڈو نا پُور پُور
 ہو جاندا۔ اوہدا مہاندرادردی تصویر بن جاندا۔ اوہ سڑھدا گڑھدا ر ہندا۔ پر
 کسے نوں کُجھ نہیں کہندا۔ اک دن بابا بیکلی دکان چ سودا وچپدے ویچدے بے
 ہوش ہو گیا، لوکی دوڑے۔ اوہنوں پانی پلایا۔ اوہدے سراتے پیراں دی مالش
 کیتی۔ جد اوہ ماڑا جیہا ہوش چ آیا تاں درد نال گر لان لگا۔ جھیتی ہی اوہنوں
 ہسپتال لے گئے۔ ڈاکٹر اں نے چنگی طرحاں معاینہ کرن مگروں ایہ دس پائی کہ
 اوہنوں کپوریاں دا کینسر اے۔ ڈاکٹری رپورٹ مطابق کینسر دا اہ مرض اوہنوں
 بوہت پُرانا سی۔ سولہ ستاراں سالاں دی عمر توں ہی ایس روگ دے آثار
 اوس اندر شروع ہو چکے سن۔ پر اوہ حیران سن کہ محکم دین اتی دیر کج زندہ رہیا۔
 اوہناں بابے بیکلی دے انڈکوشن دا آپریشن کیتا۔ گند بلا باہر کڈھیا۔ سوزش ذرا
 گھٹ ہوئی۔ درد وچ تھوڑا فرق پایا..... تے اوہ نیم بے ہوشی دی حالت چ
 بڑا نال لگا۔ ”اوہ دیکھو..... اک پری سوہنے کپڑے پا کے تے گہنیاں نال جج دھج
 کے دُور اسمان توں مینوں بُلا رہی اے..... اوہدے نال بچے وی نیں..... گول
 مٹول..... گورے لُو..... پیارے پیارے..... بچے، اپنے بکے بکے ہتھاں نال.....
 مینوں گڈیاں پٹولے کھیڈن لئی بُلا رہے نیں..... اوہ دیکھو اک بوہت اُچی لٹی
 پوہڑی ہوا وچ کھڑی اے..... مینوں پوہڑی تے چڑھن دیو..... مینوں جان
 دیو..... مینوں نہ روکو.....“ تے بابا بیکلی تربک کے اٹھ بیٹھا، اتے زور زور نال
 چیکاں مارن لگا۔ گر لان لگا..... ”میرا دیاہ کراؤ۔ میری بیوی لیاؤ۔ مینوں میرے
 بچیاں کول لے چلو..... مینوں میرے گھر لے جاؤ.....“ کُجھ پلاں مگروں اوہدی
 آواز مدھم ہو گئی..... شاید اوہ ہوا وچ بیکلی ہوئی اسمان ول جاندی پوہڑی چڑھ گیا
 سی۔

گھاہ تے چلنا منع اے

میراناں رانواے۔ میں ایس باغ دی مالن ہندی ساں۔ میں ایس باغ نوں سنوارن تے شنگارن 'چ کدے کوئی کسر نہیں چھڈی۔ ایہو کارن سی پئی کسے ویلے اہ باغ اپنی خوبصورتی لئی دُور دُور تیکر مشہور سی۔ میں ایس باغ دے ہرے گھاہ تے چلن والیاں نوں کدے نہیں سی روکیا۔ کیوں جے دھمی ویلے دی تریل نال نہاتے سبز مٹلی گھاہ تے ننگے پیریں چلنا صحت لئی بڑا چنگا ہندا اے۔ اتے ننگے پیراں نال تازہ گھاہ تے چلن 'چ اک اپنا ہی سُر وراے۔ اک وکھرا ای سواداے۔ گھٹو گھٹ میرا تجربہ ایہو کہندا اے..... خیر اہ پُرانیاں گلاں نیں۔ ماضی دیاں یاداں نیں..... پر یاداں کدے کدے تازہ وی کرنیاں چاہیدیاں نیں۔ میرے باغ دے باہر اک گل مہر دا بوٹا ہندا اسی۔ مینوں اُہ بڑا پسندی۔ میں چوکھی کوشش کیتی پئی اُہ ہمیشاں لئی میرے باغ اندر آجائے تے ایدی خوبصورتی نوں ودھاوے..... پر گل مہر دیاں جڑاں۔ رساں رواجاں دی کالی مٹی نال بھروچی دھرتی اندر دُور تیکر کھبیاں ہو یاں سن۔ میرے لکھ جتن کرن تے وی گل مہر دا بوٹا جڑاں سمیت نہیں پٹیا جاسکیا تے میرے باغ دی رونق نہیں بن سکيا..... پر

کدے کدے ہو ا دے کسے تیز بلے نال اُہ میرے باغ 'بچ جھات ضرور مار
 لیندا۔ اج اوس گل مہر دا و جو د مینوں کتے نہیں دسدا۔ خورے حیاتی دے
 مار و تھل 'بچ اج اُہ کتھے ٹھیدے کھار ہیا ہو ویے گا۔ یاں اپنے لال لال پھلاں
 نال کسے بلوری پتھراں دے گھر نوں حُسن بخش رہیا ہو ویے گا۔ رب ای جانیں،
 اُہ ہرادی ہووے گا یاں میرے وانگ سیاہ بختی دے آوے 'بچ سڑھ بل گیا
 ہو ویے گا۔ کیوں جے سیاہ بختی 'بچ کوئی کسے دا ساتھ نہیں دیندا۔ آہو! میں تاں
 گل اپنے باغ دی کر رہی آں پر ایس باغ نال گل مہر دی گل وی تاں ضرور
 جودی اے۔ کیوں جے جدوں میرے باغ نوں پنگر پین لگی تاں سبھ توں پہلاں
 گل مہر نے ہی مینوں اپنے باغ دی سُدرتا دا احساس دلا یاسی۔ اوہناں دناں
 اکثر اُہ میرے باغ دی چار دیواری اندر دِل کھچو یاں نظراں نال جھات
 ماردا میرا کھڑ رہیا باغ لہراں لگدا۔ سدھراں دے پھل کھون لگدے پر
 سدھراں دے پھلاں دا کیہ اے۔ اُہ جتی جلدی ہسدے نیں، اُنی چھیتی مُر جھا
 وی ہو جان دے نیں۔ میرے باغ دا کورا گھاہ گل مہرنوں گلے لان لئی بے تاب
 ہون لگا۔ میں اوہدے پھلاں دی باس سنگھن لئی مچلن لگی۔ پانی جے اگ کول
 رہو یے تاں کدے نہ کدے اُبالے کھان لگ ای پیندا اے۔ اگ، پانی دی ایس
 کشمکش 'بچ اخیر اک دن اُہ میرے باغ اندر آ گیا تے میرے سبز مٹلی گھاہ اُتے
 پلن لگا مینوں پہلی واری، اوہدا گھاہ تے پلنا بڑا چنگا لکيا سی میں چا ہندی
 ساں پئی اُہ ساری عمر میرے باغ دے گھاہ اُتے پلدا رہو یے اُہ ہمیش لئی
 میرے باغ دا مالک بن جاوے پر گل مہرتاں میرے باغ اُتے نظام سَے
 وانگ صرف ڈھائی دن دا راج کرناں چا ہندا سی تے اہ گل مینوں منظو رہنیں
 سی پر میں اپنے خیالی پلاؤ 'بچ ریتجھاں دا گھنٹو کھلا پاوندی رہی۔ ایناں کھلا

..... پئی پلا کھا دا ای نہیں گیا۔

..... میں اک اجہی ماں دی کُھ 'چوں جنم لیا سی جس دی حیاتی دی بھٹھی
'بچ سدھراں دی لکڑ سدا دُھندی رہی۔ اوہ دیاں ریتھیاں دا ٹھوٹھا وی بھرے
بزار 'بچ ٹٹیا سی۔ تے فیر اُہ ہولی ہولی وچ بزارے ٹن بھجن دی عادی ہو گئی.....
اُہ اک نکسال بن گئی۔ اک اجہی نکسال..... جیدا ہر سکتہ وکھرا ہندا۔ فیر نکسال سیکے
کڈھ کڈھ کے تھک گئی..... گھس گئی..... تے آخر توں ختم ہو گئی۔ گل مہر دا یوٹا.....
مینوں ہمیشاں ایس گل دا طعنہ ماردا..... مینوں چوا وندا..... تہا نوں تے پتہ اے
پئی گل دا پھٹ بڑا ڈونگھا ہندا اے۔ خاص کر اوہدی گل دا..... جنہوں من اپنا
سمجھے۔ پراتھے اپنے ہی تاں دھوکھا دیندے نیں۔ اپنے ای تاں بولیاں مار دے
نیں..... اتھے اپنی اکھ دا شہتیر کسے نوں نہیں لہدا پر دو جیاں دیاں اکھاں دے
تیلے سبھ توں نظریں آوندے نیں..... میں وی عیاں دی قتل گاہ تے قربان ہو گئی۔
میری رُوح اُداس ہو گئی۔ میرا دل نموجھان رہن لگاتے اکثر اہ گیت میرے
بکھاں تے آجاندا۔

گڈی کٹ جاندی جہاں دی پریم والی

مُنڈے لے جاندا اوہناں دی ڈور لٹ کے

پر میں تاں اُہ بدنصیب ساں..... جس نے اپنے باغ دے حُسن دی ڈور
نوں گل مہر ہتھوں آپ لٹوایا سی۔ میری زندگی 'بچ اُہ سبھ توں پہلا تے وڈا حادثہ
سی۔ پر جیہڑا حادثہ اک واری ہو جاوے..... اُہ فیر بھانویں سوواری دی ہندا
رہوے..... تاں کوئی فرق نہیں پیندا۔ گل مہر مینوں چھڈ کے کتے چلا گیا..... خورے
رکتھے گواچ گیا۔ اوہدے گواچن مگروں..... میں اجہی کواری بن گئی..... جھے
کدے اہ دعوا نہیں کیتا پئی میرا سریر ان پختو تا اے..... پاک اے..... صاف

تے مقدس اے۔ فیر میرے چن نون داغ لگدے رہے۔ فیر میری چاننی میلی
ہندی رہی۔ میریاں کرناں نال ہر کوئی اپنا من پر چون لکيا۔ میں سڑک تے لکيا
اجیہا نکا بن گئی پئی جیدا جی کردا..... ٹوٹی کھول..... تر ہے بُجھا لیندا..... میں کدے
کسے نون نہیں روکيا۔ تر ہائے اپنی پیاس بُجھا ندے رہندے تے میں اوہناں
دے کھیسے ہلکے کردی رہندی۔ بوجے ہلکے ہندے رہندے..... تے میرے باغ
دا نکھار و دھدا جاندا۔ رنگ برنگے پھلاں دی مہک..... باغ نون مست بناون
لگی۔ کھلیاں ہواواں دی مستی..... من پیچھی نون اڈاریاں مارن تے اُکسان
لگی۔ چانن دی آس میرے ذہن دا بو ہاٹھورن لگی۔ میرے باغ دے ساوے
پتر..... میری پہلی سوچ اندر گواچ گئے۔ میں نویں زمانے دے پینڈے اُلانگھن
لگی..... میں حیاتی دے اک لمے چوڑے پو'ج اُتر پئی تے گھاٹ گھاٹ دا پانی
پین لگی۔ میرے ساہنے کئی کبھی کویاں دی مسی ہوئی۔ کئی الھڑ مٹیاں راں دی نتھ
کھلی۔ شہراں دی بے تھیوی بھیڑ پو'ج..... میرے باغ دے پھل بوٹے خوب
کھڑے۔ چوکھیاں رونقاں رہندیاں۔ دولے شاہ دے چو ہے میریاں مراد اں
پوریاں کردے۔ کام دیو تے میرے باغ دا طواف کردے۔ میں نویں زمانے
دے سبھے گر سکھ لئے سن۔ میرا کاروبار جو بن تے سی۔ میں دیوتیاں دی بھکھ
مٹاوندی۔ اوہناں دے بٹیاں دی اگ بُجھا ندی..... کیوں جے اوس دُنیا پو'ج
جسماں دی اگ بُجھا نا شرافت تے ایمان داری دا عمل سمجھیا جاندا اے۔ میرے
باغ اندر اہ جو روز جگالی کردے، جہاں نون بیگانی کھری دا بھوہ سوادلا
لگدا..... روز کوئی مینوں ڈھونڈ دا..... اتے کدے میں کسے نون..... تے انج ای
زندگی دے دن لگھ رہے سن۔ میں منس ساں کیوں جے اوس دُنیا پو'ج منس رہناں
چنگے اخلاق دا ثبوت نیا جاندا اے.....

میرے باغ 'بچ کئی بھونزے آئے..... پر جیہڑا آئند میرے باغ نُون
گل مہر دے ملاپ نال ملیا سی، اہ فیر زندگی بھر حاصل نہیں ہو سکیا۔ اوس اک
پل..... اک جھن نُون پھڑن دی آس 'بچ میں بڑا بھنگی۔ میں آپ تاں سدا پیا سی
رہی پر دوجیاں دی تر ہے بُجھندی رہی۔ اوہناں دیاں مٹھیاں مٹھیاں گلاں
دے فریب کھاندی رہی۔ مینوں بڑا چنگا لگدا..... جدوں کوئی میرے باغ دے
حُسن دی تعریف کردا..... میرے نال پیار دا اقرار کردا۔ اچھاں گلاں روز
ہندیاں۔ میں سمجھدی ساں پئی پریم دے مٹھے بول میرے درد دا دارو نہیں..... پر
میرا رُوگ تاں لا علاج سی۔

فیر اک ویلا اچھا آگیا جدوں میں ایس لگن میٹی دی کھیڈ..... نُون
فضول جیہا سمجھن لگی۔ میرے انج سمجھن 'بچ میرا باغ وی شامل سی۔ اسیں دونوں
چاھندے پئی اپنا آپا کسے دے حوالے کر دیے۔ پر اچھا کوئی نہیں ملیا۔ میرے
حسن دے عروج نے میرے زوال نُون جنم دے دتا سی تے میرا باغ ایس
زوال دے کلاوے وچ آؤن دیاں تیا ریاں کرن لگا سی۔ میں تاں کدے اہ
سوچیا وی نہیں سی پئی اہ باغ اپنی چھیتی ماتمی لباس پالیوے گا۔ پت جھڑ دی رُت
اپنی جلدی آجاوے گی۔ پت جھڑ دا موسم..... رُکھا جیہا..... خالم خالی.....
ویران..... بھاں بھاں کردا..... بد شکل..... پت جھڑ دا موسم..... رُت جھاں دا
ماتم..... زندگی ہُن دُھکھاں، تکلیفاں، تنگیاں، فکر اں تے پیڑاں 'بچ گُروچ رہن
لگی۔ کئی واری موت..... میریاں اکھاں 'بچ اکھاں پا کے گھورن لگدی..... میں
ڈر جاندی۔ میں مرنا نہیں ساں چاھندی پر حیاتی دے رنگ وی تے پھکے پے
رہے سن۔ باغ دا زوال کیہ شروع ہو یا،..... سبھ یار دلدار کھسی وانگ اڈ
گئے۔ میرا کوئی وی نہ بنیا۔ میں وی تاں کسے دی نہیں بنی۔ دُھکھاں دے پنیڈے

مینوں مار مُکان لگے۔ غماں دیاں گھڑیاں لمیاں توں لمیاں ہندیاں گیاں۔
 فکراں دے بدل بمب کالے ہندے گئے تے خورے انج ہی کئے یگ بیت گئے۔
 فیر اسمان تے اک کھرام چیا کالے بدل گر جن لگے تے
 زور دامینہ پین لگا بجلی دی کڑک نال بدلاں دے پہاڑ ریزہ ریزہ
 ہوون لگے۔ دُھند صاف ہندی گئی۔ اسمان اک واری فیر ہسن لگا۔ سورج نے
 اپنا مونہہ دکھایا تے میوں انج جاپیا جیویں بدل میرے باغ دی ساری
 میل دھوکے لے گئے نیں۔ جیویں میرے باغ نوں لگا گراہن ختم ہو گیا اے۔
 میریاں انھیاں اکھاں 'چ لو دے دیوے فیر جگمان لگے تے مینوں دُور
 ہندے اسمان 'چ گل مہر دا وُجو دلہن لگا۔ اُہ ہولی ہولی پیٹھاں آرہیا سی۔ میرا
 باغ گل مہر نوں دیکھ کے بوہت خوش ہو یا تے آوند آوند اُہ میرے باغ
 کول آکے کھلو گیا۔ اوہنیں میرے نال تاں کوئی گل نہیں کیتی پر باغ نوں دھروکے
 دیکھن لگا فیر اوہنیں اپنے آپ نوں زمین چوں پٹیا تے میرے باغ دے اندر
 آ گیا۔ اُہ آوندیاں ای میرے باغ دے پیلے پتر چنن لگا۔ مڑ ہریالی لیا ون دی
 ناکام کوشش 'چ اُہ سارے باغ دی گڈائی کرن لگا۔ سکے پھلاں دیاں کیاریاں
 نوں پانی دین لگا اوہنیں باغ دے چار چو فیرے اک لکھشمن ریکھا کھچ
 دتی تے لکیر دے باہر اک بورڈ لگا چھڈیا بورڈ اُتے موٹے لفظاں 'چ
 لکھیا سی گھاہ تے چلنا منع اے۔

میری چادر میرے پیر

میرے کول اک چادر اے۔ پھٹی پُرانی لیر ولیر۔ میں ایس چادر
 نوں ٹاکیاں لالا کے جوڑ دار ہناں۔ ایس دے لگا ریندار ہناں تاں جو میرا بچ
 بکیرا ہوے۔ ایس چادر وچ رہ کے میرا گزارا نہیں ہندا۔ میں جدوی ایہوں
 اپنے سریر اُتے لیٹاں تے میرے جسم دا کوئی نہ کوئی انگ گھلا رہ جاندا اے۔
 جے میں اپنے پیر ڈھلناں تاں سر ننگا رہندا اے۔ جے سر لگاندا ہاں تاں پیر
 ننگے ہو جاندا ہے۔ اتے تئیں جاندا ہے ہی او پئی سر تے پیر انسانی وچو دے
 سبھ توں اہم حصے نیں۔ کوئی وی منٹھ ایہناں بھیاں توں اپنے سریر توں دکھ
 کر کے جی نہیں سکدا۔ اُپروں میری کئی جہی قبیل داری اے۔ میری چھوٹی جہی گھر
 گھر ہستی میرا پرپوار، میری پتی، میرے بچے، میرے وچو دے انگ۔
 ایہناں ساریاں دیاں بکیاں بکیاں رتجھاں نیں۔ تانگھاں نیں۔ ایہہ سارے
 اپنیاں سدھراں دی رکتو کی وچ پھسے رہندے نیں۔ مینوں وی پھاہ لائی رکھدے
 نیں۔ اتے تئیں میرا جھلا پن دیکھو کہ سدھراں دے مارو تھل وچ گوا چیاں

ہوئیاں ایہناں رُوحاں تُوں میں اپنی چادر پٹھ لکان دی کوشش کردار ہنداواں۔
 بکل وچ کج دا جتن کرناں واں۔ پرایہ چادر تاں مینوں وی ٹھیک طرحاں نال
 نہیں کج سکدی۔ حالات وی ایسوکچھ تانی چ میری چادر دالنگا رگھلدا ر ہندا
 اے۔ سلوندا ر ہندا اے۔ تے میں احساس دے مناں بھار پٹھ دب جانداں
 ہاں۔ احساس بڑی تیز چٹھری اے۔ نوک دار۔ بس انسانی ضمیر نوں،
 دل تے دماغ نوں، چیر دی رہندی اے۔

میں اٹھاراں ورہیاں داساں کہ میرے اندر ضمیر ناں دا اک بوٹا اُگیا
 سی۔ اودوں مینوں سنگل نال جکڑ کے اک کھلی نال بنھ دتا گیا سی۔ فیروپلا
 لنگھن دے نال نال اوہ بوٹا اک وڈا رکھ بن گیا۔ تے فیرو رکھ دے
 ٹاہن گلاں دے پھٹاں نال ٹٹن بھجن لگے۔

”ایہہ پیسے بہت گھٹ نیں۔ ایہناں نال گھر دا گزارا نہیں ہندا۔
 اُپروں تیرے تن جی نیں پھٹن والے۔ تئیں دکھ ہو جاؤ۔“
 ایہہ میری ماں دے شبد نیں۔ جدھے دوہور کوارے پتر وی کماندے
 نیں۔ پر میرے وجود دے انگ ساریاں تُوں چھدے نیں۔

”ماں! تُوں میری قرضدار ایں۔ جے تُوں مینوں پوری زندگی نہیں
 سیں دے سکدی تاں تُوں مینوں جیہی کیوں؟“

”بکواس بند کرتے نکل جا ایتھوں اپنا گند لے کے۔ میں
 باقیوں داوی سوچنا اے صرف تہاڈے اُتے ہی کفن پاندی رہواں۔“

لوکی سچ ہی کہندے ہون گے ”ماواں ٹھنڈیاں چھاواں“ پر
 اودھادی شاید کوئی قصور نہیں، ایہہ سبھ سوچ دا پواڑا اے۔ ساڈے کول اک
 دوجے نوں دین جوگا پورا اک سنسار ہندا اے، پراجہیا سنسار کسے کول نہیں ہندا

جس وچ اسیں سارے سما سکیئے۔ اسیں دکھ ہو گئے۔ میں زندگی لئی جھو جھن لگا۔ تے میری کُل دنیا..... روٹی دے کجھ ٹکڑیاں وچ قید ہو کے رہ گئی۔

”عثمان تُوں مُو بخار چڑھیا ہوا اے۔ ایہہ روز روز دا بخار چنگا نہیں۔ ایہنوں کسے چنگے جے ڈاکٹر نوں دکھاؤ۔“

”حالیں کجھ دن پہلاں ڈاکٹر کول تُوں دکھایا سی۔ سو روپے فیس دتی سی۔ دوائیاں اُتے وی چالھی روپے خرچ ہوئے سن۔ ہُن گھڑی گھڑی اپنے پیسے رکتھوں لیاواں۔ شبنم دے سکول دی فیس وی تیناں مہینیاں دی دینی اے۔ ارشی کول فراک نہیں۔ کا کے دے دُدھ دا خرچ۔ ہر چیز نوں اک لگی ہوئی اے۔ ہتھ ہی نہیں لان ہندا۔ رکتھے جاواں۔ مینوں آپ چھاتی وچ درد ہندا اے۔

ایہہ گل بچے پیدا کرن توں پہلاں سوچنی سی نا۔ تاں تے اگ لگی ہندی اے۔“

”چل چھڈ وی ہُن، بکواس نہ کر۔ ساری تنخواہ گھر وچ ہی خرچ ہندی اے۔ میں کبھی عیاشی کرنا واں۔ دفتر وں چھٹی ہون مگروں، پارٹ ٹائم وی چار پنچ گھنٹے کرناں تے ادھ پیسے وی گھر دیاں ہی لوڑاں کھا جان دیاں نیں۔ توں آپ دس کھاں..... میں ہُن اپنا ڈھڈتاں بندھے نہیں رکھ سکدا۔“

”کا کے نوں معیا دی بخارا اے۔ پندراں دناں توں اُترن داناں ہی

نہیں لیندا۔“

”میں کیہ کراں۔“

”کیوں! تہا نوں بچیاں دی کوئی فکر نہیں؟“

”فکر اک دن دی ہندی اے جاں دودن دی۔ پر میں تاں فکر اں دے جنگل وچ گواچیا ہویا منکھ آں۔ ایہناں فکر اں نے میرے کولوں میرا

”مہاندر اکھوہ لیا اے۔“

”ایہہ لو! میرے گتاں دیاں والیاں، ایہو باقی پچیاں نیں۔ ایہناں توں ویچ کے کا کے لئی دوائی لیاؤ۔“ والیاں میرے ہتھ پھڑاندیاں ہویاں اوہدیاں اکھاں چوں اتھرواں دالو نکا پانی پہاڑی چشیاں وانگر اُبل پیا۔

”بیگم! نہ رو۔ اتھے اُداس، پیلے تے پھسے چہریاں اُتے لکھیاں ہوئیاں حیاتی دیاں کہانیاں کوئی نہیں پڑھدا۔ ایہہ انھے فرشتیاں تے لولھیاں خوراں دی وستی اے۔ اتھے سارے اپنی اپنی دنجھلی تے اپنا ہی راگ سنا دے نیں۔ تیری کتھے سُننی اے۔ بیگم! میں بڑے سوہنے خاب دیکھے سن پر سُفیاں دی پوڑی تے چڑھ کے جن نہیں پھڑیا جاسکدا۔ اتے چور دروازے میں ٹپ نہیں سکدا۔

”پر گلزار! جینا بہت اوکھا اے۔ بٹھکھیاں رہ کے، تنکیاں رہ کے، اک اک چیز لئی ترس ترس کے جینا، بہت اوکھا اے گلزار۔ بڑا اوکھا۔“

”توں ٹھیک کہنی ایں بیگم! پر میں بے بس آں۔ میں سائے نہیں پھڑ سکدا۔ میں پر چھاویاں چکھے دوڑ دوڑ کے تھک گیا واں۔ بیگم! میں تاں سکھ دی فصل راہی سی۔ خورے میرے چار پھیرے دُکھ کیوں اُگ پئے۔ میں تینوں بوہت گُجھ دیندا، جے میرے کول گُجھ ہندا۔ اتے دنیا کولوں میں گُجھ نہیں منگ سکدا کیوں جے دنیا کول مینوں دین جوگا ہے ہی گُجھ نہیں۔ ایس لئی آ، ایس اپنا نرک بھو گئیے، سُرگاں دی آس چھڈ دیئے۔ خواہشاں دے کھڈو نے توڑ دیئے۔ کیوں جے مٹا کھڈو نیاں دی فطرت اے۔“

”پر آندے جان دے ساہاں نال خواہشاں دا رشتہ جُویا ہندا اے گلزار۔ توں ساڈے ساہاں دی ڈور کٹ دے فیر سبھ گُجھ ٹھیک ہو جائے گا۔“

”تو سمجھدی کیوں نہیں بیگم۔ آمدنی دے سر سہرا ہندا اے۔ اتے میری آمدن بس انی اے پی تریل چٹیاں تر یہہ نہیں لتھدی۔“

..... کئی واری مینوں خیال آندا کہ گھر دے پنجرے چوں نکل کے کھلے

آسمان دل اُڈاری ماراں۔ پر کھلے آکاش وچ وی کتنا چر اُڈیا جاسکدا اے۔ ہر اُپر چڑھن والی شے اخیر دھرتی تے ہی آڈگدی اے۔ اہ حقیقت اے تے حقیقت توں بچ کے میں رکھے جاسکنا واں۔ چوہاں پاسے اٹھ ٹوٹے نیں۔ اخیر گھر وچ ہی لوہ لہسن لگدی اے۔ میں لوہ نوں پھڑن لئی گھر آجاناں۔ پر لوہ ہتھ آندی نہیں۔ اُلٹا ہتھ سڑھ جان دے نیں۔ ایہہ غر بت بڑی اتھری شے اے۔ ایہہ میری چادر اُتے لگے ہوئے شرافت دے ٹانگے اُدھڑ دی رہندی اے۔ تے مینوں بڑا دُکھ دیندی اے۔

..... فیر دُکھاں دے اک لمے سفر تے عذاب دیاں کئی بلدیاں راتاں ہنڈان مگروں شاید نوواں گریہاں توں میرے اُتے ترس آیا تے اوہناں رل مل کے مجلس کیتی۔ اتے میرے سر یر دی چادر بدلان دا فیصلا کیتا۔ میرے متھے تے لکیراں اُگ پیاں۔ جگمگ کردیاں ہس دیاں لکیراں۔

میں فرہاد دا روپ دھاریا تے دُدھ دی نہر دا رخ اپنے گھر ول کر لیا۔ دُدھ، قطر اقطر امیرے تن من توں سیراب کرن لگا۔ سورج دیاں کرناں میرے سلہ والے مکان چ آں لکیاں۔ سبز موسم دی گلزار دُھپ میرے ویٹھے نوں لشکان لگی۔ زگسی، کاشنی، کیسری، چنبیلی، اسمانی تے گلابی پھلاں دی بہار آگئی۔ کوٹھلاں مہکن لکیاں۔ میں میلی چادر توں صندوق وچ بند کر کے اپنے پُرکھاں دی بخشی ہوئی کال کوٹھری وچ سٹ دتا۔ تے کال کوٹھری دیاں باہر لیاں دیواراں نوں سفیدی پھرا دتی۔ مینوں جاپیا جو میں میرے ذہن تے لدیا ہویا

صدیاں دا بھار اُتر گیا ہووے۔ من ہولا ہو گیا۔ میں بازاروں اک نوں چادر خریدی، بہت لمی تے چوڑی۔ انی لمی تے چوڑی پئی میں تے میرا پر یوار گھلا ڈھلا اوس وچ آ گیا۔ اسیں جدوی اوہنوں اُپر لیکے سون لگدے، تاں ساہنوں ساریاں نوں اوہ چنگی طرحاں کجی۔ سگوں چادر داکا فی ہصا پنج وی جاندا۔ کوئی کچھو تانی نہیں رہی۔ اسیں آرام دی نیند سون لگے۔ بیوی، بچے..... سبھ خوش ہو گئے۔ بیگم دیاں خالی اکھاں وچ ستارے چمکن لگے۔ پلکاں دی جھالرجھل مل کرن لگی۔ کیوں نہ کردی؟ اوہ دیاں سدھراں سہاگن ہوئیاں سن۔ اوہدی ہر سویرج دھج کے نکلن لگی۔ چوڑیاں، چ خوشیاں چھنکن لکیاں۔ گھر وچ ہریالی گان لگی۔ میرے بچے نوں موسم نال گلے ملن لگے۔ بسنت بہار دی رُت ساڈا شنگار کرن لگی۔ پر آئندھ گوانڈھ والیاں دیاں اکھاں دے ڈیلے ساہنوں ویکھ کے پھن لگے تے جیہاں ساڈیاں کندھاں دے کتن پاڑن لکیاں۔

”سُنیائے جمال دینا! ٹاٹ دیاں جلیاں نوں وی ریشم دے بھنے لگن لگے نیں۔“

”آہو یار! پدیاں دی ہُن پینگھاں پان لکیاں نیں۔“

اساں اپنیاں کندھاں نوں لوہے دی چادر چڑھالئی تے کتیاں نوں پلستر کرا دتا۔ تے بُکاں نال ساگر پین لگے۔

”جناب! ایہ سڑک دے کم دی کمیشن اے۔ باقی ساریاں دی کمیشن دے دتی اے۔ اے ہُن جناب دا حصا اے۔“

”کیہ آکھیا جے، سکول بلڈنگ داکم؟ اوہ وی ہو گیا اے۔ میں پینش لے آیاں۔ بس ہُن بل بنانا اے۔ میں آپ دو چار دن تک اُپروں پل پاس کرا کے لے آواں گا۔ تئیں فکر نہ کرو۔ پراوس وچ تہا نوں کمیشن گھٹ ملنی اے

جناب! بلڈنگ داکم اے۔ سڑک دے کم وچ ٹھیکیدار کھلا پیسا کماندے نیں۔
تاہیں اسیں وی رج کے کمیشن لینے آں۔‘

‘جناب! اوہ سیمنٹ دے دوڑکاں داسودا چائن شاہ نال ہو گیا سی۔
ایہہ پنج ہزار روپے نیں۔ تہاڈا حصہ۔‘

‘جناب! ایہہ کم دے بدلے اناج دی سکیم بڑی ودھیا سکیم اے۔
اساں مزدوراں وچ تن ہزار کوئل اناج ونڈیا اے۔ علاقے دے سارے
کھڑنچ وی نہال کر دتے نیں۔ ایم۔ ایل۔ اے صاحب وی خوش نیں۔ پنج سرنچ
سبھ خوش نیں تے چھ سو کوئل غلاؤ وی گیا اے۔ کیہہ کیا جے، حساب کتاب؟ اوہ
بالکل ٹھیک اے۔ کاغذات سارے مکمل نیں۔ فکر والی کوئی گل نہیں۔‘

..... میں رنگاں دے جال وچ پھنس گیا۔ میری سوچ دا جسم کھوکھلا
ہندا گیا۔ سرجن بوہے بند ہو گئے۔ میرے ہتھ فن تراشن دا گر بھل گئے۔
الماریاں وچ بجیاں کتاباں مینوں بڑی حسرت نال ویکھن لکیاں۔ میں اک نویں
فکر وچ ڈُب بن لگا۔ فکر..... اپنے اندر دے فن کارٹوں قتل ہون توں بچان دی
فکر۔ ضمیر دے رُکھ ٹوں ہر اکھن دی فکر۔

فیرانچ ہو یا کہ میری نویں چادر وی میرے لئی تنگ ہو گئی۔ میرا گزارا
اوس وچ وی نہیں ہون لگا۔ میں مُڑاپنے وچ دے انگاں نوں اوس چادر پٹھ
لکان دا جتن کرن لگا۔ پر میں کیہہ کراں..... میرے وچ دے انگ لے تے
سر چوڑے ہو گئے سن۔ ایسے چوڑے تے لے کہ چادر توں باہر نکلن لگے۔ میری
بیگم مُڑا اک ہو ر چادر لیان دی ضد کرن لگی۔ پر میں سوچن لگا کیوں نہ پیراں دی
وادھو لمبائی کٹ دتی جائے۔ چوڑے سراں داسا نزار مل کر دتا جائے۔ پر ایہہ
کنجہ کیتا جائے..... میریاں رُوحاں تاں اپنیاں پیراں تے سراں ٹوں ہتھ ہی

نہیں لان دیندیاں نیں۔

میں فکر اں دا ونجرا مُنِندِر دے بے آباد جزیریاں وِچ بھٹکن لگا۔
میرے اندر دُکھ مُد اُگ پئے۔ میرے ضمیر دا رُکھ ڈاڈھی طرحاں طوفان دے
گھیرے وِچ پھس گیا۔ اوہدے تاہن مُنِٹن بھجن لگے۔

”آخر ایہہ سبھ کُجھ کس لئی۔ اپنی قبر دے عذاب لئی۔ میری بیوی،
میرے بچے..... میریاں رُوحاں..... پر کوئی وی میریاں پڑاں سانجھیاں
نہیں کرے گا۔ فیر جس راہ ول اسیں تر رہے آں، اوہدی تاں کوئی حد ہی نہیں۔
کوئی منزل ہی نہیں۔ تے بے منزل رستے تباہی والے ہی ہندے نیں۔ میرے
متھے تے گواچیاں اکھاں دا نُور مُنِٹن لگاتے میں اوہناں رستیاں نُوں چھڈ کے
واپس مُد پیا۔ میں کچھ ول دوڑن لگا۔ مینوں دُور اپنا سلھ والا مکان دِسن لگا۔
اوس وِچ بلدی اوہ پیلی لوء فیر لہن لگی۔ میں گھرا پڑیا تے اپنے پُرکھاں دی بخشی
ہوئی کال کوٹھری دا مُوہا کھولیا۔ زنگ لگی صندوقی وِچوں اپنی اوہ پھٹی
پُرانی..... ٹاکیاں والی چادر کڈھی۔ اوہنوں کھولیا تے بڑے سکون نال اوس
اندر گُچھو گُچھو ہو کے لیٹ گیا تے کُجھ پلاں وِچ ہی ڈونگھی نیندرے سوں گیا۔

کندھاں 'بچ لگی واسنا

ہر آدمی کندھاں دا محتاج اے۔ کندھاں رشتیاں تے سمبندھاں
 وچکا رکھریاں کرن لئی۔ کمپلیکسیس دے تیراں نوں حفاظت نال اڈاریاں مارن
 لئی۔ کندھاں مقصد پورا ہون مگروں مگارا کھٹاں ٹوں اپنے ڈیلے لکان لئی۔
 کندھاں جو بن رت نوں نمود جھان پت جھڑتوں بچان لئی۔ تے کندھاں
 شبنم دے قطریاں ٹوں محفوظ رکھن لئی جہڑے ہتھ لگدیاں ہی اپنا کوارپن تے تازگی
 گواہیہندے نیں۔ جے جو بن رت ٹوں کسے کندھ دا سہارا نہ ملے تاں او ہداوی
 اوہو حشر ہووے گا جہڑا اج اوس سوانی دا اے، جیدے بے جس سریر ٹوں
 کانواں نے بُری طرحاں پھڑوٹیا ہویا اے۔ اوہنے بڑی مشکل نال کانواں
 نوں اپنے سریر ٹوں اڈایا اے، پر کاگ فیر کاگ ہندے نیں۔ اُہ لاوارث
 سریر ٹوں دیکھ کے ایلاں تے گر جھاں نوں وی ماس کھان دی دعوت دے
 دیندے نیں۔ ایہو کارن اے کہ اوہ سوانی وی اک دیوار دی محتاج اے۔

فطرت ہر جان وار لئی ربی دین اے۔ ایس لئی فطرت تبدیل نہیں ہندی۔ ماس
 نوں کھانا کانواں دی فطرت اے تے دیوار دی خواہش کرنا ہر عورت دی
 فطرت۔ اماں خواہے سفر توں لے کے اوس سوانی دے سفر تیکر ایس فطرت دی
 دین سانجھی اے۔ تے فطرت دی گھسن گھیری 'بچ پھس کے اوہ سوانی وی اپنیاں
 سدھراں دی منزل توں کوہاں دُور رہی اے..... بچ تنز 'بچ لکھیا اے..... اک
 شیر جد بڈھا ہو گیا تاں گل 'بچ مالا پا کے پرہیز گار بن گیا، اتے جنگل دے اک
 کونے وچ بہہ کے پر ماتما دی پوجا کرن لگا۔ پر جد کدے کوئی کلا دُکلا جنور شیر
 دے درشن کرن آجاندا تاں اوہ اوس نوں اپنیاں پنجیاں وچ جکڑ لیندا اتے
 اوہدا ماس ہضم کر لیندا۔ اک واری اک سیانی پتی نے شیر دے ڈھونگ نوں
 تنکیاں کر چھڈیا۔ اوہ تڑدی پھر دی جدا و ہدروں لنگھی تاں اوہنوں اک ڈونگھے
 کھوہ وچوں بڈیاں دی مُشک آئی۔ اوہنے جد کھوہ وچ جھات ماری تاں
 اوہنوں شیر دی کرتوت داپتا چل گیا۔‘

اہ کہانی تاں بوہت پُرانی اے پر لفظ بالکل تازا نیں۔ نویں نکور۔
 ایہناں شہداں وچ صدیاں پُرانے لباس دی باس نہیں اے۔ پرہیز گاری تے
 شرافت دی آڑ وچ بڈھے شیراج وی شکار کھیڈ دے نیں۔ تے اوہ عمر دا
 غازی، اک ہنڈیا ہنڈا ایا کلاکار..... جس نے اوس سوانی نوں سبھ توں پہلاں
 شکار بنان لئی جدا اپنے ترکش توں سونہیاں پھل مٹیاں نال بجیا تیر سٹیا سی تاں اوہ
 سدھا اوس عورت دے سینے وچ کھمبھ گیا سی۔

”توں بہت سُنڈ راہی۔ سیانی وی، چنگی پڑھی لکھی دی ایں۔ ہر وشے
 تے کھل کے گل کر سکتی ایں۔ اج دی جوان پڑھی بچ ایس چیز دی بڑی گھاٹ
 اے۔ خاص کر گڈیاں وچ۔ بی. اے، ایم. اے تے، پی ایچ ڈی دیاں

ڈگریاں ہون دے باوجود وی اج دی نویں نسل صحیح ڈھنگ نال گل کتھ نہیں کر سکی۔ کسے وی وشے تے گل کر وٹسیں اج دے مُنڈے گُویاں نوں کورا ہی پاؤ گے۔ اجے ماحول وچ تیرے درگی گُویاں نوں دیکھ کے بوہت خوشی ہوئی اے۔ دل گدگد کر اٹھیا اے۔ اہ تیری قابلیت دا ہی رِٹا اے کہ تُوں اج اپنی اُچی پدی تے بیٹھی ایں۔“

”جی تہا ڈا شکر یا۔“ دراصل ایس وچ میرے ماحول دا بڑا دخل اے۔ میرے ابو جی دلِیش دے اک مشہور وکیل سن۔ اوہناں نوں سیاست، فلسفی اتے اتہاس نال خاص لگاؤ سی۔ میں بچپن توں ہی کورس دیاں پُستکاں دے نال نال اوہ کتاباں وی پڑھ لیندی ساں، جہڑیاں میرے ابو جی پڑھن لئی لیاندے ہوندے سن۔ اوہناں دی ذاتی لائبریری وچ دو ہزار توں ودھ کتاباں نیں۔ میرے دڈے ویر اک مشہور انجینیر نیں۔ ملک دی کئی اوکھیاں سڑکاں اوہناں دی نگرانی وچ ہی بنیاں نیں۔ اوہ اک ماہر آرکیٹیکٹ وی نیں۔ ساڈے شہر وچ اسمان نال گلاں کر دیاں ہویاں بلڈنگاں وچوں گھٹو گھٹ دس فیصد دے نقشے اوہناں نے ہی بنائے نیں۔ مینوں اتہاسک پُستکاں تے فلسفے نال خاص دلچسپی اے۔“

اُہ گلاں کر رہی اے..... بڈھے کلاکار دیاں ماہر نظراں اوہدے جسم دے اک اک زاویے نوں ٹٹول رہیاں نیں۔ اوہدیاں اکھاں اندر لگی ہوئی بھکھ پکاں تے آجاندی اے تے کدے کدے پکاں توں باہر وی جھات مار لیندی اے۔

”ایس سرکاری عہدے تے میں میرٹ دی وجہ نال آئی آں۔ میں مقابلے وچ جھٹ لیا تے ٹاپ کیتا۔ باقی تہاڈی حوصلہ افزائی دا شکر یا۔ تہاڈے

پُتر داکیس میں منظوری لئی بھیج دتا اے۔ اساں سفارش کردتی اے کہ تہا ڈا پُتر ہارٹ سپیشلسٹ اے اتے ہور تعلیم حاصل کرن لئی اوہ امریکا جانا چاہندا اے۔ ایس لئی ساہنوں اوہدی خواہش تُوں دبانانہیں چاہیدا اے۔ سگوں اوہنوں جان دی اجازت دے دینی چاہیدی اے تاں جے واپس آکے اوہ اپنے دیس واسیاں دی ودھیرے سیوا کر سکے۔

”مس نازیہ! ایس نال ملو۔ اہ میرا پُتر ڈاکٹر حیدر اے۔ کل ایہدا جنم دن اے۔ اسیں تینوں انوائٹ کرن آئے ہاں۔ کل رات تئیں ڈنر ساہڈے گھر ہی لوگے۔ میرا مطلب اے کہ تینوں اتے تیرے ویر تُوں ضرور آنا ہووے گا۔“

”پر؟..... نازیہ! میں نہ سنن دا عادی نہیں۔ توں مینوں بوہت چنگی لگنی ایس۔ میں حیدر نال تیرا کئی وار ذکر کیتا سی۔ اہ تینوں ملنا چاہندا سی۔ تاں ای اوں نال چلا آیا۔ انج ہی سمبندھ ودھدے نیں۔“

تعلقات ودھن لگے۔ ودھدے گئے تے فیر اک دن بڈھے کلاکار دا چلایا ہو یا تیر ٹھیک نشانے اُتے جالگا۔

”مس نازیہ! اسیں چاہنے آں کہ تُوں ہمیشہ لئی ساہڈے نیڑے آجا۔ میرا پُتر تیرے نال ویاہ کرانا چاہندا اے۔ اوہ تینوں بوہت پسند کردا اے۔ تینوں دلوں پیار کردا اے۔ میری پسند وی صرف تُوں ای ایس۔ تُوں حیدر نال کئی وار مل چکی ایس۔ اوہدی مرضی اے پئی امریکا جان تُوں پہلوں ہی ویاہ ہو جائے۔ تیری مرضی کیہ اے؟“

”مینوں تاں کوئی اعتراض نہیں۔ پر ایس معاملے وچ تئیں میرے ویر نال گل کرلو۔“

..... مس نازیہ مسز نازیہ حیدر بن گئی اے۔ بڑھا کلاکار بے حد خوش اے۔ اوہوں جوانی دیاں سوئیاں چھن لکیاں نیں۔ اوس اندر جذب ہو چکیاں شوخیاں توں کھنھ لگ چکے نیں، اتے کھنھ من پنجرے وچ پھڑ پھڑان لگدے نیں۔ اوہ ہن رات ویلے نازیہ تے حیدر دے بیڈ روم وچ جھانکدا رہندا اے۔ اوہناں و تھاں وچوں جیہڑیاں دسدیاں نہیں۔ نازیہ تے حیدر اوس لئی من پرچون داسا مان پیدا کر دے رہندے نیں۔ اوہ نازیہ دے سریر دے انگاں دی کتھا پڑھدا رہندا اے۔ فیر اپنے سریر دامنناں بھار لے کے اپنے بیڈ روم وچ آجاندا اے اتے بسترے دے پھکے سفر تے تڑکے پاسے پر تاندا رہندا اے۔ ہن روز اوہ دے من دے مارو تھل وچ اک بھانبر بلدا اے۔ جنھوں ہر رات اوہ پانی نال ٹھنڈیاں کردا اے۔

..... فیر ڈاکٹر حیدر ہو ر تعلیم لئی امریکا چلا گیا تے نازیہ گھر وچ بڑھے کلاکار نال رہن لگی۔ تے فیر اک راتیں نازیہ دے تپدے وسا کھٹوں بڑھا کلاکار اپنے واسنا بھرے بن باس وچ چک کے لے گیا۔ اوہ اپنے ہتھاں وچ جنھوں پھڑن دی کوشش کرن لگا۔ پرچن اوہ دیاں انگلیاں وچوں تلک جاند ا۔ گھڑی مڑی دی تلکن نال چن پٹھاں ڈگ پیتا بڑھے کلاکار دی مٹھ وچ آ گیا۔ اوہ کہن لگا۔

”اوہ مکان جیدی چھت اُتے برف پئی ہووے۔ اوہ دے اندر دی اگ بلدی اے۔“ بسترے دے پھکے سفر دی یا تر اسھل ہوئی۔ اگ روشن ہوئی تے فیر اٹھے کھوہ وچ جا کے کھل گئی۔ نازیہ دے سلکدے سریر توں اکھاں داسا دن اپنی پھوار نال ٹھنڈیاں کرن لگا۔ اتے فیر اوہنے بڑھے کلاکار دے کلچر ڈرائنگ روم وچوں نکل کے بار روم تک جان وچ کوئی ہچکچاہٹ محسوس

نہیں کیتی۔ پرتاں وی اوہ سُلگدی رہی۔ اُبلدی رہی۔ بڈھا کلاکار کسے ہو
 تصویر توں پورا کرن وِچ لگ گیا..... تے نازیہ سڑھدے بلدے اکلا پے توں
 آندیاں جاندیاں رُتاں وِچ گم کرن لگی۔ پر کئی لٹ لٹ بلدے ستارے پی جان
 مگروں وی اوہ تریہائی رہی۔ بڈھے کلاکار نے اوہنوں بد چلنی دے گھوڑے
 تے سوار کر کے اپنے گھروں باہر دھک دتا۔ نازیہ روایت نال نہیں ٹکرائی۔
 اوہنے پر میرانوں نہیں چھیڑیا۔ سگوں سماج دیاں فضول رسماں تے قدراں قیمتاں
 دا بٹا اُتار کے اوہنے اک سُنم سان ٹاور ہاؤس تے اپنا آکھنا بنا لیا۔ پر اوہدے
 آکھنے اُتے روز حملے ہندے رہندے۔ اوہ حملے سہندی رہندی۔ دُھکھ اک پل
 دا وی ہوئے تاں عُمر اں لما ہو جاند اے۔ پر جد اہ ہووے ہی لما..... تاں یگاں
 وِچ پھیلن لگدا اے۔ یگاں وِچ پھیلے درد دے دریا دیاں لہراں توں شانت
 کرن لئی اوہ اک دیوار دا سہارا ڈھونڈن لگی تاں جے اوہ قلعہ بند ہو جائے تے
 ہزاراں سراں والے تے بے شمار ہتھیاراں والے پریت پل پل اوہدا ہتھچھانہ
 کر سکے۔ پر اوہنوں ہر واری کچیاں کندھاں نال ای واہ پیندا رہیا۔ جہڑیاں
 مقصد پورا ہوون مگروں ڈھے پیندیاں۔ اوہدے مکان دے ویہڑے وِچ مڑ
 راہ بن لگدے..... اک پکی تے مضبوط کندھ دی خواہش وِچ اوہ اج وی بھٹک
 رہی اے، اپنے تن دا..... مار و تھل لے کے..... تے ایس مار و تھل لئی دُروں
 دِسن والے سبز باغ..... اک چھلاوانیں، دھوکھانیں۔

کوئلہ بھئی نہ راکھ

پچھلے پہر داویلا اے۔ پورن ماشی دا چن بدلاں داسپنہ چپر کے اپنی
 منزل ول جارہیا اے۔ شبنمی ہوا دالکا ہلکا سنو روج رہیا اے۔ امباں دیاں
 ڈالیاں دے بُردی تشبو میرے آسے پاسے ڈول رہی اے۔ میرے ویٹڑے لگا
 ڈھلن دا رکھ مُسکرا رہیا اے۔ دُور لنبڑاں دے باغ دے کسے رُکھ اُتے کوئل
 انج گُوک رہی اے جج میرے من 'چ درد دیاں لہراں اٹھدیاں نیں۔ بٹھاں
 شاید کا جاگ پیا اے۔ میرے نکلے ویر دا پتڑ۔ میرا بھتیجا۔ میں تر بھکت کے اٹھ
 پنیں آں۔ ایہہ کتے میرا بلو تاں نہیں،، پر بلو..... مینوں ایویں چا بد اے جیویں
 میرا بلو پچھلے کئی جہماں توں میتھوں وچھڑ گیا اے۔ تے آون والے کئی جہماں 'چ
 اوہنے مینوں نہیں ملناں اتے ایس جنم 'چ میریاں اکھاں ترس دیاں ہی رہن
 گیاں..... میں پاسا پرت کے سون دا جتن کرنی آں۔ چن دے گولے نوں دُور
 دھرتی دے انتھے کھوہ 'چ ڈب دیاں دیکھنی آں۔ نیہرے 'چ اکھاں میٹ کے آتما

نوں پر ماتمانال جوڑن دی کوشش کرنی آں۔ پر من بڑا ضدی اے۔ بالکل ویر
دے کا کے وانگ۔ جد جد اینوں سمجھاؤ۔ ایہہ بوہتی ضد کرن لگدا اے۔ بھلا
اینوں کون سمجھائے جے پُرانے دناں 'چ گچھ نہیں رکھیا ہو یا.....

سویر ہون ای آلی اے۔ میں یاداں دامتاں بھار چک کے بھارے
قدماں نال اٹھاں گی تے اشناں کراں گی۔ سبیری سویر دے سجرے پھلاں نوں
رنگی چنگیر 'چ سجا کے تے اپنے سریر نوں چٹی ساڑی دا کفن پو ا کے، میں شیو جی
دے مندر دیاں سنگ مرمر والیاں پوڑیاں چماں گی۔ پھلاں دی چنگیر شیو لنگ
تے ارپن کراں گی۔ گلے والاں چوں ٹپک رہیاں اگ دیاں چنگاریاں نال
جوت جگاواں گی تے فیر مندر دے فرش تے انج ڈگ پواں گی جویں کسے جوگی دا
بُت صدیاں توں شانتی تے ملکتی لئی سادی لگا کے بیٹھا ہووے۔ پر میرے من وچ
شانتی نہیں۔ میں گلی لکڑی وانگ ہمیشاں دھندی رہی آں۔ تے انت تک
دھندی ہی رہاں گی۔ میرے من نوں کوئی پوچا تسلی نہیں دیندی، میرے ننگے
زخماں دی کوئی شے مرہم نہیں بن سکدی، مینوں ملکتی دی آشا نہیں۔ پر زندہ رہن
لئی کسے نہ کسے سہا دے دی کوڑتاں ہندی اے۔

چھاں دیاں پھلاں اُسوٹاں نیں۔ صرف میں بدل گئی آں۔ شیواں
دے مقابلے 'چ انسان دی زندگی کئی گھٹ ہندی اے۔ پر میری زندگی کئی لمبی
ہوگئی اے۔ وقت کتناں لٹا ہو گیا اے۔ جویں ایہہ صدیاں دی گل ہوئے۔ پر
مینوں سبھ گچھ یاد اے۔ میں یاداں دی پنڈ کھول کے بہہ گیاں.....

..... ایہہ اودوں دی گل اے، جدوں میرا خُٹا میرے سریر تے تنگ ہو
چلکسی۔ میرا ابو میریاں رنگاں 'چ اُبلن لگا سی۔ میرا آپا مینوں اک بھار لگن لگا
سی..... میں روز شام دی غار وچ ڈگ رہے سورج نوں دیکھ کے اپنیاں بچھاں

لے کے گھر آ پڑ دی تے اوس دن وی گھر ہی آرہی ساں کہ نال دے پنڈ دا گوتم
 مینوں ملیا۔ مندر دے پہل وانگ اچا، تازہ، سُچا تے سوہنا..... اوہدیاں کھوئیاں
 اکھاں..... مینوں کھچ کے لے گیاں۔ میں پہل نوں پیار دا دھاگا بندھ چھڈیا۔
 ساڈے ویاہ دی گل ہون لگی۔ ماں مینوں چلبے دا چچ سکھاؤن لگی۔ میں روز آنا
 گن دی، پیڑے چنڈی تے توے اُتے پھلکے سُٹ دی۔ گول پھلکا نہ پکن تے
 ماں میریاں ہتھاں اُتے چٹا ماردی۔ پر میرے من 'چ عشق دا آنا گُجدار ہندا۔
 پیار دے پھلکے پکدے رہندے۔ گول گول پیارے پیارے۔ جد آنا منک
 جاندا۔ تاں ماں اگت کُجھا چھڈ دی تے توا پٹھا کر دیندی۔ توے اُتے اسمانی
 تاریاں وانگ اگت دے تارے چٹو پُچھائی کھین لگدے۔ ماں کہندی۔ ایہہ
 جوگیاں دی جت جڑھی اے۔ تے میرا من نچن لگدا۔ جیویں میری جت جڑھی
 ہوئے..... پر میری جت کدی نہیں جڑھی۔

..... میرے سُفنے لہر دہر ہو گئے سن۔ میں برف وانگ ٹھنڈی تیخ ہو گئی
 ساں۔ میریاں رگاں 'چ خون جم گیا سی۔ ایس شیو جی دے مندر 'چ ہی اوس
 کالے شیش ناگ نے میرے اندر دے ڈونگھے سمندر 'چ زور دی پھنکار ماری
 سی۔ میرا سارا سریر ہل گیا سی..... میں اوہدا مقابلہ نہیں ساں کر سکی۔ میرا گوتم.....
 میرے ماپے..... میرے ساک سمبندھی..... سبھ وقت وی نیہری 'چ تپلا تپلا ہو کے
 وچھڑ گئے۔ جس پاسے نظر جاندی لہو ہی لہو۔ اگتے دُھواں۔ چٹھاں ہی
 چٹھاں..... ننھو بھجو، مینوں نہ مارو..... رحم کرو..... بچاؤ، بچاؤ..... رولا ہی رولا۔
 تے او نہاں ردلیاں 'چ اوہ کالا شیش ناگ مینوں راجہ رسالو دے شہر لے آیا۔
 لونان دے شہر۔ پورن دی بستی، پورن نگر وچ۔ اوہ روز پھنکارن ماردی۔
 میرے برف ورگے سریر نوں پکھلان دا جتن کردا۔ اوہدے پھن دی چربی پکھل

پکھل کے میرے ننگے سر پر چھ موم گھول دی۔ میں روز اوہداز ہر پیندی۔ اوس دے زہر دا میرے اندر اک گولہ بن دا گیا۔ میریاں ہڈیاں پللیاں دُکھ دیاں رہیاں۔ میرا وِجُو د اک کچا پھوڑا بن گیا۔ مینوں اک عجیب جہی درد محسوس ہوندی۔ اک اجہی پیڑ، جہڑی میں دسناں وی چاہندی تاں وی نہیں ساں دس سکدی۔ پھوڑا پکدا گیا..... پھوڑا پھس گیا۔ گولہ توپ دے مونہہ چوں باہر نکل آتے میری چھاتی نال چھڑ گیا۔ میرے برف ورگے سر پر چھ گرمی دی لہر دوڑ پئی۔ میرے سینے دے دو پتھر پکھل گئے۔ اوںہاں چوں دودھ دیاں سپراں پھٹ پیاں۔ میں اک ماں داروپ دھار لیا۔ بِلُو دی ماں دا..... مَن بِلُو ہی میرے لئی سبھ کُجھ سی۔ میری ماں، میرا پیو۔ میرا گوتم۔ میرے ویر۔ پورن دی بستی 'چ میرا دل لگن لگا۔ میں بِلُو نوں نہوالدی۔ کپڑے پواندی۔ اوہدے بالاں 'چ کنگھی کردی۔ مینوں انج جا پدا چنچ اوہدے ہال میرے گنجیل دار خیال نیں۔ جہاں نوں میرے ذہن دے نہوں کھر چ رہے ہوں.....

وقت کسے پہاڑی پگڈنڈی دا مسافر تھک کے پُور ہو گیا سی۔ ساگر دیاں لہراں فیر شانت ہو گیاں سن۔ دریا دے اُبال ٹھنڈے ہو گئے سن۔ چیچاں، بدلاں نوں چیر پھاڑ کے رحم دے دیوتا کول پہنچ چکیاں سن۔ اسمان تے اِلاں اُڈنیاں بند ہو گیاں سن۔..... رفیو جیاں دے کیمپ لگا دتے گئے سن۔ ڈاروں وچھڑیاں گونجاں برآمد کیتاں جان لکیاں سن..... پورن دی بستی وِچ وی تلاشیاں ہون لکیاں تے بِلُو دی امنیوی وی برآمد کرا لئی گئی۔ شیش ناگ دی..... سپہ لیاں آگے کُجھ نہ چلی۔ میں مُزا پنے پنڈ آچکی ساں۔ میرے پنڈ 'چ چاروپا سے کھڑیاں فصلاں ہس رہیاں سن۔ جیویں سونے دیاں بالیاں الھڑ مٹیاں دے کناں 'چ ساز و جارہیاں ہوں۔ ندی دیاں لہراں، امباں دے رُکھ۔ ساڈے

ویڑے لگا ڈھلن دا یوٹا۔ سبھ کجھ موجود سی۔ کیول باپو تے وڈے ویریاں
 استھیاں آگ تے لہو دے طوفان 'ج رڑھ پڑ چکیاں سن۔ ماں نے مینوں سینے
 لایا۔ دل دا اُبال دواں دیاں اکھاں چوں نکلن لگا..... فیر اک دن نال دے
 پنڈ دا گوتم دی مینوں مل گیا۔ پر کہندے نیں..... 'رب تاں بندیاں نوں معاف
 کر دیندا اے۔ پر بندہ معاف نہیں کردا۔ میرے کپل دستو دے گوتم نے مینوں
 اپناں توں انکار کر دتا۔ میرے چن دی دھرتی وی کھڑی ہی نکلی۔ ہُن اوہدی
 چاننی اچھوت ہو گئی سی۔

وقت اک اچھے جنگل وانگ میرے ساہنے پھیلیا ہو یا سی، جس توں
 نکلن دارستہ میریاں اکھاں ڈھونڈ ڈھونڈ کے تھک گیاں سن۔ میں روز شیو جی
 دے مندر 'ج جاندی تے خوب روندی۔ مینوں شیو جی دی مورتی دی گوتم وانگر
 اک مکھوٹا سدی۔ پتل دار کھ میری تقدیر تے ہسدا جا پدا۔ فیر ہولی ہولی میرے
 ساک سمبندھیاں نوں میرا جرم اکھاں 'ج رڑکن لگا۔ اونہاں نوں میرا سپ
 دے پُتر نوں دودھ پلانا زہر لگ رہیا سی۔ اوہ میری متا نوں یتیم بنان لئی سوچن
 لگے تاں جے میرے سریر نوں سُو ہے رنگ دے کپڑے پوا کے کسے دوجے سپ
 دے لڑلا دتا جائے۔ مینوں اک داری فیر اسمان تے ایلاں نچدیاں جابیاں۔
 میں گھروں بھیج گئی تے رفیو جی کیمپ وچ آ گئی۔ اوتھے مینوں میریاں پیڑاں نوں
 سمجھن والی اک دیوی ملی۔ میں بہو نوں اوہدی جھولی وچ پا چھڈیا تے کہیا۔

''ماسی! میرا نکا ویرتے دوجے رشتے دار اینوں مارنا چاہندے نیں۔

اوہ کہندے نیں کہ ایہہ سپ دا پُتر اے۔ پر ماسی! ایہہ بھانویں سپ دا پُتر اے
 جاں بھانویں انسان دا، نکلیا تاں میری لکھ چوں اے۔ میں کنج اپنے من نوں
 پتھر بناواں۔ توں اینوں بچالے۔ بہو نوں اینہاں دی بستی 'ج لے جاتے کسے

خالی ویٹرے 'چ سٹ دے۔ نہیں تاں میرے اپنے ہی ایس معصوم نوں مار چھڑن گے۔'

تے انج میرا بلو سدالئی میتھوں وچھڑ گیا۔ میں آگ دے بھانبراں نال بھری نفرت دی بھٹھی 'چ سڑھ بل گئی۔ میں فیر برف دی سل بن گئی تے مڑ کسے ناگ دیوتا دے گل مڑھ دتی گئی۔ برف دی سل نوں فیر اک واری پگھلان دا جتن ہون لگا۔ پھنکا راں فیر وجن لکیاں۔ پر برف دی سل نہیں پگھل سکی۔ موم سل تے ڈگدیاں ہی جم جاندا۔ انج ہی گجھ چرتک چلدا رہیا تے فیر ناگ دیوتا وچ برف پگھلان دی شکتی مک گئی۔ موم ڈلھناں بند ہو گیا۔ ناگ دیوتا دیاں پھنکا راں ہمیشاں لئی ختم ہو گیاں.....

اک واری فیر میرے آل دوالے دھواں ہی دھواں پھیل گیا۔ میریاں راہواں کنڈیاں نال بھروچ گیاں۔ میرے پیر زخمی ہو گئے۔ میرے آسمان اُتے ایلاں فیر اُڈن لکیاں۔ تے میں اک زخمی کونج..... مڑ اپنے مایاں دے ویٹرے ڈگ پئی۔ میرا دھکھ میری ماں داروگ بن گیا تے دھکھاں دی ڈین میری ماں دا کلیجہ کدھ کے لے گئی تے مینوں اوسوگھر 'چ سدالئی اوپرا بنا گئی جیتھے میں کدے جنم لیا سی جیتھے کدے سبھ گجھ میرا سی..... پر میرا تیرا کہن نال گجھ نہیں ہندا۔ ایہہ تاں من پرچون دیاں گلاں نیں۔ اتھے کسے دا گجھ نہیں۔ خاصکر میرا۔ میرا بلو، میرا گوتم۔ کس دا بلو، کس دا گوتم۔ پر زندہ رہن لئی کسے نہ کسے سہارے دی لوڑ تاں ہندی اے تے میریاں یاداں میرا سہارا نہیں۔ انہاں یاداں دے تیل نے ہی شاید میری بے جان حیاتی دا دیوا بالی رکھیا اے۔

اپنی جھولی اپنی اگ

دُنیا نوں ہوند وِچ آئے ہوئے چوکھا چڑ ہو گیا سی۔ اسمان تے دس آلا
 اُہ وڈا ٹبر کد اُدھرتی دیاں رونقاں بچ کھو چکلیا سی..... کہ فیرا دھو گھٹنا واپری.....
 آہو۔ اوہی..... ہائیل تے قابیل والی گھٹنا۔ فیرا اک مٹیا رفر تو جھگڑے دا کارن
 بن گئی۔ مٹیا رجو ہیلن سی جاں قلو پطرہ۔ سوہنی سی جاں ہیر۔ سسی سی جاں شریں.....
 اپنے جماند روحت نوں استعمال کر دیاں ہو یاں اک گھرو نال بھیج گئی سی۔ اسمان
 دیاں ڈونگیاں گہرائیاں وِچ گوا چن لئی۔ چن دی ٹھنڈی چھاں وِچ لگن لئی۔
 مٹیا ر اپنے دیوتا نوں ہتھوں وِچ لئی دوڑ رہی سی۔ ایہ دیوتا اوس نے آپ گھڑیا
 سی۔ بلوری پتھراں وِچوں لہہ کے تراشیا سی۔ ایہ دیوتا اوہدے گلے دا ہار سی۔
 اوہدے ہتھے دا تِلک۔ اوہ اپنے دُشینت نوں کسے دی حالت وِچ کسے ہو رنوں
 سوئین لئی تیار نہیں سی۔ کڑی سوہنی سی۔ شوخی تے نزاکت نے اوہدے رنگ رُوپ
 نوں نکھاریا سی۔ گنڈے دی جھل ور گے بُکھاں چوں نکلن آ لے شبد اں وِچ شہد

ورگی مٹھاس سی۔ اوسدا بریرِ خوبصورت شاعری نال بھری اک پُنتک سی۔ اوسدا دھرم وِلنوازی سی۔ محبت اوہدا ایمان سی۔ اوہدے سارے رشتے محبت توں شروع ہو کے محبت تے ہی ختم ہون والے سن۔ عشق دی گرمی نے اوس دے وِج وِج بھانڈاں پھڑے سن۔ اوہدیاں اکھاں گلاں کرن لگ پیاں سن۔ زبان نے دیکھنا شروع کر دتا سی۔ کن بولن لگ پئے تے ہتھ سُنن لگ پئے سن۔ ایہ سبھ اوس دیوتا کارن سی جو اوہدیاں اکھاں وِج پیار دی جوت جگا گیا سی اتے اوہنے سماج توں بغاوت کر دتی سی۔

اوہ بڑی لگن نال اپنے دُشیت لئی جوگن بنی سی۔ اوہدیاں اکھاں وِج اک خواب سی۔ چنگے بھوکھ دا خواب۔ کھلی ہواواں وِج دُشیت سنگ پینگ جھوٹن دا خواب۔ اوہدی ذات وِج جذب ہون دا خواب۔ اوہ عشق تُوں نجات دا وسیلہ سمجھدی سی۔ اوہ کہندی سی کہ اپنی ذات تُوں پہچان لئی عشق ضروری اے۔ عشق ہی کائنات دے ظہور وِج آن دا کارن اے۔ اوس دی سوچ مطابق عاشق تے معشوق انسانی وِج ددی تکمیل دا ناں ہن۔ اوہ کہندی کہ اس وِج دتوں وکھ جو گجھ وی اے، اوہ گجھ وی نہیں اے۔ اوہ عاشق دی ذات وِج سما جان تُوں جنت سمجھدی تے باقی ہر شے تُوں دوزخ۔ اوہ گیان دھیان دا دیوا جگائے اپنے خواب دی تعبیر دی تلاش وِج سی۔ تے تلاش منکھ دا فطری شوق رہیا اے۔ ایس شوق وِج مگن اوہ گھروں ننگے پیروں نکلی سی۔ بریر تے لگے کپڑیاں تُوں مٹھ گجھ دی نال نہیں سی لیا اوس نے۔ فیروی اوہ خوش سی اپنے دُشیت نال۔

گنجان آباد شہر وِج اوہدا جیون دیرانی دا شکار سی۔ اوہ اُداس تے مومجھان رہندی۔ صدیاں توں چلی آرہیاں اوہور سماں، اوہور رواج، ماحول دی اوہو اک رنگی۔ ایرکھا، نفرت تے حسد دی چار دیواری وِج بند پیا ہو یا نو ہلا

سماج..... اتے اوس وِچ رُوحاں نوں قتل کرن والے نفس پرست چوہد ریاں دا
 غلبہ۔ اہ چوہد ریاں..... چنے لیڑیاں وِچ پھرن والے شوکدے ناگ۔ اہ شاہ
 کالے دُشت۔ شہر دی اوس بھیڑ وِچ اوہدے جذبات، اوہدیاں سدھراں تے
 تانگاں گھٹ گھٹ کے دم توڑ رہیاں سن۔ بڈھے سماج دے جوان حاکم۔ زم
 زم دے پانی نوں گنگا جل وِچ ملدے ہرگز نہیں سن ویکھ سکدے۔ اوہناں دے
 خیال موجب ایس طرحاں دونواں پانیاں دی پوتر تانہنگ ہو جاندی اتے اِنج
 پاکی تے پلیتی داملاپ دریاواں وِچ ہڑھ لیا سکد اسی۔ اتے ہڑھ وِچ جانی تے
 مالی نقصان وی ہو سکد اسی۔ پراوہنوں پکا یقین سی پئی پانی بھانوے زم زم دا
 ہو ویے جاں گنگا دا، اوہ صرف پانی ہندا اے۔ بے رنگ، بے مذہب، بے نسل،
 بے ذات، صرف پاک، صاف تے شفاف..... اوس بھیڑ وِچ اوہنوں شبد اں
 دے تیر مارے جاندے، جھیرے اوہنوں چھلنی کر دیندے۔ اوہ آپ تاں
 شبد اں نوں وُکو کر کے استعمال کر دی سی، پراوس اُتے ہمیشاں بے غسل لفظاں
 دا حملہ ہندا رہندا اسی۔ اوہدی رُوح ترفدی رہندی۔ شہر وِچ اوہ جتنے وِن دی
 رہی، اُداس ہی رہی۔ تھکی تھکی جہی تے اخیر اوہ نہیں بھجن دا فیصلہ کر لیا۔ اپنے
 دُشیت نال، اسمان دیاں اتھاہ ڈوگھایاں وِچ گواچن لئی.....

اُہ قدرت دے بخشے ہو ویے اوہناں ہرے جنگلاں وِچ آنکلی جھیرے
 پتھر ملی چٹانوں تے میدانوں دے زیور نال سجے سن۔ برف پوش پہاڑ۔ بدلاں
 دی مست ٹور، ندی نالیاں دے سنگیت وِچ اپنے جانم نوں مسدیاں ویکھ کے
 اوہدی حیاتی دیاں جمیاں مسکراہٹاں پکھل گیاں سن۔ اوہ محبوب دیاں بانہواں
 وِچ مست ہلارے کھاندی تے انگڑائیاں لیندی۔ دُشیت اوہدیاں بُکھاں نوں
 گرماندا تے اکھاں نوں ٹھنڈ پاند ا۔ مٹھلاں دی بیج تے اوہ لیٹ دی۔ کوارے

گھاہ والیاں ڈھلواناں تے ریتلندی۔ آبشاراں دی بوچھاڑ نال اپنے پنڈے
دیاں چنگاریاں نوں بُجھاندی تے فیر اپنے دیوتاؤں نال لیکے قدرت دے
رنگاں وچ گم ہو جاندی۔ خدا دی ایس بے داغ وادی وچ اوہ بوہت خوش
سی۔

..... وقت تیزی نال لنگھ رہیا سی..... اک یگ بیت گیا۔ پراس دے
پیار وچ کوئی فرق نہیں سی پیا۔ اوہدی رُوح اپنے دیوتا دی رُوح وچ سما چکی
سی..... پراوہدا دُشیت اِکو قسم دے موسم توں اُکتا گیا سی تے اوہدے چُتکل
توں نکلن دا کوئی راہ ڈھونڈن لگا سی۔ سورج دی تپش دن بدن گھٹدی جا رہی
سی۔ پراہ عشق دے دریا وچ اِنی گہرائی تک ڈب چکی سی کہ آن والے خطرے
توں محسوس ہی نہیں کر سکی۔ دُشیت عشق دی معرفت توں سمجھن دی بجائے، ذات
دی حقیقت توں پہچانن دی بجائے اپنے آکار توں خدا سمجھن لگا..... اوہ پل پل
اُوہدی مٹھی چوں پھسلن لگاتے کہن لگے اپنی زندگی تیری ضرورت تے قربان
نہیں کر سکدا..... کیوں جو میں آپ قربان نہیں ہونا چاہندا۔ دُشیت دے شبد
سکے اوہ ترفن لگی اتے اپنے اندر ٹنڈے بھجے جذبیاں توں اِکھیاں کر دیاں
ہویاں بولی ”دُشیت! ایہ سبھ احساس دی گل اے۔ نہیں تاں ہر شے اوہو جہی
اے جو پہلاں سی۔ صرف توں بدل گیاں ایں۔“ ”میں بدلایا نہیں آں۔ میں
اک انسان آں تے انسان دے طور تے جینا چاہناں داں۔ فرشتیاں وانگر
نہیں۔“ تے اپنے آپ توں انسان سمجھن آلا دُشیت اوہدے ہتھاں چوں تِلکدا
رہیا۔ تِلکن دے ایس لگا تار عمل کارن اوہدیاں سدھراں دے گلاب مُرجھان
لگے۔ دل دی دُنیا ویران ہون لگی۔ اوہنوں کیہ پتہ سی کہ ایہنا پینڈا لنگھ آن دے
باوجودی اک رُوح دوجی رُوح وچ جذب نہیں ہو سکے گی۔ اوہنیں تاں اپنے

ماہیوال ٹوں دل داماس کھوایا سی۔ رُوح دا شربت پلایا سی۔ پراوہدی ساری
 عبادت، ساری تپیا بھنگ ہو گئی سی۔ فیر شکر نی وادی دی دھرتی وچ سوراخ پے
 گئے تے اوہناں سُوراخاں وچوں نیو لے باہر نکل آئے۔ نیو لے اپنی تیز نوک
 دار اکھاں نال اوہنوں ڈھونڈن لگے۔ نیولیاں ٹوں ویکھ کے سبز جنگل، ہرے
 میدان، برف پوش ٹیسیاں، پہاڑی نالے سبھ کنھن لگے۔ تیز ہواواں چلن
 لکیاں۔ آندھی کارن رُکھ زخمی ہو ہو کے ڈگن لگے۔ ویرانی پھیلن لگی۔ نیولیاں
 دیاں آوازاں نال چارو پاسے جُون دے سر کنڈے اُبھر آئے..... تے اوہدا
 ناگ دیوتا..... نیولیاں دا مقابلہ کرن دی بجائے بھج گیا۔ اوہنوں اکلیاں چھڈ
 کے۔ اوہ ریت دا گھر نکلیا جو دھڑام کر کے ڈگ پیا۔ زندگی دے بھار ٹوں
 موڈھا دین دی تھاں اوہنیں بھجن دا راہ پھڑیا۔ تے سارے قصے دا خاتمہ کر
 دتا۔ دُشینت دے ٹھن مگروں اوہدی مستی دیاں رُتاں سوں گیاں، گھپ ہنھیرا
 پھیل گیا۔ اتے اوہ بے سلامتی دا شکار ہو گئی۔ سماج دے انگیا ریاں نال دُشمنی
 پال کے اوہدے ہتھ سڑھ بل گئے۔ دل بُجھ گیا۔ گھٹن، اُداسی، ڈر، خوف تے
 تباہی، سماج ولوں اوہنوں دتیاں گیاں سو غاتاں سن۔ اوس دی زندگی دی بیڑی
 ٹٹ گئی تے درد دیاں گونگیاں فوجاں ٹٹی بیڑی ٹوں ڈوبن لکیاں۔ ستم دے
 طوفان اُٹ پئے۔ ان سنی چیرکاں دا شور اوہنوں ڈسن لگا۔ سماج دے بھونکو کُتے
 اوہنوں ستان لگے۔ کُتے غرانہ رے رہے۔ کُتے بھونکدے رہے..... اتے اوہ.....
 تھکی ٹٹی، ڈری سہی، اُداس تے ویران پل پل ختم ہون لگی۔ اوس اندر سنن دی
 طاقت ختم ہون لگی۔ لفظ گونگے ہون لگے تے فیر گونگے شبد جسم دی گھما وچ گم
 ہون لگے۔ فیر چوکھے چر مگروں گواچے ہوئے شبد اں دی صلیب چک کے اک
 لاش غار چوں باہر آئی۔ تے شہر دے وچکار کھڑے مینار اُتے جم گئی تاں جو گم

شدہ لفظاں دی عبارت تُوں آن جان والے راہی پڑھدے رہن۔ لاش دے
 ننگے کفن اُتے لفظاں دے ارتھ اِنج بکھرے ہوئے سن۔ ”حیاتی دا دھرم صرف
 پیاراے۔ موت دا کوئی مذہب نہیں۔ لاش دا کوئی دھرم نہیں۔“

اُڈا رُوسپ دا ڈنگ

اپنے رت وچ نہایا ہو یا منکھ سُرخ اکھاں، سُرخ بکھاں، سُرخ
 ہتھاں تے سُرخ پیراں والا آدمی۔ مینوں اپنی بالی ہوئی اگت بخش گیا اے، تے
 حکم دے گیا اے پی میں ایس اگتوں اپنے سرتے چکی پھراں۔ ایس اگ
 توں لے کے شہراں، پنڈاں، جنگلاں تے مار و تھلاں 'چ پھر دی رہواں سر
 تے چکی ہوئی اہ اگ، لاوے دی شکل 'چ میرے سریر وچ گھلی ہوئی اے۔
 میریاں ہڈیاں وچ رچی وی اے۔ ایس اگ دے بھانڈ 'چ صرف میرا آپا
 سڑھ رہیا اے۔ کیوں نہ سڑھے اک ہرے بھرے باغ دی مالکن ہندیاں
 ہو یاں وی مینوں ایس اگ وچ کدھن دا چا چڑھیا سی۔ میری گھر ہستی داما لک
 دلاور، میرا ہر طرحاں نال خیال رکھدا سی۔ اہ میرے پھلاں توں پانی دیندا۔
 بوٹے سجاندا۔ اوہناں توں ہساندا میں خوش ساں۔ پھل خوش سن تے مالی
 خوش سی۔ زندگی ہس دیاں کھیڈیاں لنگھ رہی سی۔ میرا بڑا اُچا چنبارا سی۔ بُرجاں
 والا۔ تے اوہناں بُرجاں وچوں ہی اک بُرج خورے کپھڑی گھڑی میرے

سینے اندر کھپیا سی۔ اوس اُچے بُرج دانان..... انارگل سی۔ سُرخ مہاندرا، سُرخ
 اکھاں، سُرخ بُکھاں، سُرخ ہتھاں تے سُرخ پیراں والا انارگل..... جیہڑا
 مینوں اپنی بالی ہوئی اگ بخش گیا اے۔ چوڑا سینہ، چُست سریر..... بالکل الف لیلا
 دیاں کہانیاں دا ہیرو لگدا سی اہ مینوں..... کافر عرِباں دے وڈے دیوتا
 ”ہبل“، وانگر..... اوہدی سوہنی صورت مینوں کافر بنا گئی۔ میں اپنے خُداؤں
 بھل گئی۔ دلاور نوں بھل گئی۔ اپنے پھلاں نوں بھل گئی۔ ہمدی کھیڈ دی زندگی
 اُچا چُبارا..... بُرجاں والا..... سبھ دیوتا دی اک نظر نال بھسم ہو گیا، تے باقی رہ
 گیا اکو بُرج..... کرماں والا، بھاگاں والا..... انارگل..... میں کُفر دے جال
 وِچ پھس گئی تے انارگل نوں جنم جنم دا ساتھی سمجھن لگی۔ میں اپنی بے مقصد زندگی
 دا اکو مقصد بنا لیا پئی انارگل نوں ویکھدی رہواں۔ زخمی پیچھی وانگ اوہدے
 اگے چکھے پھڑ پھڑاندی رہواں..... تے اوہدے وِچ دُچ ڈھل کے ختم ہو
 جانواں..... میں سماجی قانون دی پُرانی کتاب پھاڑ دینا چاہندی ساں تے ربّی
 قانون مطابق اپنی حیاتی گزارنا چاہندی ساں۔ اوس قانون مطابق..... جیدے
 صدقے دھرتی سورج دے گرگھمدی اے..... اتے میری دھرتی دا سورج سی
 انارگل..... میرے کُفر دا جنم دا تا۔ میرا ہبل دیوتا..... مینوں اُچے چُبارے والا
 گھراک قبر لکھن لگا، جس وِچ میں اپنی حیاتی نوں دفن کیتا ہو یا سی۔ میں محسوس
 کرن لگی کہ دلاور نے میرے جسم نال، میرے چُبارے نال تے میرے پیسے نال
 ویاہ کیتا اے، میری رُوح نال نہیں۔ میں سوچدی پئی جے دلاور دا ویاہ میری
 رُوح نال ہو یا ہندا تاں انارگل دا کتے وِچو دہی نہیں سی ہوناں۔ ایس سوچ نے
 میری رُوح نوں باغی بنا دتا۔ میں اپنے دماغ نوں اپنے نفس دا بندھی بنا دتا تے
 دل دی درگاہ تے انارگل دا دیوا بال چھڈیا تے باقی سارے دیوے بُجھا

دیتے دلاور، بچے، ماپے، بھین بھراہ سبھ ہنھیرے وچ الوپ ہو گئے۔ ہُن
درگاہ تے صرف اِکو دیوا بلدا سی کُفر دا دیوا کرماں والا، لاناں
والا انارگل دا دیوا۔

مینوں دیوتا دے چرنا 'چ بہہ کے سرور ملدا۔ اوہدے پنڈے نال
پنڈا رگزن وچ سواد آوندا۔ پرآم آند ملدا۔ رب نے سریئوں رُوح دامندر
بنایا ہو یا اے پر میرے مندر دا کلس بن گیا میرا ہتھل دیوتا تے فیر سبھ
لشکدیاں شیواں میرے لئی بے کار ہو گیاں۔ میں اپنے خواہاں دے شہزادے
نوں حاصل کر کے بوہت خوش ساں۔ میں اوہنوں پیار دا ساگر سمجھ لیا سی تے
اوس 'چ ڈُب گئی۔ میری ترہائی دھرتی رنج کے سیراب ہون لگی۔ انارگل دے
سریر چوں مینوں انار دے لال لال پھلاں دی نشید آوندی۔ میریاں سدھراں
دی چنچل ندی ٹھاٹھاں مار دے دریا وچ ملن لئی مچدی رہندی تے ندی جد
دریا وچ ڈُگدی تاں اِک شانت ساگر دا رُوپ دھار لیندی۔ رات دا چن تے
دن دا چانن میرا انارگل، میرے وہیڑے وچ مہکن لگا۔ مینوں ہُن توڑی
گزاریاں راتاں اتے ہنڈائے دن اوتر خضم لگن لگے پر ہتھل دیوتا دا سنگھ
کر کے میری رُوح دی کھیڑی زمین زرخیز ہو گئی۔ میں اپنے پیتے ہوئے کل نوں
بھل گئی تے دُور تک پھیلے ہوئے اپنے لے پر چھانویں نوں ہی اپنی ذات سمجھن
لگی۔ انارگل کر کے سماج دے بڈھے رُکھ دا اُہ مضبوط تے پکا ٹاہن ٹٹ گیا، جس
اُتے میں تے دلاور بیٹھے ساں۔ اسیں دونویں ڈُگ پئے۔ دلاور ریتلے کھوہ وچ
ڈُگیا تے میں انارگل دی جھولی وچ دلاور میرے ہتھوں پھلاں دا گلدستہ کھو
کے لے گیا۔ مینوں پھلاں دے وچھڑنے دا کوئی غم نہیں ہوا۔ میرے دیوتا نے
مینوں ہر چیز توں بے غم بنا دتا سی۔ میں ہتھل دیوتا لئی سبھ کجھ تہی تے چڑھا دتا سی۔

پر دیوتا تاں دیوتا ہی ہندا اے۔ پتھر دا اک بُت تے پتھر کدے
 موم نہیں بنیاں۔ میں ہمیشاں لئی دیوتا دے لڑھ گناں چا ہندی ساں پرانا رُگل
 ساگر 'چ کھڑی اک اجہی چٹان سی جس نال طوفانی لہراں جٹیاں مرضی
 نکران، اُہ اوہنوں ریزہ ریزہ نہیں کر سکدیاں انارگل نے میرے عشق تے
 پیار دی قدر نہیں پچھانی۔ اوہنیں چھیتی ہی میری رُوح دی روغنی ہانڈی توڑ
 چھڈی۔ میں بڑا ترنی۔ میں گر لائی۔ میں پتھر دے بُت نال سر نکرایا۔ میں زخمی ہو
 گئی تے میں ہف کے اُچے بُرجاں والے چُبارے 'چ مُڑگ پئی۔ کلم کلی،
 نموجھان۔ میرے چُبارے دے سارے بُرج میرے سینے 'چ گھب گئے۔ میں
 پڑاں 'چ گڑچ رہن لگی۔ مینوں میرے کفر دا بدلہ مل گیا۔ میرے کول گجھ وی
 تاں نہیں سی بچیا دلاور، پھلاں دا گلدستہ، ہس دی کھیڈ دی زندگی، سُرخ
 اکھاں، سُرخ بُکھاں، سُرخ ہتھاں تے سُرخ پیراں والا انارگل گجھ وی
 تان نہیں اے میرے کول۔ پر سماجی قانون دی پُرانی کتاب نے اج مینوں چار
 چوہیرے گھیریا ہو یا اے۔ اہ پُرانی کتاب میں پھاڑنی چاہی سی پر میرے نازک
 ہتھ پُستک نوں پھاڑ نہیں سن سکے۔ ایس کتاب دے صفحاں نے اج مینوں مجرم بنا
 دتا اے۔ کیوں جے میرے متھے تے انارگل دی بخشی ہوئی اک بل رہی اے۔

ٹھنڈی کانگری

میرے مکان دی چھت کشمیری مزدور واگ برف دامناں بھار چک
 کے تھک گئی اے۔ اوس دے متھے چوں مُڑھکا چورہیا اے۔ بڑی پیاری آواز
 اے۔ ٹپ..... ٹپ..... ٹپ..... کشمیر دا ہر موسم سہاونا ہوندا اے۔ کیہ
 باغاں دے کھڑن دا..... تے کیہ چناراں دے پتر اکٹھے کرن دا۔ پر جے اتھے
 سیالا کٹنا ہووے تاں ہور گرم چیزاں دے نال نال کانگری ضرور سیکنی پیندی
 اے۔ کانگری..... فیرن وچ..... لوئی کبل وچ..... اتے رضائی وچ..... بڑا بگھ
 دیندی اے۔

ٹھنڈ بڑی سخت ہے پر میرا کرہ بڑا گرم ہے۔ بڑا بگھا۔ باریاں
 دروازے بند۔ وتھاں تے کاغذ چپکائے ہوئے۔ کیہ مجال جے ٹھنڈرتی کو اندر
 آجاوے میرے کمرے 'وچ۔ ہیٹر بل رہیا اے۔ پہلاں میں بخاری بالدا ہوندا
 ساں۔ پر ہُن..... کیہڑا سٹھ روپے من لکڑی خریدے..... اہ وی فیر لگی۔ چھڑا

دُھواں۔ پیسیاں داناس۔ زمانہ ترقی کر رہیا ہے۔ لین دین دار و اراج وی خوب ترقی تے ہے۔ میٹر ریڈرنوں سوروپے مہینا دے دیو فیہر بھانویں دب کے بیٹر بالو۔ بواکر لگاؤ، پر لیس لگاؤ۔ ودھ توں ودھ مہینے داسو دوسوروپے پل آجائے گا۔ زمانہ چن تے جا رہیا ہے۔ اُنٹی ہی اُنٹی ہے..... ہاں! تے میرے کمرے وچ بوہت بگھ ہے۔ دودو بیٹر چل رہے نیں، اک روم بیٹر تے دُوجا..... آہو! کانگری۔ اہ میں ابے پچھلے سال ہی خریدی ہے، پر بڑی مہنگی۔ اج تاں ہر چیز مہنگی ملدی اے۔ کانگری وی۔

ایس رضائی وچ کانگری بڑا سرور دیندی ہے۔ بڑا بگھ ملدا ہے..... تے باہر بڑی ٹھنڈ ہے پر میری چھت دے متھے چوں..... مڑھکا چو رہیا اے۔ ٹپ..... ٹپ..... ٹپ..... میرے کمرے اندر بیٹر بل رہیا اے۔ میری رضائی وچ اک کانگری ہے اتے کانگری وچ..... اک ہی اک۔ رضائی چل رہی ہے۔ گڈی دے انجن وانگ۔ فارمین انجن دی بھٹھی وچ کوئلے پارہیا اے۔ انجن اُبل رہیا اے، بھاپ نکل رہی اے۔ گڈی چل رہی اے۔ رفتار بڑی تیز اے۔ ٹیشن آون ہی والا ہے۔ انجن آپ ہی رُک جاوے گا۔ فکر والی کوئی گل نہیں۔ میرا بستر اکدی کانگری نال نہیں سڑھیا۔ اسیں کشمیری تاں ایس دے عادی ہاں۔ جس رات میرا بستر اٹھنڈا ہووے، مینوں تاں نیند رہی نہیں آندی۔

میرا مکان جھیل ڈل وچ ہے۔ ڈل وچ ہاؤس بوٹ وی ہوندے نیں تے ایس ہاؤس بوٹ نے جیہڑا میرے کمرے دی باری ساہمنے کھلوتا اے۔ اک ولایتی جوڑے نوں اپنے دل چکر وچ ڈٹھایا ہو یا اے۔ میں ایس ولایتی جوڑے نوں اپنے کمرے دی باری وچوں دیکھدا رہنا واں۔ ایس سوہنے جوڑے دے جسمانی کرتب دیکھدا رہنا واں۔ ایہناں نوں ورزش کرن دے نویں نویں آسن

آوندے نیں۔ تاں ہی کئی پیاری صحت ہوندى اے۔ بالکل ساڈے انبری سیب
 وانگ۔ تے فیر میرے کمرے دی باری اگے پردا آجاندا اے اتے میں دی
 ورزش کرن لگ پیندا ہاں۔ ورزش صحت لئی بہت ضروری اے۔ اہ سریرنوں
 چُست بناندی اے۔ کئی بیماریاں دا علاج کردی اے۔ ایہہ مننوں شانتی دیندی
 ہے..... پر..... پر ایس نال بھکھ و دھدی اے۔ بھکھ..... من دی..... بھکھ
 ڈھڈھ دی..... اک دا علاج تاں میرے کول ہے پر دوجی دا علاج کون کرے۔
 مہنگائی دا زمانہ اے۔ ساہنوں چاول بھتا بڑی مشکل نال ملدا اے..... دُده،
 دہنیں، انڈا، میٹ کیتھوں کھائیے..... میرے ساہنے والے ہاؤس بوٹ وچ
 ولایتی جوڑا..... ورزش دے بعد بڑا ہیوی بریک فاسٹ کردا اے۔ دیسی گھیو
 وچ بھنیا انڈیاں دا حلوہ..... فرائی کیتے ہوئے شامی کباب..... دُده، دہنیں،
 پورا میز بھریا ہوندا ہے تے منیاں وچ خالی ہو جاندا اے۔ اسیں دی بریک
 فاسٹ کرنے آں۔ کوڑی لوکنی چاتے رات دی ہی روٹی جاں چُچوڑو تے لوا سے
 نال۔

ورزش دونویں تھائیں روز ہوندى ہے پر اڈہناں دا روپ دنوں دن
 کھڑ رہیا اے۔ سورج مکھی دے پھل وانگ تے میرے سریر دا ماس گھل رہیا
 اے۔ ہڈیاں باہر آ رہیاں نیں۔ موسم بدل رہیا ہے۔ ٹھنڈ گھٹنی شروع ہو گئی
 اے۔ ولایتی جوڑا روز ورزش کردا ہے۔ روز طاقتی خوراک کھاندا ہے پر ہُن
 میرے سریر وچ ڈنڈ پیٹھکاں کڈھن دی طاقت نہیں رہی اے۔ فیر اک دن
 ہاؤس بوٹ دا دل اُداس ہو گیا۔ اوہ سوہنا جوڑا اپنے جیون دے یادگاری
 دناں دیاں ساریاں یاداں اوس ہاؤس بوٹ وچوں سوت کے نال لے گیا۔
 ہاؤس بوٹ ہُن خالی ہو چکیا ہے..... اتے میرا کمرہ وی..... روم ہیٹر چلنا بند ہو گیا

اے۔ کانگری وچ ہُن سواہ ہی سواہ اے تے میرا بستر اِکسے وراگن دی چتا بن
 گیا اے۔ میرے مکان دی چھت توں ہُن مُڑھکا نہیں چورہیا، پر ایہہ مُڑھکا ہُن
 میریاں اکھاں وچوں چوندا ہے۔ اتے میں اِک تیتھے درجے دا مریض دُرگن
 دے ٹی بی ہسپتال وچ لیٹیا، شاید اپنے آخری ساہ لے رہیاں

مہری

ناں تاں اُس دا سیکنہ سی۔ پر اوںہوں کہندے سارے چھینا سن.....
 گائیں مجھ دے دُده دا نچوڑ۔ اُسدا اکھو یا گورا چٹا روپ۔ نین نقش اچھے کہ۔
 ملاں نوں نماز تے پنڈت توں منتر بھل جان۔ خالص سریاں دے تیل نال
 لشکریاں آوارہ زلفاں نوں لال پراندے دی زنجیر پودا کے، چچی انگل دے
 سرچو نال گول گول بلوری اکھاں وچ کجرا پا کے، بلھاں تے سکت دارنگ چڑھا
 کے۔ نکت وچ لونگ تے کتاں وچ بالے، گلے وچ سیہری تے روپیاں دی مہیل
 - بانہواں وچ گوٹھرو، ٹوکے، بندتے گجرے، ہتھیں مُندراں..... سُوہے رنگ دی
 شہیل دی قمیض، پھیردار سٹھن۔ سرتے سلار اتے پیریں چڑھانویں جُتی اتے
 دُده دیاں گاگراں دی ترنگڑی سرتے چمک کے جداوہ گُلنار، بازاروں لنگھدی
 تے اُسدی خشبو سارے بازار توں مست کر دیندی۔ اوہدا سواگت کئی آوازاں
 نال کیٹا جاو ندا۔

”مہریئے! سلام اے۔“

”ایہہ چھینا! کدیں ساہڈے دل دے ارمان وی ٹھنڈے کر۔“

”ہائے! مارٹھیا ای مہریئے، اک واری تے.....“

رکیاں دے ہتھ اُسدے تھرکدے شریر ول بے روک ٹوک ودھن لگدے تے اوہ مسکراہٹاں دے پھل بکھیر دی ہوئی لنگھ جاندی۔

میں اونہوں بھٹوں پہلاں برکت دے ہوٹل تے دیکھیا..... سِلو ردے چار پنچ پتیلے، چا دی اک کیتلی تے ٹین دیاں اٹھ دس تھالیاں۔ چھ ست ٹٹیاں گُریاں تے میز، برکت دے اُس مُردار ہوٹل دا کُل سرمایہ سی۔ روٹی اجہی کہ کُتے مُشک سونگھ کے لنگھ جاوَن پراسیں ہوئے مسلمان..... کیہ مجال جے کسے دو جے ہوٹل تے روٹی کھائیے۔ کُفر دافٹوئی نہ مل جائے..... چھینا دس کلو لاگ دا دودھ دین روز برکت دے ہوٹل تے آوندی۔

”چھینا! انہے ایں جانی ایں ایہہ کنی نیں۔“ برکت اُس نال میرا

تعارف کروان لگا۔

”نہیں۔“

”ایہہداناں غنی بابو اے۔ ایہہ ساہڈی تھیلے ایج نویں گردور لگے

نیں۔ جے کدیں کش کم پئی جاگ نا، تاں انہے ایں دیاں۔ بڑے شیل افرنیں۔“

”بابو جی! سلام علیکم۔“

”وعلیکم سلام۔“ میں جواب دیتا۔

..... برکت میرے سامنے اُس نال گندے مذاق کردار بیہا۔ اوہ سُندی

رہی تے ہمدی رہی۔ اُس دے جان مگروں برکت مینوں کہن لگا۔

”بابو جی! ایہہ مہری..... چلدی اے۔ جے آکھوتاں تندی گل بنائی

اُوڑاں‘..... پیسہ، رن تے شراب، میری سبھ توں وڈی کمزوری اے۔ انہاں چیزاں تے میں انج پیناں، جیویں لکڑی کھگارتے..... برکت دی گل سُن کے میرا بھکھا لہور اکٹ وانگر دوڑن لگا۔

”کیہ توں وی کدیں.....؟“

”نہیں بابو جی اسیں تے ایہہ ٹرکاندی رُہندی اے۔ پرنس افسراو۔

تندھی گل ہور اے۔“

”پر ساہڈی گل کنج بنے گی برکتیا؟“

”ٹس وی ایہدے کنے دُده دی لاگ لائی لو۔ تجھیں جاں بھیا گا ایہہ تندے ڈیرے دُده دین آیا کرگ۔ اک ادھے دناں پچھواں ٹس پی اسی.....
اہ منی جاگ۔ ٹسیں تے دکھی لیا اے۔ کش بولدی تے ہے ہی نہیں“..... تے
فیر چھینا دُده دین میرے ڈیرے وی آؤن لگی۔

”بابو اٹھ! دُده لے لے۔“ پوہ پھندے سار ہی اُس دی ست سُرے

آواز مینوں جگا وندی۔

”بابو، اکڑاں پھیر لے ایں۔ بھانڈا لیا۔ مینوں دیر ہور ہی اے۔“

”اندر تے آچھنیا۔ بلٹوئی اُتار۔ اِس رُوپ دے ساگر‘ سچ ساہڈیاں

اکھٹاں نوں اُشان تے کرن دے۔ دل نوں ٹھنڈک جکھن دے۔ ساری رات

گرمی وچ نیندر ہی نہیں آئی، چودھویں دے چن‘ سچ تیری ہی چھبی ویکھدا

ریہا۔“

”سچی مچی۔“

”تیری عمر دی قسمیں۔ بالکل سچ۔“

”رہن دے بابو۔ اینویں گلاں نہ بنایا کر۔ مرداں تُوں انہاں گلاں

دے بغیر ہوتے کچھ آوندا ہی نہیں اے۔ جتھے کوئی زنانی دیکھی او تھے ہی چٹھرن
 لگدے نیں۔ ہوراں نوں ہوری دی، انھے نوں ڈنگوری دی۔‘

‘ہائے مہریئے! تینوں کیکن دل چیر کے دساں۔‘

..... حلوائی، چا دیاں دکاناں، برکت دے ہوٹل، تے دوجیاں

گاہکاں نوں دودھ دیندیاں اوہنوں دس بج جاندا۔ میں جس ویلے دفتر جاؤن
 لگدا تاں اوہ مینوں بازار وچ بنڈالیندی لہدی۔

‘بابو! چلیاں ایں دفتر.....

اج حرام دامال گھٹ کھائیں۔ ایہہ گدیں حلال دی وی لے ڈیدا

ای۔‘..... تے میں مسکراندا نکل جاندا۔

روز مہری دودھ دین آوندی۔ روز میں اُس تے ڈورے پاوندا۔

..... اوہ ہن میرے نال کافی گھل مل گئی سی۔ تے فیر اک دن میں

اونہوں کیہا۔

‘چھینا! اڑیئے اج تے..... اک گل من ہاں میری۔‘

‘کیہڑی گل۔‘

‘اوہی گل۔‘ میں اشارے نال سمجھایا۔

‘توں بڑا بد معاش ایں۔ بھیڑا کسے پاسے دا۔‘ تے اوہ ہس پئی۔

‘اڑیئے دل نہ بھیناں کر..... اج من وی جاہاں۔‘

‘بابو! توں روز مینوں کہناں ایں۔ چل فیر ہوتیار۔ اج میں تینوں لے

چلاں تیری حسرت پوری کرن۔ میں بازاروں مڑ آؤنی آں۔ توں تیار

رہیں۔‘

‘پرتوں مینوں کیتھے لے جائیں گی؟‘

”اپنے ڈیرے۔“

”اوتھے ہو رکون کون ہو وے گا۔“

”تینوں ڈرن دی کوئی لوڑ نہیں۔ توں بے فکر ہو کے چل۔“

..... کچھ چر مگروں مہری دُدھ وِچ کے بازاروں واپس مُڑی تے اوہنے
مینوں نال چلن دا اشارہ کیتا۔ میرا دل دھڑک گیا۔ اک عجیب جہی دھڑکن۔
اک کسک جیہی میں اوہدے تچھے تچھے چل پیا۔ پدرا رستہ تے پچھدا خیال۔
بس اُسدیاں مینڈیاں ورگے۔ اتے اوس رستے تے چلدا اوہدا تھرکدا شریر
میں اُس شریر وِچ کھُبد اچلا گیا۔ میں تے چھینا۔ میرے جذبات میری بھکھ۔
میریاں اکھاں اگے ہنھیرا آ گیا اس ہنھیرے وِچ مینوں کچھ نہیں سی لہہ
ریہا۔ کیول چھینا دا پنڈا۔ مکھن دے پیڑے ورگا، پٹا دُدھ۔ میریاں بانہواں
وِچ کسمسا وندا اوہ نرم تے چوڑا پنڈا۔ میں چانچک ٹھیدا کھا کے ڈھیہ پیا۔
ہنھیرا دُور ہو یا تے چھینا دُور کھلوتی ہس رہی سی۔ میں اوہدے گھر دے
سامنے کھڑوتا ساں۔ اندروں اک بچہ دوڑ دا باہر آیا۔ ڈیڑھ دو سال دا بچہ۔
میلے جیسے کُرتے وِچ اوہ پیارا جیہا گول مول بچہ، اپنی توتلی زبان وِچ کہہ رہیا
سی۔

”اماں دُدھو اماں دُدھو۔“

چھینا دوڑ دی اگا نہہ ودھی تے بال ٹوں سینے نال لالیا تے اوہنوں چمن
لگی۔ فیر میرے سامنے اوہنیں اپنی نگلی چھاتی بچے دے مُنھ وِچ پائی۔ بال
دُدھ پین لگا۔ میرے جذبات ٹھنڈے ہوندے گئے۔ میری بھکھ مٹ دی گئی۔
میرے پچھدا خیال دھویں ونگر اُڈن لگے
فیر اک کھڑاک دی آواز آئی۔ میری سوچ دا تانا بانٹیا میں مڑ

کے دیکھیا۔ اک مضبوط تے اُپے قد کاٹھ دا جوان، سرتے گھاہ دی گڈی چُک
کے اندر آیا۔ اُونہیں گھاہ دی گڈی مہیکے اندر رکھی تے آواز دتی۔

”چھینا! لسی دا گلاس پلائیں۔ میں مہیس دا دُدھ چُونواں۔“

”چھینا نے لسی دا گلاس اوہنوں دتا۔ اوہ دونویں نال کھلوتے کئے

پیارے لگ رہے سن۔ جیویں تخت ہزارے دے عاشق۔ اوہ میرے ول دیکھن

لگی۔ اوہدیاں نظراں دے تیر میرے سپنے اندر کھُبدے جا رہے سن۔ مینوں لگ

رہیا سی جیویں اوہ کہہ رہی ہوئے۔

”میری پت دیا خریدارا۔ عورت دے سریر دیا بھکھیا۔ اہ دیکھ

میری چھوٹی جہی دُنیا جس ’چ میں نش آں۔“

..... میریاں اکھاں جھک گیاں تے میں اپنے وجود نوں اپنے آپ وِچ

الوپ ہوند اوکھ رہیا ساں۔

مائے نی میں کینوں آکھاں

جیہڑاوی مائی جاناں توں ہچکھدا..... بھین! تونہہ کیسی اے۔“

اوہ اونہوں رٹیا رٹایا جواب دیندی۔

”اے تک تے چنگی اے۔ اگے دا پتہ نہیں۔“

کدیں کدیں جد اُس دے ویڑے چار پنج بڈھیاں اپنیاں اپنیاں

تُونہاں دے دُکھڑے رون بہندیاں تاں اوہ اگواہی جواب دیندی۔

”تُونہاں وی..... تاں ایس چنگیاں ہوندیاں نیں جے اپنے پتر چنگے

ہون۔“

”آہو بھین! تیرے تاں بھاگ چنگے نیں۔ تونہہ وی چنگی ملی اے تے

پتر وی۔“

مائی جاناں دی تونہہ سلیمیاں چنگی کیوں نہ ہوندی۔ اُس نے تاں

آوندیاں ہی اپنے ہتھاں دی مہندی تے اکھاں داسر مہ اس گھر دے چلبے وچ

ساڑھ چھڑیا سی۔ اُس دی اپنی دھی تاں ککھ بھن کے دوہرا نہیں سی کردی۔ تُو نہ دے آون تُوں پہلاں سارا کم..... مائی جاناں تُوں آپوں کرنا پیندا۔ اگوں فیر گھراں دے کم۔ چلہا چوکا سانہناں، پانی وانی بھرنا۔ گھردی صفائی، کپڑا لتھا دھونا، بھانڈے مانجھناں، کیہہ کیہہ پٹ سیانہیں کرنا پیندا..... پرہن لکھاں دی کافی سلیمان کسے جٹی دا رُوپ دھار کے اس گھر وچ آگئی سی۔ ہُن سویرے جس ویلے دھپ نکلدی..... مائی جاناں دا منجا باہر آجاندا۔ تے اوہ سارا دن منجے تے بہہ کے تھاپیندی رہندی..... نالے حکم چلاندى رہندی۔

ساری دیہاڑی کم کر کر کے راتیں سلیمان جدسون لئی اپنے کمرے وچ آوندی تاں ادھ موئی ہو کے منجی تے ڈگ پیندی۔ پر اوتھے وی اونہوں آرام گھٹ ہی نصیب ہوندا۔

”..... اے جی! اج مینوں ڈاہڈی سر پیڑ ہو رہی اے۔ اج میتھوں کم نہیں ہو سکتاں۔“

”توں اماں تُوں کہہ نا۔ اوہ آپوں خالدہ کولوں کم کرا لے گی۔“

”بے جی! اج مینوں بڑی سر پیڑ ہو رہی اے۔ میرے کولوں تے اُٹھن ای نہیں ہوندا۔“

”تے جا..... توں جا کے آرام کر۔ اسیں آپ کم کر لینے آں۔ اتھے کم ہوندا ای رکتاں اے۔“..... اج دیاں تُوں نہاں..... کم کرن دا دل کر دناہیں۔

کدیں سر پیڑ دا بھانا لا بہنیدیاں نیں تے کدیں ڈھڈھ پیڑ دا۔ ساڈا ویلا ہوندا سی۔ کیہہ مجال جے اسیں سس سوہرے اتھے بول وی سکدیاں ساں۔ جے پئی سانوں کتے درد ہو رہی اے۔ زمانے تُوں ہی اگ لگ گئی اے۔“..... تے وچاری سلیمان فیر کم وچ جٹ پیندی۔

.....'اے جی! میری ماں کہندی سی، بے انہاں وناں..... بھارا کم نہیں کر دے ہندے۔'

'میں رکیہ کراں..... تُوں آپ کیوں نہیں آکھدی اماں تُوں۔ اوہ تیری وی تاں ماں اے۔'

'دُشیں آپ کہہ دیوناں۔ بے جی تھا ڈی گل متدی اے۔'

.....'اماں جی! اماں جی!'

'کیہ گل اے پُتر۔'

'آجکل چھیاں کولوں کوئی بھارا کم نہ کرایا کرو۔ ڈاکٹر نے منع کیتا

ہو یا اے۔'

'چنگا پُتر۔'

.....کیہہ بھیڑا زمانہ آگیا اے۔ اج دیاں رناں..... خصماں تُوں اگے رکھ دیاں نیں۔ تو بہ! تو بہ۔ ساڈے ویلے ایہہ بے شرمی نہیں سی ہوندی۔ ڈیڑھ ڈیڑھ میل تُوں پانی لیا وندیاں ہوندیاں ساں..... خیر نال..... چھ چھ بچے جے۔ کدیں نہیں کُجھ ہویا۔ اج تاں گھر گھر نکلے لگے ہوئے نیں۔ فیرو دی پانی دی بالٹی کولوں ڈر لگدا اے..... اے خالہ! گشیجے! مرن جو گئے۔ کیتھے ایں تُوں۔ جائیں جا کے نکلے تُوں پانی دی گاگر بھر لیاں..... چھیاں وچاری کولوں..... بھارا کم نہیں کرن ہوندا۔'

فیر مائی جاناں دے گھر خسرے نچن لگے۔ دُوہری خوشی تے۔ دھی دے ویہاہ دی تے پوتر اجمن دی۔

'..... اُٹھ چھیاں! اُٹھ ہُن۔ چھڈ منجی دا کھیڑا۔ اسیں تاں پچہ جن

دے پنجویں دن ہی کم کرن لگ پیندیاں ساں۔ تینوں تے ہُن دس دن ہوے

نیں۔“

تے سلیمان کو لہو دے داند و انگر گھر دے کماں وِچ فیر بٹ پئی۔
 گُجھ چر مگروں خالہ پیکے آئی..... اجکل اوہدا پیر وی بھاری سی۔ اک
 دِن جدوہ نہان لئی پانی دی بالٹی چکن لگی۔ تاں مائی جانان..... دوڑ دی آئی۔
 ”توں مینوں کہنا سی۔ میں کوئی مرگئی آں۔ جھلیئے، تینوں پتہ نہیں انہاں
 دِناں بھارا کم نہیں کر دے۔“

تے سلیمان دیاں نظراں مائی جانان دے چہرے اُتے..... گڈیاں
 گئیاں۔

..... مائی جانان، سلیمان، خالہ..... اک تس..... اک ٹونہ، اک
 دھی..... تے فیر اوہ نظراں آکاش وِچ گُجھ ڈھونڈن لکیاں.....

بھکھی مجھ

گلابو دی کڑی لاجو جدتبی وار پھڑ کے لیاندی تاں گلابو روں ہاکی
 ہوگئی۔ اُس دے تے بھاہ دی بن گئی سی۔ اک واری فیر سارے پنڈ وچ لاجو
 دیاں گلاں ہون لکیاں۔ ساری ساری رات گلابو سوچدی رہندی پئی ایس پھٹے
 دے ڈھول نوں کدے گل 'چ پانواں۔ سارے پنڈ' چ اوہ منھ دین جوگی نہیں
 سی رہی۔ ذات برادری والے اٹھدیاں بہندیاں بولیاں مار دے سن۔ اوہ
 سوچدی جے اج لاجو دا بھاپا جیوندا ہوندا تاں ایہہ گند نہیں سی پیناں تے نہ ہی
 ایہہ چکڑاؤ سدے مُنھ تے ملوندا۔ پر گلابو دا گامی دی کوئی فرشتہ نہیں سی۔ جد تک
 اوہ جیوندا رہیا، باہرمیاں لکھ ہزاری تے اندریوی قہر دی ماری والی گل سی۔
 گامی بے شک اک ودھیا راجڑا سی پر اُس دی ساری کاری گری ٹھرے دی بوتل
 وچ جا کے ختم ہو جاندی۔ تے شامیں پیسے ممکن تے گلابو بچاری اپنے پاسے بھناہ
 لیندی۔ پر کوئی اجہی گل تاں ضرور سی پئی گلابو نے اُس نال اک کھٹ مٹھا جیہا

رشتہ آخر لے..... دم تک قائم رکھیا۔ گامی دے مرن بعد گلابو نے لاجوئوں کدیں وی ایہہ محسوس نہیں ہون دتا جے اوہ یتیم ہوگئی اے۔ اُونہیں ویلے دا مقابلہ مرداں وانگ کیتا تے بڑے لاڈ نال لاجوئوں پالیا۔ کہندے ہن ناں ”پیو گھوڑی چڑھیا کھوٹا تے ماں بھکھ منکدی چنگی۔“

..... پر گلابو نے بھکھ نہیں منگی۔ اوہ ساری ساری دیہاڑی کھونٹے چودھری دے لوئیاں بُنن والے کارخانے وچ کھڑی چلاوندی رہندی..... تے لاجو..... ماں دے گھر آون توڑی پنڈ دے سارے گھر پھر لیندی۔ اک تے ایان عمر، دوجا کوئی روکن والا وی نہیں..... سانولے رنگ دی سانولی لاجو۔ اکھاں جیویں مست شرابی۔ انگ انگ پُوں جوانی ڈھلندی..... اُسدی شوخ طبعیت دیاں شوخیاں اپنا رنگ دس لکیاں۔ اوہ بے لگام گھوڑی وانگ دوڑن لگی۔

لاجو پہلی وار کھونٹے چودھری دے مُشنڈے بنتے نال بھیجی۔ جیہڑا اُونہوں امبرسروں امرت چھکان مگروں ستویں دن واپس لے آیا۔ دوجی وار اوہ پنڈ دے کمپونڈر سرن بابو بال بھیجی تے کشمیر وں موڑ لیاندی..... تے اج تہی وار اُونہوں دلی تُوں پھڑ لیاندا۔ دلی اُس تُوں کالیہ پہلوان لے گیا سی۔ سترے پنڈے دا گھبرو، سوہنا جوان۔ پنجو عیب سلکھنے۔ اوہ لاجوئوں فلم ایکٹر لیس بنان لے گیا سی تے چاننی چوک دی آوٹ ڈور شوٹنگ چوں ”لال بمبلی“ والیاں پھڑ لئی۔

..... چودھری قادر بخش تُوں جد لاجو دے آون تے گلابو دے گنجن دی خبر ملی تاں اوہ گلابو دے گھر اپنے پتر دار رشتہ منکن گیا تے کہن لگا۔

”بھین! مجھ ای بھکھی تے بھوہ ای سڑھے دا۔ جے تیری مرضی ہوئے

تاں اللہ بسم اللہ۔“

چودھری قادر بخش داپٹر کر مہاجیہ اُسن اُسدی ساری جائیداد ادا کلا مالک سی اوہدا اپنا تخم نہیں سی۔ تے ایسولی چودھری نے اُونہوں سڑھے دا بھوہ کیہا سی۔ کریے نے اختری بائی دی کُکھ پُوں جنم لیا سی۔ تے فقیر دی جھولی وِج رب جانے کس کس نے خیر پائی ہوئی سی۔ سارا پنڈا اس حقیقت نُوں جاندا سی۔ ایہو کارن سی جے کریمہا ترہیاں ورہیاں دا ہوندا ہونیاں وی اچے تیکر کوارا ای ریہا۔ کریے دی جوانی دا کریمہ آکھیے۔ اوہ ملایاں کھا کھا کے تے کھر وڑیاں دی تری پی پی کے وی جو بن تے آون نوں ہمیشاں شرماوندی رہی۔ چودھری نے اُسدی صحت بنان لئی کوئی کسر نہیں چھڈی۔ پرسیانیاں دا اکھان ہے ناں پئی

”ٹنوا کھا گا بٹو افرٹو دے داٹوا“

کریمہا ڈھڈھ کھوئی تے منھ پوہی ای رہیا۔ بھلا کھیری زمین پُوں اُگے سٹے وِج کدی دانے دی ملے۔

پر ایہدے وِج کوئی شک نہیں کہ چودھری دی صحت ول دیکھ کے کہنا پیندا سی جے اوہ اچے وی پیتیاں دا لگدا اے۔ اُنج وی اوہ بڑے رانگلے سُبھا دا مالک سی۔ اوہدی یاری پنڈ وِج پکے وڈے ساریاں نال سی۔ اوہ ہمیشاں اپنی گل دی بسم اللہ اک وڈی پر مٹھی جیہی گاہل نال کردا۔ کشمیری سلک دا گر تہ، ملتانیاں ریشمی لاچہ، تلے دار قصوری جتی تے پٹھانی گلے دار پگ بنھ کے جد اوہ پنچایت وِج بہیندا تاں اکثر اپنی مردانگی دے قصے سناندا۔ میاں بیوی دے جھگڑے دا فیصلہ سناندا ہونیاں اوہ کئی واری فخر نال کہندا۔

”اوے رنڈی نال ویاہ کیتا ہو یا اے۔ پنجیاں وریاں دی میرے گھر اے۔ کیہ مجال جے اک داری وی میری اجازتوں بغیر باہر نکلی ہوئے۔ ہے نا،

نک کے رکھی دی۔“

تے ایہہ گل ٹھیک دی سی۔ کوٹھا چھڈ کے جس دن توں اختری بائی
چودھری قادر بخش دی ذبحیت وچ آئی۔ اُسدے پچھلے سارے رشتے ٹٹ گئے
سن۔ چودھری دی بڑی کوشش مگروں دی اختری بائی دی جھولی فیر خالی دی خالی
ای رہی۔ آخر تھک ہار کے چودھری نے کریسے نوں اپنا متنی بنا لیا۔

..... گلابو پہلوں ہی لاجو کولوں بڑی دکھی سی۔ تے جد چودھری کریسے دا
رشتہ لے کے اودے گھر آیا، تاں اودے دلوں شکر دا کلمہ پڑھیا تے موقعے نوں
غنیمت سمجھدیاں ہو یاں ہاں کر دتی۔

..... کریسے تے لاجو دا ویاہ ہو گیا..... تے بڑے ٹھاٹھ نال ہو یا۔
کہندے نیں کہ اختری بائی نے جت دا لے دن اپنے ہتھوں چودھری نوں پھٹی دی
پلائی سی تے کوٹھے دیاں پُرانیاں یاداں تازہ کر دیاں ہو یاں اک اڈھ پوہ
آپ وی پی لیا سی۔ اوہ بڑی خوش سی۔ کیوں نہ ہندی۔ اُسدا ست رنگیا کبوتر
ڈولی گھر لے آیا سی۔ پر اوہ سمجھدی سی پئی کنگو بھانویں رنگ برنگے ہون پر بانگ
اکو جہی ہندی اے۔

..... بھکھی مجھ سڑھے دا بھوہ کھان لگی۔ اوہ گھٹن دی ہوئی پر اُس دے
کٹیرے نوں دودھ پینا نصیب نہیں ہو یا..... لاجو بڑی جلدی کریسے توں اک گئی۔
بھلا جہنوں تازہ بھوہ کھان دی عادت ہو یے اوہ سڑھے دا بھوہ بوہتا چر کج
کھائے۔ لاجو جتے درزی دے منڈے برکت نال اکھاں مٹکان لگی..... اک دن
چودھری دی نظر پئی تاں اونہے لاجو نوں مار کے گھروں کڈھ دتا۔ لاجو نے
اُسدی غیرت نوں لکا کر یا سی..... پر انھے نوں ہو رکیہ چاہیدا سی..... لاجو جس
گھر دی خاک سی او تھے ہی جا چکی۔ گلابو نے بڑا سمجھایا۔ ماریا، کٹیا، پر لاجو نے

چودھری دے گھر نہ جانا سی تے نہ گئی۔ کچھ دناں گھروں چودھری دا غصہ وی ٹھنڈا
 ہویاتے اہ اُونہوں مُلین آیا۔ اگوں لا جو نے وی اِٹ دا جواب پتھر نال دتا۔
 چودھری تُوں وی لا جو نے اُسو طراں گھروں کڈھیا، جسطراں اُونہوں چودھری
 نے کڈھیا سی۔ فیر تھوڑی دیر بعد سارے پنڈ نے ایہہ سُنیا جے لا جو اک واری فیر
 فلم ایکٹرس بن چلی گئی اے..... کا لیے پہلوان نال..... تے آجکل چودھری اپنے
 سرٹھے دے بھوہ لئی کوئی دوجی مجھ ڈھونڈ رہیا اے۔

سکے پانیاں 'بج دُبی چند رُی

نیلو تے عرفات دا ایان عمر عشق جد ویاہ دیاں بیڑیاں 'بج جکڑیا گیا تاں
 اوہ بڑے خوش ہوئے سن۔ پندراں سالوں دی نیلو تے ٹھاراں ورہیاں دے
 عرفات دیاں معصوم شوخیاں ندیاں دے پانیاں وانگر چنچل تے آبشاراں وانگر
 اٹھوسن۔ اوہ کھڑیاں فصلاں وانگر لہراندے رہے..... تے ویلے دا پکھی.....
 کھنہ کھلا ر کے اڈاریاں ماردارہیا۔ بھلا لنگھدے ویلے نوں کون ٹکلیں پاسکیا
 اے۔ پتہ ای نہیں چلیا پئی چھ سال کنج لنگھ گئے۔ نجمہ، صغراں تے یاسر..... پیار دی
 ونجھلی چوں نکلیاں ترن سُرّاں، عشق دی پُئاری چوں نکلے پیارے پیارے ترے
 کبوتر، دیکھدے ہی دیکھدے نیلو تے عرفات دی کابک 'بج باجرا چلن لگے.....
 زندگی دیاں ہتھتیاں..... پیار دیاں راہاں وِج کنڈے کھلارن لکیاں۔ ہاسے
 گڑا کے..... سوچاں دے ڈونگھے کھوہ وِج دُبن لگے۔ پریشانیاں ودھن لکیاں۔
 نجمہ، صغراں تے یاسر..... لعلّاں جے بالاں دا پالن پوسن۔ گھر دیاں لوڑاں تے
 اک معمولی کلرک..... فکرّاں دا ونجارا عرفات..... حیاتی نوں سوکھیاں بنان لئی

جتن کرن لگا۔ اوہنے نوکری کرن دے نال نال فیر پڑھائی شروع کر دتی تے
چار سال دی کٹھن محنت دے صدقے اوہنوں ایم۔ اے دی ڈگری مل گئی۔
اوہنیں نیلوٹوں وی پڑھن ول پریریا۔ ودھیرے زور لگایا۔ پراوہ فلمی رسالیاں
تے رومانی ناولاں توں اگے کجھ نہ پڑھ سکی۔ ایم۔ اے دی ڈگری ہتھ لگن مگروں
عرفات نے چنگی نوکری لئی دوڑ دھپ شروع کر دتی..... تے بڑے جتناں نال
اوہنوں اک کارپوریشن وچ منیجر دی آسامی مل گئی۔

تعلیم نے اوہدے نال دماغ دے بُوہے کھولن دی گل کیتی۔ اوہنوں
علم دے دریا وچ غوطے مارن لئی پریریا۔ اوہ ادبی تے تاریخی کتاباں پڑھدا
رہیا۔ اوہنوں کسے چنگے لکھاری دی کوئی وی کتاب ملدی تاں اوہ اوسٹوں
پڑھ کے یار بیلیاں تے ادیب دوستاں نال بھرویں بحث کردا۔ اوہ مطالعے دی
پوڑی تے چڑھ کے علم دے روشن کھوہ وچ ہولی ہولی اتر دا گیا تے فیر چانن
اوس دے جُٹے ٹوں لشکان لگا۔ اوہدی طبعت نہال ہندی گئی۔ اوہ اک شاعر،
اک کہانی کار بن گیا۔ شعر اوہدے دل جگر چوں پھٹن لگے۔ کہانی اوہدے
جذباتاں دی ترجمانی کرن لگی۔ اوہ دنو دن حساس ہند ا گیا۔ اوہنے اپنیاں
سوچاں، خیالاں تے جذباں دی کلنج وچوں باہر نکلن توں صاف انکار
کر دتا..... نیلو تے عرفات 'بچ کھڑا کھڑا بی ہون لگی۔ طبعیاں سن کہ گلے ہی نہیں
سن ملدیاں۔ عرفات..... شیشے وانگر نازک..... دھمک نال ہی تڑک جائے پر
نیلو..... اک بے حس پتھر۔ عرفات سوچاں دا سوداگر، زندگی ٹوں دُھراںدروں
ویکھن دی تانہکھ وچ گواچیا تے نیلورج کے دنیا دار تے رواج پسند۔ عرفات
رومان پسند طبعت داما لک تے نیلودم توڑ رہے ہڈھے سماج دی سیوا دار..... خیر
سماں سی، لکھدا ا گیا۔ نیلو دی لیڈری گھر تے قائم ہو چکی سی۔ عرفات وچارہ

سمجھوتے دیاں تنداں جوڑدار ہندا پر دھاگے ٹوں گنجیل پے ہی جاندا۔ اوہ
 چاہندا کہ اوس دی بیوی اوس نال رنج کے پیار کرے تے ہر ویلے اوس اُتے
 جان چھڑکن لئی تیار رہے۔ پر نیلو داسارا پیار فرمائشاں دی اک بھاری گنڈھ بن
 کے اوہدے دل تے دماغ اُتے سوار ہو جاندا۔ پر اوہ الف لیلا دا کوئی شہزادہ
 نہیں سی کہ ایس گنڈھ ٹوں چمک کے ملکو ملکی مُصیبتاں کندار ہوے۔ اوہ چاہندا اپنی
 جدوں اوہ شامی گھر آپڑے تاں نیلو پچیاں ٹوں روٹی کھوا کے تے اوہناں ٹوں
 سوا کے آپ اوہنوں اڈیک رہی ہوئے۔ فیر اوہ اکٹھیاں بہہ کے روٹی کھان، پر
 اوہ جدوی راتیں گھر آندا، نیلو گھوک نیندرے سُستی پئی ہندی۔ عرفات آپ
 ٹھنڈی روٹی کھا لیندا تے شکر دا کلمہ پڑھدا۔ فیر منجھی تے بہہ کے کوئی کتاب پڑھن
 لگدا جاں کُجھ لکھن لگدا۔ کدے کدے عرفات دامن کرداپی اوہ اپنی نویں رچنا
 نیلو ٹوں سُنائے۔ اوس تے بحث کرے۔ اوہدی رائے سُنے پر اوہ اکو جواب
 دیندی ”میرا دماغ نہ کھاؤ، میں کوئی تہاڈے وانگر ویہلی نہیں۔ گھر دے سو کم
 ہندے نیں۔ جے تہاڈیاں کہانیاں جاں نظماں سُندی رہواں تاں چل گئی گھر
 گھر ہستی۔“..... پر ریڈیو جاں ٹیلی ویژن تے بولی ہوئی کہانی دا چیک منگناں اوہ
 اپنا حق سمجھدی۔ عرفات ایس حق ٹوں تسلیم کرن توں صاف انکار کر دیندا۔ گھر
 وچ بھاڑ پے جاندی۔ بچے وچارے گھبرا جاندے۔ عرفات پریشان ہو جاندا۔
 اوہ سوچدا اپنی صحیح کہیا اے کسے نیں کہ رُکھ اپنے پھٹلاں توں پچھانیاں جاندا
 اے۔..... سماں دوڑدار بہا۔ عرفات اک مشہور کوی بن گیا سی۔ اوہدے ترن
 شعری مجموعے تے کہانیاں دے دو سنگرہ چھپ چکے سن۔ اوہداناں مشہور ہو چکیا
 سی۔ اوہنوں ادبی کارنامیاں تے کئی انعام وی مل چکے سن۔ کالجاں تے
 یونیورسٹیاں دے ساگماں وچ اوہنوں بلایا جاندا۔ کہانی گوشتیاں ہندیاں تے

کوی دربارِ سجدے۔ اوہ خوب ناں کماندا۔ اوہ دے شعراں تُوں بھاوک ہوکے
کئی لوک اوہ دے نیڑے آوندے گئے۔ اینیں نیڑے کہ اوہ دے دل وِچ اُتر
گئے۔ اوہنوں بڑا چنگا لگدا، اوہناں نال گلاں کر کے تے ساہنک مسلیاں تے
بحث کر کے۔ ترپت، رانو، سُمن، ساگر، اوشا، سوما، اختر، رتو، برج، للت.....
عرفات دے سنگھی ساتھی، اوہ اونہاں نال گھمدا پھر دا۔ باغاں وِچ
سڑکاں وِچ، بازاں وِچ، ٹی سالاں تے کافی ہاؤساں وِچ بہہ کے اوہنوں
روحانی غذا ملدی۔ اوہ کچھ پلاں لئی سبھ کچھ بھل جاندا۔ گھر تُوں، گھر دے
جھیلیاں تُوں۔ پر گھر پُنجیاں ہی عرفات تُوں انیروگیشن دے کئی مرحلیاں چوں
لنگھناں پیندا..... ”کیوں جی! تئیں اج کافی ہاؤس وِچ کیہڑی بے بے نال گل
شرے اڈا رہے سو۔.....“ ”اوہ میرے نال سکھیر کورتے رانوسن۔ دونویں
میریاں ادیب دوست نیں۔ کافی داکپ پین بہہ گئے ساں۔ اوتھے رانودی
نویں کہانی وی سُنی۔ مگروں اوس تے چنگی چرچا دی ہوئی۔ پرتینوں کچ پتہ
چلیا۔.....“ ”اوہناں گشتیاں نال کافی پین تے گلاں کرن دا تہانوں بڑا سواد
آوند اے۔ کدے مینوں وی باہر لے گئے او۔ اوہ تہاڈیاں دوست نیں اتے
میں تہاڈی زر خرید لونڈی۔ تہاڈی نوکرانی۔ تہاڈے بچیاں تُوں پالاں،
ساریاں دا پٹ سپا پا کراں تے تئیں اونہاں رنڈیاں نال آوارہ گردی کرو۔“
”پرتینوں کئے سنایا؟“

”مینوں بلو دیر نے سنایا سی کہ جیجا جی اکثر جوان گڑیاں نال پھر دے
رہندے نیں تے اج وی کافی ہاؤس وِچ دونواں گڑیاں نال بیٹھے ہوئے سن تے
ہس ہس کے گلاں کر رہے سن۔ تئیں کن کھول کے سُن لو میں چھوٹے دل دی
سوانی نہیں آں، کہ روَن لگ پواں گی جاں رُس کے پیکے چلی جاں گی۔ تئیں

اپنیاں حرکتاں توں باز آ جاؤ۔ نہیں تاں میرے کولوں بُری کوئی نہیں ہو یے گی۔“
 ”اہ تاں بالکل سچ اے۔“

”مذاق چھڈو۔ تہانوں کسے دی شرم ہی نہیں۔ بھلا گڑیاں نال کاہدی
 یاری۔ تہانوں نہ عزت بے عزتی دا خیال اے نہ چکے وڈے دی پرواہ۔ اتے نہ
 ہی سماج دا ڈر۔ لوکی کہہ دے ہون گے۔ کن کھول کے سُن لو۔ اج دے بعد
 تئیں گھروں دفتر تے دفتر وں سد اگھر آؤ گے۔ اج توں تہاڈیاں ساریاں ادبی
 تے بے ادبی سرگرمیاں بند..... وتھ ودھدی گئی۔ ہُن عرفات تُوں نیلو نال رہن
 دی نفسیاتی قیمت بوہت زیادہ دینی پیندی.....

”سُنیا اے تہاڈی تنخواہ ودھی اے۔ نالے ڈی اے دیاں ست
 قسطاں وی کٹھیاں مل رہیاں نیں۔“..... ”آہو جی! تئیں بالکل ٹھیک سُنیا
 اے۔“

”تاں فیر سارے پیسے مینوں دیو۔ عید آرہی اے۔ بچیاں لئی نوپس
 کپڑے سوانے نیں۔ اوہناں کول تاں کہتے آں جان لئی چچ دا کپڑا ای نہیں
 اے۔ یا سرتے صغراں دے سویٹراں لئی اُن وی لیانی اے۔ نرگس دے مُنڈے
 دی ورہے گنڈھ اے۔ او تھے وی ورتتا اے۔ اوہ ساڈے نال کنناں گجھ کردی
 اے۔ حالیں پچھلے ای ہفتے یا سرلئی اوہنے جاپانی میرالین دا اک سوٹ پس لیا ندا
 سی۔ راجاں دے مُنڈے دا عقیقہ وی چڑھے مہینے دی دس تاریخ نوں اے۔ تے
 راجاں میری بڑی پیاری سہیلی اے۔ اوہنوں وی ہتھ بھریا جوڑا دینا اے۔ ہور
 چکے وڈے کئی خرچ نیں۔ خبردار بے فضول کتاباں جاں رسالے خرید کے گھر لے
 آؤ۔ سیونک نوں کھوان لئی۔ سُن لیا نہ تئیں؟“

”میں تاں سُن لیا اے۔ پر چنیاں تیریاں فرمائشاں نیں اوہنے تاں

پیسے ای نہیں ملنے۔“.....”میں کیہڑی تہانوں اپنے لئی کوئی کریب جاں ریشم دا سوٹ سوان لئی کیا اے۔ اج کل بازار چ اپنے سوہنے کپڑے آئے نیں۔ شامو سائن، میری کریب، سپن تے ہو رو دھیا کپڑے۔ کدے کوئی میرے لئی چنگا کپڑا وی لیاندا جے؟ فرمائشاں پوریاں کرن لئی پیسے نہیں۔ اہ تاں دُنیا داری نبھانی پیندی اے۔ اس چ فرمائشاں کاہدیاں ہو یاں۔ تہاڈا کیہ اے۔ سویرے نکلتا تے راتیں گھر آپڑنا۔ تئساں تے گھر توں ہوٹل سمجھیا ہو یا اے۔ تہانوں کسے آئے گئے دا پتہ ای نہیں۔ مل ورتن دا خیال ای نہیں۔ صرف کتاباں پڑھیاں۔ اُوٹ پٹانگ لکھنا جاں فیر بد معاش رتاں نال آوارہ گردی کرنی۔ کدے کوئی ساہت سبھا، کدے کوئی ادبی محفل۔ اگ لگے تہاڈیاں محفلاں توں“.....”بکواس بند کر۔ اگ تیری دُنیا داری توں لگے۔ جھوٹیاں رساں، جھوٹھے رواج تے جھوٹھی شان۔ تہاڈے لئی گھر چ کس چیز دی گھاٹ اے۔ تہاڈیاں کیہڑیاں جائز لوڑاں میں پوریاں نہیں کردا۔ پر تیریاں فضول فرمائشاں پوریاں کرن لئی میرے کول پیسے نہیں۔ میں کوئی حرام دی کمائی نہیں کردا۔ صرف تنخواہ دا سہارا اے۔“

”تے جہاں توں روز ہوٹلاں تے کافی ہاؤساں وچ لئی پھر دے او۔ اوہناں لئی تہاڈے کول پیسے کدھروں آوندے نیں۔“.....”توں چنگی بھلی جاندی ایں کہ میں پوری تنخواہ تیری تلی تے دھردیناں واں۔ رہی گل ہوٹلاں تے کافی ہاؤساں وچ جان دی، تینوں پتہ ہونا چاہیدا اے کہ تاڑی اک تھہ نال نہیں وجدی۔ حساب سنبھاں دا برابر رهندا اے۔ کدے کوئی دل پر چون دی گل وی کیتی اے توں۔ جس ویلے دیکھو، لڑائی تے لک بھنھیا ہندا اے۔“

عرفات اک اکلا مرد۔ نیلو اوس اُتے سماج دی اجارہ داری قائم کرنا

چاھندی۔ اوہ اوہنوں سوسائٹی دیاں لوڑاں لئی قربان کردینا چاھندی۔ اوہ
 عرفات نوں سماج دا پرچارک بنانا چاھندی۔ نیلو اوہنوں اک ہمس تے گھٹن
 وچ قید کرنا چاھندی۔ پر اوہ تاں کھلی ہواواں دا وسنیک سی۔ اوس لئی سماج دا
 شبد بے ارتھ سی۔ فضول جیہا۔ عرفات اپنے ذہن وچ سوچاں دیاں ٹھیکریاں
 اکٹھیاں کردار ہندا۔ اوہ اوہناں ٹھیکریاں نوں گول گول گھڑداتے فیر اپنے دل
 دے گیند نال سنتو لیا کھیڈ دا۔ گیند ایڈازور دی وجد اکہ ٹھیکریاں پُور پُور ہو
 جان دیاں تے عرفات دیاں اکٹھاں اگے نجمہ، صغراں تے یاسر آجان دے۔ تن
 کبوتر..... کا بک وچ دانا چکدے..... اوہ چوکھے چرتک اپنی دنیا نوں نجدے
 کد دے تے ہمدے کھیڈ دے ویکھدار ہندا۔ اوہنوں اک سرور جیہا ملدا۔
 اوہ نما جیہا ہا سا ہمداتے فیر کوئی کتاب پڑھن لگ پیندا۔

ہاتھی ڈھائی لکھ دا

کہندے ہیں پی جیوند ہاتھی لکھ داتے مویا ہاتھی سوا لکھ دا ہند اے پر
 جس ہاتھی دی ہڈ ورتی میں تہانوں سنان لگاں، اوہ ساڈے کسے قومی لیڈر وانگر
 سفید نسل دا ہاتھی نہیں اے کہ لٹ، ہنہیر گردی چان اتے اپنے سوار تھاں لئی قوم
 تے ملک دا بیڑہ غرق کرن دے باوجود دی بڑا مہنگا وکدا اے۔ ساڈی داستاں
 دا ہیرو..... اک سادھارن قسم دا ہاتھی اے جس دا رنگ کالا، دو پکھیاں ورگے
 کن، اک موٹی تے لمی سُنڈھ، اک پونچھ، چار موٹیاں تٹاں، دو بکیاں اکھاں
 تے دو دکھان آلے دند۔ یعنی بالکل اصل تے خالص دراوڑی نسل دا ہاتھی۔
 ایس ہاتھی نے آسام دے جنگلاں وچ جنم لیا۔ ایس دے ماپے، دادے،
 پردادے تے لکڑ دادے سارے آسام دے جنگلاں وچ ہی جمے پلے تے
 اونہاں جنگلاں وچ ہی اوہ جڑی بوٹیاں، پھل بوٹے تے گھاہ کھا کے اتے
 آزادی نال اپنی پراچین سہیتا اُنوسار حیوانی زندگی گزار کے اکال چلانا

کر گئے..... ایس ہاتھی داماڑا جیہ پچھو کڑ دس دامطلب پاٹھکاں توں بڑی نمرتا
تے عاجزی نال اہ جانکاری دینی اے کہ ساڈا اہ سوا لکھ دا ہاتھی شدھ بھارتی
اے۔ بنگلہ دیش، نیپال، برما، چین جاں جاپان چوں نہیں آیا۔ کسے ہو ریش دا
وی اہ گھس پٹھیا نہیں۔ یہ نزول بھارتی اے، اتے بھارتی سنسکرتی وچ ہی
پروان چڑھیا اے۔ ایس لئی بھارت دی اکھنڈتا دے راکیاں اگے اہ گڈارش
اے کہ اوہ ایس ہاتھی دے ہندوستانی ہون تے اکا شک نہ کرن۔ ایس دے
پریوار دا اندراج جنگل دے بندوبستی ریکارڈ وچ محفوظ اے۔ جنگل دی آزادی
مگروں جنگلی جنوراں دیاں ووٹر لٹاں وچ وی ایدے باپ دادیاں دانان چلدا
آ رہیا اے۔ ایس دانان وی ووٹر لٹ وچ درج اے۔ پر خوش قسمتی جاں
بد قسمتی نال اینوں کدے وی جنگل وچ جمہوری حکومت چن لئی ووٹ پان داموقع
نہیں ملیا۔ کیوں جے بالڑی عمر وچ ہی اہ معصوم اتے بلوگڑا ہاتھی انسانی نسل
دے شیطانی بھلیکھے وچ آ گیا سی اتے اوہ دے بنائے ہوئے سبز باغ وچ چارہ
چرن لگا سی۔ اوس سبز باغ دانان ونجارا سرکس سی۔ دیکھن وچ تاں اوہ سرکس
بڑی لشک مشک والی سی۔ پر اندروں اک طویلا سی۔ جس اتے ٹاٹ داتمنبو دتا
ہو یا سی۔ طویلے اندر ایس ہاتھی توں علاوہ..... دور پیچھ، اک لٹور، دو گڈڑ،
چار بندر، اک شتر مرغ، دو بکرے، تن بٹھاں اتے اپنے مستقبل توں مایوس کجھ
کلاکار..... اکٹھے دانان پانی چر دے سن تے پر بھو دے گن گاندے سن۔ اوس
طویلے چ رہن والے سارے کلاکاراں دے سدھراں والے ٹھوٹھے بھجدے
رہندے سن۔ کیوں جو ٹاٹ دے تمبو وچ بڑیاں ٹاکیاں لکیاں ہو یاں سن۔ ساڈا
ہاتھی وی سبز باغ درگی ونجارا سرکس وچ پھس کے گھروں بے گھر ہو گیا تے
شہراں دی رنگ برنگی اتے کلچرڈ زندگی وچ در بدر بھرن لگا۔ ایس سرکس دے

مالک قادر یار نے ہاتھی داناں راجو رکھیا۔ راجوئوں کرتب سکھائے گئے۔ اوہ لوکاں لئی ہسن کھیڈن تے دیکھن داسا مان بن گیا اتے قادر یار لئی مال کمان دا وسیلہ۔

راجو دی دُکھدائی کہانی اودوں شروع ہوئی جد قادر یار دی بنجارا سرکس نے جموں دے نیڑے اتے پاکستانی سرحد تے بالکل لاگے ارنیہ پنڈ وچ ڈیرہ جمایا۔ ہو یا رنج کہ اک سکھر دوپہرے، راجو اپنے مہاوت دی ہدایت کاری وچ کھیتاں وچ چھٹا لاتے پٹھے کھا رہیا سی اتے جنگلی راج وچ پھیلیاں ہو یاں ون سونیاں بُرائیاں بارے گہریاں سوچاں وچ پیا ہو یا سی کہ پنڈ دے کُجھ نٹ کھٹ بالاں نے اوہنوں چھیڑ چھڑایا۔ راجوئوں بڑا سخت کرودھ چڑھیا۔ اوہنوں شاید حیاتی وچ پہلوں واری غصہ آیا سی۔ نہیں تاں اوہ کام، کرودھ تے موہ مایا توں ہمیشاں پرہیز کرداسی۔ کرودھ نوں دُور کرن لئی اوہ دوڑن لگا۔ مہاوت نے اوہنوں روکن دی بڑی کوشش کیتی۔ اوہنوں سمجھایا کہ اگے پاکستان دی پاک سرزمین اے، اُدھر نہ جا۔ اتھے کوڑے کھائیں گا۔ پر ہاتھی بچارا ملکی سرحد اں اتے اوہناں دیاں خلاف ورزیاں نوں رکیمہ سمجھے۔ اوہ غصے وچ اپنے پرچھاویں سمیت پاکستانی بھٹاپ گیا۔ راجو پاکستانی سرحد اندر دوڑ دا جا رہیا سی تے مہاوت اپنے بھٹے اُتے کھڑا بڑی یتیمی نال ہاتھی نوں اکھوں اوہلے ہندا ویکھ رہیا سی۔ تھک ہار کے مہاوت بچارے نے ونجارا سرکس دے سچا لک تے مالک قادر یار نوں واپری گھٹناں سُنائی تے راجوئوں واپس بھارت ماتا دی گود وچ لیان لئی طریقہ لھن داسا مشورہ دتا..... قادر یار گھبراہٹ وچ پیر سر اُتے رکھ کے دوڑ دا دوڑ دا سرحدی حفاظتی پولیس دے چوکی افسر کول بوڑھیا تے اپنی چھاتی تے دو ہتھر مار کے کہن لگا..... ”انپکٹر صاحب! میرا ہاتھی راجو پاکستانی سرحد اندر

چلا گیا اے۔ اوہنوں واپس لیان لئی کوئی کارروائی کیتی جائے۔ نہیں تاں میں
برباد ہو جاں گا۔ میری سرکس ختم ہو جائے گی۔ میرے کلاکار بھکھے مرجان گے۔
جناب! کچھ کرو، راجوئوں واپس لیا دیو۔“

”تیرے ہاتھی نے ہنھا کیوں ٹپیا۔ اوہ پاکستان کیہ لین چلا گیا؟ ڈیفنس
آف انڈیا تے ڈیفنس آف پاکستان دے قانون مطابق اوہنیں سخت جرم کیتا اے
جس ج اوہنوں ست سال تک سزا ہو سکدی اے۔“

”انسپکٹر صاحب! تئیں اوہنوں پہلاں واپس تاں لیاؤ۔ فیر بھانویں
جی مرضی سزا دیو۔“

”تہاڈا ناں کیہ اے۔ تہاڈے ہاتھی دا کیہ ناں اے۔ تئیں دونویں
رکھے دے رہن آ لے اوتے کم کیہ کر دے او؟

”جناب! میرا ناں قادر یار اے تے میرے ہاتھی دا ناں راجو یعنی
راج محمد اے۔ میں ونجارا سرکس دا مالک آں تے راجو میری سرکس دا بھتوں
مہنگا تے ودھیا کلاکار اے۔ ایہ لوکاں توں اپنے کرتب دکھاندا اے۔ راجو اتے
کچھ دوجے حیوانی تے انسانی کلاکاراں دی بدولت میری سرکس چلدی اے تے
چلدی سرکس کارن ساڈا روٹی کپڑے دا مسئلہ حل ہندا اے۔ اسیں دونوں شدھ
بھارتی آں۔“

”قادر یار دا ناں سُن کے مینوں تاں پورن بھگت دا قصہ یاد آ گیا
اے۔ کینے ودھیا شعر لکھے سن قادر یار نے۔

میں وی لے آواں دارو دکھیاں دا، پورن چھڈ نہ گیا سوا کوئی
قادر یار میں تاں لکھ وٹنی ہاں دارو دے فقیر مراد کوئی
تئیں وی شاعری کر دے او؟

”جی بالکل نہیں۔“

”اچھا قادر یار جی! تہاڈا ہاتھی راج محمد کنج ہو سکدا اے؟“

”اوسو طرحاں کنج میں قادر یار ہو سکناں۔ میں نبی بخش دے گھر جنم

لیاتے قادر یار بن گیا۔ راجوئوں میں آسام دے جنگلاں وچوں لیانداتے اوہ

راج محمد بن گیا۔ جے اسیں دونویں کسے آتمارام دے گھروں ہندے تاں میرا

ناں کیدار ناتھ اتے ہاتھی داناں راج ناتھ ہندا۔“

”راج محمد پاکستانی جاؤس تاں نہیں؟“

”بادشاہو! کیہو یاں گلاں کر دے او۔ ہاتھی جاؤس کنج ہو سکدا

اے۔ بھلا بندیاں دے ہندیاں ہو یاں جنوراں نوں کیہ پئی اے کہ اوہ جاسوسی

کرن۔ دلش توں وچن داکم تاں قومی بگلے بھگتاں نے اپنے ذمے لیا ہویا

اے۔“

”ٹھیک اے، ٹھیک اے۔ اسیں راجوئوں ہر حالت وچ واپس لیاں

گے۔ توں فکر نہ کر۔“ انسپکٹر نے چنگی طراں تسلی کرن مگروں جواب دتا.....

اونہیں وائر لیس سیٹ کھولیا تے پاکستانی سرحدی چوکی دے افرنال رابطہ قائم

کیتا۔

”ہیلو ہیلو! کون بول رہیا اے؟“

”میں صوبے دار میجر گل زمان بول رہیاں۔ تئیں کون او؟“

”میں تہاڈا ہمسایہ تے ماں جایا..... بالکل ساہمنے والی بھارتی سرحدی

چوکی دا انچارج..... انسپکٹر بلا کی شاہ بول رہیاں۔“

”لالہ جی! نمستے۔“

”نمستے جی نمستے۔ ساہڈی وی سلام قبول کرو۔“

”دسو کیہ حکم اے۔ امن تے شانتی دے زمانے وِچ تساں ساہنوں
کیوں یاد فرمایا۔“

”خاں صاحب! ساڈے اک شہری دی تکلیف دُور کر دیو۔“

”پر لالہ جی! میں کوئی حکیم جاں ڈاکٹر نہیں آں۔ فیر کُج.....“

”صوبے دار صاحب! گل ایہ اے کہ ساڈے اک شہری قادر یا ردی
سرکس دا ہاتھی غلطی نال بھٹاپ کے تہاڈے ول چلا گیا ہے۔ اوس جھٹے نوں سرحد
دی خلاف ورزی کرن جاں نہ کرن دی سمجھ ہی نہیں اے۔ ایس لئی مہربانی کر کے
تسیں اوہنوں ڈھونڈ کے ساڈے حوالے کر دیو۔“

”اچھا! ایہ تکلیف اے، تہاڈے شہری نوں۔ پر ساڈے ہندیاں
ہویاں تہاڈا ہاتھی بھٹا کُج ٹپ سکدا اے۔ میرے سپاہی تاں بڑی چوکسی نال
ڈیوٹی دے رہے نیں۔ اتھے تہاڈے پاسوں کوئی ہاتھی نہیں آیا۔“
”قادر یار! پاکستانی چوکی دا افسر کہندا اے کہ اودھر ہاتھی نہیں گیا۔

ایس لئی توں اوہنوں اپنی ہی رکھتے وِچ ڈھونڈ۔“

”اوہ جناب! تسیں کیہڑی گل کر دے او۔ اوہ پاکستان ول ہی گیا
اے۔ میں بالکل سچ کہنا واں۔ تسیں پاکستانی افسر اُتے اپنا ذاتی رسوخ استعمال
کرو۔ جناب، میں اوہناں نوں چا پانی دین لئی تیار آں۔ پروا سٹہ جے رب دا،
میرا ہاتھی واپس لیا دیو۔“

”ہیلو، ہیلو، خان صاحب! ہاتھی تہاڈے ول ہی گیا اے۔ ساڈے کول
کچے ثبوت موجود نیں۔ تسیں مہربانی کر کے اپنے جواناں نوں ہاتھی پھرن لئی بھیجو۔
ایس ہاتھی دا مالک بڑا غریب اے۔ جمائد رویتیم اے۔ اُنج وی تہاڈا دھری
بھراہ اے۔ کر دیو مہر۔ تہانوں نظامِ مصطفیٰ دی قسم لگے۔“

”چنگا فیر..... گھبران دی کوئی لوڑ نہیں۔ اسیں ہاتھی ٹوں ڈھونڈ

لیاںیاں۔“

واٹر لیس کرن مگروں بلا کی شاہ قادر یار ٹوں دم دلا سہ دین لگا، پر قادر یار نمودھان بیٹھا پاکستانی علاقے ول دیکھی جا رہی سی۔ آخر دو گھنٹے بعد پاکستانی رینجرز دے جواناں نے ہاتھی ٹوں بیڑیاں پا کے لیانداتے ٹاہلی دے اک موٹے تازے رکھ نال بخھ چھڈیا..... ہاتھی ٹوں دُوروں دیکھ کے قادر یار بوہت خوش ہو یاتے دوڑ دا دوڑ دا اپنے چوکی افسر بلا کی شاہ ٹوں بلان گیا..... بلا کی شاہ نے پاکستانی رینجرز دے افسر گل زمان خان نال مڑ رابطہ قائم کیتا۔

”بلا کی شاہ جی! تہاڈے شہری دا ہاتھی تاں اساں پھڑ لیاںدا اے.....

پر اہ تہانوں تدملے گا جدئیں سوا لکھ روپے ساڈی موتیاں والی سرکار دے حوالے کرو گے۔“

”خان صاحب! سوا لکھ روپے کیہڑی گل دے۔ ایہ تاں بڑی لٹ

اے۔ ہنھیر گردی اے۔“

”لالہ جی! گل تمیز نال کرو۔ تہاڈے ہاتھی نے ساڈے پنڈ دی سکول

بلڈنگ توڑ چھڈی اے تے ساہڈے انجنیراں نے بلڈنگ داماوضہ سوا لکھ روپے

لگایا اے..... چار کمریاں دی کچی بلڈنگ پوری طرحاں کھنڈر بن گئی اے۔“

”پر خان جی! اسیں اپنی دُور بین نال تہاڈی سرحد اندر جیتھے تیکر وی

نظر دوڑاندے رہندے ہاں، سانوں تاں خیر نال کوئی وی کچی بلڈنگ نہیں لہی۔

فیر بھلا سکول دی بلڈنگ کنج کچی ہو گئی۔“

”دیکھو جی! سانوں فضول گلاں سنن دی عادت نہیں اے۔ پیسے دیو

تے اپنا ہاتھی لے جاؤ۔“

”خاں صاحب! تیتے کا ہنوں ہندے او۔ گجھ دے لے کے فیصلہ کر لیاں۔ ہاتھی داما لک پنج ہزار روپیہ تک دین ٹوں تیار اے۔ دسویہ وچار اے۔ کر لاناواں گل پکی۔“

”نہیں نہیں لالہ جی! ہولی بولو۔ اچکل ساڈے نال ایس قسم دے مذاق نہیں کریا کرو۔ کیہ سانوں کوڑے مردانا چاہیندے او۔ تہانوں پتہ ہوناں چاہیدا اے کہ ایہ سارا معاملہ فوجی بھرانواں کول اے۔ ایس لئی میں گجھ نہیں کر سکدا۔“

”دونواں دیاں گلاں سن کے قادر یار بے ہوش ہو گیا۔ اوہدے متھے تے ٹھنڈیاں تریلیاں صاف دس رہیاں سن تے مونہہ وچوں جھگ نکل رہی سی۔ بلاکی شاہ ہوراں اوہدے مونہہ تے پانی داتر وکڑا سٹیا۔ پکھی جھولی۔ اوہدے پیراں دی مالش کیتی تے اوہنوں ہوش وچ لیان لئی ادھا پورن بھگت سنا چھڈیا۔ خیر جدا وہ ہوش وچ آیا تاں بلاکی شاہ ہوراں اوہنوں دلی جان دامتھورہ دتاتے سمجھایا کہ دلی وچ اوہ وزارتِ دفاع وچ جائے۔ اوٹھے وڈے حاکماں ٹوں ملے تاں جو اوہ پاکستان سرکار نال رابطہ قائم کرن اتے اپنا اثر رسوخ استعمال کر کے اوہدا ہاتھی موڑ لیا سکے۔ قادر یار ہو کے بھر دا اٹھیا تے بیماراں دی ٹور ٹردیاں مڑسرس وچ آ گیا۔ اوہنیں اپنے مشیراں نال صلح کیتی تے راتیں جہلم ایکپرس وچ بہہ گیا۔ جہلم ایکپرس نے سویرے ٹھیک دس بجے اوہنوں نویں دلی ٹیشن اُتے جاتا ریا۔ اوٹھوں اُہ تھری ویلے تے بہہ کے سدا وزارتِ دفاع پہونچیا۔ اک درخواست چڑا اسی صاحب ٹوں خوش کرن بعد وڈے حاکم ٹوں پیش کر دتی۔ درخواست تے سرسری نظر پان مگروں سیکرٹری صاحب نے قادر یار دی پتازبانی وی سنی۔ فیر درخواست تے ضروری کارروائی کرن دا حکم لکھ کے دفتر وچ بھیج

دتی۔ ست دن تک قادر یا ردفتری کاروائی وچ گوچیا رہیا تے اصل مسئلے نوں بھل کے کئی نویاں پریشانیاں وچ پھس گیا۔ ستویں دن جا کے اوہ رکھشا منتری نوں ملیا تے اونہاں نوں رورو کے اپنی رام کہانی سنائی۔ رکھشا منتری جی نوں خورے قادر یا ردی بے کسی والی کیہڑی ادا پسند آئی کہ اونہاں سارا کیس منگوایا تے اپنے ولوں اک چھٹی پاکستان دے رکھشا منتری نوں لکھی تے اوس وچ بینتی کیتی کہ بھارتی ہاتھی موڑ دتا جائے..... اک مہینے بعد پاکستان سرکار دا جواب آیا۔ لکھیا سی.....

”بھارتی ہاتھی نے سانوں بڑی کھنک دتی اے۔ جدتساں ہاتھی نوں چھڑان لئی سوا لکھ روپے دا معاوضہ نہیں دتا تاں ہاتھی نوں لہور دے چو یا گھر بھیج دتا گیا۔ گرفتار کیپتے گئے بھارتی ہاتھی دی خبر جد پاک اخباراں وچ چھپی تاں اوہنوں دیکھن لئی سارا لہور شہر دوڑ پیا۔ لوکاں نے ہاتھی نوں اٹے کتوں کھوائے کہ اوس اندر سردی جم گئی اتے اوہنوں لقو مار گیا۔ اوہدا علاج کیٹا گیا۔ قیمتی توں قیمتی دوائی کھوائی گئی پر کوئی فرق نہیں پیا۔ جد پاکستانی ڈاکٹر ہاتھی دی بیماری دُور نہیں کر سکے تاں افریقہ، آسٹریلیا تے امریکہ دے تن ماہر ڈاکٹر اوہدے علاج لئی بلائے گئے۔ اوہناں دے بروقت علاج نال ہاتھی تاں ٹھیک ہو گیا پر پاک سرکار دا سوا لکھ روپیہ ہاتھی دی بیماری تے لگ گیا۔ انج تہاڈے ہاتھی نے ساڈے ڈھائی لکھ روپیے دا نقصان کیٹا اے۔ تفصیل انج اے:

سکول بلڈنگ توڑن دا معاوضہ = سوا لکھ روپیے
ہاتھی دے علاج اُتے خرچ = سوا لکھ روپیے

ہُن تہا نوں اطلاع دتی جاندی اے کہ چھیتی توں چھیتی ڈھائی لکھ روپیے
 پاکستان سرکار دے حوالے کر کے اپنا ہاتھی لے جاؤ۔ ایہ پاکستان سرکار دا آخری
 فیصلہ اے تے ایس معاملے وچ کسے تیجے ملک دی ثالثی قبول نہیں کیتی جائے گی۔
 شالائیں چڑھدی کلاں بچ رہو۔

تہاڈا مخلص۔ وزیر دفاع، پاکستان
 چھٹی سُن کے قادر یار وی لقوے دا شکار ہو گیا۔ پر ساڈی سرکار نے
 اوس اُتے اک دمڑی وی خرچ نہیں کیتی۔ اتے اج وی اوہ دلی دے اک
 خیراتی ہسپتال بچ نیم مردہ پیا ہو یا اے۔

گلاں ایہو جہیاں جدوں ہون گياں
 چٹھی ہوگ زمین اسماں مائے

گیت سُورج دا

ا جکل مرنا وی اُتاں ای اوکھا اے جتاں جینا۔ کفن لئی اٹھاراں گز لٹھا
 کوئی سستا تاں ملدا انہیں۔ غُسل دینا، قبر بنانی، کُل کرنے، دسواں تے چالیا
 کرنا۔ لوکاں دی آؤ جائی۔ ساک سمبندھیاں دا اکٹھ۔ خرچ ہی خرچ۔ ساڈا
 سماج، ساڈیاں رساں دِماغاں تے جندرے، دِلاں دِیاں بیڑیاں
 توڑیاں وی نہیں ئیاں۔ گلاں نال تے اسیں سماج سُدھاڑو تے بڑے ترقی پسند
 بنے آں۔ پر عملاں دی کوٹھالی وِچ اسیں ہمیشاں کھوٹے سکے ہی ثابت ہوئے
 آں ایہہ گلاں میں اُس بیمار دے سرہانے بہہ کے سوچ رہیاں جس
 دے دوا دارو نے میرا لکت بھن کے رکھ چھڑیا اے۔ ایہہ لاگر شریر جیہڑا گل
 وِچ کفنی پوان دی تیاری پچھلے سال توں کر رہیا اے۔ تاں بے قبر کن، گینتی
 کڑا ہی پیلچے لے کے شہر خوشاں ٹوں جگاؤن جائے اخباراں سُرخیاں
 وِچ چھاپن تے ریڈیو اتے ٹیلی ویژن وِچ ایہہ خبر آئے۔

’جنگِ آزادی دا مُجاہد تے مشہور لیکھک پرویز ہاشمی موت دی
 ڈونگھی نیندرے سوں گیا۔ قوم دا عظیم نقصان۔ لیڈراں دے بیان۔ ادبیاں
 ولوں شر دھانجلی‘ تے انج اک مہان ادیب تے جنگِ آزادی دے اک
 سپاہی نوں امر جیوتی پراپت ہو جائے گی تے اوہدی یادگار بنا دتی جائے گی۔
 پرویز ہاشمی میرا پیو، میری ماں دا قاتل، میری زندگی
 دے اُجڑے باغ دا مالی جیہڑا اپنے اُصولاں، آدرشاں دے پھٹلاں توں پھندا
 رہیا تے کنڈے ساڈی جھولی وچ سٹ دار رہا۔ اُونہے تاں اپنی ساری عمر انہاں
 کاغذی پھٹلاں دی بناوٹی خوبصورتی وچ گزار دتی۔ پر ساڈے لئی بد صورتی دا
 اک بھیا نک ساگر چھڈ گیا۔ جس وچ میری حیاتی دی بیڑی رُڑ دی جا رہی اے۔
 دُوب دی جا رہی اے میری امی! جنگِ آزادی دے اس سپاہی دی معشوق۔
 اُسدیاں نظماں دی دیوانی جمیلی دی کسے اُچی بیل توں پھسلی تے میرے
 اُبے دی حیاتی دی نظم وچ ڈھل گئی۔ نظم پھیلدی گئی لڑی ٹٹ دی گئی نظم
 بکھر دی گئی۔ کویتا وچ وزن نہیں رہیا۔ توازن نہیں رہیا۔ اس وچ زہر بھروندا
 رہیا۔ زہر اُصولاں دا، آدرشاں دا زہر ہتھتیاں دا، سچایاں دا۔ نظم
 اک رات بن گئی۔ سردیاں دی سیاہ کالی رات، رات لمی ہوندی رہی۔ نانکھ
 سنگھو دی رہی۔ نانکھ اک ہندو بن گئی تے ہندو میرے اُبے دے اُصولاں
 دی چکی ’چ پسو کے اپنا وچو دکھو بیٹھا، پر میرے اُبے نے اپنے وجود دے آل
 دوالے اک اجیہی لوہے دی چادر لپیٹی رکھی جے اج تیکر کوئی وی اُس نوں پھاڑ
 نہیں سکیا تے کوئی اس چادر نوں پھاڑ داوی کیوں۔ بھلا اوہنوں اندروں ملنا
 وی کیہ سی۔ اُصولاں دی تھوڑے آدرشاں دے کنڈے۔ اج سارے اُصول،
 آدرش بڑے سائنیکل ڈھنگ نال ورتے جان دے نیں۔ شرافت دی چادر

پٹھ بڑی برکت تے عزت نال ساری گل بات ہو جاندی اے۔ فیر بھلا کوئی
اُصولاں دا پرانا نسخہ کیوں ورتے۔

..... میرے ابا..... پرویز ہاشمی۔ ترقی پسند لہر دے جنم داتیاں
وچوں سی۔ کسے زمانے ایہہ اگانہہ ودھو لہر طوفان بنی ہوئی سی۔ ساڈا گھر
اونہاں دناں اکثر اُس طوفان دی گھسن گھیری وچ ہی پھسار ہندا۔ قلم دے نویں
نویں غازی، جیہڑے اچ پھراں دے قطب میناراں وچ اتھے، گونگے، تے
بولے بنی بیٹھے نیں، اپنے اپنے جوہر دسدے۔ سامراج، جاگیر داری تے غلامی
دی زنجیراں توں توڑن، دیش دی آزادی لئی، بھکھ ننگ مٹان تے سوشلزم لیاں
لئی کئے ہی کاغذ کا لے کپتے جاندے۔ ادب حقیقی جیون دا ترجمان بن لگا۔ ”تاج
محل“، وچ غریباں دا لبھسن لگا۔ اخباراں، رسالیاں وچ چھپیا ہر لفظ اگ دا
شعلہ بنیا ہو یا سی۔ ایہہ شبد بند دماغاں دے دروازے کھول رہے سن۔
چنگاریاں اندر جا رہیاں سن۔ چٹے حاکم بھائی نال سڑھ رہے سن۔ ظلم دا کاروبار
عام سی۔

اِہ اُونہاں دناں دی گل اے۔ جدوں میں انہاں ساریاں ہنگامیاں
توں دُور..... اک المست، اثر پتر تے جھج پھیلی کھیڈ دا ہوندا ساں۔ پر ابا
کدیں کدیں چاچے قیوم نال گلاں کر دا ہوندا سی۔
”میرے وانگر منٹو وی حیاتی دیاں ہفتیتاں لکھدا لکھدا بھٹ دے
سینی ٹوریم وچ جا بچیا سی۔ پراوتھے وی اُونھوں ”بیگو“، ”مصری دی ڈلی بن
کے ملی۔ زندگی دی اک ہو رسچائی..... اِہ ترقی پسند تے اگانہہ ودھو کئی دُور جا
بچے نیں..... پر پیچھے رہ گئے، سعادت حسن منٹو تے پرویز ہاشمی جہاں دے ہتھے
صرف حیاتی دے کوڑے سچ ہی آپڑے۔ جاں میگو سگریٹ تے شراب، جیہڑی

تیزاب بن کے دواہاں ٹوں ساڑھ پھوک گئی..... تے اسیں سولاں بھرے شریر
لے کے اُجڑے جیون دیاں سچائیاں لکھدے رہے اتے ساہڈی جند گٹاری
اُسولاں دے مزار تے چُجھاں ای ماردی رہ گئی فیروی اساں چن تے تاریاں
دی خواہش نہیں کیتی۔‘

..... پراج..... ہر چیز مچل رہی اے۔ ہر شے بدل رہی اے۔ زمین دن
و دن اندر دھس دی جا رہی اے۔ دبدی جا رہی اے۔ پھس دی جا رہی اے۔ تے
اسمان..... اُچا ہو رہیا اے۔ ہو ر اُچا..... خُدا ٹوں وی اُچا۔ دھرتی کھڑی
ہوندی جا رہی اے۔ خالی خالی..... اُجڑی..... اسمان وچ ست رنگی پینگ بن رہی
اے..... تے میں اِس دھرتی دا اک ٹوٹا..... میں اسمان نہیں بن سکدا۔ جتن
کیتیاں وی نہیں۔ میریاں رنگاں وچ پرویز ہاشمی دا خون اے۔ تے پرویز
ہاشمی..... ڈاکٹر گجھ نہیں دسدے۔ میں کیہ کراں۔ میرے پلے تاں ہُن رب دا ہی
ناں اے۔ اک کلرک بیتاں بالاں دا پیو تے تنخواہ..... کل لوک سبھا وچ خزانہ
منتری جی بھاشن دے رہے سن۔

’’دلش دی اقتصادی حالت سُدھ رہی اے۔ روپیے دی قیمت پنجتالی
پیسے رہ گئی اے۔‘‘

ارتھک سٹتھی..... پنجتالی پیسے کلو۔ کئی سستی تے مضبوط شے اے۔ پر آٹا،
چاول، دال، کپڑے دا بھّا۔ اُف میرے خدا۔ جند پھاہی وچ پھسی پئی ہوئی
اے۔ کل سیکرٹری صاحب کیہہ رہے سن۔

’’بھائی! تیں کدوں مہنگائی الاؤنس لئی جلوس کڈھ رہے او۔ ساڈے
کول تاں..... کار وچ پٹرول پان لئی پیسے ہی نہیں بچدے۔‘‘

سیکرٹری صاحب ٹوں کار وچ پاؤن لئی پٹرول چاہیدا اے، تے

ساہنوں ڈھڈ دی مشین وچ پاؤن لئی..... تے پٹرول بڑا مہنگا اے، بیڑا غرق جائے انہاں عرباں دا..... تیل نہ ہو یا، سُنڈھ دی گنڈی ہوگئی۔ تے رب آباد رکھے اپنے انکل سامٹوں جیہڑا طاقت دے نشے 'وچ دُنیا دا سکندر بننا چاہیندا اے۔ اتے عربی تے عجمی گھوڑیاں دی لگام اپنے ہتھاں 'وچ پھڑنا چاہندا اے۔ ایس لئی کہ اُہ عالم پناہ اے۔

..... ابا نے پاسا پر تیا تے اکھاں کھول کے میرے دل تلکَن لگا۔ لمی بیماری دے باوجود اُس دے چہرے تے سکُون سی۔ صبری۔ اُہ اپنیاں ربتیاں اکھاں نال میرے چہرے دے پچھکے رنگاں نوں دیکھن لگاتے دوائی پلان دا اشارہ کیتا۔ میں گھڑی دیکھی۔ دوائی دا وقت ہو گیا سی۔ میں ابا نوں دوائی پلائی۔ دوائی پی کے اُس نے اک لما ساہ لیا۔ تے مینوں کہن لگا۔

”میری اِس لمی بیماری نے تینوں تنگ کر دتا اے۔ میں آپ وی تنگ آگیاں۔ سال دا منجی تے پیا آں۔ سبھ کجھ چھڈ دیا اے۔ سبھ ختم ہو چکيا اے۔ اوہ جوش..... ولولے..... جذبے۔ اوہ ساہت تے ساہتکار۔ اج دے وڈے ڈھنڈورچی۔ میں اوہاں نال نہیں چل سکيا۔ اپنے اصولاں دے کارن۔ جیہڑے مینوں تیرے کولوں وی پیارے نیں۔ تے جدتیکر انہاں بڑھیاں بڈیاں وچ رُوح کتے انکی ہوئی اے۔ میں اپنے پیارنوں دھوکھا نہیں دے سکدا..... پُتر! اساں بڑی محنت نال اِس دھرتی تے چرندہ کتیا سی۔ پر کجھ جند رڈھلے نکلے تے کجھ دانے گلے نکلے..... کاش میں اک مُردہ لاش نہ ہوندا۔ میرے وچ تاں ہُن طاقت نہیں رہی۔ میری جند مٹی تاں خاک وچ مل رہی اے پرتوں تے جوان ایں۔ تینوں میرے کول بہہ کے رکیہ ملے گا۔ تینوں رب نے طاقت دتی اے۔ عقل دتی اے۔ تُوں تاں راہی باہی دے نویں طریقے سکھ سکناں ایں۔ انقلابی

کھاد تے سُتھرا پانی دے کے چارو پا سے ہریالی لیا سکناس ایں۔ تُوں پریشان کیوں ہوئیں۔ پریشانی دا علاج پُتر، گھراں وِج بہہ کے نہیں ہوندا۔ اُٹھتے باہر نکل۔ تیرے ورگے تینوں کنے ہی ساتھی تیار ملن گے۔ تُوں اونہاں نال مل کے چل، موڈھے نال موڈھاتے ہتھ نال ہتھ ملا کے..... سچی لگن نال راہی باہی کر۔ دب کے گوڈی کرتے رِج کے دانے اُگا۔ خوب فصل پیدا کر..... فصل تُوں ودھاندا جا..... تے ایس دے بیجاں نال کھیڑی زمین تُوں آباد کر۔ وڈے وڈے پتھراں تُوں بازو دناں اُڑا دے۔ دھرتی تُوں صاف کر، انہاں پتھراں تُوں..... تے پدیاں بنا۔ فیروکھیں پُتر! اِس زمین دا ہر ذرہ آفتاب ہو جائے گا۔‘

..... گلاں سُن کے مینوں جاپیا، پرویز ہاشمی..... میرے ابا جی..... اج وی جوان نہیں۔ لوہے نال کھیڈن والے..... تے میں، اونہاں دا پُتر۔ اونہاں دی تھان..... منجی تے لیٹیا ہو یاں۔ اک بیمار ذہن..... مردہ شریر، سگڑیا ہو یا وِجود..... چانچک میں اُٹھیا تے کمرے دی باری کھولی۔ میں دیکھیا..... باہر..... دُور، لکھاں میل دُور، سُرِج کرناں دی پوڑی تُوں ہولی ہولی دھرتی ول اُتر رہا اے۔ میں گھروں باہر نکل آیا تے سُرِج تُوں پھرن لئی دوڑ پیا..... میری آواز تے ہزاراں، لکھاں، کروڑاں..... آوازاں میرے نال مل گیاں۔ آوازاں نے گیت بنایا..... قدماں نے تال دتا۔ قدم ودھ رہے نیں۔ گیت گونج ایہا اے..... گیت سُرِج دا..... گیت دھرتی دا..... تے سُرِج نیڑے آوند اُجا رہا اے۔

اُڈیک دا قیدی

میں اک بندھی وان آں کال کوٹھری 'چ قید تے قید دے اہ
 لے دن وکھ وکھ دائریاں 'چ ہولی ہولی گردش کردے رہندے نیں۔ نفسیاتی
 پریشانیاں کدے اُداسی، کدے درد کدے پڑ تے دائریاں 'چ
 گردش کرن مگروں من بوہتا بے چین ہو جاندا اے۔ اک اُڈیک شدت نال لگ
 پیندی اے پئی ہُن کوئی آئے اپنا جاں پرایا۔ دشمن جاں جتن۔ کوئی گل کتھ
 ہوئے، پر گل بات کس نال۔ ایس کال کوٹھری دیاں دیواراں نال جاں
 اپنے ساتھی بندھی واناں نال، جیہڑے میرے وانگر ہی ایس جیل 'چ ڈک دتے
 گئے نیں۔ پٹواں وانگ۔ ایس اولاد وی تاں پٹواں دی ہاں۔ اونہاں انسان
 نما بھیداں بکریاں دی، جیہڑے کوڈیاں دے بھاہ خریدے گئے سن۔ اہ بڑی
 پرانی گل اے پر کیہہ ہو یا، ساہڈی خصلت اجے وی نہیں بدلی۔
 ایہہ جیل کسے بے درد حاکم داماتم کر رہی اے۔ ساہنے اُچی ٹیسی تے

بنیا قلعہ، تلوار دے زمانے دامحافظ اچ دے زمانے تے رورہیا اے
 ایہہ جیل اک عجیب دُنیا اے۔ اتھے نہ زندگی دا وجود اے نہ موت دا۔
 اتھے اوہ جیندے جاگدے لوک جیہڑے ہسدے، روندے، پیار کردے،
 لڑدے نیں سبھ الف لیلے دے قصے بن جاندے نیں۔ انہاں چوں ایک قصہ
 میں وی آں تے میں ملزم آں قتل دا۔ میرے اُتے الزام اے پئی میں قتل کیتا
 اے۔ پر مینوں انکار اے۔ اک واری نہیں، سو واری انکار اے۔ میں کوئی قتل
 نہیں کیتا۔ جے میں قتل کیتا اے تاں اوہ لاش کتھے اے۔ جس دا قتل میرے
 ہتھوں ہويا۔ پر جیہڑا آپ اک گلی سڑی لاش ہوئے، اوہ قتل نوں کنج ثابت کر
 سکدا اے۔ میرے اُتے قتل دا مقدمہ چل رہیا اے۔ اک سال ہو گیا اے۔ کیہہ
 ہويا فوجداری تے دیوانی مقدمات نوں تاں کئی کئی سال لگ جاندے نیں۔
 اچے تاں استغاثے والیاں دی کتھا ہی نہیں مکی۔ ایس ماحول 'نچ ساڈی واری
 خورے کدو آئے ایویں گدا اے جیویں وقت دی کوئی اپنی قیمت ہی نہیں۔
 اپنا کوئی وجوہ ہی نہیں اے۔ بس اکو دن تے اکورات کڑی مُڑی ایس گلوب
 اُتے گھمدے رہندے نیں۔ کدے دن ہندا اے تے کدے رات، جے وقت
 بے حقیقت ہو جائے تاں سبھ کجھ ختم ہو جائے گا۔ پر وقت حقیقت نہیں بدلد ا۔ اوہ
 تاں کوڑی تے مٹھی ہتھیں دا اک لہما سفر اے۔ کنڈیاں تے پھلاں نال بھریا۔
 پر ساہڈی راہواں 'نچ کنڈے ہی کنڈے اُگدے رہے۔ اتھے پھل کدے نیں
 اُگ سکدے۔ خورے کدیں، اُگ دی پین لالہ دے پھل، سُرخ کٹورے
 وانگر ایرانی شاعری دے من پسند پھل۔ شیکسپیر دی جولیٹ کہندی اے پئی
 آون والے وقت 'نچ ساڈے سارے غم بڑی مٹھی گل کتھ داسا مان بنن گے۔
 ایس لئی جیہڑا دن تے جیہڑی رات لنگھ جاندی اے، اوہ ماضی 'نچ دفن ہو جاندی

اے۔ صرف آون والا دن زندہ اے۔ اوس آون والے دن دا جشن مناؤ.....
دوستی تے محبت دے سرمائے نوں خرچ کر کے۔ اوہ دن، اوہ ویلا..... جدوں
روحان دا قتل نہیں ہوئے گا..... تے میرے تے الزام اے قتل دا۔ پر میں ہتھیارا
نہیں..... استغاثے والیاں نے جرم ثابت کرن لئی بڑیاں شہادتیاں پیش کیتیاں
نیں۔ تے اونہاں دا کہنا اے پئی میں اک لاش دا قتل کیتا اے۔ اوہ ابر کٹیا
اے تے اوہ دے دماغ 'بچ کیڑے بھر دتے نیں۔ اوہ دے دل تے لگی پلاسٹک
سرجری نوں ٹوٹے ٹوٹے کر دتا اے۔ پر لاش دا قتل کج ہو سکدا اے۔ ایہہ سبھ
جھوٹھ اے۔ پر اتھھے جھوٹھ، سچ بن جاندا اے نیں تے سچ..... جھوٹھ۔ اسلئی میں
بہت دکھی آں۔ اک درد..... اک پڑ بچ جی رہیاں۔ حیوانی درد دا علاج موت
اے۔ کیوں جے بے زبان مخلوق اپنی بے کسی دا درد نہیں دس سکدی پر منکھ تاں
دردنوں لیکے جیوندا اے۔ کئی سالوں تک، صدیاں تک، نسل در نسل۔ اوہ دے
درد دا علاج موت نہیں ہندا۔ زندگی ہندی اے..... تے زندگی سنگھرش دا ناں
اے۔ پر سنگھرش ساڈے لئی..... کوئی ہو کرے۔ اسیں نہیں کر سکدے۔ اسیں
گونگے تھتھے لوک سُفیاں نوں چنگھدے رہنے آں۔ ساہڈیاں پگاں تتی برف 'بچ
زردیاں رہندیاں نیں۔ ساہڈی زندگی رت رنگی اے۔ اسیں لہو 'بچ لبوے لوک
جدوجہد کر دے کر دے تھک گئے ہاں۔ اتے جیل 'بچ ڈک دتے گئے آں۔ پر جیل
و 'بچ زندگی بڑی پھکی اے۔ بڑی بور..... تے بوریت نوں مٹان لئی..... گورکی،
رَسُول حمزہ توف، گگول، خلیل جبران تے خورے کس کس کجخت نوں پڑھنا پیندا
اے۔ کافکا دی ڈائیری پڑھ کے..... بہت گچھ یاد آ جاندا اے۔ مغل باغاں 'بچ
کھڑے پھل۔ اوہ شاماں جیہڑیاں امیر اکدل توں لیکے کافی ہاوس تک
وکھریاں ہندیاں نیں۔ بادام داری دے شگوفے۔ ڈل دے رنگ برنگے

شکارے۔ لمبی وارڈ دی الہڑسڑک، اُس تے چل دیاں چل دیاں حیا قی نوں رنگین
 بنان دے منصوبے۔ بڑا ڈوے تے خیام 'چج ویکھیاں فلماں سن فلاور، ریڈ
 بیج، ڈاکٹر زیواگو، ہنڈرڈ رائفلز اچانک، اُپہار، گرم ہواتے بے شمار
 فلماں۔ جہلم دا بندھ، گھرگ دا سبزہ زار، فیروز پور نالے دا پانی، یوس مرگ
 دے جنگل ورڈس درتھ دی شاعری۔ کسے پُرانے پانی دی چٹی داڑھی
 وانگ لشک رہی اُچیاں ٹیسیاں تے برف۔ چوکھے چرتک یاد، اک سپ بن کے
 میرے دل تے دماغ نوں ڈنگدی رہندی اے۔ فیر سب کچھ بدلایا بدلایا لگدا
 اے۔ دوپہر دا سورج پریشان، گرد بھریا، فضول جیہا، ڈاہڈی گرمی، پر جد کدے
 ہوا سر سرائی ہوئی لنگھدی اے تاں جیل دے ڈھائی رُکھ، اوہدی سُر تے ہولی
 ہولی نچن لگدے نیں۔ ہوا 'چج لہرائی دے نیں تے وکھر جان دے نیں۔ فیر ہر منظر
 جیل بن جاندا اے۔ اوہ جیل جس 'چج میں قید آں۔ قتل دے الزام 'چج۔ قتل
 اک لاش دا اک سیریتوں سر دکھ کرن دا۔ دل دی پلاسٹک سرجری توڑن
 دا۔ اتھے آون توں پہلوں وی میرے اُتے دوش لگدے رہندے سن۔ گلیاں
 باز اں 'چج، کھیتاں دیاں فصلاں 'چج، مشیناں دیاں پُریاں 'چج دُھواں
 پھیلان دے دوش۔ تے کدے کدے ایہہ دوش کڑیاں دی چھنکار بن کے اپنی
 ہوند دا ڈونگھا احساس دلاندے رہندے۔ پر میں ہر ویلے دوشاں دے ہڑھ
 چوں لگھ جاندا رہیا۔ پر ہُن تاں الزام، قتل دا اے، تے قتل وی سزا موت
 اے۔ موت پھانسی نال جاں فائرنگ سکاڈ دی اک گولی نال۔ تے قتل دا
 ایہہ الزام، دن رات میرے دل تے دماغ 'چج گوخندار ہندا اے، مینوں
 ڈنگدار ہندا اے۔ فیروزی ایس گنجیل دار ماحول 'چج کدے کدے من دا موسم
 ٹھیک ہو جاندا اے۔ فیر رات دا چن، اسمان دی ریشمی چادر اُتے انگ انگ

لہر اندی چانی، کوئیل دا کوکنا..... بڑا چنگا لنگھدا اے۔ تے کیٹس (Keats) دا اکھون یاد آجاندا اے پئی حقیقت حُسن اے اتے حُسن حقیقت، اوس ویلے حُسن دی حقیقت من نوں جیل توں بہت دُور لے جاندی اے..... دیوداراں اتے چیزاں دے رُکھاں دی سوگندی 'چ۔ ندیاں دے مٹھے سنگیت 'چ۔ فیر دل ایہہ نہیں مند اپنی میں جیل 'چ آں، قتل دے الزام 'چ..... کال کوٹھری 'چ قید۔ کاش میری کال کوٹھری تے بجلی ڈگ پئے۔ اک خوف ناک آواز آئے۔ حضرت یعقوب دے پُتراں دی آواز توں دی بھیانک آواز..... جس نال پہاڑاں دیاں وزنی چٹاناں تے ہزاراں ٹن وزنی برف دے تودے ڈگ پین۔ پہاڑاں دیاں بُنداں ہل جان۔ پر ساڈے لوکاں دے دماغ..... پہاڑاں کولوں دی ہستے وزنی نیں۔ انہاں نوں شاید کوئی ایٹم بم دی ٹیٹیں ہلا سکدا اے۔

میں روز دھتی ویلے اٹھناں واں۔ چڑیاں دی چھک، پھلاں نال چھیڑ چھاڑ، ہوا دا ہولی ہولی چلنا۔ فیر سورج، قلعے دیاں اُچیاں دیواراں پُوں باہر نکل آندا اے..... جیل خانہ جاگ پیندا اے۔ تے من فیر اُداس ہو جاندا اے۔ کسے اپنے دی یاد بہت ستاندی اے۔ تے جد کوئی اپنا ملن آجائے تاں بڑی خوشی ہندی اے مل کے..... پر ملن مگروں اکلے پن دا احساس ہو رو دھیرا ہو جاندا اے۔ اکھاں گُجھ ڈھونڈ دیاں نیں۔ گُجھ گواچیا۔ فیر لمیاں تے بے رنگ راتاں، ویران تے اُجڑے دن، کھان نوں آوندے نیں۔ فیر ایہہ جیل، جیل دیاں اُچیاں دیواراں، پہریدار، وردیاں، سلاخاں..... دائرے گردش کردے رہندے نیں.....

کل میرا وکیل آیا۔ مقدمے بارے گل بات کردا رہیا۔ گُجھ کالے کاغذاں تے دستخط کرا کے لے گیا..... نالے جاندے جاندے ہولی جی کن 'چ

کہہ گیا ’..... ہوا دا چلنا بند کر دتا گیا اے۔ دریاواں دا ویہناں، ندیاں دا مچلنا، پھلاں دا کھڑنا، پنچھیاں دا اڈنا..... سبھ بند کر دتا گیا اے۔ تے میرے دماغ ’ج چو کھے چر تک قتل گونجدا رہیا۔ قدرت دے بخشے ہوئے تھاں دا قتل۔ پر اوہ کوئی قتل نہیں کر سکا۔ اوہ تاں عالم پناہ اے۔ قاتل تاں اسیں آں۔ ایس جیل دے بندھی وان.....۔

جیل ’ج اڈاسیاں تے بدنصیاں چوکھیاں نیں۔ پر جین لئی، ہسن لئی، دل لگان لئی کدے کدے..... لتا، کمیش تے طلعت دے پُرانے فلمی نغمے، مہدی حسن، غلام علی، نمبر اٹور، عابدہ پروین تے حامد علی بیلا دیاں کافیاں تے غزلاں، شوکت تے یونس دیاں..... آوازاں ’ج سیف الملوک تے سسی ہاشم دے دوہے۔ کل طاہرہ سید بچیاں دی اک لوری گارہی سی۔ ’اللہ اللہ کریا کرو۔ خالی دم نہ بھریا کرو۔‘..... تے مینوں جاپیا پئی میں اک بچہ لہراں وانگر، چنچل تے پھلاں وانگر نازک..... طاہرہ سید دی کوچھڑے بیٹھا لوری دی مست آواز ’ج ڈبیا سوں رہیاں۔ پر سستے ہوئے بچے نوں ریشماں دی لوچ دار آواز نے جگا چھڈیا۔

’ہائے اور بتا، نہیں اولگدا دل میرا.....‘

کدے کدے کوئی چنگھا ڈرامہ وی سُنن نوں مل جاندا اے۔ کُجھ دن ہوئے..... فلسطینی مجاہداں دے کارنامیاں تے اک ڈرامہ نشر ہويا۔ کہانی، مقالے، آوازاں۔ ہر کچھوں اک ودھیا ڈرامہ سی۔ یہودیاں دی بربریت دی داستان جو کدے آپ وی مظلوم ہندے سن..... اتے فلسطینیاں دے قتل عام دی کہانی۔ پرساڈے اتھے قتل عام نہیں ہندا۔ قتل دے دوش لگدے نیں۔ اتھے گو نگے گڑکھا کے سوں جان دے نیں۔

..... کل اک وڈا پرچھاواں ساڈی جیل ’ج داخل ہويا، کئی نکلے نکلے

پر چھادیاں ٹوں لیکے۔ اوہنے ساری جیل دا معائنہ کیتا۔ میری کال کوٹھری ول
اشارہ کر کے اوہ کہن لگا۔

”ایس کال کوٹھری ’جج میں وی چار سال تک قید رہیا واں۔ فیر اوہ
وڈا پر چھاواں بندھی واناں نال گل کتھ کرن لگا۔ بالکل اوسو طراں..... جس
طراں اوہ دے نال اوس ویلے دے پر چھاویاں نے کیتی ہوئے گی۔“
”تہا نوں کوئی تکلیف تاں نہیں؟“

بھلا جیل ’جج کیہہ تکلیف ہوسکدی اے۔ جیل تاں آرام لئی بنائی جاندی

اے۔

فیر اوہ قیدیاں نوں وکھ وکھ کچھن لگا۔

”توں کیہو دے جرم ’جج اتھے آیاں؟“

”چوری دے جرم ’جج۔“

”توں؟“

”دفعہ ۳۰۷ دے جرم ’جج۔“

”تیرا کیہ جرم اے؟“ اوہنے مینوں کچھیا۔

”میرا کوئی جرم نہیں۔ میں کوئی جرم نہیں کیتا۔“

”فیر توں اتھے کجج آیاں؟“

”میرے تے الزام اے پی میں قتل کیتا اے، اک لاش دا۔ بھلا توں

دس خاں، لاش دا قتل کجج ہوسکدا اے۔ کدے کوئی موئی ہوئی شے دا وی قتل کر دا

اے۔ میں کوئی قتل نہیں کیتا۔ میں ہتھیارا نہیں۔ میں لاشاں دا بیوپاری نہیں،

چلدی پھر دی لاشاں دا۔ میں تاں زندگی چاہندا واں۔ قتل نہیں۔ پر توں وی تاں

ایس کال کوٹھری ’جج چار سال تیکر قید رہیا سیں۔ تیرا کیہ جرم سی؟ توں وی کوئی

قتل کیسی.....؟“

گل سُندیاں ہی اوہ بُلیاں پر چھاویاں ول تکتن لگا۔ جیہڑے مینوں کھا
 جان والیاں اکھاں نال گھوڑ رہے سن، فیر جیل داوڑا پھاٹک گھلیا تے اوہ وڈا
 پر چھاواں..... تیز تیز قد ماں نال باہر چلا گیا۔ میرے سوال دا جواب دتے بغیر۔
 اونہاں دے جان مگروں سپاہیاں لوہے دا پھاٹک فیر بند کر دتا۔ پر میرا سوال
 من کہند اے، پئی میرا سوال لوہے دے پھاٹک نوں چیر کے اوس دا پیچھا کر
 رہیا اے..... اک دائرہ بن کے اوہ دے اگے چکھے گردش کر رہیا اے۔ تے
 گردش کردار ہے گا۔

پانی دیاں لیکاں

سرحدی حفاظتی پولیس دے حوالدار کرنل سنگھ نے اپنے چوکی افسرانسپکٹر
رندھاوے نوں سلوٹ ماریاتے کیہا۔

”صاحب! دو پاکستانی جاسوس بٹھا پدیاں پھڑے نیں۔ واپس
پاکستان جا رہے سن کہ ساڈے جواناں پھڑلایا۔“

”جامہ تلاشی لئی ہے۔“ انسپکٹر رندھاوے نے وردی پاوندیاں پچھیا۔

”آہو جی! پر نکلیا کجھ نہیں۔ اک دے کھسے چوں دس روپیے دا
پاکستانی نوٹ تے دُوجے دے بوجھویں پنج روپیے والے ساڈی کرنسی دے چار
نوٹ ملے نیں۔ ہور کجھ نہیں ملیا۔“

”ہور کجھ نہیں ملیا؟“ انسپکٹر نے بڑی حیرانگی نال پچھیا۔

”نہیں صاحب! پر اک دی بکڑ دے بوجھیاں، چوں منگ پھلی تے

دُوجے دی پینٹ دے بوجھے چوں ریوڑیاں ملیاں سن۔ دونوں منگ پھلی تے

ریوڑیاں کھاوندیاں تے فلم بابی دا گیت ”ہم تم اک کمرے چ بند ہو جائیے بوبی آجائے، گوندیاں گوندیاں، تنھا ٹپ رہے سن کہ رنجیتے، کرسنے تے ڈیوڑنے دوہاں ٹوں جاگلیوں پھڑیا۔ بڑے چھڑ کے وڑ کے، پراساں کسکن نہیں دتا۔ کہندے سن کہ بیسا کھی دامیلہ دیکھن آئے ساں۔ بھلا اتھے بیسا کھی دے میلے وچ کیہڑی اونہاں دی بے بے پئی نجدی سی۔ جتوں دیکھن آئے سن۔ نلے..... کسے پاسے دے۔

”چل ہاں، کرنیل سنہاں۔ دس ہاں، کیہڑے جاسوس پھڑے جے۔“

اونہیں اپنے تمنبو وچوں نکلیاں ہو یاں کیہاتے دونویں چوکی ول تڑپئے۔

..... ستو والی دی اس چوکی تے انسپکٹر رندھاوے ٹوں آئے بھتے دن

نہیں سن ہوئے۔ بس ایہو کوئی چارگو مہینے۔ دلش لئی اپنی جان تک قربان کرن دے جذبے نے اونہوں تعلیم پوری نہیں سی کرن دتی تے اونہوں سن اکترو وی پاک بھارت لڑائی وچ امرجنسی کمیشن مل گیا سی اتے فیراوہ جنگ دے کسے اگلے مورچے ول گھل دتا گیا، جتھے اُس دے جذبے دی گرمی نے اوہدی بڑی مدد کیتی تے اونہیں دلیری دے کئی کارنامے کیتے۔ جنگ ختم ہون مگروں رندھاوے ٹوں وی باقی عارضی بھرتی کیتے گئے فوجیاں وانگر فوج چوں کڈھ دتا پراوہدے ویر چکر نے اونہوں بڑے چکر کران مگروں..... بارڈر سیکورٹی فورس وچ انسپکٹر بنا دتا سی پراوہناں چکراں نے رندھاوے دے سارے جذبات ٹھنڈے کر چھڈے سن۔ اُس ٹوں چنگے بُرے دی پہچان ہو گئی سی۔ اوہنے بھارت ماتا دے صحیح دشمن اپنی اکھوں دیکھ لے سن۔

..... اوہنے دوہاں جاسوساں دا ہر ٹوں لیکے پیر توڑی چنگی طرحاں

جائزہ لیجا۔ باراں باراں، تیراں تیراں سالاں دے بال..... گورے مکھو دے

چنڈاں کھان نال ہو ر لال ہو یے سن۔ اکھاں بُجیاں..... مکھ تے اُنگلیاں دے
نشان۔ دونویں سہے ہوے نال نال بیٹھے ہوئے سن۔

”او یے مُنڈ یو! کیتھوں آئے اوٹسیں۔“

”ایہہ نال دے پنڈ کجلیال تُوں آئیں آں۔“

”کجلیال تاں پاکستان وچ اے۔ تئیں ایتھے کی لین آ گئے۔“

”بھاہ جی! گڈی لٹن آئے ساں۔“

”گڈی لٹن؟“

”آ ہو جی!“

”لٹی..... فیرٹساں گڈی۔“ انسپکٹر رندھاوے نے جرح کیتی۔

”نہیں جی۔“

”کیوں؟“

”گڈی ساڈے ہتھ نہیں آئی۔ اوہ امنب دی ٹاہنی نال جا پھسی۔“

”فیرٹسیں واپس کیوں نہیں مُو گئے۔ ایتھے کیہ کر دے رہے؟“

”صاحب! ایہہ بالکل جھوٹھ بول رہے نیں۔ بکواس کر رہے

جے۔ انہاں نے پہلاں بیان دتا اے کہ ایہہ بیساکھی دامیلہ دیکھن گئے سن۔

صاحب! ایہہ پکے جاسوس نیں۔ ایسٹراں دے کئی مُنڈیاں تُوں دُشمن نے

جاسوسی دی ٹریننگ دے کے ساڈے دلش وچ گھلایا اے۔ تاں جے ساڈے ملک

تے اک ہو ر حملے دی تیاری کیتی جاسکے۔ ایہہ دُشمن وی نویں چال اے۔“

حوالدار کرنیل سنگھ نے انسپکٹر رندھاوے نوں سمجھاوندیاں ہو یاں کیہا۔

”او یے! تہاڈاناں کی اے۔“ انسپکٹر نے سوال کیتا۔

”میراناں محمد طفیل چیمہ اے۔“ بکتر والے نے جواب دتا۔

”تے میرا پورا ناں عبدالعزیز باجو اے۔ پر مینوں سارے جیجی
 کہندے نیں۔ پیٹ والے نے کیا۔
 ”تھاڈی عمر کیا اے۔“
 ”میری عمر بارہاں سال اے۔“ طفیل بولیا۔

”اماں کہندی اے کہ میں چودویں در ہے، سچ پیر پایا اے۔“ جیجی نے
 جواب دتا۔

”تسیں آپس وچ کر کے لگدے او۔“
 ”اسیں دونوں مسیرے بھراہ لگنیں آں جی۔“
 ”رہندے کیتھے او، ہو رکم کر کے او۔“

”میں گورنمنٹ ہائی اسکول لاڈوالی وچ ستویں پڑھناں واں تے
 اسیں او تھے ای رہنے آں۔“

”میں ایہہ نال دے پنڈ کجلیال دارہن والاں۔ میں وی ستویں
 پڑھناں۔ پر اجکل سانوں چھٹیاں پیاں ہویاں نیں تے چھٹیاں کر کے طیفو
 سانوں ملن آیا سی۔“

”اچھا، من چو وچ دسو منڈیو۔ تسیں ایتھے کر کے لین آئے او۔ دیکھو، جے
 تساں سچ دسیا تاں تہا نوں چھڈ دیاں گے۔ نہیں تاں تھاڈی چڑی اُدھیڑ کے اُس
 وچ بھوہ بھرا دیاں گے تے تھاڈا ماس ایلاں، کانواں نوں کھلا چھڑاں گے۔ سچ
 دسو تہا نوں ایتھے کئے بھچیا۔ تہاڈے سپرد کر کے کم کیتا گیا سی۔ ایتھے تسیں کنہاں کول
 رہے او۔ تھاڈے کئے آدمی ایتھے کم کر رہے نیں۔“ انپکٹر رندھاوے نے اکو
 ساہ وچ ڈھیر سارے سوال پچھ لیے۔ اُس دیاں اکھاں دوہاں منڈیاں دے
 چہرے پڑھ رہیاں سن۔ اوہ دونوں کدیں اک دو جے ول دیکھ رہے سن تے

کدیں انسپٹرول۔

”بھابھہ جی۔ اسیں بالکل سچ کہہ رہے آں۔ جیجی روندیاں روندیاں کہن لگا۔

”اللہ پاک دی قسمیں۔ اسیں ادھر گڈی لٹن ہی آئے ساں..... گل انج ہوئی کہ اسیں دونویں اپنے کوٹھے تے گڈی چاڑھ رہے ساں۔ اک کٹوئی دی گڈی ٹوں ویکھدیاں ہی میں اپنی ڈور پکے بھڑاہ نصیرے ٹوں پھڑائی تے آپ گڈی لٹن دوڑ پیا۔ میرے کچھے کچھے طیفو وی دوڑیا۔ تے اسیں بوکاٹا کہندے کہندے ٹہاڈے پنڈ تیکر پہنچ گئے۔ ڈور ہی کٹاں اے۔ بس کما داں دے ایہہ دو چار کھیت ہی تاں لنگنیں پیندے نیں۔“ جیجی نے ہتھ نال رستہ ناپ کے دیا۔

”جد تہا نوں پتہ لگ گیا سی کہ ایہہ ساڈا پنڈا اے تاں تئیں واپس کیوں نہیں مُرد گئے۔ اتھے مَماں چنگھ رہے سو۔“ حوالدار کرنیل سنگھ مُچھاں نوں ڈٹ دیندیاں ہویاں کھوراہو کے بولیا۔ کرنیل سنگھ دی ڈرونی شکل دیکھ کے طیفو بول پیا۔

”نہیں جی! ایہہ سامنے والے پنڈ وچ ڈھول دی آواز سُن کے ساڈے کولوں رہن نہیں ہو یا تے اسیں وی اتھے تماشا دیکھن چلے گئے۔ اتھے جی، اک ڈھولیا..... ڈھول و جا رہیا سی تے لوکی بھنگڑہ پار ہے سن۔ بڑا شور شرابا سی۔ کجھ بندے داروپی کے بکیاں مار رہے سن۔ ڈھول دے تال تے اسیں دونویں وی نچن لگے۔ اک بڈھرا بھمنیاں پاوند اپاوند امیرے کول آیا۔ تے اونہے مینوں اپنے موڈھیاں تے چک لیا۔ بس فیر سارے لوک بھاگڑا مار دے مار دے نواں شہر چُجے۔ میں تے جیجی وی۔ اتھے اوہ سارے اک بس وچ بہہ گئے..... تاں جا کے سانوں پتہ چلیا کہ اوہ جموں جا رہے نیں..... نہر تے بیساکھی

روپے دا اپنا اک نوٹ سی۔ نوں شہر پہنچ کے میں نوٹ بھنان ہی لگا ساں کہ ججی نے روک چھڈیا تے کہن لگا کہ اتھے پاکستانی نوٹ نہیں چلدا۔ میرے اَبے نے جج توں میرے لئی اک گھڑی لیاندی سی۔ اساں اوہ گھڑی او تھے اک گھڑی ساز نوں تر ہی روپیے دی وپچی۔ تاں کہتے اسیں جموں جاسکے..... او تھے اساں میلہ ویکھیا۔ بوبی فلم ویکھی۔ تے فیر بس 'جج' ہی واپس نوں شہر آ پڑے۔ تے اوسو رستیاں پیدل جا رہے ساں جیتھوں اسیں ایدھر لنگھ آئے ساں کہ انہاں ظالماں ساہنوں پھر لیا تے بڑا ماریا۔' طیفو نے سپاہیاں ول اشارہ کیتا تے رون لگ پیا۔

''انہاں سانوں بکیاں دیکھ کے ماریا اے۔ جے میرے اَبے نوں پتا چلے..... تاں اوہ انہاں ساریاں دے ڈکرے کردے۔ وڈے پہلوان بنی پھر دے نیں۔'' ججی اتھر وپونچھدیاں ہو یاں بولیا۔

''تیرے اَبے نوں کھان اوئے سُر۔ سوہری دیا۔ اَبے دارعب پیا دسناں ایں۔ تیرے اَبے دی ماں دی..... صاحب! ایہہ کُتے جھوٹھ بولدے نیں۔ انہاں دی گل دا یقین نہیں کرنا جناب۔ گورو مہاراج نے فرمایا اے، جے کوئی مسئلہ تیل والی بانہہ تِلاں دی بوری وچ واڑھے تے اُنیاں ہی قسماں کھائے جتے تیل اُس دی بانہہ نوں لگے ہون تاں وی اوہدی گل دا اعتبار نہیں کرناں چاہیدا اے۔ ایہہ پکے جاسوس نیں۔ انہاں نوں ہیڈ کوارٹر بھیجنا چاہیدا اے۔ آپوں انٹائیرو گیشن سنٹر والے بانہہ دے کے سب کجھ اُگلا لین گے۔''
حوالدار کرنیل سنگھ رندھاوے نوں مشورہ دے رہیا سی۔

انسپکٹر نے دوہاں منڈیاں نوں چپ کراندیاں ہو یاں کرنیل سنگھ ول گھوڑے دیکھیا تے ہنچھیا۔

”کیہڑے گور و صاحب نے ایہہ تِلاں والی گل کبھی اے؟“
 ”جناب! ایہہ تاں مینوں پتہ نہیں۔ پر ایہہ گل مینوں بھائی جی نے دسی
 سی تے اوہ تھوڑا کوئی جھوٹھ بولن گے۔“

”ایویں غلط گلاں نیں پھیلا نیاں چاہیندیاں۔“ انسپکٹر رندھاوے نے
 کرنیل سنگھ نوں ڈانٹ دیاں ہویاں کہیا تے جیپ منگوان دا حکم دتا۔ اوہ ایہہ
 کیس اگے بھیجن توں پہلاں آپ اطمینان کر لینا چاہیند اسی۔

..... جیپ نویں شہر ول دوڑ رہی سی تے عزیز تے طفیل دیاں سہمیاں
 ہویاں نظراں اپنے پنڈ ول۔ پدرا رستہ..... پر کتا گنجیل دار..... پہاڑاں ورگا
 اوکھاراہ۔ نظراں دیکھ دیاں رہیاں..... گنجیل ودھدے رہے..... تے جیپ لکشمی
 واج ہاوس اگے جا کھڑوتی۔

”اینہاں مُنڈیاں تینوں کوئی گھڑی نیہی اے۔“ انسپکٹر نے چُکھیا۔

”نہیں سردار صاحب! میں انہاں مُنڈیاں نوں جاند اہی نہیں آں۔“

”چوسج دس نہیں تاں مُشکاں کس دیاں گا۔“ انسپکٹر گر جیا۔

..... طفیل دی شناخت تے انسپکٹر نے گھڑی برآمد کرا لئی..... تے جیپ

مڑ چوکی ول دوڑ پئی۔

”..... کیوں بھی کرنیل سنہاں۔ ہُن کیہ کرناں چاہیدا اے، انہاں

مُنڈیاں نال۔“ انسپکٹر رندھاوے نے طیفو تے جیپی نوں اپنے تمبو ول کھڑ دیاں
 چُکھیا۔

”جوئیں مناسب سمجھو صاحب۔“

”مُنڈیو! کجھ کھا دا پیتا وی ہے جے۔“ انسپکٹر نے طیفو دی بانہہ تے

گھڑی بندیاں چُکھیا۔

”نہیں جی، پر ساہنوں ڈا ہڈی بھکھ لگی ہوئی اے۔“

”چنگا دسو کیہ کھاؤ گے۔“

”کچھ نہیں جی۔“

”کیوں پئی! ٹہانوں تے سخت بھکھ لگی ہوئی اے۔ فیر ایہہ انکار

کیوں؟“

دونویں اک دوجے دے مونہہ دل دیکھن لگے تے فیر طیفو بولیا۔

”ابا کہندا اے جے کافراں دے ہتھوں کچھ کھاؤ، تاں سخت گناہ

چڑھدا اے۔“

”پر پتر میں کوئی تہانوں کافر دیناواں۔ میراوی تاں تہاڈے وانگر ہی

تہہ پیرنک مونہہ اے۔ فیر میں وی تاں اوسورب اگے ستیں جھکاندا ہاں، جس

دی تئیں وی عبادت کر دے او۔ فیر میں کنج کافر ہو گیا۔ پتر، اسیں سارے

انسان ہاں۔ تیرے ابے نوں کسے نے غلط دسیا اے۔“ انسپکٹر نے طیفو نوں کو چھڑ

وچ دٹھا کے سمجھایا۔

”چنگا جی، فیر تاں..... تئیں جو وی کھاؤ گے۔ اسیں کھالاں گے۔“

روٹی کھان نگروں انسپکٹر رندھاوا ڈیوٹی تے کھڑوتے دوسپا ہیاں نوں

ہدایت دین لگا۔

”دیکھو! انہاں دوہاں منڈیاں نوں سرحد پار کرادیو۔ پر خیال رکھنیو

کہ اودھر دے سپاہیاں دی گشت نہ ہوندی ہوئے۔ ایہہ نہ ہوئے کہ اسیں

چھڈیئے تے اوہ پھڑلین۔“

سپاہیاں سلوٹ ماریاتے منڈیاں نوں لے گئے۔ دُور تک اونہاں نوں

جانیاں ہویاں انسپکٹر دیکھ ریہا سی۔ اُس دا چہرہ کھڑیا ہو یا سی۔ اُس دیاں

اکٹھاں خوشی نال چک رہیاں سن۔ پر اوہدے کن گجھ ہلکیاں ہلکیاں آوازاں
 سن رہے سن..... ”انسپکٹر نے سپت دے پتراں نوں چھڈ کے چگا نہیں کیئا۔
 ہن اُس دی خیر نہیں۔ آپوں کل تک تہا نوں پتہ لگ جائے گا۔“
 آوازاں ابھر دیاں رہیاں..... پر انسپکٹر اپنے تمنہ وچ چپ چاپ چلا
 گیا.....

دل دیاں گلیاں

حُسنی والا کُسم چوکی تے ضروری کاغذاں اتے سامان دی جانچ پڑتال
 کرن مگروں بابے نوں پار جان دی اجازت مل گئی۔ کُسم دا گیٹ لنگھ کے
 اوہنوں میں بس وِچ بیٹھے پاکستان دی دھرتی ول جان دیاں دیکھ رہیاں ساں.....
 پنجاب روڈ ویز دی ایہہ بس اوہنوں گھنڈا سگھ والا دی کُسم چوکی ول لے جا رہی
 سی۔ اسیاں ورہیاں دے بڈھے دے مُونہہ دیاں چھریاں کھڑیاں ہویاں
 سن۔ مُردہ اکھاں وِچ طُور بل رہیا سی۔ بُجھے دل وِچ عید دی رونق سی۔ اوہ بڑا
 خوش سی۔ کیوں نہ ہوندا۔ اج چالیاں ورہیاں بعد اُس دیاں مُراداں پُوریاں
 ہویاں سن۔ اج یعقوب نوں اُس دے یوسف ملن والے سن۔ اج بابا اپنے
 پُتر اں، دھیاں، پوترے، پوتریاں، دھوترے، دھوتریاں تے شاید پڑپوترے،
 پڑپوتیاں نال دی ملن جا رہیا سی۔

..... سن سنتالی دے رولیاں وِچ بابے دا سارا ٹمّر ٹور پار چلا گیا سی۔

اُونہاں بابے اُتے وی پاکستان چلن لئی ودھیرے زور پایا، پر اُہ نہیں سی
نیاں۔ اوہ اپنا گھربو ہا چھڈن لئی تیار نہیں سی

اوہ اپنے گھروچ اِکلا رہ گیا۔ اُس گھروچ جتھے سبھ تُوں پہلاں
مولوی نے اُسدے کن وچ بانگ کہی سی جس دے ویڑے، ہو رنال بِلدیاں
گلیاں وچ کھیڈ دیاں اوہ جوان ہویا تے گھوڑی چڑھ کے گیا اتے ڈولی
لے کے آیا۔ اُونہنے اسے ویڑے وچ اپنے بچیاں دارونق میلہ دیکھیا سی اوہ
کنج چھڈ کے جاندا اُس گھر تُوں، جیتھے اُسدے بچپن جوانی تے بڈھا پے دا
خزانہ وکھریا پیا ہویا سی تیر دے تِر جاون دے کارن اوہ شروع وچ تاں بڑا
اُداس رہیا پر فیر اُسدا دل لگ گیا پُرانیاں یاداں نال گھر دیاں
دیواراں نال تے اُونہاں دیواراں وچ رہن والے نویں لوکاں نال،
جیہڑے بابے دے کرایے دار نیں۔

بابا مینوں بڑا پیا رکردا اے۔ بال بچیاں دے جان گروں اُونہوں پہلی
خوشی میتھوں ملی سی بابے نے آپ اپنے ہتھیں میری جھنڈ اُتروائی سی
میریاں سُناں کرایاں اوہ سارا سارا دن مینوں چلّی پھر دا۔ نماز پڑھ دیاں
جاں تلاوت کر دیاں میں بابے دے گوچھر وچ جا بہندا۔ اُس دی نماز توڑ
چھڑ دا۔ اُس دے کپڑے ناپاک کر دیندا۔ پر بابے دے متھے تے کدیں وٹ
نہیں سی پیندا۔ اوہدا مکھ ہمیشاں کھڑیا ہی رہندا بابے دی گوچھر وچ
کھیڈ دیاں ہی میرے دُہ دے دند ٹٹے میں دُنیا داری وچ پیر پایا تے
اج بابے تُوں چھڈن بارڈر تیک آیاں۔

..... چٹھی پتروں پتہ چلدا سی پئی بابے دا عیال پار چنگا رسدا وسدا
اے۔ اِک پتر پنڈی وچ ٹھیکیداری کردا اے۔ کجھ دن پہلوں اُسدی چٹھی آئی

سی۔ جس وچ لکھیا ہو یا سی جے اُس نے اپنی کوٹھی آریہ محلے وچ بنائی اے۔
 بابے دا دُوجا پُتر پاکستانی فوج وچ کرنل اے۔ اوہنے اپنا مکان سیالکوٹ
 وچ بنایا ہو یا اے۔ بابے دی اک دھی ولایت رہندی اے۔ اُسدا گھر والا
 او تھے کپڑے دا کاروبار کردا اے۔ بابا کدی کدی بڑے شوق نال مینوں
 اُونہاں ساریاں دیاں گلاں سنا دندا۔ پر پچھلے دو چار ورہیاں توں بابا کُجھ
 چُپ چُپ رہن لگا سی۔ اوہ ٹھنڈیاں سُوکاں بھر دار ہندا۔ اک دن اوہ مینوں کہن
 لگا.....

”پُتر! پتہ نہیں کیہڑی گھڑی دامہان آں۔ موت تاں برحق ہے۔ پر
 مرن توں پہلاں اپنیاں بچیاں نوں ملن دی حسرت ہی رہ جانی اے۔ انہاں
 بھیڑیاں سیاست دانان ملک دا بیڑا غرق کر دتا اے۔ اک زمانہ سی جتھے دل
 کردا، جاوندے ہوندے ساں۔ نہ کوئی غدار سی تے نہ ہی کوئی قوم پرست۔
 سارے ہندوستانی سن۔ پر آزادی کیہ ملی۔ ہر پاسے تباہی مچ گئی۔ دلش دی
 ونڈتاں ہو گئی۔ پر دلاں دی ونڈ نہ ہو سکی۔ اک دھرتی تے کئی ناں آخر
 کیوں؟ یا رب سچے! اج فیر کوئی ولی، اوتا بھیج جیہڑا سانوں اک کر دے۔ کاش
 پُتر اک داری میں اپنیاں بچیاں نوں مل لیندا۔ پر شاید ایہہ میری قسمت وچ
 نہیں لکھیا اے۔“

..... تے فیر میں بابے دی تمنا پوری کرن لئی کوشش کرن لگا۔ اک سال
 دی دوڑ دُھپ مگروں بابے دا پاپورٹ بن گیا۔ تے اُونہوں پاکستان جان لئی
 تن مہینے دا ویزا مل گیا۔

..... بابے نوں چھڈن مگروں دُوجے دن میں گھر واپس آ گیا تے دُنیا
 داری دے کماں وچ رُجھ گیا بیساکھی آئی، دیوالی آئی، عید آئی پر بابا

نہیں آیا۔ تے نہ ہی اُسدی کوئی چٹھی۔ اسیں سمجھے ”جاں تے بابا رب ٹوں پیارا ہو گیا اے۔ جاں فیر اُسدے پُتراں اُونہوں آون نہیں دتا۔ تے بابے نے وی ایہہ سوچیا ہوے گا جے زندگی دے باقی دن سکھ آرام نال اپنیاں دھیاں پُتراں وچ ہی کیوں نہ گزارے۔ مرن ویلے پانی دا گھٹ تاں پلاون گے۔“

دن لنگھدے رہے۔ سارے کرایے دار بڑے خوش سن۔ پئی بڈھا تاں گیا ہُن مکان دے اوہ آپ مالک نیں ہُن کوئی کرایہ، نہ کچھ پڑتیت۔ بابے دی جائیداد حاصل کرن لئی اوہ سارے بابے دے رشتے دار بن گئے سن۔ ہُن بابا کسے دا چا چا سی تے کسے دا تایا۔ پراج بابے دا اک ہور شتے دار وی جاگ پیا، ایہہ اک سوانی اے، جیہڑی ساڈے دھیڑے، سویر دار یڑ کالاکے بیٹھی ہوئی اے۔ ایہہ کیہہ رہی اے۔

”میں بابے دی سکی بھین دی دھی آں۔ اتھے اُسدی اصل وارث صرف میں ہی آں، میرا مکان خالی کرو میں مکان دی مرمت کرائی اے۔“

”پر بی بی! تیرے کول کیہ ثبوت اے پئی ٹوں اُسدی بھینویں ایں۔ بابا ساڈاوی تاں چا چا لگدا اے۔ بچیاں دا زیادہ حق ہندا اے۔“

”میرے مامے جی دا کوئی بھراہ نہیں سی۔ تئیں جوٹھ بولدے او۔ ہُن مامے ہوراں نہیں آؤنا۔ اُونہاں مینوں پاکستانوں چٹھی لکھی اے جے اُونہاں نوں پاکستان وچ رہن دی اجازت مل گئی اے۔ تئیں اپنا بوریا بستریا چکو تے دو دوناں دے اندر اندر میرا مکان خالی کر دیو۔“

دوہاں پاسے گر ماگرمی ہوندی رہی دعوے تے جوانی دعوے ہون لگے۔ اپنے اپنے حق لئی دونویں دھڑے بحث دے چکوں وچ لہڑے ہوئے سن۔ فیر مینوں اک سایہ اپنے گھروں آؤندا دسیا۔ کسے بھوت دا نہیں نہیں“

اک انسان دا۔ چٹی سفید داڑھی۔ سرتے چٹا ساف۔ کچھ پیٹھ اک گنڈھ پھڑی ہوئی۔ ہتھ وچ سوہٹا تے چکھے چکھے اک مزدور۔ بدل پھٹ گئے۔ اسان صاف ہو گیا۔

”اوہ آبا بابا۔ اوہ بابا آیا.....“ بچیاں وہیڑا سرتے چک لیا۔ سارے بابے وی خیر خیریت پچھن لگے۔

”بابا جی! تاساں اتنی دیر کیوں لگائی؟“

”پتر! اوہ تاں مینوں آون ہی نہیں سن دیندے۔ میں ساریاں نوں ناراض کر کے آیاں۔ تئیں سارے ٹھیک ہوناں۔ گلی محلے والیاں داکہ حال اے؟“

”آہو بابا جی، سارے ٹھیک ٹھاک نیں۔ تئیں اوتھے چنگی طراں ہی رہے ہونا۔ تہاڑے بچیاں داکہ حال اے۔“

”اللہ دا شکر اے۔ اوہ سارے راضی باضی نیں۔ اوہ میری بڑی خدمت کر دے سن۔ ساری ساری دھیاڑی مینوں موٹر وچ سیر کراندے رہندے سن۔ تئیں سناؤ۔ مستری کرم دین داکہ حال اے۔ ماسٹر رام لال وی دھی دا ویاہ ہو گیا سی۔ پنڈت ایشرداس جی میرے بعد وی آوندے ہوندے سن۔“

”کدی کدی تہاڑا پتہ پچھن آوندے ہوندے سن۔ پر بابا جی! جد اوہ سارے تہاڑی اتنی سیوا کر دے سن۔ فیرتسی اوتھے ہی کیوں نہیں رہے۔ اتھے رکیہ لین آ گئے۔“

”ایہہ ٹھیک اے پتر! اوتھے میرے سارے اپنے سن۔ اوہ میری بڑی خدمت کر دے سن۔ مینوں بڑا چاہندے سن۔ پر تئیں نہیں سمجھ سکدے پتر!.....“

اوتھے مینوں اپنا ماحول نہیں ملیا۔ اُس مٹی پُوں مینوں اپنے مایاں دی رُوح نہیں
 لہی۔ مینوں اپنی ماں دیاں سولاں سُنائی نہیں دیتاں۔ اُس مٹی وچ مینوں اپنے
 پن دی سو گندھی نہیں ملی۔ اوتھے نہ میرے یار بیلیاں دے ہاسے گڑا کے سن نہ
 کھندک جھگڑے۔ میرا دل اوتھے نہیں لکيا۔ مینوں اپنے گھر دی یادستان لگی۔ میں
 بے چین ہو گیا تے اوتھوں چلا آیا۔ اپنے عیال نُون ناراض کر کے میں واپس
 آ گیا اُس مٹی ول اُونہاں لگیاں محلیاں ول جیہڑے میرے اپنے
 نیں جہاں نُون میں نہیں بھل سکيا، تے بابے دیاں اکھاں پُوں
 جذباتاں وچ دُے دو موتی ڈبھ پیے۔

ویری

”ہس کے لیا سی پاکستان۔ لڑ کے لاں گے ہندوستان۔“

”بھانویں ماور، اپنی جان۔ مٹ کے رہے گا پاکستان۔“

”جے بھارت نے ساہڈے کسے علاقے تے قبضہ کرن دی کوشش کیتی

تاں اسیں پوری لڑائی چھیڑ دیاں گے۔ پاک فوج دے شیر جوان ویری نوں

مٹان لئی پوری طراں تیار نہیں۔“

”جے پاکستان نے بھارت نال جنگ چھیڑی، تاں ایہہ اُس دے گھر

وچ لڑی جائے گی۔ تے اوںہوں تباہ تے برباد کر دتا جائے گا۔“

..... لیڈراں دے اہ بیان اجکل پاک تے بھارت دے ریڈیو،

ٹیلی ویژن اتے اخباراں دیاں سرخیاں ہوندے نیں۔ لیڈراں دے انہاں

بھاشناں نال دوہاں پاسے جنگی جُوں پھیل چکیا اے۔ جدھر جاؤ۔ جنگ دیاں ہی

گلاں ہوندیاں نیں۔ ساڈیاں فوجاں ویری دیاں فوجاں دے بالکل آمنے

ساہنے کھڑوتیاں نیں۔ سرحدی پنڈاں ٹوں خالی کرایا جا رہیا اے۔ بلیک آؤٹ دیاں مشکاں کیتاں جا رہیاں نیں۔ دلش دا بچہ ویری ٹوں ختم کرن دیاں قسماں کھا رہیا اے۔

..... اِج دیوالی دا دن اے۔ اسیں والٹیر کور دے کُجھ ساتھی مٹھائی ونڈن بارڈرتے گئے آں۔ گڑ کھال، چکروتی تے مرتھن دیاں سرحدی چوکیاں پھرن مگروں اسیں سچیت گڈھ بچ گئے آں۔ اساں ویکھیا..... ساہڈی چوکی ٹوں ویری دی چوکی کُجھ میٹر ہی دُور اے۔ تے بارڈر سیکورٹی فورس دے جواناں دے بالکل ساہنے سٹیج رینجرز دے سپاہی کھلوتے ہوئے نیں۔

..... چوکی دا انچارج ساہڈے سوالاں دا جواب دے رہیا سی۔

”..... اوہ کافرا! اوہ کافرا!“

پاروں کسے نے آواز دتی۔

”اِج دیالی اے۔ مٹھائی نہیں کھلانی۔“

”اوے مُسلیا! تہاں تے مٹھائی کھوان جوگا رکھیا ہی نہیں ساہنوں.....“

تہاڈے حاکم تاں لڑائی دیاں دھمکیاں دے رہے نیں۔“

”اوہی رہن دے یار۔ رہن دے۔ گھٹ کوئی نہیں کردا۔ اسیں تاں

حکم دے بندے آں۔ جد حکم ہوئے گا لڑلاں گے پرہن تے پیار پالینے۔ چل چھڈ

انہاں گلاں ٹوں۔ توں مٹھائی کھلا..... مٹھائی۔ تے اوہ ہس پیا۔

”چنگا بھراوا..... منگوانے آں۔“

”یار! کیلے ضرور منگوائیں۔“ اونہے اپنی چوکی ول جان دیاں کیہا۔

”صوبے دار صاحب! ایہہ کون سی۔“ میں چوکی انچارج ٹوں پچھیا۔

”بیلیا! ایہہ پارلی چوکی دا انچارج اے۔ ونڈ ٹوں پہلاں اسیں اِکو

ای پنڈ وِچ ر ہندے ہوندے ساں۔ بڑا بیبا گھبر واے۔ اپنا یا ربیلی اے۔ ہر عید والے دن سانبوں مٹھائی تے کیئوں کھواندا ہوندا اے۔ اجکل ذرا سختی ہو گئی اے۔ نہیں تاں اسیں کدے کدے اکٹھے 'والی بال' وی کھیڈ دے ہونیں آں۔'

ساہڈے ویکھدیاں ویکھدیاں ہی چوکی انچارج نے ساریاں سپاہیاں کولوں پیسے اُگرائے تے اک جوان نوں کیلے تے مٹھائی لین شہر گھلیا۔ اک اڈھ گھنٹے مکروں اوہ جوان شہروں مُڑ آیا تے صوبے دار نے آواز ماری۔

''اوے مختار یا! آؤ بھئی آؤ۔ مٹھائی کھا لو۔''

''اوے لیاندی جے۔'' اوہ بنھے کول آ گیا۔

''آہو! پرونڈاں گا میں آپوں۔''

''نہیں رچھپا لیا۔ ایہہ نہیں ہوسکدا۔ توں تاں جاننا ایں۔ اجکل کینے سخت آرڈر نیں۔ پرتوں کیلے تے مٹھائی لیکے گیٹ تیکر آ سکنا ایں۔''

رچھپال مٹھائی تے کیلیاں داٹو کرا لے کے اونہاں دے گیٹ تک گیا۔ دونویں گھٹ کے گلے ملے میں دیکھیا کہ اوہ نہیں سن گلے مل رہے۔ اوہناں دی تہذیب گلے مل رہی سی۔ اوہناں دے دل گلے مل رہے سن۔ اوہ دل جیڑے اکو ای مٹی دے بنے سن۔ دوہاں دیاں اکھاں پُوں راوی تے چنھاں دگ پیسے۔ مختار نے وی کواں داٹو کرا رچھپال نوں پھرایا، اپنے جواناں وِچ ونڈن لئی۔ تے فیر دونویں اپنے اپنے مُلک دی سرحد وِچ آ گئے۔ اُس سرحد وِچ، جیتھوں بوہت دُور شہراں وِچ لیڈر ویری نوں تباہ تے برباد کرن دے نعرے لگا رہے سن۔

ابابیل دا خواب

دیوتیاں نے جد منگل اُتے اَن، پانی تے ہوا دا سارا بندوبست کر دتا
 تاں دھرتی دا اک ونجار اپنی رائگی چنگیر وچ رنگ برنگے کھڈو نے لے کے
 او تھے وچن لئی تڑپیا۔ اوہ ہوائی شیل تے بہہ کے گیا۔ شیل وایو منڈل تُوں
 چیر دیاں ہویاں جن اُتے کُجھ چر لئی رُک تے او تھے دیاں سواریاں تُوں لاہ کے
 خیری میری نال منگل تے پہنچ گئی۔ او تھے دی جنتا نے دھرتی دے وسنیک دا
 شاندار تے دلی سواگت کیتا۔ اوہ بابے آدم داناں تاں صدیاں تُوں سُن دے
 آرہے سن پر بابے دی اولاد تُوں پہلی واری دیکھ کے بوہت خوش ہوئے۔ خاصکر
 اوہ دی چنگیر وچ سوہنے تے سنا کے کھڈو نے دیکھ کے ونجارے پہلوں
 ڈگڈگی و جائی۔ فیرونجلی دے سُر سُنائے اتے بھیڑ اکھٹی کر کے اپنے کھڈو نے
 اوہناں تُوں دس لگا۔ اوہ اشاریاں دی بولی وچ اوہناں نال گل کتھہ کرن لگا۔
 ”میں دھرتی اُتے سبھ تُوں ودھ پسند کیتے جان والے کھڈو نیاں وچوں

کچھ مشہور نویس نو یکے تے سبھ توں قیمتی کھڈو نے تہاڈے لئی لیاندے نیں۔ اہ سارے نمونے صرف تہانوں دس لئی لیا یا ہاں تے تہانوں مفت دے دتے جان گے۔ تئیں انہاں نال کھیڈ کے دیکھو! جے تہانوں پسند آجان تاں تہاڈیاں ضرورتاں مطابق تہانوں بڑے سستے بھاہ نال مال بیچا جائے گا۔“..... فیر اوہ اک اک کر کے کھڈو نے دس لگاتے او نہاں دے کمال سمجھان لگا۔ ”اہ فولادی گھوڑا اے، اہ اپنے سامنے آن والی ہر چیز نوں ختم کر دیندا اے۔ ایس دے مونہہ چوں اگ دے گولے نکلدے نیں جیہڑے کافی دُور تک تباہی مچا دیندے نیں۔ ایس دی قیمت بوہت معمولی اے۔ ساڈی کرنسی انوسار صرف 15 ہزار ڈالر۔“

”اہ اگن بان اے۔ ایس دیاں کئی قسماں نیں۔ اہ سیلکڑے میل دا سفر اکھ دے پکارے وچ طے کر کے اپنے نشانے نوں تباہ تے برباد کر سکدا اے۔“

”اہ امبر چھیدک اے۔ اہ سُدرشن چکر اے۔ اہ ہوائیاں نیں۔ اہ جتھے ڈگن تباہی مچاندیاں نیں۔ انج ہی اہ ہوائی گھوڑے، لوہ پُرش، اٹوٹکتی دے دُوجے بچکے وڈے کھڈو نے نیں.....“

”پر انہاں کھڈو نیاں نال کیہڑی کھیڈ کھیڈی جاندی اے۔“..... ساریاں نے اک آواز ہو کے پچھیا۔

”اپنی طاقت دس، اپنی گل منوان تے اپنی سرداری قائم کرن دی کھیڈ۔ جیہڑا تہاڈی گل نہیں مئے گا۔ اوہ تہاڈا دشمن بن جائے گا۔ فیر تئیں اوہنوں اتے اوہدے حمایتاں نوں انہاں کھڈو نیاں نال تباہ کر سکو گے۔ انہاں کھڈو نیاں نال تئیں سارے منگل اُتے راج کر سکدے او۔ اہ کھڈو نے تہاڈی

حاکمیت دی دھک تے چمک بن سکدے نیں۔ تئیں اپنے ویریاں تُوں ختم کر سکدے او۔ پر جے ایسویں حاکم دے کھڈو نیں تہاڈے ویریاں کول وی، ہون تاں ساہڈے کول ایناں دا توڑ وی اے۔ اہ سبھ انسانی دماغ دا کمال اے۔“ تے ونجار افرنال ہسن لگا۔

ونجارے دیاں گلاں سُن کے سارے منگل واسی کہن لگے ”ساڈا تاں کوئی ویری نہیں۔ ویر پاؤنا تاں ساہڈی روایت دے خلاف اے۔ ساڈی نسل دے خیر وِچ موہ مایا، کرودھ تے وِردھ دے جراثیم نہیں ہندے۔ ساڈی دھرتی دی ونڈ وی نہیں ہو سکدی۔ ساڈے ایتھے ہوا، پانی تے انّ دی تقسیم نہیں ہندی۔ منگل واسیاں لئی اہ سبھ ربّی دین اے۔ سانجھی سوغات اے۔ ایتھے دی ہر شے سھناں لئی اے۔ ایتھے سارے مِل کے محنت کر دے نیں، محبت تے دوستی دے گیت گاندے نیں، اکٹھے بہہ کے کھاندے نیں تے شانتی نال سُوں جاندے نیں۔ ایتھے ملکیت تے حاکمیت دا دستور نہیں۔ ایتھے تیرے میرے دا کوئی واڈ رولا نہیں..... ایس لئی ساہنوں تیرے کھڈو نیاں دی کوئی لوڑ نہیں۔ تُوں اپنی چنگیر چمک تے بھج جاتھوں۔ ساڈی دھرتی اُتے اشنائی دی فصل ہرگز نہیں اُگ سکدی۔ تُوں چلا جاتھوں تے مُوکدے ساڈی دھرتی تے اپنے گندے قدم نہ پانویں۔“

ونجار ابڑا حیران تے نموجھان ہو یا۔ اوہنیں اپنی چنگیر چکی تے چُپ چُپتا زمین تے اُتر آیا۔ زمین تے قدم رکھدے سار ہی اوہنیں سارے کھڈو نیں توڑ دتے۔ اگ وِچ بھسم کر دتے۔ شاید منگل واسیاں دی سانجھی آواز اوس اندر امن دی جوت جگا گئی سی۔

سُولاں بھرے پینڈے

”مائی! تیرے مکان چ مولوی آئے سن؟“

میجر شرما اپنے جواناں نال پینڈ وچ گھر گھر تلاشی لیندیاں ہو یاں بڈھی
نُوراں تُوں کُچھ رہیاسی۔ فوجی ٹھہر نے اُونہوں پکی سوچنا دتی سی۔
”ماں واری جائے میرے پتر! آہو! اوہ آئے سن۔ بے بے نُوراں

نے جواب دتا۔

”کتنے مولوی آئے سن؟“..... میجر شرما نے تفتیش جاری رکھی۔

”میں صدقے جاواں میرے لال۔ اوہ چار سن۔“

”اوہناں کول کیہ کیہ سامان سی۔“

”اوہناں کول بندوقاں سن۔ دونواں کول پستولاں وی سن تے اک

دے ہتھ وچ نکا جیہا ریڈیوسی۔ جس نال اوہ کسے نال گل کر رہیاسی۔“ بے بے
نُوراں بولی۔

”اوہناں داخلہ کیسا سی؟“ میجر شرمانے پچھیا۔

”اوہناں تہاڈے وانگر شلوار قمیضاں نہیں سن پائی دیاں۔ اوہ تاں فوجی وردی وچ سن۔ اوہ لمے قد تے مضبوط سریروالے گھروسن۔ اوہناں دے سراں دے بال لمے اتے مونہہ تے داڑھیاں سن“..... بے بے توراں میجر شرمانوں اوہناں داخلہ دس رہی سی..... اوہ ایس بدنصیب پنڈ دی سبھ توں زیادہ عمر والی بڑھی سی۔ جتھے دے اسمان اُتے اکثر ایلاں اُڑ دیاں رہندیاں نیں۔

”میرے بچیو! تئیں روٹی کھاؤ گے؟ چا پو گے؟“ بے بے توراں نے منجھے اُتے سفید چادر بچھان دیاں ہویاں میجر شرمانوں پچھیا۔

”نہیں نہیں! اسیں اتھے چا پین نہیں آئے۔ پر توں دس، پئی توں اوہناں حرام زادیاں توں روٹی کھوائی سی؟“ میجر شرمانے رعب نال پچھیا۔

”آہو پتر! میں اوہناں توں روٹی کھوائی سی۔ اوہناں توں ڈاہڈی بھکھ لگی ہوئی سی..... اتے اوہناں میرے کولوں روٹی منگی سی۔ میں اوہناں توں روٹی کھوائی۔ پانی پلایا..... اتے فیروہ ساہمنے والی پہاڑی ول چلے گئے۔“ بے بے توراں نے پیر پنجال ول اشارہ کر دیاں ہویاں دسیا۔

پھاگلہ پنڈ دا ایہ علاقہ بڑا کچھڑیا ہو یا اے۔ اتھے اکثر ملی ٹینٹ آوندے رہندے نیں۔ کیوں جے ایتھوں ہی اک رستہ پیر پنجال پہاڑی سلسلے ول جاندا اے اتے دو جا رستہ بقلیاز، ڈیرہ گلی، تھنہ منڈی اتے درہال توں ہند دیاں ہویاں بدھل، مہورتے گول توں جاندا اے۔ تاں ای ایس سارے علاقے وچ جھجھکارواں دا اکٹھ رہندا اے۔ جس کارن پولس اتے فوج اکثر ایس علاقے توں گھیرے وچ لے کے تلاشییاں کردی رہندی اے۔ اتھے جھجھکارواں نال فوج تے پولس دے مقابلے ہندے رہندے نیں۔ جس وچ دونواں

پاسیوں جانی نقصان ہندا اے اتے ایس دی پلیٹ وچ گرائیں وی آوندے
 رہندے نیں۔ پنڈ والیاں دا جانی تے مالی نقصان ہر دن ہندا اے۔ کدی ملی
 ٹیناں دے ہتھوں اتے کدے فوج تے پولس دے ہتھوں۔ اتھے لوکی ڈاہڈی
 مصیبت دا شکار نیں۔ چکی دے دو پاٹاں وچ پس رہے نیں۔ ایہ لوک اپنے نال
 ہونیاں زیادتیاں دی شکایتاں ایڈمنسٹریشن نال وی کردے نیں۔ پر انج لگدا
 اے پئی اُگرواد نے سبھناں نوں بے بس کر دتا اے کیوں جے سچاں اگے کسے دا
 دیوانہ نہیں بلدا۔

’’مائی! تُوں اوہناں نوں روٹی کیوں کھوائی۔ تینوں پتہ نہیں پئی اوہ
 ساڈے ویری نیں۔ اوہ دشمن ملک چوں ٹریننگ لے کے آئے نیں اتے اتھے
 تباہی مچاندے نیں۔ معصوم تے بے گناہ لوکاں نوں مار دے نیں۔ اتے تئیں
 اوہناں نوں روٹی کھواندے او۔ سون لئی جگہ دیندے او۔ تہانوں نہیں پتہ پئی
 اُگروادیاں نوں پناہ دینی تے روٹی کھوانی بڑا سخت جرم اے۔ جیدی سزا موت
 دی ہوسکدی اے۔‘‘

’’موت تاں پُتر اسبھناں نوں آونی ایں۔ اج جاں کل، اگے جاں
 کچھے سبھناں نے جانا اے، اپنے حقیقی مالک کول۔ جیہڑا ساریاں دا حساب لے
 گا۔ ایہ دھرتی رب سچے دی اے۔ اوہی ایس دا مالک اے۔ ساڈا تہاڈا کجھ
 نہیں۔ جتن دشمن دا فیصلہ رب دی ذات کرسی..... پر میرے لال، میرے جگر دے
 کلڑے! توں ایہہ کہو جیہاں گلاں کر رہیاں۔ پئی روٹی کیوں کھوائی..... سُن
 میری جان۔ اہ کیویں ہوسکدا اے پئی کوئی میرے گھر بھکھا پیا سا آئے اتے میں
 اوہنوں روٹی نہ کھوانواں۔ ایہ تاں ساڈے مذہب دے خلاف اے۔ ساڈی
 پر مہرادے خلاف اے۔ اسیں گرائیں لوک مسافراں نوں روٹی کھوانی ثواب

سمجھدے آں۔ اوہناں ٹوں رات گزارن لئی تھار دینی نیکی مندے آں۔ اہ
 پر پیرا ساڈے علاقے وچ صدیاں توں چل رہی اے۔ مولویاں اتے تہاڈے
 آون توں وی پہلوں دی۔ اہ راتل بہتل اساں اپنے پُرکھاں توں سیکھی
 اے، کہیہ تہاڈے علاقے وچ اجیہا رواج نہیں؟ کہیہ او تھے لوکی گھر آئے
 مسافراں ٹوں بغیر کچھ کھوائے پلائے کڈھ دیندے نیں۔‘ بے بے ٹوں راں میجر
 شرما توں پچھ رہی سی۔

’تسیں کھلوتے کیوں او؟ بہہ کیوں نہیں جاندے۔ ایہ منجھا میں تہاڈے
 لئی بچھایا اے۔ میں تہانوں چا پلائے بغیر ہر گز نہیں جان دیاں گی میرے بچو۔
 میرا رب میتھوں ناراض ہو جاسی۔ تسیں وی تاں میرے پتر نصیرے ورگے ہو۔
 جیہو ا جکل مزدوری کرن پنجاب گیا ہو یا اے.....‘

بے بے ٹوں راں نے چا بنانی شروع کیتی تے نال ہی میجر شرما ٹوں پچھن

لگی۔

’میں واری جانواں میرے بچیا! ٹوں مینوں دس خاں پئی مولویاں
 نال تہاڈی دشمنی کہیہ اے۔ اوہ وی جد آوندے نیں تاں تہاڈے وانگر ہی
 میتھوں پچھدے نیں، مائی! اتھے کھتری تان نہیں آئے..... شاید پتر! اوہ تہانوں
 کھتری کہندے نیں۔ اوہ تہانوں نفرت کیوں کردے نیں۔ اتے تسیں وی
 اوہناں دی جان دے پیاسے بنے ہوئے او۔ تہاڈا آپسی جھگڑا کہیہ اے میرے
 لعل۔ ٹوں مینوں دس۔ میں تہاڈی آپس وچ صلاہ کرا دیاں گی۔ تاں جو تسیں
 اک دوجے نال امن تے دوستی نال رہ سکو۔ اتے اک دوجے دی جان دے
 دشمن نہ بنو۔‘

’مائی! اوہ ساڈے ویری نیں۔ اوہ ساڈے کیمپاں اُتے حملے کردے

نیں۔ لوکاں دا قتل کر دے نیں۔ اسیں اونہاں ٹوں ختم کر کے ہی دم لاناں گے۔‘..... میجر شرمانے کہیا۔

’..... نہ میرے لعل نہ! ایچ نہیں کہندے۔ بھلا آدم دی نسل ٹوں وی کوئی ختم کر سکیا اے۔ اسیں روز، کنے ہی پٹو تے بھڈاں بکرے کلدے ہاں تے کھاندے ہاں۔ کہیہ بھلا اوہناں دی نسل ختم ہوئی۔ بندہ کیستوں جیہا نسلوں ختم کرن والا.....! اہ سبھ رب سچے دے ہتھ وچ اے۔ جان لینے تے دینی اوہدے اختیار وچ اے۔ اہ قرآن وچ لکھیا اے..... پُتر! لڑائی جھگڑے تے فساد نال کُجھ حاصل نہیں ہندا۔ لڑائی تباہی داناں اے۔ فساد دھرتی ٹوں اُجاڑ بنا دیندا اے۔ مانواں دی گود اُجڑ جاندی اے پر پیار تے محبت نال دھرتی سہاگن ہندی اے۔ امن دیاں سیراں نال زمین وچ ہریالی تے خوش حالی آوندی اے۔ ایس لئی توں مینوں دس خاں پئی تہاڈی دشمنی کہیہ اے۔ میں تہاڈا فیصلہ کرا دیاں گی۔ اتے جے میں نہ کراسکی تاں فیر تہاڈا معاملہ علاقے دے چوہدری کھٹانے کول لے کے جاناں گی۔ اوہ ساڈے علاقے دا سبھ توں وڈا چوہدری اے۔ بڑانیک اتے عقلند۔ اوہنیں دوج وی کہتے نیں۔ اسیں سارے اوہدے فیصلے ٹوں مندے ہاں۔ تئیں وی سارے میرے نال چوہدری کول چلو۔ اوہ تہاڈا فیصلہ کرا دے گا..... پُتر! آپو وچ نہ لڑو۔ اک دوجے دے چکھے چکھے انہاں جنگلاں وچ اپنی جوانی برباد نہ کرو۔‘ بے بے نوراں فوجیاں ٹوں سمجھا رہی سی۔ اتے چا دے کپ اوہناں دے ہتھاں وچ تھارہی سی۔..... میجر شرما بے بے نوراں دیاں گلاں سُن کے ہسیا۔ اوہنیں چاہیتی اتے اپنی نفری لے کے دوجے پنڈول چلا گیا۔

درد و چھوڑے دا حال

سلوتری پنڈ دی مسیت توں اعلان ہو رہیا سی۔ ”ڈاڈھے دُکھ نال
 ساریاں نوں مطلع کیتا جاندا اے پئی قاسم منہاس اج راتیں اللہ نوں پیارا ہو گیا
 اے۔ اُہ اپنے گھر سُنا پیا سی کہ سرحد پار توں ہون والی فائرنگ وِچ اک گولہ
 اُوہ دے مکان دے اندر ڈ گیا۔ گولہ پھٹن نال قاسم منہاس موقعے تے ہی دم توڑ
 گیا۔ رب دا شکر اے پئی اُہدی تیوس تے بچے بچ گئے نیں۔ کیوں جے اُہ گواہنڈ
 وِچ سوم ناتھ دے گھر ویاہ دے گیت گاؤن گئے ہوئے سن۔ نماز جنازہ وِں
 ڈھلے چارو جے پڑھی جائے گی۔“

سلوتری پونچھ راوِلپنڈی سڑک تے ساڈا آخری پنڈ اے۔ اجکل
 اِہ سڑک فوجی چوکی اُتے ختم ہو جاندی اے۔ پنڈ دے بالکل سامنے اتے
 سرحدوں پار تیتری نوٹ دا پنڈ اے اتے وچکار پونچھ دریا۔ ایس دریا
 نوں اسی نو مین لینڈ وی کہہ سکے آں۔ سرحد دے دوواں پاسے فوجیاں ولوں گولہ

باری کرنا روزِ داکسب اے۔ فارنگ تے جوالی فارنگ، اپنی فوجی طاقت
 داسداس دلان لئی، جواناں نوں پُست تے دُست رکھن لئی اتے ویری نوں سبق
 سکھان لئی بہت ضروری سمجھی جاندی اے۔ ایس فوجی طاقت دے نشے وچ نہتی
 زمین چھلس جاندی اے۔ فیر پھلسی ہوئی زمین وچوں موت اُگدی اے۔ وحشت
 پھیلدی اے۔ معصوم لوکاں دیاں جاناں جاندیاں نیں۔ پر اپنی قیمت تاں چکانی
 ہی پیندی اے..... سرحد اں دی حفاظت تے ملکاں دی سلامتی لئی۔

میت تُوں دُکھ سنہیا سُن دیاں ہی لوکیں قاسم منہاس دے گھر اُڑن
 لگے۔ بچے، مرد، سوانیاں، یار، بیلی، رشتے دار، جھلاس، درہ، کسلاڑی تے
 دوجے پنڈاں توں جنازے وچ شامل ہون، میت نوں موڈھا دین، قبر اُتے مٹی
 پاؤن اتے سوگوار خاندان دا غم وٹان لئی آون لگے۔

اہو جہے واقعے اتھے روز ہی ہوندے نیں۔ اتھے لوکیں اچھے ڈونگھے
 صدے برداشت کرن دے عادی نیں۔ حالے کجھ چر پہلاں گوبند رام دے گھر
 اُتے مارٹر دا گولہ پیاسی، جس نال اُہدی ماتادی وفات ہو گئی سی۔ دو منجھاں تے
 اک گاں دی موت دانوالہ بن گئی سی۔ پیلایاں وچ کم کر رہے سنیل نوں وی تاں
 دریا پاروں آون والی گولی نکل گئی سی۔ اپنیاں داماتم کرنا اتے اکھاں دے
 ٹوئیاں وچوں اتھر وڈلھنا اتھے دا چلن اے۔ خوبصورت حیاتی اُتے کو جھے تے
 منگوس رنگ ڈھلن تے وی لوکیں اتھے بھڑکدے نہیں۔ اپنے سکیاں دیاں لاشاں
 دیکھ کے اہ لوک جذباتی نہیں ہوندے۔ اتھے ”دل چنگا تے کٹورے وچ گزگا“
 والی گل اے۔ تاہیوں اُوں اہ اک دوجے تے اوکھے نہیں ہندے۔ حالانکہ
 انسانیت اتھے قربان ہندی رہندی اے۔ پر فیروہی اہ لوک اپنے بھائی چارے
 نوں قائم رکھن لئی ٹٹی ٹوٹ گنڈھدے رہندے نیں۔ کیوں جے اہ جان دے نیں

پئی دُده تے بدھ وگر دیاں چر نہیں لگدا۔ اہناں لوکاں دا اک عجیب ماتی سماج اے، جتھے ہاسیاں تے گر اکیاں دا کوئی رواج نہیں۔ ایس لئی کہ اہ جان دے نہیں پئی انج ہی روز دریاؤں پار وی تاں ہوندا اے۔ ایدھروں گولے اوتھے وی سٹے جان دے نہیں۔ کچے پکے کوٹھے اوتھے وی ڈھیندے نہیں۔ معصوم لوکیں اوتھے وی مردے نہیں۔ ماتم اوتھے وی کیتا جاندا اے۔ ماتی چچکاں دوواں پاسے سانجھیاں نہیں۔ اتھروواں دے ہڑھ وچ دلاں دے جذبات دوواں پاسے دُبدے تے تردے رہندے نہیں۔ اہ لوک سکے زرد پتر نہیں، جھڑے سرحد دے دوواں پاسے بکھرے پئے نہیں۔ اپنیاں اپنیاں سریراں دا بھار چکی اہناں دے دلاں دیاں دھڑکنناں دی داستان کوئی نہیں لکھدا۔ اہناں تے ہون والے ظلم، بے انصافی تے نموشی دی کہانی کوئی نہیں سناںدا۔

ہن قبر کڈھن، کفن سین تے غسل دین دا پر بندھ ہون لگا اے۔ یار بلی قاسم منہاس دیاں وڈیاں دس رہے نہیں۔ پنڈ دی ترقی لئی اتے غریب لوکاں نوں لچیاں کولوں پچان لئی اُہدی سیوانوں سلاہیا جا رہیا اے۔ سلوتری وچ تعین فوجی بٹالین دے کمانڈر کرنل جارج، میجر رفیقی تے کیپٹن چکرورتی وی آپہنچے نہیں۔ جنازے وچ بھاگ لیس لئی اتے دُکھی پر یوار نال ہمدردی جتان لئی۔ سوانیاں رو رو کے بین کر رہیاں نہیں۔ اہناں لوکاں نوں وی چیتے کیتا جا رہیا اے۔ جیڑے بار وودی زد وچ آکے اپنے سکے سبندھیاں نوں درد وچھوڑے داروگ لاگئے نہیں۔ پررون دیاں واجاں کتے دُورتوں وی آرہیاں نہیں۔

”اپنی دُورتوں اہ روناں دیاں واجاں کتھوں آرہیاں نہیں۔“ میجر رفیقی نے جنازے وچ شامل ہون آئے اک پینڈونوں پچھیا۔ ”سر! اہ واجاں دریاؤں پار والے پنڈ تیری نوٹ وچوں آرہیاں نہیں۔ شاید اوتھے وی کسے

دی موت ہوئی اے۔ ہوسکدا اے پئی کوئی بد نصیب ایدھروں چلن والی گولی دا
 نشانہ بنیا ہووے،..... ”آہو امر ناتھا! توں ٹھیک کہناں ایں۔ بندوقاں تے
 توپاں وچوں نکلن والا بازو دے کسے نوں بخشدا تھوڑی اے۔“ بھلاس دے
 بڈھے سر پنچ لیش پال نے کہیا۔ ”پنڈت جی! تسیں سچ کہندے او۔ ملک وکھ وکھ
 ہون بھادیس زبان وکھری وکھری ہووے پر ہسن تے رون، گاؤن تے وین
 کرن دیاں واجاں ساری لوکائی وچ اِکو جہیاں ہوندیاں نیں۔ اِہ انسان دا
 فطری عمل اے، اِہ واجاں یہودی تے عیسائی نہیں ہوندیاں اتے نہ ہی اِہ واجاں
 ہندو تے مسلمان ہوندیاں نیں۔“ چودھری فیروز دین بول رہیا سی۔.....
 سیاست دی لُچی رن ساڈے لیڈراں نوں پیتا دانی نہیں آوندی۔ تاں اُوں
 سیاست دا اک دمن چکر چل رہیا اے۔ کدے اگ بھڑکائی جاندی اے تے
 کدے بجھائی جاندی اے۔ گولے بازو ددی کھیڈ دواں پاسیوں کھیڈی
 جارہی ہے۔ اِہناں نوں کون مت دیوے پئی بازو ددا کوئی دھرم نہیں ہوندا۔
 نینک تے توپاں کسے عقیدے نال جُویاں نہیں ہوندیاں۔ اِہ ساڈے کول ہون
 یاں اُہناں کول، اِہناں دا کم تباہی مچانا اے۔ دھرتی نوں بانجھ بنانا اے۔
 موت تے بربادی پھیلانا اے۔ گولی اپنی ہووے یاں پرانگی..... اِہ حیاتی دا
 شکار کردی اے۔ سہاگ اُجاڑدی اے۔ یتیم بناؤندی اے۔ ماواں دی گود سنی
 کردی اے۔ چندرا گواہنڈ تے لائی لگ ختم دوویں بھیڑے ہوندے نیں۔ اِہ
 رب کسے نوں نہ دیوے۔ اِہ سہاگناں نوں ابھاگناں دے لیڈے پواندے
 نیں۔ اِہناں کارن ہی اِہ دھرتی دوزخ بنی ہوئی اے، جنہوں کدے ”فردوس بر
 روئے زمین“ کہندے ہوندے سن۔“

کفن سیتا گیا اے۔ میت نوں غسل دتا جا رہیا اے۔ گورکن نے قبر کڈھ

لئی اے، جنازہ چکن دا ویلا نیڑے آرہیا اے۔ بچے بڑی حیرانی نال اہ منظر دیکھ رہے نیں..... بچے، پئی جہناں دا بچپن تے بھولا پن..... ڈرتے دہشت گردی وچ گواچ گیا اے..... اہ بچے..... جیہڑے کدے کھڈونیاں نال نہیں کھیڈے..... اہ بچے جہناں کدے، کھڈونے دیکھے ہی نہیں نیں۔ ہاں! پستولاں تے بند وقاں دیکھیاں نیں۔ ہتھ گولے دیکھے نیں۔ پئی جہناں نوں کھیتاں وچ پئے ویکھ کے اے معصوم بچے کھڈو سمجھ کے چک لیندے نیں تے! اہناں نال کھیڈن لگ پیندے نیں..... تے جہناں دے پھٹن نال! اہناں بالاں دے پر نچے اڈ جاندے نیں..... اتے کئی تاں ساری عمر لئی اپاچ ہو جاندے نیں۔ اہ لوک شکاں دی دُھند وچ کبھدے رہندے نیں۔ ڈرتے چٹا وچ جیوندے نیں۔ اہناں دے جیون دا سچ راج نیقی دی صلیب اُتے قربان ہوندا رہندا اے۔

چار وچ رہے نیں۔ جنازہ چلن نوں تیار اے۔ لوکی کلمہ شہادت پڑھ رہے نیں۔ دوست تے سبندھی قاسم منہاس دے تالوت نوں موڈا دین لئی تیار نیں۔ جنازے دا جلوس چلن لگا اے۔ قاسم منہاس نوں اُہدی آخری آرام گاہ تیکر لے جان لئی، قبر وچ دفنان لئی۔

دریاؤں پارتوں مہن روناں دیاں چیکاں صاف سُنندیاں نیں۔ سوانیاں او تھے وی دین کر رہیاں نیں۔ روناں دیاں! اہناں واجاں وچ..... اک موٹی تے بھاری آواز او تھے دی مسیت دے لاؤڈ سپیکر توں اُبھر رہی اے۔ ”پنڈ والیو! بڑے دُکھی من نال تہا نوں اطلاع دتی جاندی اے پئی میرا نکا بھراہ قاسم منہاس..... ساڈے جدی پنڈ سلوتری وچ انتقال کر گیا اے۔ اُہدی غائبانہ نماز جنازہ ترکالیں چھو جے وڈی مسیت تیتری ٹوٹ وچ پڑھی جائے گی۔

مرحوم دی رُوح دے ثواب لئی ساریاں اگے عرض گزاری اے پئی غائبانہ نمازِ جنازہ وِچ شامل ہو کے ثواب کماؤ اتے دُکھ دی ایس گھڑی وِچ ساڈا غم وِٹاؤ۔

رب ساڈے ساریاں تے رحم کرے اتے سانوں اپنی حفاظت وِچ رکھے۔ مولا سانوں ساریاں نوں امن تے سکھ نال جین دی توفیق عطا کرے۔ آمین۔“

جنازے دا جلوس قبرستان پہنچ چکیا اے۔ قاسم منہاس دی میت قبر وِچ اُتاری جا چکی اے۔ امام صاحب مرحوم دی مغضرت اتے سوگواراں نوں اِہ صدمہ برداشت کرن دی ہمت لئی دُعا منگ رہے نیں..... دُعا.....، ہوا، پانی تے مٹی وِچ جذب ہو رہی اے۔ پئی جہناں دی کوئی سرحد نہیں ہوندی۔

من تن در داوِ لے

”ساہڈ اکشمیر گنٹھن“، دلوں اک وڈا جلسہ اندر ابھون وکھے چل رہیا سی۔ جیدے بچ کشمیر توں ہجرت کر کے آئے اقلیتی فرقے دے ہزاراں کشمیری شرکت کر رہے سن۔ آتک واد دے خلاف اتے کشمیر نوں بھارت نالوں دکھ کرن والیاں طاقتاں دیاں سازشاں نوں ہر قیمت تے ناکام بناؤن لئی دھواں دھار تقریراں ہو رہیاں سن۔ پنڈت گاش لعل کول دی تقریر سبھ توں ودھ جوشیلی سی۔ اوہ کہیہ رہیا سی۔

”اسیں کشمیر دے اصلی وارث آں۔ کسپ ریشی تے لن دید دا کشمیر ساڈا اے۔ کھن دی راج ترنگنی پڑھ کے دیکھ لو۔ تہانوں پتہ چلے گا پئی ریشی میناں دی ایس دھرتی اُتے ہزاراں ورہیاں توں ساڈا راج رہیا اے۔ کشمیر بھارت دا اٹوٹ انگ اے۔ جھیرے اہ گل نہیں مندے، اوہ کشمیر چھڈ کے اوس دیش وچ چلے جان جیتھوں اوہناں نوں آتک واد پھیلان لئی پیسہ تے ہتھیار

ملدے نیں۔ گاش لعل کول کشمیر بارے سرکاری عتی دی وی سخت مخالفت کر رہیا سی۔

”کشمیر بارے سرکار دی کوئی سپشٹ پالیسی نہیں اے۔ ایتھے مکر چکر دی کہانی..... ادھا تیل تے ادھا پانی والی گل اے۔ سرکار کدے کشمیر نوں بھارت دا اٹوٹ انگ کہندی اے اتے کدی اک حل ہون والا مسئلہ در ساندی اے۔ کدے اُگر وادٹوں جڑوں اُکھاڑن دی گل کردی اے اتے کدے ملی مٹناں نال گل کتھ کرن دا اعلان۔ انج پچھلی ادھی صدی توں ہو رہیا اے، پر نہ تے ہیر مکی اے نہ سرنگی ٹٹی اے۔ کشمیر بارے ساڈے لیڈر چھڑیاں یا ویاں مار دے نیں۔ جیویں انھے کتے ہواٹوں بھونکن۔“

اوہیں کشمیری دکھ وادی لیڈراں تے اُگر وادیاں نوں رج کے گاہلاں کڈھیاں تے منگ کیتی پئی کشمیر وچ اوہناں نوں دکھراہوم لینڈ وِتا جائے..... پنڈت گاش لعل کول دا بھاشن سُن کے لوکاں وچ اک نواں جوش تے ولولہ آ گیا..... تاڑیاں دی گونج وچ گاش لعل کول نے اپنی تقریر ختم کیتی اے۔

جلسہ ممکن مگروں تعریفاں دے بوہت سارے شبد وِل دی گئی وچ پاکے اوہ اپنے رہائشی کیمپ ول تَر پیا..... رگھوناتھ بازار وچ اوہیں اک بڈھا کشمیری دیکھیا۔ جس نے پھرن پایا ہو یا سی۔ اوہ سرتے چٹی پگ اتے موڈے اُتے پشمینے دا شال لٹکائی چل رہیا سی..... گاش لعل کول اچن چیت اوس ول ودھیا تے بے ساختہ اوہوں گلوکڑی پالٹی..... اتے کہن لگا:

”بندگی! جناب بندگی۔ خواجہ صاحب کہیہ حال اے تہاڈا۔ تئیں ٹھیک ہو؟ تہاڈے بچے راضی خوشی نیں؟“

”آہو پنڈت جی! سبھ ٹھیک نیں۔ رب دا شکر اے پی ہُن تیکر جی

ریہاں۔ تئیں دسو پنڈت جی! اتھے سبھ کُشل مَگل اے۔ تہاڈی صحت کیسی اے۔
تہاڈے بچے وی راضی خوشی نیں؟“..... ہڈھے نے گاش لعل کول ٹوں پُچھیا۔

آہو بڑو! بھگوتی دی رکر پات دتگیر صاحب دی دُعاواں نال
اسیں اتھے راضی خوشی ہاں۔ پر تئیں دسو بابا جی! کشمیر وِچ ہُن سبھ ٹھیک اے۔
او تھے دے حالات ہُن ٹھیک نیں۔ ہُن تاں او تھے کوئی تُخبری نہیں کردا؟ کیہہ
لوکی ساہنوں یاد کر دے نیں۔“ گاش لعل کول پُچھ رہیا سی۔

”..... اسیں اک پل لئی وی تہانوں نہیں بھُلے پنڈت جی۔ بھلا اسیں
تہانوں کَنج بھُل سکئیں آں۔ اسیں صدیاں توں اکٹھے رہے آں۔ بھایاں وانگر۔
امن شانتی نال، پیار محبت نال..... ساڈا خون اک اے۔ ساڈی نسل اک
اے۔ ساڈی بھاشا تے سبھیتا اک اے۔ ساہڈے گیت سانجھے نیں۔ ساہڈے
سنت فقیر سانجھے نیں۔ ساہڈے دھکھ تے خوشیاں سانجھیاں نیں۔ اسیں تہانوں
کَنج بھُلھ سکئیں آں۔ ساڈا وِجو تہاڈے بغیر ادھورا اے۔ باقی پنڈت جی!
او تھے کُجھ وی ٹھیک نہیں۔ کون تُخبر اے تے کون بُجاہد، کون دیش دھروئی اے تے
کون دیش بھگت، کون سرکاری اے تے کون جہادی، کُجھ پتا نہیں چلدا۔ او تھے
ہر کوئی اپنی چھاہنوں مٹھا کہندا اے۔ کھٹی تاں او تھے دی لوکا کی اے۔ وڈیاں
طاقاں پنچیاں پا کے لُچ سیک رہیاں نیں۔ اِنج سمجھو پئی رنڈی دے گھر منڈی لگی
ہوئی اے..... حالات اُنج ہی نیں جھیرے سولاں ورہے پہلاں سن۔ اک تے لہو
دانگا ناچ جاری اے۔ بربریت داراج اے۔ لوکی ڈاہڈے تنگ نیں۔ آری
ٹوں اک پاسے دندے ہندے نیں پر سانوں مارن والی آریاں دے دو پاسے
دندے نیں۔ سارا کشمیر سڑھ رہیا اے۔ ہر پاسے تباہی اے۔ پنڈت جی! رب
ساہڈے لیکھاں دے لپڑے کسے ٹوں نہ پوائے۔ ساہڈے تاں، اُجڑے باغاں

دے، گاڑھ پٹواری بنے ہوئے نیں،..... بڑھا بڑی مایوسی نال دس رہی سی۔
 ”بھگوتی تہاڑے تے رحم کرے۔ مُند ریشی کشمیر وچ امن قائم کرے
 اتے اسیں مُوسا رے اکٹھے رہ سکئے۔ گاش لعل کول نے کہیا۔

”اسیں وی دئیں راتیں ایہو دُعاواں مکندے ہاں۔ پر پنڈت جی!
 بُرا نہ منائیو..... میں تہانوں چکھانیاں نہیں۔ شاید بڑھاپے کارن میری یادداشت
 ساتھ نہیں دے رہی اے..... تہاڑاناں کیہ اے؟ اتے کشمیر وچ تئیں کتھے دے
 رہن والے او..... بڑھے کشمیری نے بڑے خلوص نال پنڈت گاش لعل نُون چکھیا۔
 ”..... خواجہ صاحب! بھلا میں وی تہانوں کتھے پچھانیاں اے۔ میں
 تاں تہانوں بالکل نہیں جاندا..... تہانوں کشمیری جُتے وچ دیکھ کے میں اپنے
 جذبات تے قابو نہیں رکھ سکیا اتے بے اختیار تہانوں گلوکڑی پالئی۔ تہانوں گلے
 لا کے میرے دل نُون ٹھنڈک جہی پے گئی۔ مینوں لکیا پئی تہانوں گلوکڑی پا کے
 جیویں میں کشمیر نُون گلے لالیا ہوئے..... تے پنڈت گاش لعل کول نے اک داری
 فیر بڑھے نُون گھٹ کے چھی پالئی۔ اتے بھاوکتا وس ہو دونواں دیاں اکھاں
 چوں جہلم دُبلھ پیا.....۔

ضمیر دی موت

”جناب! میرے نال چنے دی عارضی ایس پی او لگے سن، اہ سبھے
 خصوصی پولیس اہلکار تھان پکے سپاہی بنوادتے۔ کئی سپاہیاں نوں آپ جی نے
 اسپیشل گریڈ کانٹیبیل تے کانٹیبیلاں نوں ہیڈ کانٹیبیل بنوادتا۔ تہاڈی سفارش تے
 کجھ سب انسپکٹر، انسپکٹر پولیس بن گئے۔ صرف میں رہ گیا۔“ حضور! مینوں وی
 کانٹیبیل بنواد یو۔ سارے آپ جی دے گن گاؤندے نیں۔ پولیس لائن وچ سبھے
 تہاڈی جے جے کار کردے نیں۔ رکر پا کر کے مینوں وی پکا سپاہی بنواد یو۔ میرے
 بارے پولیس دے ڈائریکٹر جنرل صاحب نوں سفارش کردیو۔ میں آپ جی دا
 اہ احسان عمر بھر نہیں بھلاں گا۔“ ایس پی او اقبال اپنے سینئر سپرنٹنڈنٹ پولیس
 اگے رگو رگو ارہیاسی۔

دہشت گردی نوں جڑ توں اکھاڑن لئی جتھے فوج، پیرا ملٹری فورس اتے
 پولس بڑی دلیری نال دہشت گردی دے خلاف لڑ رہی سی، او تھے سرکار نے

ہتھیار سٹن اے قومی دھارے وچ شامل ہون والے سابقہ ملی ٹینٹاں (Militants) اے بے کار نو جواناں نوں وی عارضی طور تے بھرتی کیتا ہویا سی۔ تاں جے آئی۔ ایس۔ آئی اے دہشت گرداں دی سازش نوں ناکام بنایا جاسکے۔ فوج اے پولس دے جواناں نوں دہشت گرداں نوں مارن اے بہادری دے کارنامے کرن اے تمنغے ملدے۔ ترقی وئی جاندی تے نقد انعام وی ملدا۔ اے عارضی بھرتی کیتے گئے ایس۔ پی۔ اوکے سپاہی بنا دتے جاندے۔

”اقبال جدو اتوں بھرتی ہویا ایس۔ توں کوئی دلیری دا کارنامہ نہیں دیا، تے نہ ہی تیرے ہتھوں آج تیکر کوئی ملی ٹینٹ مر یا اے۔ فیر میں تیری سفارش کنج کر سکناں۔ پہلوں کسے دہشت گردوں مار یا زندہ پکڑ لیا۔ فیر اپنے لئی کچھ منگیں۔“ ایس ایس پی صاحب نے اقبال نوں سمجھایا۔ ”حضور! مائی باپ! میں وی تاں ہر کاروائی وچ نال نال رہیاں۔ جتھے وی آپ نے بھیجیا، میں خوشی نال گیا۔ کدے آپ جی دی حکم عدولی نہیں کیتی۔ ایکشن وچ حصہ لیا۔ اہ میری بد قسمتی سی پئی میرے ہتھوں آج تیکر کوئی ملی ٹینٹ نہیں سی مر یا۔ پر سرکار! پرسوں ساڈی پولس دی ٹکوی نورگی وچ گشت لگا رہی سی۔ میں اک دہشت گرد نوں جنگل وچ لکھیا ہویا دیکھیا۔ میرے لکارنے تے اُہنے اپنی بندوق نال گولیاں چلائیاں شروع کر دتیاں۔ اے دو ہتھ گولے سٹے۔ میں کیوں جو پوزیشن لے رکھی سی ایس لئی اُہ مینوں کوئی نقصان نہیں پہنچا سکیا۔ جد کہ میں اُہدے اُتے نشانہ بنھ کے گولی چلائی، اے اُہ ڈھیر ہو گیا۔ اوس سالے نوں میں چٹکھا دتا سی۔“

”اُہدی بندوق کتھے اے اے لاش.....؟“ ایس ایس پی صاحب نے پچھیا۔ ”جناب! بندوق تاں شاید اُہدے ساتھی لے گئے نیں پر اُہ لاش او تھے ہی چھڈ گئے۔“

”اقبال! تیری کہانی وچ کوئی دم نہیں لگدا۔ تیری گل دا یقین کنج کیا جائے۔ تیرے کول کوئی ثبوت اے پئی اوس دہشت گردنوں توں ہی ماریا اے؟“ ایس ایس پی صاحب نے پچھیا۔

”ہاں جناب! ہاں! میرے کول پکا ثبوت اے۔ میں اج ثبوت نال تہاڈے کول آیا واں۔“

..... اتے فیر..... اہ کمرے وچوں باہر گیا اتے اردلی کول رکھیا ہو یا اپنا تھیلا لے کے ایس ایس پی صاحب دے کمرے اندر آ گیا۔ اُہنے تھیلے دا مونہہ کھولیا۔..... اتے اوس وچوں اک کٹیا ہو یا انسانی سر باہر کڈھیا..... تے ایس ایس پی صاحب دی میز اُتے بڑے فخر نال رکھ دتا اتے بولیا ”اہ لٹو ثبوت میری سرکار! ہن تاں تہانوں یقین آ گیا ہو وے گا کہ میں وی ملی ٹینٹ نوں مار سکناں واں۔“

اتے..... اتے ایس ایس پی صاحب اپنی میز اُتے کٹے ہوئے انسانی سر نوں دیکھ کے سکتے وچ آ گئے۔

معاوضا

روئے وِچ مرن والیاں دے پر یواراں توں سرکار نے پنجابہ پنجابہ
 ہزار روپے معاوضا دین دا اعلان کیتا..... مرن والیاں وِچ چوہدری مقبول حسین
 دا جوان پتر ڈاکٹر اصغر علی وی سی..... پئی جیدے نال ویاہ کران دا معاوضا
 چوہدری صاحب..... کوٹھی، کارتے پنج لکھ روپے نقد منگدے ہندے سن۔

دُشنی

مینوں پھلاں دی وادی وِچ پُچن دی بڑی تانگھ سی۔ پیڈا بڑا اوکھا سی۔ میں خوبصورت وادی وِچ چھیتی توں چھیتی پہونچن لئی اوکھے راہ نُوں پھلانگ رہیا ساں۔ منزل جدتھوڑی دُور رہ گئی اتے وادی بالکل ساہنے دِسن لگی تاں مینوں اک ہور مسافر راہ وِچ سُنا پیا ملیا۔ میں اوہنوں جگایا تے اپنے نال چلن دی دعوت دتی تاں جو خوبصورتی دا آئندہ سانجھیاں ہو کے مانئے۔ پراوہ میرا راہ روک کے بہہ گیا تے کہن لگا۔

”پھلاں دی وادی تے صرف میرا حق اے۔ اوکھے ہور کوئی نہیں جاسکدا۔“ میں اوہنوں چھنڈ کے پراں ماریا تے اپنی منزل ول فیر ودھن لگا۔ کُجھ ہی قدم چلیا ساں کہ میرے پیر وِچ اک کنڈا اُچھیا۔ میں پڑ نال بے حال ہو گیا۔ اوہ میرے کول آ کے خوب ہسیا۔ گڑا کے مارن لگا تے کہن لگا ”تیری راہ وِچ کنڈے میں وِچھائے نیں۔ توں میتھوں اگے نہیں جاسکدا۔ خوبصورت وادی میری اے۔“ تے اوہ میتھوں اگے لگھ گیا۔ مینوں بوہت غصہ آیا تے میں بدلہ

لین دا فیصلہ کر لیا۔ میں اپنے پیر وچوں کنڈا کنڈھیا تے دوڑ دا دوڑ دا اوس توں
 بوہت اگے لنگھ گیا۔ فیر میں وی اوس دے رستے وچ کنڈے وچھا دتے۔ اوس
 دے پیر وچ وی کنڈا اچیا۔ انج چوکھے چر تک چلدا رہیا۔ اسیں دونویں پھلاں
 دی وادی وچ نہیں پہنچ سکے کیوں جے ساہڈی زندگی دے پیر کنڈیاں نال چھلنی
 ہو چکے سن۔

قیامت

ست پیالے مٹی دے دکھ دکھ رنگاں 'چ' ڈبے سوہنے پھل
بوتیاں نال بچے اوہدی بخش ہوئی خیرات

تے میں بھکھا، تراہیا صدیاں دا اک رنگ دا ٹھوٹھائی
خالم خالی کلم کلا کسے مینوں خیر نہیں پائی کسے میرا رنگ نہیں دیکھیا
میں سُنم سان جنگلاں داراہی گمنام وادیاں 'چ' بھکھا رہیا نسل در
نسل اک صدی توں دوجی صدی تک

فیر اک مست ہلارا ست پیالے مٹی دے دکھ دکھ رنگاں 'چ'
ڈبے سوہنے پھل بوتیاں نال بچے ٹٹ گئے تے ٹھوٹھا بھروچ گیا
اک رنگ دا صدیاں دی بھکھ مٹ گئی - اتے میں اک ساگر بن گیا -
اوس دن توں اوہنیں گلے 'چ' اک پھٹی لٹکائی، جس تے لکھیا سی ”قیامت آ
گئی اے۔“

بھید بھلیکھے

اچ دیاں اخباراں دی سُرخِ کل میں آپ اپنی اکھوں ویکھی سی۔ کل
 میریاں اکھاں ساہنے اک لاش د اقل ہو یا سی۔ لاش جیہڑی اک بوہت
 وڈے ساگم 'ج بھاشن دے کے آرہی سی۔ بھاشن ملک دی سلامتی اتے قومی
 ایکتا جے مسلیاں اُتے دہشت گردی کارن پھیلی تاہی بارے۔ تقریر بڑی دل
 کچھو یں سی۔ لفظاں دی جادوگری نے تقریر سُنن والیاں نوں بھتہ کے رکھ دتا
 سی۔ چچیاں نے خوب تعریفاں دے پل بھتے۔ لاش بڑی خوش سی۔ جلسہ ملکن
 نگروں لاش اپنی کار وچ سوار ہو کے گھروں جارہی سی کہ اوس وڈے چوٹک 'ج
 زندگی نے اوہنوں اک پل لئی جھروٹا یا تے فیر ہمیشاں لئی چپ کرا دتا لاش
 نوں مردیاں کئی ہو راکھاں نے وی ویکھیا، پر اہ ساریاں انھیاں سن، ایس لئی
 لاش نوں کنج بچاندیاں

پراوتھے اک قتل ہو روی ہو یا سی۔ قتل اک رُوح دا۔ پر رُوح د اقل
 اخباراں دی سُرخِ نہیں بن سکيا۔ رُوح جیہڑی گوکل توں دُھ دیاں گاگراں

لے کے سستی دل جا رہی سی تاں بے مٹھے دُھ دیاں دھاراں نال میلے دِلاں
 نُون دھو سکے۔ گندے لہو نُون صاف کر سکے اتے رنگاں وِچ پریم امرت گھول
 سکے..... رُوح نے جد لاش نُون موت دِیاں ہتھیاں وِچ تڑف دیاں ویکھیا تاں اوہ
 کنبھ گئی..... تے اوہنوں بچان لئی وحشی گرم ہواواں نُون روکن لگی..... اک نُون
 پھڑن لگی..... تے آپ وی قتل ہو گئی۔

..... اتے اج اخباراں دی سُرنی پڑھ کے لاش دی ارتھی دے جلوس
 'وِچ ہزاراں اٹھ شامل ہوئے سن۔ شمشان بھومی وِچ ٹیلی وِژن کیمریاں دِیاں
 اکھاں کھلیاں سن۔ شمشان وِچ ہون والے تماشے نُون ٹیلی وِژن چینلاں تے
 دکھان لئی کیمرے چل رہے سن۔ کیمریاں دِیاں اکھاں 'وِچ چوکی طاقت سی۔ بڑی
 کچھ سی۔ اُہ رنگ برنگے اشتہاراں نُون پُچن پُچن کے فوکس کر رہیاں سن۔
 شر دھالو پھلاں دے ہار لئی اڈیک رہے سن تاں بے ارتھی نُون عقیدت دے
 پھل ارپن کپتے جاسکن..... فیر کیمریاں دِیاں اکھاں نے ویکھیا پئی دوارتھیاں
 دکھ دکھ رستیاں ولوں شمشان وِچ داخل ہو یاں..... اک ارتھی نُون قومی جھنڈے
 وِچ ولیٹ کے کاراں دے جلوس وِچ لیا یا جا رہیا سی۔ جد کہ دوجی ارتھی نُون
 صرف چار رُوحاں نے موڈھا دے کے شمشان وِچ لیا ندا سی۔

..... لاش نُون سرکاری اعزاز نال چٹا تے رکھیا گیا۔ فلیش گناں نے
 سارے ماحول وِچ چانن کر دتا سی۔ نیتا لوک ارتھی تے پھلاں دے ہار رکھ دے
 جا رہے سن تے بڑے دکھئی من نال فوٹو کچھو ارہے سن اتے خراج عقیدت پیش
 کر رہے سن، تاں بے اگلے دن دِیاں اخباراں دی سُرنی بن سکے..... پر دوجی
 ارتھی ول کسے نے اک وی پھل نہیں سی سٹیا۔ کسے وی کیمرے دی فلیش دوجی
 ارتھی ول نہیں سی پئی۔

..... چٹاؤں اگ لگن دے نال ہی سارے اٹھے اپنیاں اپنیاں کاراں
 وچ بہہ کے گونگے محلّاں وچ جا لکے۔ تاں جو بے حس جسمّاں نوں وحشی گرم
 ہواواں توں بچایا جاسکے۔ لاش چٹا وچ بلدی رہی۔ ڈوم ویکھدا رہیا۔ جد
 شمشان چوں شاں شاں کردیاں چگا دڑاں اڈگیاں اتے شانتی بحال ہوئی تاں
 ڈوم نے اک چٹا ہو رہی بنائی..... چارے روحاں نے مل کے قتل ہوئی روح نوں
 چٹا تے رکھیا..... اک روح نے چٹاؤں اگ سلگائی۔ اگ پھیلن لگی..... اگ
 دے بھانڈ بنے۔ چارو روحاں مقتول روح نوں سڑھداں ویکھن لکیاں.....
 بھانڈ وچ روح تے لپیٹا ہو یا کفن سڑھیا۔ روحاں ویکھدیاں رہیاں۔
 فر..... کچھ چرگروں اگ ٹھنڈی ہو گئی۔ چارو روحاں جان لکیاں..... پر
 اک آواز نے اوہناں نوں چونکا دتا۔ اوہناں کچھ مڑ کے ویکھیا۔ سواہ دے
 ڈھیر وچوں قتل ہوئی روح زندہ سلامت باہر نکل آئی..... تے ہس کے بولی۔
 ”بھلا روح وی کدے مری اے۔ روح سدا زندہ رہندی اے۔
 روح کدے نہیں مردی۔ مردیاں تاں لاشاں نیں۔ انھیاں، بے حس تے
 گونگیاں لاشاں۔

پیشن گوئی

اے آون والے یگ دی گل اے۔ پئی اوس یگ 'ج حالات اچھے ہو
گئے کہ مہا پڑکھاں پہلی داری اپنے اُتے اسمانی قہر نازل ہندیاں ویکھیا۔ جیتھے
مہا تما لوک رہندے سن، او تھے اک طوفان آیا۔ بڑا ای بھیا نک۔ پتھراں دے
گڑے پیئے تے ریتے دی ورکھا ہوئی۔ مہا پڑکھاں دے بھگوان مہا راج
ادھیراج دا کہنا سی پئی اسمانی قہر اوہناں تے نازل نہیں ہو سکدا۔ اُہ کہن لگے
’’اسیں تاں اسمانی حکم دی پالنا کردیاں اے سنسار چلا رہیاں۔ اسیں
اسمان دی سبھ توں پیاری مخلوق آں۔ اسمان ساہڈے اُتے مہربان اے۔ اے
طوفان تاں کیڑے کوڑیاں دے پرکڑھن کارن آیا اے۔‘‘
خیر..... طوفان بھیلن لگاتے مہا پڑکھاں نے اوس 'ج اپنا سبھ گُجھ رُڑھ
جان دا خطرہ محسوس کیتا۔ شیشیاں دے گھر چکنا چور ہون لگے تے چار چوہیرے
ہاہا کارنچ گئی۔

فیرانچ ہو یا پئی سارے مہا پڑکھ طوفان توں بچن لئی آون والے یگ

’چوں نکل کے بیتے زمانے’ بچ آگئے۔ اُہ سارے قدیم دور دی تاہنگھ ’بچ جنگل
 بیلیاں، پہاڑاں، وادیاں، ماروتھلاں تے ساگراں ’بچ سفر کرن لگے۔ تاں
 جے اپنے لئی کوئی محفوظ تھاں لہ لین تے او تھے پناہ لے سکے..... مہا پُرکھاں دے
 ایس قافلے دی اگوائی بھگوان ادھیراج آپ کر رہے سن۔ اُہ سارے سونے
 چاندی دے رتھاں ’بچ سوار سن..... اپنے دلداراں، پرواراں سمیت۔ اوہناں
 کچھ حفاظتی دستے دے ویرجوان پیدل چل رہے سن..... زرہ بکتر پائے، پتر
 تفنگ، نیزے، برچھیاں نال لیس..... تاں جو مستقبل دے دشمن تُوں موت دے
 گھاٹ اُتاریا جاسکے۔ اتے طوفان دے کلاوے چوں نکلیا جاسکے۔ کارواں
 چلدا جا رہیا سی تے مہاراج ادھیراج دیاں عقاباں نظراں کسے پناہ گاہ تُوں
 ڈھونڈ رہیاں سن۔ سفر تھکا دین والا، اتے رستہ اوکڑاں بھریا سی۔ ریتے دی
 دُھپ تے سفر دیاں مشکلاں دے باوجود..... سارا قافلہ مہاراج دی اگوائی
 بیٹھ..... اک اجہی تھاں تے جاڑ کیا جتھے کبیر دے ویلے دا اک بوہت مضبوط تے
 محفوظ قلعہ بنیا ہو یا سی۔ اوس قلعے ’بچ کبیر دی ساری دولت دھرتی تھلے محفوظ پئی
 سی۔ پر قلعے دے دربان دے سینے اُتے لکھیا سی۔

کاگا کرنگ ڈھنڈولیا سگلا کھائیو ماس

دوئی نیناں مت چھوئیو پر دیکھن کی آس

پر قافلے دے سردار ادھیراج نے قلعے اندر وڑھدیاں ای سبھ توں
 پہلاں کم اہ کیٹا کہ دربان دیاں دونویں اکھاں کڈھ کے کھالیاں تاں
 جو پر دیکھن دی آس سدا سدا ہی منک جاوے۔ مہا پُرکھاں دا قافلہ بڑی شان
 نال قلعے اندر داخل ہو یا۔ قلعے دی خلقت کاٹھ دی ہانڈی وچ روٹی پکا رہی سی
 تے میل کے گا رہی سی۔

روٹی میری کاٹھ دی لاون میری بھکھ

جہاں کھا دیاں چو پڑیاں گھنے سہن گے دھکھ

مہا پُر کھاں دی بڑی آؤ بھگت ہوئی۔ اوہناں دا سوہنا سواگت کیتا گیا۔ مہا پُر کھ چو کھے خوش ہوئے۔ نیر اوہناں سو چیا پئی قلعے دی خلقت تُوں کیوں نہ ماضی دے حقیقی رنگاں 'بچ رنگ دتا جاوے۔ اوہناں فیصلہ کیتا پئی قلعے دی خلقت تُوں چو پڑیاں کدے نہیں کھان دیاں گے۔ اتے گھنے دھکھاں 'بچ کدے گرفتار نہیں ہون دیاں گے سگوں اوہناں دیاں ہڈاں دا بالن بال کے کاٹھ دی ہانڈی 'بچ بھکھ اُبالاں گے تے اوہناں تُوں چو کھا راج لو اواں گے..... فیر اک دن مہاراج ادھیراج نے قلعے دے اک اُچے بُرج تے چڑھ کے سھناں اگے اپنے بھگوان ہون دا اعلان کیتا..... اوہناں خلقت تُوں بلا کے کاٹھ دی ہانڈی دیاں تُوہیاں نال بھری اک کتاب اوہناں تُوں بخشی۔ سارے مہا پُر کھاں مل کے اوس پُتک تُوں مہاراج ادھیراج دی پوتر بانی دا رُوپ دتا..... اُہ بانی ساری خلقت نے زبانی یاد کر لئی۔ جھیتی ہی کتاب دے رُوپ نے اپنے چالے دکھانے شروع کیتے۔ قلعے دی ساری خلقت کاٹھ دی ہانڈی دی شردھا لو بن گئی۔ اُہ لوکی کاٹھ دی ہانڈی دیاں کئی مورتیاں بنا کے آؤن والیاں نسلان لئی محفوظ کر گئے..... مہاراج ادھیراج اتے مہا پُر کھ اوہناں دے پیش کیتے عقیدت دے پھلاں تُوں اپنی جھولی 'بچ پاوندے رہے۔ گبیر دی دولت دے خزانے دھرتی اندر ودھیرے محفوظ ہندے گئے۔ خزانیاں دی ملکیت، مختاری تے سرداری مہا پُر کھاں دے جھے آئی اتے شردھا، عقیدت، وفاداری تے تابعداری قلعے دی خلقت دا فرض قرار پائی.....

مہا پُر کھاں دی کرپا نال قلعے دیاں دیواراں اُچیاں تے پکیاں ہو

گیاں نیں۔ ہُن اوہناں ٹوں قلعے اُتے کسے دشمن دے حملے دا ڈر نہیں رہیا۔ کسے
 طوفان دا خطرہ جاں ہڑھ وچ رڑھ جان دا تو کھلا نہیں رہیا۔ خلقت کا ٹھہ دی
 ہانڈی دی پُجاری اے..... تے مہاپُرکھ قلعے اندر بے خوف ہو کے بڑی شان نال
 شیشیاں دے گھر اُسار رہے نیں۔ اوہناں دے گُورو، مہاراج ادھیراج دا
 فرمان اے پئی اوہناں نے ویلا اپنی مُٹھی 'بچ بند کر لیا اے..... سے دی پگچی مڑوڑ
 وتی گئی اے۔ ون رات اوہناں دے قیدی نیں..... ہُن مُستقیل کدی نہیں
 آسکدا۔

قلعے دی ساری خلقت مہاراج دی ہر گل ٹوں..... پتھرتے پئی لیک
 سمجھدی اے، تے پراچین کال دے دستور مطابق اُہ روز مہاپُرکھاں دے ہر حکم
 اگے سر جھکا ندی اے۔

سارے ہی بخش ہن کیوں جے سنار بھلی بھانت چل رہیا اے۔

علی بابا چالی چور

غریباں مسکیناں دی ہر ویلے مدد کرن و جوں اللہ دین داناں سیاسی
تے سماجی حلقاں وچ چھیتی ہی مشہور ہو گیا۔ دلش سیوا دے کتاں وچ ودھیرے
حصہ لین کارن سرکار نے اللہ دین نوں علاقائی ترقیاتی کمیٹی دا ممبر نامزد کر
دتا..... اللہ دین نے کمیٹی دیاں میٹنگاں وچ شامل ہون توں پہلاں سارے
علاقے دے حالات دا صحیح جائزہ لین دا فیصلہ کیتا۔ اوہنیں نہادھو کے نماز پڑھی
اتے فیر پراچین کال دے بنے ہوئے ٹھڈھ دھا تو والے دیوے نوں اپنے
پُرانے صندوق وچوں کڈھ کے ہتھ نال رگڑیا۔

رگڑ کھاندے سار ہی دیوے وچوں جن سلیمان نکلیا تے اللہ دین دے
سامنے سینہ تان کے کھلو گیا اتے موٹی گردن نوں نیویاں کردیاں ہویاں بڑی
عاجزی نال پچھن لگا:

”کیہ حکم اے، میرے آقا! تئساں ایس سائنسی ترقی دے یگ وچ

میںوں کپوں یا دفرمایا۔“

اللہ دین نے جن سلیمان نال دیش دی ستھی اتے اج دے منکھی مسلیاں بارے اپنے وچار سانجھے کہیتے تے اوس نوں حکم دتا کہ اوہ سارے علاقے دا دورہ کرے۔ حالات دا جائزہ لیوے اتے لوکاں دی صحیح حالت تے ترقی لئی ہو رہے کماں بارے اوہنوں اک ہفتے دے اندر اندر لکھتی رپورٹ پیش کرے۔

ست دن ملن مگروں جد اللہ دین نے اپنے دیوے نوں مڑرگڑیا تاں جن سلیمان، بڑا نمو جھان تے مُنڈی ڈھلی سٹیاں ہو یاں اپنے آقا سامنے آن کھڑوتا۔
 ”کیہ حکم اے، میرے آقا؟“

”تینوں میں علاقے دی اُنٹی اتے عام جتنا دے حالات بارے ویر دا دین لئی ست دناں دی مہلت دتی سی۔ کیہ توں اپنا کم پورا کر لیا اے۔ میں ترقیاتی کمیٹی دی میٹنگ وچ پوری تیاری نال شامل ہونا چاہتاں واں۔“

”میں اپنا کم مکا لیا اے میرے آقا! سارے علاقے دی آپ بیتی تے جگ بیتی اپنی اکھوں دیکھی اے، اتے اک خفیہ رپورٹ حضور دے گوہ کرن لئی تیار کیتی اے۔ جے حکم ہو یے تاں رپورٹ پیش کراں۔“

”پیش کرو.....“ جن سلیمان نے اپنی واسکٹ چوں گُجھ میلے جے کاغذ کڈھے تے اللہ دین دے ہتھ پھڑاندیاں ہو یاں بولیا۔

”حضور! کوئی ہو رسیوا ہو یے تاں غلام حاضر اے۔“

”نہیں۔ ہُن توں جاسکناں ایں۔“ تے جن سلیمان غائب ہو گیا..... اللہ دین نے رپورٹ نوں بڑے غور نال پڑھیا۔ رپورٹ مطابق گُجھ چور اُچکے ضرور چوہدری بن گئے سن پر علاقے دے عام لوکاں دی حالت بڑی ماڑی سی۔ خاص کر دُور دراز تے پہاڑی تھانواں اُتے رہن والی جتنا دی حالت قابلِ رحم سی۔ اللہ

دین ٹوں رپورٹ داہرورتہ پچھو بن کے ڈنگ مار رہیا سی۔ رپورٹ مطابق.....
 لوکاں دی حالت سُدھارن لئی سرکار ولوں بنایاں گیاں سکیمیاں بڑیاں ودھیاں نیں۔
 پراڈہناں سکیمیاں تے عمل زیادہ تر کاغذاں پتراں تے ہی ہندا اے۔ مو قعے تے
 صرف ہاشم دا پکھا ہی لہدا اے۔ گرامین وکاس دیاں اکثر سکیمیاں ادھیکاریاں تے
 کھڑ پنچاں دا وکاس کر رہیاں نیں..... غریباں ٹوں غربت دی سطح توں اوپر چلن لئی
 سرکاری امداد بڑی سینہ زوری نال غریباں کولوں ہتھیا ئی جاندی اے۔ بین دے
 پانی، آبپاشی، بجلی، سڑکاں، تعلیم اتے علاقے ٹوں آرتھک طور تے خوشحال بنان لئی
 سکیمیاں اُتے ہر سال کروڑاں روپے خرچ دیا جاند اے پر فیرو ی علاقے دا چوکھا
 حصہ حالیں وی پسماند اے تے لوکی پچھوے ہوئے نیں۔ مثال وجوں..... بجلی لئی
 اک ڈیم اُتے پچھلے کئی سالوں توں کم ہو رہیا اے۔ ارباں روپے خرچ ہو چکے نیں
 پر ڈیم حالیں وی تیار نہیں ہويا۔ پر ڈیم بنان اتے بنوان والیاں دیاں ڈیم
 ورگیاں کوٹھیاں ضرور بن گیاں نیں۔ معمولی نوکری لئی وی بولی اک لکھ ٹوں اوپر
 شروع ہندی اے..... فرض شناسی، قومی کردار، نظم تے ضبط جے شبد اں والے
 ورتے ڈکشنریاں چوں پھاڑ دتے گئے نیں۔ سرکاری پیسے داغبن ہندو، مسلمان،
 سکھ تے عیسائی دا سانجھا دھارمک فرض بن گیا اے۔ سرکاری پنچاں توں لے کے
 فیصلہ لین والیاں میزاں تے گریساں موہ مایا دے دل کھویں رنگاں نال چمک
 رہیاں نیں۔“

رپورٹ دیکھ کے اللہ دین بڑا دکھی ہو گیا تے گردن ڈھلی سٹ کے سوچن
 لگا کہ سرکاری پرچار ایجنسیاں تاں علاقے دی بڑی سوہنی تصویر پیش کر دیاں نیں۔
 کتے جن سلیمان ٹوں دھوکھا تاں نہیں لگا؟ اوہ کتے گوانڈی دیش دے حالات تاں
 نہیں دیکھ آیا؟ جہاں دا ذکر اکثر ساڈے اخبار، ریڈیو تے دُور درشن کردے

رہندے نہیں۔ اوہنوں شک ہو یا۔ اوہنیں اک وار فیر دیوے نوں رگڑیا تے جن سلیمان نوں پچھیا۔

”اہ توں کس علاقے دی رپورٹ تیار کیتی اے؟“

”حضور والا! تہاڈے علاقے دی۔ جس وچ تئیں رہندے او۔ ہور

کسے علاقے وچ تاں مینوں جان دا حکم ہی نہیں سی۔ میں کچ جاسکد اساں۔“

”کیہ ایہ رپورٹ بالکل صحیح اے؟“

”بالکل صحیح۔ سو فیصدی سچی۔ میرے تے تہاڈے ناں وانگر سچی۔ آقا!

تئیں غلام تے شک نہ کرو۔ غلام نے اج تیکر تہانوں ہمیشاں سچ ہی دیا اے۔ جے

تئیں چاہو تاں اپنی اکھوں سبھ کُجھ دیکھ سکدے او۔ میں تہانوں سارے علاقے دی

سیر کرالیا ناں۔“..... اللہ دین علاقے دا دورہ کرن لئی تیار ہو گیا۔ جن سلیمان نے

اللہ دین نوں علاقے دا دورہ کرایا۔ اللہ دین نے سارے کماں نوں دیکھیا۔ لوکاں

دی حالت دیکھی تے مڑ اپنی گھلی وچ آ گیا۔ اوہنیں جن سلیمان نوں جان دی

اجازت دے دتی۔

..... فیر اک دن اللہ دین نوں ترقیاتی کمیٹی دی میٹنگ وچ حصہ لین دا

سدا ملیا۔ اوہ پوری تیاری کر کے گیا۔ میٹنگ، سٹیم، شوم ہال وچ شروع ہوئی۔ اک

پاسے علاقے دا سرکاری پردھان اتے کمیٹی دا جیرمین جناب علی بابا اک وڈی

گُرسی تے براجمان سی۔ اوہدے نال اوس دے چالی جھان دکھ دکھ گُریاں تے

بیٹھے سن۔ ایہ سارے جھان علی بابے دے مشیر سن۔ دوجے پاسے کمیٹی دے ممبر

صاحبان تشریف رکھدے سن۔ علی بابا دے چالی مشیر دکھ دکھ سرکاری محکمیاں دے

وڈے افسر تے اپنیاں اپنیاں محکمیاں دی کارگزاری بارے پورا ویرا نال

لیاے سن..... کاروائی شروع ہوئی۔ علی بابا جی نے سرکارولوں علاقے دی ترقی لئی

وہ وہ سیکڑاں وِچ دتے گئے پیسے دی تفصیل پڑھ کے سُنائی۔ فیروہناں ہر اک مُشرِئوں اپنے اپنے محکمے دی کارگزاری بارے تفصیل نال ویروادین دی ہدایت کیتی اتے ممبراں نوں سوال کرن نالے وضاحت ممکن دی اجازت وی دتی۔ مُشرِ وارو داری اپنیاں محکمیاں وِچ ہو رہے کماں بارے اتے خرچ کیتے گئے پیسے دا حساب دن لگے..... ہر ممبر اپنے اپنے پنڈ، گراں بارے سوال کرن لگا۔ ممبر محکمیاں دی کارگزاری بارے مطمئن نہیں سن ہو رہے۔ پروہناں نوں بڑے خوبصورت شبدان نال تے کجھ ہتھاں تے اکھاں دے اشاریاں نال سنشت کرن دا جتن کیتا جارہیا سی..... پر اللہ دین ایہ اشارے نہیں سی سمجھ رہیا۔ اوہنوں خوبصورت شبد وی سَنگھیوں پٹھاں نہیں سن اُتر رہے۔ اللہ دین نے مُشرِاں ولوں پیش کیتی گئی کارکردگی نوں مایوس کُن دسدیاں ہویاں پڑھے گئے ویروے تے اکڑیاں نوں جھوٹھ دا پلندہ دسیا اتے علی بابے جی اگے منگ کیتی کہ اوہ ممبراں نوں گمراہ کرن دے جرم وِچ اپنے مُشرِاں دے خلاف سخت کاروائی کرن۔ کیوں جو سرکاری کماں دے ناں اُتے قومی سرمایے دا غبن کیتا جارہیا اے۔ اللہ دین نے ادھیکاریاں ولوں چائی گئی لُٹ کھسٹ دے بے شمار واقعات دے۔ ثبوت پیش کیتے..... پر اللہ دین دیاں گلاں نوں سارے مُشرِاں نے اک آواز ہو کے سرکار نوں بدنام کرن دی سازش قرار دتا۔ نالے اپنے اُتے ذاتی حملہ کیہا۔ اوہناں چوکھا شور شرابا مچایا تے اللہ دین نوں غلط بیانی کرن اتے لوکاں وِچ جمہوری سرکار دے خلاف بے چینی پھیلان دے جرم وِچ گرفتار کرن دی منگ کیتی.....

علی بابے نے بڑی مُشکل نال اپنے مُشرِاں نوں ٹھنڈیاں کیتا تے اوہناں نوں اپیل کیتی کہ اوہ اپنے جذبات قابو وِچ رکھن۔ اتے سچے جذبے نال قومی ترقی دے کماں نوں کری جان۔ اوہناں کیہا کہ ایہ مُلک اک جمہوری دیش اے۔ اتیہ

ہر اک ٹوں اپنی گل کہن اتے ٹلتے چینی کرن دا پورا حق اے۔ علی بابا جی نے اپنے
مُشر اں ٹوں سمجھایا۔

”اللہ دین ہوری اج پہلی واری کمیٹی دی میٹنگ وِچ شامل ہوئے نیں۔
اوہناں دیاں غلط فہمیاں دُور کرنا ساڈا فرض اے۔ میرا یقین اے کہ ہولی ہولی اوہ
سبھ کجھ سمجھ جان گے۔“

اللہ دین، علی بابا دا بھاشن سُن کے بڑا دکھی ہو یا تے چُپ چاپ میٹنگ
وِچوں اُٹھ کے اپنے گھر مُڑ آیا۔

سیاست

یو والوک پر چار سمتی ولوں دیش بچاؤ ہفتہ منایا جا رہی سی۔ روز نویس
 نسل دے مایوس تے حیاتی تُوں ٹٹے ہوئے نو جوان تقریراں کر دے۔
 ”ملک خُدا دا۔ قبضہ ایرے گیرے نتھو خیریاں دا۔ اعلان کیتا جاندا
 اے کہ ایس دیش وِچ چور اُچکے چوہدری تے لُنڈی رن پردھان اے۔ اتھے سچ
 دی فصل اُگانا تے محنت دی کمائی کر کے ڈھڈ پالنا حرام اے۔ اتھے گن تنتر، پر جا
 تنتر تے سوتنتر سبھ من پرچون دے منتر نیں۔ اتھے پر جاتنتر دی مریدا بھنگ ہندی
 رہویے گی۔ کیوں جے پر جتا آزادی دی بھنگ پی کے سُتی پئی اے۔ اوس
 آزادی دی بھنگ دے نشے وِچ پُورا اے، جس دی دین۔ بیروزگاری، فرقہ
 پرستی، علاقہ پرستی، بد امنی، رشوت، تسکری، بے ایمانی تے مہنگ پائی اے.....“
 دیش بچاؤ ہفتے کارن سکولاں، کالجاں تے یونیورسٹی ’سچ حاضری
 ناں جوگی سی۔ پروڈے تے شریف گھراں دے ودیا رتھی اپنیاں اپنیاں کلاساں
 وِچ جان دے سن۔ اونہاں تُوں ایس طرحاں دے ڈھونگ رچان والیاں نال

کوئی دلچسپی نہیں سی۔ اوہ تاں اپنا ودھ توں ودھ سماں پڑھائی ول دینا چاہندے سن تاں جو پڑھائی ختم کرن مگروں وڈیاں وڈیاں پدویاں حاصل کر سکن۔ بیوپار اتے سیاسی کاروبار وچ سرگرمی نال شامل ہو کے عملی طور تے ملک دی سیوا کر سکن۔ کلاساں وچ جان والے ودیا رتھیاں وچ مشہور جنتا سیوک گنڈا مل شاستری داپٹر..... لکھن وی سی، جیہڑا کدے کدے کالج چُونک کول دھرنا مار کے بیٹھے ہوئے اپنے ساتھی ودیا رتھیاں دا تماشہ دیکھن لئی گجھ پل کھڑو جاند ا۔ اوہ ودیا رتھی لیڈر رام نوں تقریر کردیاں ویکھدا رہندا۔

’دوستو! اتھے آزادی دے مجاہداں، اوہناں دے دھیاں پُتراں، جوانیاں بھرانواں تے ہو رشتے داراں..... آزادی دلان دی قیمت، رنج کے وصول کر لئی اے۔ انہاں سوتنتر سیلاناں دے کالے کارنامیاں دی پُنتک عوام نے پڑھ لئی اے۔ اتھے ہُن اہ قوم دشمن لیڈر، بوہتے چرتیکر اپنے گناہواں دی پنڈھ چک کے نہیں پھر سکدے۔ ہُن انہاں مجاہداں تے قومی رہنماواں دے سیاسی اتے سماجی خزانیاں وچ لوکاں نوں بیوقوف بنان والے نعریاں دا سرمایہ ختم ہو چکیا اے تے خزانے دیوالیے ہو گئے نیں.....‘

رام تے لکھن دو گوڑے یار، پر وچار نہیں سن ملدے۔ نظریاتی اختلاف دے باوجود اُونہاں دی دوستی لامثالی سی۔ لکھن رام نوں سمجھاندا کہ اوہ ایس بھاوکتا نوں چھڈ دے۔ جذباتی تقریراں وچوں اوہنوں گجھ نہیں ملنا۔ اوہ اپنی پڑھائی ول دھیان دے، کیوں جے روشن دل تے دماغ ہی چنگی سیدھ دے سکدا اے۔ تعلیم ہی سماج ’بچ پھلی ہوئی ہر بیماری دا علاج اے۔ پر رام اوہدیاں ایہ فضول جیہیاں نصیحتاں منن لئی تیار نہیں سی۔ اوہ کہندا.....‘ ’’وکیہیں لکھن! ایس ایہ نظام اُلٹ کے دم لاں گے۔‘..... فیر دھر نیاں نے جلو ساں

دی شکل اختیار کر لئی۔ جلوس شہر دے بازاراں وچ نکلن لگے۔ اندولن پھیلن لگا۔ جلوس سرکاری بنگیاں ول ودھن لگے۔ آندولن کاریاں نوں پولیس روکن لگی۔ ٹاکرا ہون لگا۔ تشدد دبھڑکن لگاتے اخیر گولی وی چل پئی۔ اک ودیا رتھی مرگیا تے کچھ زخمی ہو گئے۔ جتنا ’’دیش بچاؤ ہفتے‘‘ دانوٹس لین لگی۔ جلوساں وچ گنتی ودھن لگی۔ تقریراں وچ ودھیرے گرمی آگئی۔ شیداں دے جاڈو گر رام دا اک اک لفظ لوکاں دے دلاں نوں گر مار ہیاسی۔

’’بھینوتے بھراؤ! ایہ قومی لیڈر تے انہاں دے چیلے چانٹے، سبھ خون پھون والیاں جوکاں نیں۔ اہ لوک عادی مجرم نیں۔ انہاں دی دیس سیوا دی بھانڈا دے ارتھ لٹ مچانی اے۔ اتھتھے بھارتیہ کرن، اسلامی کلچر، ہندو راشترتے اسلامی پرچم دامطلب، فر قو فساد کرانے ہندا اے۔ ایہ چوہدری حالیں وی ملک وایاں نوں مندر، مسیت، گرجے تے گوردوارے دیاں حداں توں باہر نہیں جھانکن دیندے۔ فر قو رولیاں لئی اتھتھے دھرم ہمیشاں خطرے وچ رہندا اے۔ اہ لیڈر تے قوم دے غم خوار راج سنگھاسن تے قبضہ کرن لئی تے رائگی گریساں تے بہن لئی، لکھاں، کروڑاں روپیہ خرچ کر دیندے نیں۔ بھڈاں وانگ انسان خرید کے جلے کراندے نیں اتے اپنی شہرت دا ڈھول بجان دے نیں۔ اہ گندی نسل دے کیڑے دنو دن گند پھیلا رہے نیں۔ انہاں دے آدرشاں دے نمونے انہاں دے دھیاں پتر اتے نوںہاں جوئی نیں، جہاں انھی مچائی ہوئی اے۔ اہ وڈے وڈے سمگلر، افیم، چرس تے شراب دے بیوپاری، سٹے باز تے جواری، عورت دے ننگے ماس نوں نوچن والیاں بھکھیاں گدھاں۔ اونہاں نال ننگے فوٹو کچھوان والے۔ ملک دے راز دشمن نوں دیکھن والے قوم پرست..... سبھ دیس دی پت دے لٹیرے نیں..... لوکو! واسطہ جے رب دا، انہاں

کافراں دے فریب 'بچ نہ آؤ۔' انہاں دے آدرشاں دا پرچھا نواں وی اپنیاں
 بچیاں اُتے نہ پین دیو۔ نہیں تاں ہر گھر 'بچ کافر جن گے تے کافر ملک دے ٹوٹے
 ٹوٹے کر دین گے۔ کیوں جے کافراوہ اے جیہڑا رب تُوں نہ مئے اتے اپنی
 خدائی چلائے۔ جو انسانیت دا قتل کرے۔ بھراؤ! ایہ کافر منکھتا دا قتل کر رہے
 نیں۔ انہاں اپنی خدائی چلائی ہوئی اے۔ انہاں دی خدائی تُوں مٹا کے رکھ
 دیو۔ انہاں دا تختہ اُلٹ دیو۔ انہاں دیاں کوٹھیاں تُوں ساڑھ دیو۔“

”انقلاب زندہ باد..... انقلاب زندہ باد۔ رام بابو زندہ باد۔“
 لوکاں دے ٹھاٹھاں مار دے ہوئے سمندر وِچ طوفان آگیا..... مزدور ،
 و دیار تھی، بے روزگار بے گھرتے بے زمین جنتا..... بے اصولی تے عوام دشمن
 سرکار تُوں ختم کرن لئی سڑکاں تے نکل آئی۔ رام دی لگن، ہمت تے وچاراں
 توں اخیر لکھن وی چوکھا متاثر ہو یا۔ اوہیں اپنا رستہ بدل لیا اتے رام تُوں اپنا
 نیتا من کے اندولن کاریاں وِچ شامل ہو گیا۔ اوہ وی تقریر کرن لگا۔

”جیہڑی سرکار لوکاں تُوں روٹی، کپڑا تے مکان نہیں دے سکدی ،
 اوہدا کرسی تے بیٹھے رہنا برداشت نہیں کیتا جاسکدا۔ دوستو! جنتا لئی روٹی، کپڑا
 تے مکان ہی صحیح معنے وِچ سورگ اے اتے بھکھ ننگ نرک۔ جنتا ہُن نرک
 برداشت نہیں کر سکدی۔ لوکو! میں اک دھناڑ سیٹھ دا پتر ہاں۔ اوس سیٹھ دا،
 جہنیں جنتا دا لہو پُوس کے کپڑے دیاں دو ملاں لگایاں ہو یاں نیں۔ جنہیں اسمان
 نال گلاں کردی ہوئی حویلی بنائی اے۔ جیہڑا مندر، مسیت تے گوردوارے تے
 ہو ر سوشل کماں لئی جے اک ہزار چندہ دیندا ہے، تاں سو گنا ودھ وصول کردا
 اے۔ پر فیرو دی اوہ اپنے آپ تُوں جنتا دا سیوک کہندا اے۔ اوہیں! ہ سبھ گجھ
 میرے لئی بنایا اے پر مینوں کسے چیز دی کوڑ نہیں کیوں جے میرے دیس واسی

بھکھے ننگے نِس۔ میں دھرتی ماں دی سُونہ چک کے کہناں واں پئی میں وی تدبیر
 بھکھا ننگا ہی راہواں گا جدتیکر سارے دیس واسیاں ٹوں روٹی، کپڑا تے مکان
 نہیں مل جاند ا۔ ایس لئی بیلویو! چلو اگا نہہ ودھوتے ڈھادیو، اہ حرام دی کماٹی
 نال بنیاں حویلیاں پھوک دیو۔ اہ غریباں دالہو پُوس کے بنایاں ہویاں
 فیکٹریاں۔“

جلوس، مظاہرے، نعرے۔ ”جنتا ورودھی سرکار نہیں چلے گی۔ سرمایہ
 داری مُردہ باد، نادر شاہی مُردہ باد،..... دفتراں، فیکٹریاں تے کارخانیاں وِج
 ہڑتال..... پتھراں دی ورشا، لالھی چارج، ٹیرگیس، گولی۔ کئی قیمتی جاناں دا
 نقصان۔ سینکڑے پھٹو۔ ساڑھ پھونک، اگ ہی اگ۔ جوشیلا لکھشمن..... ودھ
 چڑھ کے حصّہ لے رہیا سی۔ پولس دی ساہتائی فوج بلائی گئی۔ سرکار نے آندون
 کاریاں نال گل کتھ کرن دایقین دلایا۔ ودیارتھی لیڈر رام کجھ شرطیں اُتے
 سرکار نال گل بات کرن لئی تیار ہو گیا..... اوہیں اک عوامی جلسہ بلایا۔ جلسے ٹوں
 لکھشمن تے دوجے ودیارتھی لیڈراں دی خطاب کیتا تے سرکار نال گل بات
 کرن دا ورودھ کیتا۔ پرشہداں دے جاؤ گر رام بابو نے اپنی تقریر وِج جنتا ٹوں سمجھایا۔
 ”ساہنوں گل کرن وِج اعتراض نہیں ہونا چاہیدا اے۔ پر گل بات
 وِج اسیں اپنے اصول، اپنا ضمیر نہیں وِچھاں گے۔ اسیں نبیادی منگاں تے کوئی
 سمجھوتہ نہیں کراں گے..... دوستو! اسیں چن نہیں منکدے۔ اسیں تاں ادہ حق
 منکنیں آں، جیہڑے ساہنوں دیش دے آئین مطابق ملے نیں۔ جے ساہنوں
 اپنے حق نہیں ملے، ساڈیاں منگاں سرکار نے تسلیم نہیں کیتیاں تاں اسیں اپنا پُر
 امن مظاہرہ جاری رکھاں گے۔“
 جنتا نے گھل کے تاڑیاں بجایاں، تے نعرے لگائے۔ ”رام بابو ساڈا

لیڈر۔ رام بابو زندہ باد۔“

..... گل کتھ دے دوران اندولن روک دتا گیا۔ ماحول توں خوشگوار بنان لئی سرکار نے گرفتار کیتے گئے ویدیارتھی، مزدور تے ملازم رہا کر دتے..... گل بات لمی ہندی گئی۔ روز ریڈیو، ٹیلی ویژن تے اخباراں وچ خبراں آندیاں کہ گل کتھ چنگے ماحول ’چ ہو رہی اے۔ دونوں دھڑے اک دوجے دے وچاراں توں سمجھن لگے نیں۔ ویدیارتھی نیتا رام بابو گل بات توں مطمئن اے..... سرکار نے جتنا دیاں شکایتاں تے جائز منگاں دی جانچ لئی اک کمیشن مقرر کر دتا اے..... سرکار نے اندولن وچ مرن والیاں دے وارثاں توں پنجاہ پنجاہ ہزار روپیہ دین دا فیصلہ کیتا اے..... اندولن وچ جہاں لوکاں دی جائیداد توں نقصان پہنچیا اے، سرکار ولوں اؤنہاں توں معاوضہ دتا جائے گا۔..... گل کتھ دے خورے کئے دور ہو چکے سن..... اندولن کاریاں دے جذبات ٹھنڈے ہو چکے سن۔ اندولن مردہ ہو چکیا سی..... تے اک دن اہ خبر دی آئی کہ سرکار نے ویدیارتھیاں نوں وی حکومت وچ نمائندگی دین دا فیصلہ کیتا اے..... فیر کجھ دناں بعد رام بابو توں اپر ہاؤس دامبر بنا کے ہوم منسٹری وچ نائب وزیر دی گرسی دے دتی گئی..... نوجوان پیڑی، ویدیارتھی، مزدور تے ملازم خوشی نال نعرے مارن لگے..... ”لیڈر ساڈا رام بابو، رام بابو زندہ باد۔“

پر لکھنمن..... چنے مایاں توں بغاوت کر کے گندی سرکار دے خلاف اندولن وچ ودھ چڑھ کے حصّہ لیا۔ چنے رام بابو دے اصولاں توں متاثر ہو کے اوہنوں اپنا نیتا منیا..... اوہ لکھنمن سوچاں دے کھوہ وچ ڈوبیا ہو یا سی۔ کیوں جے اوہدے پتا دیاں فیکٹریاں ساڑھ دتیاں گیاں سن۔ کاروبار ختم ہو چکیا سی..... کیوں جے اوہدی پڑھائی دا اک قیمتی سال ضائع ہو گیا سی۔

جوار بھاٹا

اہ بوہت پُرانی گل اے کہ رب سچے دی بنائی ہوئی ایس میڈیم ساز
 دُنیا وِچ جمشید دی جنت وانگ خوبصورت دھرتی دا اک ٹوٹا وڈے وڈے
 پہاڑاں دی کوچھڑے لکھیا ہو یا سی۔ اوتھے رہن والے سدھے سادھے لوکی،
 اپنے سوہنے لم سٹے تے علم دی دولت توں مالو مال اتے باعمل لیڈر دے سیکھان
 تے دھرتی دے اوس سوہنے جے ٹوٹے نوں اک آزاد دیش داناں دیندے
 سن۔ اوس آزاد دیش نوں اک واری پہاڑی دڑیاں دے پاروں آئے حملہ
 آور راکھشساں نے پیراں تھلے مدھولیا۔ تے جنت دی معصوم مخلوق نوں اک
 قلعے ج بند کر دتا۔ اوس دیش دے لوکاں نوں غلامی توں نجات دلان لئی اوس
 لیڈر نے چوکھا سنگھرش کیتا۔ اوہنے لوکاں نوں راکھشساں دے خلاف بڑا
 اُکسایا۔ اوہناں نوں سمجھایا کہ آزادی انسان دا پیدائشی حق اے۔ ایس لئی
 آزادی دا مٹھا پھل حاصل کرن لئی دشمن اُتے شیر تے چترے وانگر ٹپو۔ پر

اوس دیش دے لوک گولی، لٹھی تے کوڑیاں دی مارتوں ایسے ڈرے ہوئے سن کہ کسے وی اوہدی گل ول دھیان نہیں دتا۔ تھک ہار کے اوہناں دے لیڈر نے اپنے آپ تُوں راکھشساں دے حوالے کر دتا۔ پئی جتاں دی سرداری لوکاں تسلیم کر لئی سی اتے وصیت کر دتی کہ اوہ اپنی قوم تُوں مایوس ہو چکيا اے۔ ایس لئی مرنا چاہندا اے۔ پر اوہ چاہندا اے کہ مرن مگروں اوہدی لاش تُوں غلام دھرتی تے نہ دفنایا جائے۔ سگوں عرب ساگر دیاں موجاں دے حوالے کر دتا جائے۔ ایس درد بھری وصیت تُوں پڑھ کے راکھشساں دا سردار اناں متاثر ہو یا کہ اوہنے دھرتی دے اوس خوبصورت ٹوٹے ٹوٹے تُوں اپنے راج وچ پوری طرحاں شامل کرن مگروں اوس دا اندرونی انتظام اوس لیڈر دے ہتھاں وچ دے دتا۔ اقتدار سنبھال دیاں ہی اوس لم سلتے لیڈر اتے اوس دے خاص چیلیاں نے اُہ نہیر گردی چپائی کہ ساری قوم وچ ہا ہا کار مچ گئی۔ پکھتی، پشو، جو رسبھ گونگے ہو گئے۔ جدا اوہناں دیاں سدھراں دا نگر اُجڑ گیا اتے تاہنگھاں والی فصل تباہ ہو گئی تاں قوم دا اک وفد اپنے پیارے لیڈر تُوں ملیا تے تھہ بنھ کے بیتی کیتی۔

”اے ساڈی قوم دیا سردار! ساڈے ملک دیا مختارا! قوم تُوں عزت بخش والے بنائے گئے تیرے اصولاں اتے ہو رویلے دیاں رساں تُوں اسیں اٹے اوکھے ہو گئے آں کہ ہُن بس مرن والے ای آں۔ ایس لئی ساڈی بیتی اے پئی مرن مگروں تُوں اپنی بدنصیب قوم تُوں ہند مہا ساگر دیاں لہراں وچ غرق کر دے ایں تاں جے تیرا راج بنیا رہوے۔“

تے فیروایت اے کہ اوہ قوم ہند مہا ساگر دیاں موجاں وچ روڑ دتی گئی۔

ارتھ بے ارتھ

میں اک سادہ منگھ ساں۔ میرا پیشہ ایس آزاد سمندر وِچ موتی لبھنا سی۔ میں چوکھے چرتوؤں موتیاں دی تاہنگھ وِچ ایس ڈونگھے ساگر وِچ غوطے ماردار ہیاں اتے ہر داری موتیاں دے بدلے..... سب ہی پاندار ہیا۔ پر میں ہمت نہیں ہاری۔ میں اپنیاں سدھراں دی پورتی لئی ساگر توں کھنگلدار ہیا۔ مینوں یقین سی کہ میں اپنے جنون وِچ کامیاب ہو جاں گا، پر میں ناکام رہیا..... میں اس سمندر وِچ وڈیاں وڈیاں چٹاناں اُتے رساں نون بیٹھیاں ویکھیا۔ جیہڑے شبد اں دے جھٹیاں وِچ اہ ثابت کرن دا جتن کر رہے سن کہ اوہ موتی ہن..... میں اوہناں توں پرکھیا..... میں اک پہاڑ ورگی چٹان تے بیٹھے ہوئے اک سب توں سونے چاندی دی ٹٹھالی وِچ پگھلایا۔ پگھلے ہوئے مادے وِچ میں لکھاں مریاں ہو یاں مجھیاں ویکھیاں، جو اوس وڈے سب نے ہضم کر رکھیاں سن۔ اوہناں مریاں ہو یاں مجھیاں توں کیہا گیا سی کہ اوہناں توں زندہ کر دتا

جائے گاتے آزادی نال سمندر وِچ ترن دتا جائے گا۔ پر آزاد سمندر دا سارا پانی وڈے سِپ دے اندر دفن ہو چکیا سی اتے ہُن او تھے صرف اک مار و تھل سی پئی جیدی لٹکدی ریت مری ہوئی مچھیاں دے ڈھڈھ وِچ پلاسٹک سر جری نال بھرتی گئی سی میں اک ہو ر سِپ نوں برفانی تو دے تے بیٹھیاں ویکھیا جیہڑا لاشاں دے سِر کپ اُتار داتے سِراں دے خول وِچ دل خوش آوازاں بھر دا جاندا۔ مگروں فیر سِراں تُوں دھڑاں نال جوڑ دیندا۔ میں ویکھیا پئی اوہ سبھے واجاں سِپ دے موتی ہون داراگ الاپ رہیاں سن اتے اوس دے شاندار کارنامیاں دا قصیدہ پڑھ رہیاں سن میں اک اجہی جاؤ بیان سِپ دا وی نظار اکیٹا کہ جس نے اپنے کالے جاؤ دی گرمی لال فطرت تُوں بندھی بنا لیا سی۔ ہوا، پانی، پھل، بوٹے سبھ قید کر لئے سن پر فیر وی پنچھی، دریا، ندی، نالے، ہوا، پھل، پتر خوش سن۔ اوہ سبھ کجھ جان دیاں ہویاں وی سِپ دی غلامی دا پٹہ اپنے گلوں اُتارن لئی ہرگز تیار نہیں سن میں اک اجیہا سِپ وی ویکھیا کہ جیہڑا ہمیشاں اپنے دونویں ہتھ کھلے آسمان ول پھیلائے رکھ داتے رت سچے نال ہم کلام ہون دا ڈھونگ رچا جاندا۔ اصل 'سچ' اوہ اپنے نفس دے پروردگار تُوں خوش کردا۔ اوہ اپنے علم دے فریب نال چڑیاں دی اُڈاری تُوں اپنی مٹھی 'سچ' بند کرن دی سبیل ڈھونڈ دار ہندا۔ اوہ بلبلاں نوں دھوکھا دیندا رہندا میں ہو روی بے شمار سِپ ویکھے، جیہڑے اس موجدانہ ماردے سمندر 'سچ' اپنی اپنی دکان سجائے بیٹھے سن تے اپنے اپنے مال تُوں موتی ثابت کرن وِچ لگے ہوئے سن پر میں اہ ویکھ کے حیران ہو گیا کہ آدم زاد سمندر دے واسی، اونہاں سِپاں تُوں موتی تسلیم کر دے سن، جد میں اونہاں تُوں سِپاں دی حقیقت دنا چاہی تاں چارو پاسے آوازاں دا اک شور

گُونجیا..... آوازاں کہہ رہیاں سن.....

’اِہ سِپ ہی اصل موتی نیں۔‘

..... وا جاں دے بے پناہ شور وِچ مینوں اپنی غلطی دا احساس ہو یا۔

میں سمندر توں معافی منگی تے آخر کار اوہناں دی گل تے ایمان لیا یا۔ کیوں جے

میرے شہداں دے ارتھ اوس شور وِچ بے ارتھ ہو چکے سن۔

نوٹ: کہانی دی منگ نُون مٹھ رکھ دیاں ہو یاں میں سِپ نُون مذکر لکھیا اے۔

راج سنگھاسن ڈانواں ڈول

برہم لوک داپڑ جانتی ریتی رواج! ہسی کہ او تھے دے پردھان دا
 دیہانت ہندیاں ہی پر جتا دے نمائندیاں دی اک بیٹھک بلائی جاندی جیہڑی
 نوں پردھان دی پچون کردی۔ پر جد اک واری برہم لوک دے پردھان دا
 دیہانت ہو یا تاں او تھے دے عوامی نمائندے اپنا نواں پردھان چنن وچ
 اسپہل رہے۔ اونہاں دیاں نظراں وچ کوئی نیتا جیہڑی نہیں۔ راج سنگھاسن خالی
 رہن دے کارن جد ڈانواں ڈول ہون لگا تاں عوام دے نمائندیاں فیصلہ کیتا
 کہ کل سویرے برہم لوک دی سرحد اندر جیہڑا پہلا منگھ داخل ہوئے گا.....
 اوہوں راج سنگھاسن تے بٹھا دتا جائے اتے انج پر جتا دی رہنمائی اتے آگوائی
 دا فیصلہ دلش دے راشی پھل اُتے چھڈ دتا جائے..... اگلی سویرے برہم لوک دی
 سرحد اندر جیہڑا پہلا منگھ داخل ہو یا، اوہ اک سادھوسی۔ بھگوے رنگ دا گرتا،
 کھدر دی ٹوپی تے لمبل دی لنگوٹی پائی ہوئی تے ہتھ وچ پتل دا لوٹا پھڑیا ہو یا.....

پڑجا دے نمائندیاں نے اودھاروائتی ڈھنگ نال ہارِ دِک سواگت کیتا تے
 اوہنوں برہم لوک دے راج سنگھاسن اُتے بٹھا دتا..... اِنج سادھو مہاراج برہم
 لوک دے نویں پردھان بن گئے.....

پردھان بندیاں ہی اوہناں نے ڈھول پٹوایا کہ اوہ ہزاراں ورہیاں
 پُرانی سبھیتا دے علمبردار ہن۔ اِس لئی اوہ دلش نُوں پراجپین سنسکرتی دے حقیقی
 رنگاں وِچ رنگ دین گے تے دلش نُوں ستیم، شوم، سندرم بنا دین گے۔ پر راج
 محل وِچ وڑھدیاں ہی اوہناں دے لوٹے دی دھاتو..... سونے وِچ تبدیل
 ہو گئی تے لنگوٹی دی ململ ریشم وِچ۔ اوہناں دے لہو دارنگ کالا ہو گیا۔ لمے کن
 ڈورے ہو گئے۔ موٹیاں اکھٹاں پتھر ہو گیاں تے اوہناں اکھٹاں نے راج محل
 دے باہر جھانکنا بند کر دتا۔ پرتجا دے پڑتی ندھی، سادھو مہاراج دی اہ حالت
 دیکھ کے پریشان ہو گئے۔ پڑجا گونگے تے بولے پردھان نُوں دیکھ کے بے چین
 ہو گئی۔ برہم لوک وِچ اک ہا ہا کار بچ گئی۔ پر ہا ہا کار داشور راج محل دیاں
 دیواراں نال ٹکرا کے پکھر جاند ا۔ کارن اہ سی کہ راج محل دیاں دیواراں لوہے
 دیاں بنیاں سن تے لوہا۔ بولے کتاں توں زیادہ سخت ہندا اے۔ دلش دی اہ
 حالت دیکھ کے چورتے اچلے چودھری بن گئے۔ پرتجا دی شانتی بھنگ ہو گئی۔ پر
 سادھو مہاراج دافرمان سی کہ اوہناں داراج اہنسا پرمودھر مادی مونیہ بولدی
 تصویر ہے۔ پرتجا دی بے چینی داتے پرتجا دے پرتی ندھیاں دی دکھی حالت دا
 جد دُشمن نُوں پتہ چلیا تاں اوس نے برہم لوک تے قبضہ کرن لئی اک وڈی فوج
 نال راج محل تے حملہ کر دتا۔ دُشمن دی فوج نے راج محل دیاں فولادی
 دیواریاں نُوں اگن بان توپاں نال اڑا دتا۔ جد پرتجا دے پرتی ندھی برہم لوک
 دے پردھان نُوں اِس گل دی سُوچنا دین لئی آئے تاں اوس نے اوہناں دل

کوئی دھیان نہیں دیتا۔ لوہے دیاں دیواراں ڈگدیاں ہی شتر واپنی فوج دے
نال راج محل اندر داخل ہو گیا۔ پرجا دے نمائندے اک واری فیرو سادھو
مہاراج کول آئے تے تازہ حالات دی جانکاری دین لگے۔ پر ڈورے
پردھان دے کتاں تے جوں تک نہیں رینگے..... جد شتر و، سادھو مہاراج دے
کمرے ول ودھن لگتاں پرجا دے پرتی ندھی اک واری فیرو سادھو مہاراج
کول آئے اتے راج سنگھاسن اُتے شتر ودا قبضہ ہون بارے دسن لگے تے چیخاں
مارن لگے..... سادھو مہاراج دے بولے کن اک دم ترنک پئے تے اوہ
آوازاں نون سنن لگے۔ اوہناں دیاں رنگاں وچ دوڑ رہیا کالا خون اپنے
اصلی رنگ وچ آ گیا۔ اوہناں پرجا دے پرتی ندھیاں کولوں اپنا پتل دالوئا
منگیا..... کہ جس تے سونے دارنگ چڑھ گیا سی..... اوہناں اپنا لوئا پھڑیا تے
سبھناں نون دوہتہ جوڑ کے پرنام کہیا..... فیرو اپنی لنگوٹی سامبھدیاں ہو یاں چور
دروازے ولوں بند رابن ول چلے گئے۔

کلاوڈ برسٹ

اوہ اک بدل دا ٹوٹا..... جیہڑا اسمان تے لٹک رہیا سی، مینوں
 ویکھدیاں ہی گرجن لگا۔ اوہدی ہلکی ہلکی واج میرے کتاں 'بچ پین لگی۔ اوہ کہہ
 رہیا سی.....

’جا..... نہھ جایتھوں۔ اتھے طوفان آن والا اے۔ میرا گھیرا ودھن
 والا اے۔ میں پھٹن والاں..... اتے تیری دھرتی اُتے تباہی مچان والاں، کیوں
 جے تیری دھرتی اُتے سارے بُجھاں گزیرے لنگو رہندے نیں۔ میں اوہناں دا قد
 گھٹانا چاہتاں واں۔ سُن! اہ راز داری دی گل سُن۔ آ..... میرے نیڑے
 آجا۔ آوی نا..... پر تُوں میرے کول کج آسکناں ایں۔ تُوں تاں دھرتی تے
 ایں..... اتے میں اک بدل دا ٹوٹا..... لکھتاں گیلن پانی لے کے اسمان تے لٹک
 رہیاں..... اچھا چل! وائر لیس سیٹ نال گل کتھ دا سلسلہ ٹورنے آں۔ تُوں
 وائر لیس سیٹ دا سوچ آن کرتے میری گل کن لا کے سُن..... ہاں! تاں میں

تینوں دسناں چاہناں واں پئی میں بدل بن توں پہلاں تیری دھرتی دا اک مشہور پلیٹ ساں۔ تیری دھرتی میرے چار چوہیرے کھمن لگی سی۔ تیری زمین دے زڑے مینوں دیکھ کے حرارت پکڑن لگے سن۔ اتے سرکن لگے سن۔ میرے وجوہ دے اوہناں نوں طاقت بخشی سی۔ میں اوہناں نوں انسانی جُون 'چ لیان لئی سائنسی تجربے کرن لگا ساں..... میں اک اچھا انجکشن تیار کرن وچ رُجھ گیا..... جیہڑا ذریاں دے انسانی جُون 'چ آن مگروں اوہناں نوں اپنی زبردست طاقت بخش دے کہ فیر کوئی اوہناں دی جنس نوں تبدیل نہ کر سکے۔ میرا اہ عمل تیری دھرتی دی اُچی ٹیسیاں تے رہن آ لے بُجاں گزریے لنگو راں نوں اک اکھ نہیں سکھایا۔ اوہناں مینوں میری رسد گاہ وچ دبوچ لیا۔ اُہ مینوں بندھی بنا کے لے گئے تے مینوں اک لہر ولہر مکان دے بُرج اُتے تنگی ہوئی آدم خور عدالت وچ پیش کیئا۔ میرے تے فرد جرم لگائی گئی کہ میں شیطان آں۔ کافر آں۔ مکار سُقراط دا جانشین واں۔ میں جرم قبولن نوں صاف انکار کر دتا۔ میرے انکار کرن نال کیہ ہندا۔ اوہناں مینوں زہر دا پیالہ دتا۔ پھانسی دار سدا دتا۔ میں زہر دے پیالے نوں چُمیا۔ پھاہ نوں گلے لایا تے انج میں قتل کر دتا گیا۔ اوس دھیاڑی سورج نہیں سی نکلیا۔ چن وی نہیں۔ اوس دن تیری زمین دی گردش وی بند رہی۔ چوہاں پاسے بھنیرا پھیل گیا۔ گوڑا تے دھوئیں دار۔ آسمان کالا ہو گیا۔ پر کوئی بجلی نہیں کڑکی۔ فیروی آوازاں دا اک کُہرام چیا۔ بھلا لنگور و اجاں دی کد پروا کر دے نیں۔ اوہناں آوازاں دے جنگل وچ اگ لا دتی، رُکھ وڈھ چھڈے۔ جنگل سُک گیا تے دیکھن 'چ میرا لہو پانی ہو گیا۔ پر میں فنا نہیں ہو یا۔ میں بدل دی جُون وچ جنم لیا تے اپنے آپ نوں آسمان اُتے لٹکا لیا۔ تاں جے تیری دھرتی دے لنگو راں تے قہر بن کے نازل ہو سکاں..... فیر موسم بدلیا۔

سُورج دا تپدا گولہ دھرتی تے اُتر آیا۔ رُکھاں دے پتر سُرخ ہو گئے۔ شہر، قصبے، پنڈ، دریا، مکان، کُلیاں، کھیت، چمنیاں سبھ تپدے سُورج دے رنگ وِچ رنگو گئے۔ ذریاں نے اپنیاں چھاتیاں اُتے کراس دے نشان گڈھائے۔ اوہ وزنی صلیباں چک کے میرے مقتل سامنے کھڑو گئے۔ اوہناں دے تپدے مہناندریاں توں اگ ٹپکن لگی۔ اکٹھاں پھیل گیاں تے تیز کرچیاں بن گیاں..... فیر کرچیاں داسُوف بنا دتا گیا..... پرہن..... ہُن میں اسمان اُتے لکھیا ہو یا بدل پھیل چکیاں۔ میرا اکار ودھ گیا اے..... میرے اندر لکھٹاں، کروڑاں گیلن پانی جمع ہو چکیا اے۔ میں پھن والاں تے تیری دھرتی تے تباہی مچان والاں..... کیوں جے تیری دھرتی اُتے سارے بُجاں گزیرے لنگور وسدے نیں۔ میں اوہناں دا قد گھٹانا چاہنا واں۔ اسلئی توں ٹھہ جا۔ بھج جا..... دوڑ جا۔‘

..... آواز پھیلدی اے اتے چانچک ٹٹ جاندى اے۔ میں کنہیدریاں اکٹھاں نال اسمان ول دیکھتاں۔ میرا وارلیس سیٹ خراب ہو چکیا اے۔ فیر اک بھونچال آندا اے۔ بدل پھٹدا اے۔ اگ دا دریا دیہندا اے۔ زمین سورج کولوں پناہ منگدی اے۔ تے فیر کناں ’بج..... اوہ آواز گونج رہی اے.....‘

’نٹھ جا ایتھوں..... نٹھ جا..... بھج جا.....‘ میں سوچ رہیاں کہ دھرتی تُوں نٹھ کے کدھر جاواں۔ شاید پاتال وِچ۔ پر..... پاتال دے بُو ہے تاں بند نیں..... اتے فرمان اے کہ پاتال دے دروازے قیامت والے دن کھلن گے۔ فیر..... میں کیہ کراں۔ کدھر جاواں..... میں سوچ رہیاں..... کیوں نہ بدل دے بھارے پانی ’بج مل جاواں..... اگ دے دریا وِچ غرق ہو جاواں..... تاں جے کسے نویں بون وِچ جنم لے سکاں..... میں کیہ کراں..... میں کدھر جاواں۔

گوری فصل دے سوداگر

بوڑھ دا اہ بڈھا رکھ رات دے ہنیرے 'بچ اپنی سوجھ تے عقل دیاں
 باریاں نوں جند رالا کے اک اچھی کھیڈ وچ رُجھ کے رہ جاندا اے۔ تے رات
 دی لگھ چوں جنم لین والی سیرنوں..... پھلاں والی وادی دے ہر پھل وانگر
 سوہنا، گرم سورج وی ٹھنڈی چھٹاں نال دھلیا اوہدا مہاندر..... ہر شخص اوہنوں
 چھون دی تاں لگھ 'بچ رہندا اے۔ آہو! اہ اوہو بوڑھ دا رکھ اے، جہڑا کدے
 برفانی ہواواں بچ، ساگر دیاں خوفناک لہراں 'بچ، کالے بدلاں دی چادر 'بچ
 اپنے چانن ورگے لشکرے چہرے نوں سنبھال دیاں ہویاں اپنے آلے
 دوالے بنی لوہے دی اُچی تے موٹی دیوار نال جاکر ایاسی۔ پیرامڈ دیاں دیو
 مالاواں نوں، کالے سیاہ پہاڑاں نوں..... ٹوٹے ٹوٹے کرن دے سنگھرش 'بچ
 زمین دیاں سختیاں سہندا اسی تے اپنے پکے نیچے موجب دھرتی تے اُگی ہر فصل نوں
 چنگا لگدا اسی۔ کیوں جے اوس فصل دے ٹٹے تے کھلے چہرے بے وجہ جرم توں

پناہ منکدے سن، تے بوڑھ دا رُکھ..... پئی جس دی عقل مندی، سیاست تے
 سمجھداری دا بڑا چرچاسی، اپنے آپ وچ ثابت تے سالم، اپنی ذات اندر فکر
 دے زاویے بنا ندر ہندا۔ اوسدے دماغ دے روشن کھوہ 'وچ خورے کئے
 خیال لکے پئے رہندے تے جد جڈ توری کھوہ چوں لشکدیاں کرناں..... ٹٹے
 چہریاں تے پندیاں، اوہناں توں، اپنا آساں والا شہر، سدھراں والا نگر وسیندا
 لہسن لگدا..... تے فیر اک دن بوڑھ دے رُکھ نے ٹٹے مہاند ریاں توں صدیاں
 دی ترہہ بُجھان لئی سمندر لیا کے دتا۔ اوس دیہاڑی غم دے بوٹے پٹھ بیٹھا.....
 اوہ بے غم جھلا منصور گر لا اٹھیا سی.....

’’اہ لشکد اساکر اک چھلا وا اے، دھوکھا اے، رجنی گندھا دے پھل
 باسی نیں۔‘‘

کر لی مکھی دا شکار کر رہی اے۔ کر لی..... مکھی۔ اوہدی داج بستی وی
 گرم ہوا کھا گئی تے انج بوڑھ دا رُکھ اوہناں دے سُفیاں دا خریدار بن گیا۔
 بڈھے بوڑھ دے قدماں پٹھ چن تے سورج دیاں برکتاں آگیاں۔ اوس دے
 اختیاراں دی حد سارے بنھے ٹپ گئی۔ ویلے توں نوکیل پے گئی۔ خاک تے ہوا
 اُتے اوہدی حکمرانی قائم ہو گئی۔ تے ایس گل نے اوہنوں ایس عمر وچ وی جوان
 بنا دتا۔ اوہدے اندر لُکھا جو بن اوس نال ٹپکریاں کرن لگا۔

..... تے بوڑھ دے بڈھے رُکھ دے سایے، 'وچ پلن والا سر ودا ایاں
 عمر موتا..... پئی جس دی مٹھی مٹھی مہک، بڈھے بوڑھ دے ہوش تے حواس 'وچ
 رنچ وس گئی اے۔ اوسدے دل تے دماغ 'وچ اک نُماری پیدا کر دیندی اے۔
 آہو! ایہ اوہ سنگھی ساتھی، یار بلی اے..... سانجھ گیری دا پرتیک اے پئی جس
 نال رات دے ہنیرے 'وچ اک لگن مٹی دی کھیڈ کھیڈی جاندی اے۔ کھیڈ،

جہڑی کھڈاری لئی تسلی دا سامان پیدا کردی اے۔ اوس دیاں سدھراں تے لوڑاں داٹھوٹھا بھر دی اے۔ اوس دے فلسے، فکر تے سوچ نوں کجھ چھناں لئی چپ کرادیندی اے۔ اہ ایان عمر بوٹا، جہڑا کچی شاخاں اُتے ہس رہی، مچل رہی جوانی دے سوادٹوں محسوس کرن لگا اے ہُن اپنے لئی وی دل خوش کرن والا کوئی کھڈونا چاہندا اے۔ تے فیر اک دن اوہ کہن لگا۔

دُھپ دا اک ٹوٹا میرے ویہڑے روز آوند اے۔ اہ دُھپ دا ٹوٹا مندر دے پگھوں اُبھر دا اے۔ ہنھیریاں گلیاں نوں چیردا ہویا کھلی ہواواں 'چ مینوں بلاندا اے تے کہندا اے پئی اوس دی لوء میرے لئی اے۔ اوس دا سبھ کجھ میرا اے۔ اوہ میرے نال بیلا چنیلی وانگ چنہو جاند اے۔ میرے من نوں شراب 'چ ڈوب چھڈ دا اے۔ میرے انگ انگ نوں خماری بخشد اے۔' سر دواؤ ٹامہک رہیا اے۔ چہک رہیا اے۔ اوہ روز دن دی انھی لوء 'چ اُجاڑاں نوں جاند اے تے باغاں دا نظار اُلٹدا اے۔ اوہ میلے پہاڑاں تے پیلیاں ٹیسیاں پٹھ دُھپ دے ٹوٹے 'چ جذب ہو جاند اے تے امیر حزا دی کتھا دے کسے پاتر دا پرتیک بن جاند اے۔ بڈھا بوڑھہ حالیں دی ہر راتیں سر دے بوٹے نال اپنی عجیب کھیڈ کھیڈ دار ہندا اے۔ پر ہُن سر دواؤ ٹا اپنے چالے بدل رہیا اے۔ اوس 'چ پل پل تبدیلی آرہی اے۔ بوڑھہ دار کھ اہ تبدیلی محسوس کر رہیا اے۔ اوہ چپ اے۔ اوس نے اوہنوں کچ دیاں سنگلاں 'چ جکڑیا ہویا اے۔ پر دُھپ دے ٹوٹے نے ایان عمر سر نوں اک چسکا لگا دتا اے۔ اوہنے اوس دے سریر 'چ اک قیامت مچائی ہوئی اے۔ اوہ بلوری پتھراں نوں توڑنا چاہندا اے تے کھلے آسمان 'چ اُداری مارنی چاہندا اے۔ پر اوہ جاند اے پئی حالیں اوہدیاں جڑاں نازک نیں۔ اوہ بڈھے بوڑھہ دے

آسرے بغیر نہیں جی سکدا تے بوڑھ دا بڈھا رُکھ اوس دے سریر اُتے رینکدا
رہندا اے۔

..... تے اہ اک بکر کنڈا..... ایان عمر سر و داراز دار، پیغام رساں
دُھپ دے ٹوٹے دا۔ ونجلی ہتھ 'چ لئی اک سپیرا، مست شباب دُھپ دے ٹوٹے
نوں اپنی پٹاری 'چ قید کرن دی فکر 'چ..... خورے کد توں تاریاں تے گاٹی
ماردار ہیا اے۔ اُجاڑ بستیاں 'چ جاگدے اُجاڑاں 'چ اوہنوں نال لئی پھر دا
رہیا اے۔ ایان عمر سر و دے آلھنے 'چ بیٹھامن دا پنچھی اپنے کھنھ پھڑ پھڑاندا
رہندا اے تے بکر کنڈا..... سپاں دا سوداگر، موتی چکن لئی اڑیاں کرن لگا۔
اوہدا لہو اُبلن لگا۔ فریب ٹٹ گیا۔ آواز دا مدھم شور..... آواز 'چ دب کے رہ
گیا۔ دریا دا پانی فطرت نے ہضم کر لیا۔ دُھپ دا ٹوٹا موم بن گیا، موم بلن لگا،
پگھلن لگا۔ روز بلدا رہیا۔ پگھلدا رہیا۔ اک سمجھوتا ہو یا سی راز داری دا۔
بوڑھ دے بڈھے رُکھ تے ایان عمر سر و وچکار۔ اک سمجھوتا کیتا، بکر کنڈے
نے۔ مَن دُھپ دا ٹوٹا اوہدی سردل اندروی آون لگا۔ رجنی گندھا دے پھل
کھون لگے تے ایہہ تکوئی سلسلہ چلدا رہیا..... دن دے چانن 'چ ایس
وچکار..... بڈھا بوڑھ دھرتی تے اُگی فصل دے پیلے بھسے، مہاند ریاں نوں اپنی
سُوجھ تے عقل نال دن رات 'چ غرق کردا رہیا۔ اوہ جہڑے صلیب تے چڑھن
والے سن۔ اوہنوں چن تے سورج دیاں اُچائیاں بخشن والے سن۔ اوہناں 'چ
انھہ وشواس دیاں دیواراں لرز رہیاں سن، کنہہ رہیاں سن۔ بڈھا بوڑھ اپنے تیز
دنداں نال ریت چباندا چباندا..... صلیب دے پیاسیاں دی تریہہ بُجھان لگا۔
اوہدا ہر تیر خنجر بنیا۔ کچے رنگاں دے بھسے سسکن لگے۔ چُس مُسی چاننی اک روگ
بن لگی، دُوراں تے بدل دُھواں دُھواں اُڈن لگے۔ بڈھا بوڑھ اپنے بے

جس سریرنوں ہنھیریاں توں ڈھکن لگا۔ کھیری زمین اُتے غیر فر تو برادری، امن
تے شانتی، آر تھک خوشحالی تے قومی سر بلندی دے بے رنگ قاصد..... کاغذی
گھوڑیاں تے سفر کرن لگے تے بدظن ہو گئے اوہ گھوڑے جیہڑے عربی تے تُرکی
سن۔ وقت بدلدا، قدراں بدلایاں، مندراں مسیتاں، گُور دواریاں، رگر جیاں
'چ زمانے دے رنگاں دے ٹھلے پڑھے جان لگے تے ایس کوری کتاب دے
ورقیاں 'چ گواچیا..... بوڑھ دا بڈھا رُکھ..... رات دے ہنھیرے 'چ اپنے من
دی شانتی لئی کوئی نویکلی، کوئی اچرج کھیڈ، کھیڈ دار ہندا اے..... سرُود دے
ایان عمر بُوٹے نال، جہڑا ہُن دندے دندے دُور ہندا جا رہیا اے۔ جس دے
من دا پنچھی ہُن دُھپ دے لشکارے نوں دیکھ کے اپنے کھنھ پھڑ پھڑان لگدا
اے، جہڑا ہُن دُور دُور تک پھیلی ہوئی، کھلری ہوئی، نگلی دُھپ نوں کھا جانا
چاہندا اے۔ سرُود دے ویہڑے ہُن روز دُھپ دیاں چھٹاں اُتر دیاں نیں تے
اوہنوں پنگھوڑے وچ ہلارے دیندیاں نیں۔ ہُن غزنوی وچ تاں تاہنگھ
اے۔ پر ایاز دیاں لہاں وچ خم نہیں رہیا۔ کھڑبا کھڑبی ہون لگی۔ وتھ ودھن
لگی۔ وتھ ودھدی گئی۔ سمجھوتا ٹٹن لگا۔ سمجھوتا جہڑا ہویا سی رازداری دا۔ بوڑھ
دے بڈھے رُکھ تے سرُود دے ایان عمر بُوٹے وچکار..... تے انج سرُود دا بُوٹا
شہراں دی بے تھہوی بھیڑ وچ..... دُھپ دیاں کرناں نال غسل کردا رہیا۔
اوس دے ایس وتیرے نوں دیکھ کے بڈھا بوڑھ اپنے آپ نوں ان دِ سیندے
مارو تھل وچ اکلّا محسوس کرن لگا۔ سکھناں تے لگا۔ اوہ دیاں اکھاں 'چ دُھپ
دیاں چھٹاں..... تیر بن کے پنھن لکیاں۔ اوہ چوہاں پاسے پھیلے ہوئے گھپ
ہنھیرے دی اگت 'چ بلن لگا۔ اگ پھیلدی رہی۔ بھانڑ چدے رہے تے
اوہدی سوچ دیاں باریاں بھانڑاں دے کلاوے وچ آسکیاں۔ اوس نے دیو

مالاواں دے راکشس دا رُوپ دھار لیا تے اپنے فولادی پنجیاں وِچ سُر و
 دے بُوٹے نوں گھٹ لیا۔ پتر پتھریاں بن گئے تے چٹھریاں اوہدے سریر وِچ
 گھس گئیاں۔ سُر و دا بُونا، جہڑا اپنی نابالغی دا داغ متھے نوں پونجھن لئی جو جھ رہیا
 سی۔ جہڑا اپنے آپ نوں مضبوط سمجھن لگا سی، اوہدیاں جڑاں توں لہو دے تیکے
 رِن لگے۔ لہو رسدا رہیا تے بھانبراں نوں ٹھنڈا کر دار رہیا۔ اتھے تیکر کہ اک
 سواہ ڈھیری بن گئی تے فیرا وہ سواہ، ایان عمر سُر و دے قتل تے پچھتان لگی ہر قاتل
 دا نگر۔

بڈھے بوڑھ دیاں راتاں اُجڑ گئیاں۔ اوہ اک عجیب کچھو تان وِچ
 گڑبڑ رہن لگا۔ اُداسی، پڑاں تے تھڑاں دے انھے ٹوئیاں وِچ غرق ہون لگا۔
 اوہ ٹُٹن لگا۔ اوہ کھلرن لگا۔ اوہ جہڑا، درڑھ وِشواس دے اک مینار و انگر اُگیا
 سی، ٹوٹے ٹوٹے ہون لگا۔ اوس دی اُچھی کھیڈ..... جہڑی اوہدیاں سدھراں
 تے لوڑاں دا ٹھوٹھا بھردی سی، ہُن اتیت دی یاد بن چکی سی۔ تے یاد اوہنوں
 تر فا کے رکھ دیندی۔ اوہ مٹھی مٹھی مہک، جہڑی اوہدے دُھرا ندر رچی ہوئی سی،
 اوہ مہک ہوا وِچ کھلر چکی سی۔ اوس مہک نوں فیر مٹھی وِچ بند کرن دی اسپہل
 جدو جہد وِچ اوہ آپ جھٹن جھٹن ہوا وِچ کھلر رہیا سی۔ اوہدا چمکدا مہاندا پیلے
 رنگاں وِچ جذب ہندا گیا۔ پتر جھڑدے گئے، ڈگدے گئے۔ ٹانہیاں ٹنڈیاں
 گئیاں۔ اتے اک دِن مار و تھل وِچ کھڑوتا۔ ویران، نوجھان، سکم سکا، سُبجا
 تے لگا بوڑھ، ہنھیری دے گیر وِچ پھس گیا۔ اوہ تیز نہیری وِچ اپنے آپ نوں نہیں
 سنبھال سکيا۔ اوہ ڈگ پیا۔ اوہ ختم ہو گیا..... ہمیشاں لئی تے تسلی دا سامان بن
 گیا..... انھ وِشواس دیاں دیواراں توڑن والیاں لئی۔

تیریاں بے پرواہیاں داتا

یاجوج تے ماجوج دے وسائے ہوئے مُلک عدن دا اہ دستور سی پئی جد
بادشاہ سلامت، سلامتی نال حکومت کرن مگروں عدم ول تشریف لے جانے
تاں دوجے دن اوہناں دا وارث تے جانشین اوہنوں بنایا جاندا پئی جیدے سر
اُتے ”ہُما“ دا سایہ رونق افروز ہندا بادشاہ دے مردیاں سار ہی
ہزاراں لوکی اپنے ہتھ اسمان ول چلکدے تے خُداوند کریم اگے بڑی عاجزی تے
انکساری نال دُعاواں منگ دے تے کہندے:

”یا رحیم، یا غفار، دو جہان دے مالک تے مختار، ”ہُما“ نوں ساہڈے سر
تے اُتار تاں بے اسیں وی تیری بخشی ہوئی دھرتی اُتے کجھ چرلئی حکومت
کریئے اتے دُنیا دیاں باغ بہاراں دے مزے لئیئے تے موجاں ماریئے۔“
ہزاراں واجاں ربی مانکرو دیوسٹم، ای میل تے ایس ایم ایس
رائیں دو جہان دے والی تیکر مُجیدیاں۔ مولا، مُشکل کشا اپنی بنائی ہوئی
مخلوق دی تابعداری تے فرمانبرداری تے نش ہندا اتے کسے اک خوش بخت

اُتے اپنی رحمتاں تے نواز شاں دی بارش کر دیندا۔

..... اک واری جد مُلک عدن دا بادشاہ خاک ’سچ سما گیا تاں عدن دے وسپکاں اپنی بخشِ بختی لئی دُعاواں منگنیاں شروع کر دتیاں اک وڈی حویلی اندر بیٹھا مالدار وپاری جائے نماز تے سجدے پیا اللہ تبارک تعالیٰ اگے رگو رگو اکے دُعا منگ رہی سی :

’یا اللہ! میں ہمیشاں تیری عبادت کیتی اے۔ تیری راہ وِچ سخاوت کیتی اے۔ تیرے ہر حکم اگے سیس جھکا یا اے۔ تیری مخلوق دی دل جوئی کیتی اے ایس لئی میرے مولا بادشاہ گر پکھی ’’ہُما‘‘، تُوں میرے سر اُتے اڈاری مارن دا حکم فرما۔ اوہدا سایہ میرے سر اُتے پاتے مینوں بادشاہ بنا جے انج ہو یا تاں میں دلش وِچ امن تے سلامتی قائم کراں گا۔ مذہبی تے سیاسی آزادی لوکاں دا بنیادی حق ہو ویے گا۔ دھرم، رنگ، نسل دے آدھار تے کوئی وِٹکر انہیں ہو ویے گا۔ ذات برادری تے نظریے دی بنیاد تے کوئی تفریق نہیں کراں گا۔ کسے تُوں دکھ نہیں دیاں گا۔ ہر اک نال انصاف کراں گا۔ مُلک تُوں بخش حال بنانواں گا۔ قوم تُوں بخش رکھاں گا۔ میرے مولا! میری فریاد سُن لے تے میرے اُتے اہ کرم کر دے۔‘ وپاری دی داد فریاد چا کرنے وی سُنی۔ اوہنیں ڈردے ڈردے اپنے آقا ساہمنے اہ عرض گزاری۔

’میرے آقا! جے جان بخشی ہو ویے تاں میں وی رب سچے اگے اپنے لئی دُعا منگاں؟‘

وپاری نے جد آگیا دتی تاں غلام نے اپنے ہتھ دُعا لئی چُکے تے کہن لگا :
 ’’خداوندِ برحق! جے کل سویرے ’’ہُما‘‘ میرے سر اُتے اڈاری مارے اتے میں بادشاہ بن جانواں تاں میں قوم تے ایسا ظلم کراں گا پئی چنگیز تے ہلاکو دیاں

رُوحاں وی کنبھ جان - میری حکومت وِج بربریت دا اُہ ننگا ناچ ہووے گا کہ
 مُلک دیاں آون والیاں سینکڑے نسلاں میراناں سُن کے لرزن گیاں میں ظلم
 تے عیاشی تُوں اپنی حکومت دا مقصد بنانواں گا - میرے اللہ! میری دُعا قبول
 کرتے مینوں صرف اک واری ایس مُلک دا بادشاہ بنادے -‘

صدقے جانیے رب سچے دی بے پرواہی تے بے نیازی دے پئی
 اوہنیں غلام دی دُعا سُن لئی اگلی سویرے ”ہُما“ دا سایہ غلام دے مبارک
 سرتے جلوہ افروز ہويا تے اُہ مُلک عدن دا بادشاہ بن گیا -

بادشاہ بندیاں ہی اوہنیں اپنے سوہنے رب نال کہتے ہووے وعدے
 نوں نبھایا تے قوم اُتے اُہ ظلم کہتے پئی چاروپا سے ہا ہا کارمچ گئی اوہنیں پوری
 قوم تُوں پٹھی چھری نال ذبح کیتا - کسے نو نہہ دھی دی عزت سلامت نہیں رہی -
 بادشاہ دی شان دے خلاف اک شہدوی بولن والیاں دے سردھڑتوں دکھ کر
 دتے جاندے - چھاپے، تلاشیاں، گولیاں، جیلاں تے سولیاں قوم دا نصیب بن
 گیاں - اخیر جد لوکاں ’بج برداشت دی طاقت مک گئی تے قوم ظلم نال ٹڈھال
 ہو گئی تاں اوہناں دے کجھ نمائندیاں نے بادشاہ تُوں ملن دامن بنایا - اتے
 اپنے وفد دی اگواہی لئی اوسوتا جرنوں چُپیا پئی جیدے کول بادشاہ کدے چا کری
 کردا سی - جد تا جرنوں لے کے بادشاہ دے محل ’بج وڑھیا تاں بادشاہ
 سلامت نے صرف وفد دے آگوناں ملن دی حامی بھری اتے جد تا جرن بادشاہ
 دے رُوبرُ وِپیش ہويا تاں بادشاہ اپنے پُرانے آقا تُوں ویکھ کے بوہت حیران
 ہويا اُہ اپنے پُرانے آقا دی عزت افزائی لئی تحت تُوں اٹھیا تے اوہنوں
 بڑے احترام نال گُرسی پیش کیتی تے پچھیا -

”میرے آقا! تُوں اُج کنج قصر شاہی وِج آون دی کھچل کیتی اے؟“

آقا نے جد عوام دی ماڑی حالت بیان کیتی تے بادشاہ نوں ظلم بند کرن دی بنیتی کیتی تاں بادشاہ کھل کے ہسیتے کہن لگا۔

”آقا! اُہ دن یاد کرو..... جد میں تہاڑی چاکری کردا ہندا ساں۔
 اک دن تہاں تے میں..... اکو جگہ بہہ کے مولا سائیں اگے وکھ وکھ دُعا منگی سی
 آقا! تہاں فرمایا سی پئی جے تہیں بادشاہ بنو گے تاں قوم دی جھولی ٹخیاں نال
 بھر دیو گے اتے میں کہیا سی پئی جے میں بادشاہ بن گیا تاں قوم اُتے ایسے
 ڈا ہڈے ظلم کراں گا کہ چنگیز تے ہلاکو دیاں رُوحاں کنہہ اٹھن گیاں.....
 آقا! پروردگار نے میری دُعا قبولی سی،..... تہاڑی نہیں۔ ایس لئی میں تے صرف
 اپنے رب نال کیتا ہویا وعدہ نبھا رہیاں..... اتے سچ پکھوتاں میں نہیں،.....
 سگوں رب سچا اپنا وعدہ پورا کر رہیا اے۔ کیوں جو اوہدا فرمان اے پئی جدوں
 کسے قوم دے گناہواں دی پنڈھ بھاری ہو جاوے تے لوکی سرکشی تے بے راہ
 روی دیاں حداں ٹپ لین تان اللہ سائیں اوہناں اُتے ظالم تے جابر حکمران
 مسلط کر دیندا اے۔

بادشاہ دیاں گلاں سن کے وپاری بڑا نموجھان ہویا۔ اوہدا مومنہ ڈھلا
 پے گیا تے اُہ منڈی پٹھاں سٹ کے شاہی محل چوں باہر آ گیا۔

